



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




L 385



HARVARD
COLLEGE
LIBRARY



**POETAE SCÉNICI
LATINORUM.**



THE ANNALS OF

THE GEOGRAPHICAL

AND

THE HISTORY OF

THE

OF THE

OF THE

L. ANNAEI SENECAE
TRAGOEDIAE.

RECENSUIT

FRIDERICUS HENRICUS BOTHE.

LIPSIÆ,
APUD HENR. WEINDEL.

MDCCCXXXIV.

1927
44-54
2-3

POETAE SCENICI LATINORUM.

COLLATIS CODD. BEROLINENSIBUS, FLORENTINO,
FRIBURGENSE, GOTHANO, GUELPHERBYTANIS, HELM-
STADIENSIBUS, MONACENSE, PALATINO, PARISIO,
ULTRAIECTINO, ALIISQUE SPECTATAE FIDEI
LIBRIS,

RECENSUIT

FRIDERICUS HENRICUS BOTHE.

VOLUMEN TERTIUM.

SENECA.

LIPSIÆ,


APUD HENR. WEINDEL.

MDCCCXXIV.

L 385



HARVARD
COLLEGE
LIBRARY



**POETAE SCENICI
LATINORUM.**



ANNUAL REPORT

TRAGEDIA

THE

THE

THE

THE

THE

①

L. ANNAEI SENECAE
TRAGOEDIAE.

RECENSUIT

FRIDERICUS HENRICUS BOTHE.

LIPSIÆ,
APUD HENR. WEINDEL.
MDCCCLXXXIV.

1927
44-54
2-3

9

POETAE SCENICI LATINORUM.

COLLATIS CODD. BEROLINENSIBUS, FLORENTINO,
FRIBURGENSE, GOTHANO, GUELPHERBYTANIS, HELM-
STADIENSIBUS, MONACENSE, PALATINO, PARISIO,
ULTRAIECTINO, ALIISQUE SPECTATAE FIDEI
LIBRIS,

RECENSUIT

FRIDERICUS HENRICUS BOTHE.

VOLUMEN TERTIUM.

SENECA.

LIPSIÆ,
APUD HENR. WEINDELL.

MDCCCXXIV.

2385

BOHME SCIENTIFIC

LIBRARY

LIBRARY OF THE
BOHME SCIENTIFIC
LIBRARY
LIBRARY

RECEIVED

FREDERICK HENRICH BOHME

LIBRARY

LIBRARY

LIBRARY

LIBRARY

DE L. ANNAEO SENECA

EXCERPTA

EX J. A. FABRICII BIBLIOTHECA LATINA,

CUM

ADDITAMENTIS QUIBUSDAM EDITORIS.

L. *Annaeus Seneca, M. Annaei filius, una cum Afranio Burro rector imperatoriae juventutis, postquam senatoria dignitate, quaestura praeturaque et aliis honoribus, functus esset, et Stoicis, licet neget (Epist. 45. et libri de vita beata cap. 3.), addictus inter philosophos magnum sibi nomen comparasset, ab eodem Nerone, quem instituerat, vita excedere jussus, ferro sibi ipse venas exsolvit, balneumque ingressus obiit anno Chr. 65., Neroniani regni 12., triennio post Burri mortem, morum vitiorumque publicorum sui temporis descriptor verissimus et accusator acerrimus Lactantio 5, 9, optimus excultorum, mentisque colonus, ut bene vocatur ab Alano lib. 1. Anti-Claudiani. Mores ipsius et vitam logmatibus haud respondisse, innuit Dio lib. 61. p. 64., qui magis audiendus est lib. 59. p. 655., ubi Senecam ait omnes tum Romanos multosque alios sapientia antecessisse. Nam ut Tacitus, severus et ipse morum censor, Ann. 14, 52. tradit, criminationes illae*

fuerunt invidorum, post Burri mortem ad deteriores inclinante Nerone, nec bona Senecae consilia amplius audiente, hunc adorientium.

Ejus vitam praeter Lipsium et Andr. Schottum non indiligenter persecutus est M. Antonius Delrio, qui librum 2. prolegomenon ad Syntagma tragoediae lat. vitae Senecae describendae impendit. Aliis Christianus plane theologus visus fuit Seneca, atheus aliis, ita ut nimias alii laudes in eum congerendo, alii conviciis virum onerando et maledictis, modum utrinque excesserint. Ut vero, et doctrinae copia et scribendi elegantia longe multumque omnibus obtrectatoribus suis praestitisse Senecam, vere mihi videtur affirmasse Muretus: ita non magis atheum fuisse illum persuadeo mihi quam Christianum, nec magis contaminatum omnibus sceleribus hypocritam, quam ex Sanctis aliquem aut Angelum; sed non malae indolis neque absurdi iudicii hominem, qui ex philosophia Stoica tantum profecerit, ut in se descendere et providentiae divinae consideratione sustinere animum, tum vanitatem ambitionis avaritiaeque et voluptatis stultitiam agnoscere potuerit etiam in affluentia omnium rerum, in negotiorum mole et aulae maximae luxu ac magnificentia; qui denique res secundas non minus quam adversas et mortem ipsam didicerit ferre fortiter, quod non verbis, sed factis demonstravit; facile etiam praemii loco laturus vitae et honorum propagationem, si eam obsequio qualicunque in Neronis effrenes cupidines et funesta reip. consilia redimere voluisset.

Exstant ejus de Ira libri 3. ad Novatum fratrem sub Caligula scripti; ad Helviam matrem de Consolatione liber, compositus, cum instinctu Messalinae in Corsicam insulam a Claudio imperatore relegatus esset; liber de Consolatione ad Polybium, Claudii, cui a studiis fuit, libertum, fratris morte afflictum, scriptus, non sine crimine adulationis, anno circiter exsilii tertio,

sed hodie magna sui parte ab initio mutilus; liber de Consolatione ad Marciam, A. Cremutii Cordi, a Sejano circumventi, filiam, nati sui Metilii obitum lugentem; de Providentia liber, extrema, ut videtur, parte mutilus, ad Lucilium, procuratorem Siciliae; de Animi tranquillitate ad praefectum vigilum Neronis, Annaeum Serenum; de Constantia sapientis, sive Quod in sapientem non cadit injuria, ad eundem Serenum; de Clementia ad Neronem Caesarem liber primus et secundi pars, cum tres fuisse videantur: vide Hildeberti Cenomanensis Epist. 1, 3; de Brevitate vitae ad Paulinum, uxoris fortasse suae Paulinae fratrem, ut contendit Lipsius; de Vita beata liber in fine mutilus ad fratrem Gallionem sive Novatum; pars libri de Otio aut secessu, male olim annexa superiori libro; de Beneficiis libri 7. ad Aebutium Liberalem, Lugdunensem, cujus mentio epist. 91.; epistolae 124. ad Lucilium, Siciliae procuratorem, cui ex illis immortalitatem pollicetur epist. 21.; Naturalium quaestionum ad eundem Lucilium, quem virorum optimum, et 3, 36. carissimum appellat, libri 7., qui magnam partem versantur circa Meteorologica; Ἀποκολοκύντῳσις, sive ludus in Claudium imperatorem; denique 9. tragoediae (nam decima, Octavia, Senecae esse non potest), quas nunc emendatiores damus, recte illas quidem philosopho nostro tributas omnes ab Joh. Isac. Pontano, cum Lipsius Dan. Heinsius aliique partem earum ab eo abjudicassent.

De perditis Senecae scriptis, eique suppositis, item de versionibus germanicis, Anglicis, aliisque, dicere hoc loco nihil attinet, ubi brevitati maxime studemus. Editionum autem Operum ejus omnium (nam singula quaedam aliquanto prius excusa sunt) philosophicorum princeps videtur esse Tarvisina, quam, patris quoque Senecae Declamationes continentem, Bernardus de Colonia impressit a. 1478. fol.; optimae sunt Parisina a. 1602., fol., cum notis Erasmi Roterodam., Mureti, in-

**POETAE SCENICI
LATINORUM.**



L. ANNAM SENGUPE

TRAGEDIA

TRAGEDIA

TRAGEDIA

TRAGEDIA

TRAGEDIA

TRAGEDIA

L. ANNAEI SENECAE
TRAGOEDIAE.

RECENSUIT

FRIDERICUS HENRICUS BOTHE.

LIPSIÆ,
APUD HENR. WEINDEL.

MDCCCXXXIV.

1927
44-54
2-3

9

POETAE SCENICI

L A T I N O R U M.

COLLATIS CODD. BEROLINENSIBUS, FLORENTINO,
FRIBURGensi, GOTHANO, GUELPHERBYTANIS, HELM-
STADIENSIBUS, MONACENSI, PALATINO, PARISIO,
ULTRAIECTINO, ALIISQUE SPECTATAE FIDEI
LIBRIS,

RECENSUIT

FRIDERICUS HENRICUS BOTHE.

VOLUMEN TERTIUM.

SEN E C A.

L I P S I A E,
A P U D H E N R. W E I N E D E L.

M D C C C X X X I V.

ALIUD ARGUMENTUM

HIERONYMI BALBI.

Maximus Alcides Stygio remeabat ab orbe
Victor, Tartareumque canem sub vincla trahebát.
Sed Juno, irarum nondum veterumque dolorum
Immemor, anguiferam nigranti sede Megaeram
Excitat: illa faces Phlegethontis ab amne petitas . 5
Corpus in Herculeum jacit, instillatque venenum.
Tum vero Alcides, furiis actensus amaris,
Saevit, inops animi, et geminos cum conjuge natos
(Proh scelus!) ante aras indignâ morte peremit.
Ast ubi Gorgoneos male sanâ mente furores 10
Expulit, et dirum novit mens conscia crimen:
Ingemit, invisam cupiens abrumpere vitam.

ACTUS PRIMUS.

JUNO sola.

Juno Jovis furta, pellices, nothos, Herculem autem maxime stomachatur, qui ab inferis reversus objectâ insanâ uxorem et liberos occidit.

SOROR Tonantis (hoc enim solum mihi
Nomen relictum est), semper alienum Jovem
Ac templa summi vidua deserui aetheris,
Locumque, coelo pulsa, pellicibus dedi.
Tellus colenda est: pellices coelum tenent.
Hinc Arctos altâ parte glacialis poli
Sublime classes sidus Argolicas agit;
Hinc, quâ tepenti vere laxatur dies,
Tyriae per undas vector Europae nitet;
Illinc timendum ratibus ac ponto gregem
Passim vagantes exserunt Atlantides.
Ferro minaci hinc terret Orion deos:
Suasque Perseus aureus stellas habet.
Hinc clara gemini signa Tyndaridae micant,
Quibusque natis mobilis tellus stetit.
Nec ipse tantum Bacchus, aut Bacchi parens,
Adiere Superos: ne qua pars probro vacet,
Mundus puellae sertâ Gnossiacae gerit.
Sed vetera querimur: una me dira ac fera
Thebana nuribus sparsa tellus impiis
Quoties novercam fecit? Escendat licet,
Meumque victrix teneat Alcmenae locum;
Pariterque natus astra promissa occupet,
In cujus ortus mundus impendit diem,
Tardusque Eoo Phoebus effulsit mari,
Retinere mersum jussus Oceano jubar.

Vers. 12. Codices Lipsii, Palatini et ipse Florentinus in rasura, item veteres editiones, in his Caroli Fernandi Parisia: *Pera coma hinc extaret.* 21. Ita Florent, et Urbinae Torkilli Badenii. Vulgo: *ascendas.*

Non sic abibunt odia: vivaces aget
 Violentus iras animus, et saevus dolor
 Aeterna bella pace sublata geret. —
 Quae bella? Quidquid horridum tellus creat 30
 Inimica; quidquid pontus aut aer tulit
 Terribile, dirum, pestilens, atrox, ferum;
 Fractum atque domitum est; superat et crescit malis,
 Iraque nostra fruitur; in laudes suas
 Mea vertit odia. Dum nimis saeva impero: 35
 Patrem probavi, gloriae feci locum.
 Quam Sol reducens, quaque deponens diem
 Binos propinqua tingit Aethiopas face,
 Indomita virtus colitur, et toto deus
 Narratur orbe. Monstra jam desunt mihi; 40
 Minorque labor est Herculi jussa exequi,
 Quam mihi jubere; laetus imperia excipit.
 Quae fera tyranni jussa violento queant
 Nocere juveni? Nempe pro telis gerit,
 Quae timuit et quae fudit: armatus venit 45
 Leone et hydra. Nec satis terrae patent:
 Effregit ecce! limen inferni Jovis,
 Et opima victi regis ad Superos refert.
 Parum est reverti: foedus Umbrarum perit.
 Vidi ipsa, vidi, nocte discussa Inferum 50
 Et Dite domito, spolia jactantem patri
 Fraterna. Cur non victum et oppressum trahit
 Ipsum catenis paria sortitum Jovi,
 Ereboque capto potitur et reteggit Styga?
 Patefacta ab imis Manibus retro via est, 55
 Et sacra dirae Mortis in aperto jacent.
 At ille, rupto carcere Umbrarum, ferox
 De me triumphat, et superba manu
 Atrum per urbes ducit Argolicas canem.
 Viso labantem Cerbero vidi diem, 60
 Pavidumque solem; me quoque invasit tremor.
 Et terna monstri colla devicti intuens,
 Timui imperasse. Levia sed nimium queror:
 Coelo timendum est, regna ne summa occupet,
 Qui vicit ima. Sceptra praeripiet patri, 65
 Nec in astra lenta veniet, ut Bacchus, via:
 Iter ruina quaeret, et vacuo volet
 Regnare mundo. Robore experto tumet,
 Et posse coelum viribus vinci suis
 Didicit ferendo; subdidit mundo caput, 70
 Nec flexit humeros molis immensae labor,

HERCULES FURENS. ACT. I.

7

Mediusque collo sedit Herculeo polus;
 Immota cervix sidera et coelum tulit,
 Et me prementem. Quaerit ad Superos viam.
 Perge, Ira, perge, et magna meditantem opprime! 75
 Congredere! manibus ipsa dilacera tuis!
 Quid tanta mandas odia? Discedant ferae;
 Ipse imperando fessus Eurysiheus vacet;
 Titanas ausos rumpere imperium Jovis
 Emitte; Siculi verticis laxa specum: 80
 Tellus gigante Doris excusso tremens
 Supposita monstri colla terrifici levat;
 Sublimis alias Luna concipiat feras.
 Sed vicit ista. Quaeris Alcidae parem?
 Nemo est, nisi ipse: bella jam secum gerat. 85
 Adsint ab imo Tartari fundo exitae
 Eumenides; ignem flammeae spargant comae;
 Viperea saevae verbera incutiant manus.
 I nunc, superbe, coelitum sedes pete!
 Humana temne! Jam Styga et Manes, ferox, 90
 Fugisse credis? Hic tibi ostendam Inferos!
 Revocabo in altâ conditam caligine
 Ultra nocentum exilia discordem deam,
 Quam munit ingens montis oppositi specus!
 Educam et imo Ditis e regno extraham, 95
 Quidquid relictum est! Veniat invisum Scelus,
 Suumque lambens sanguinem impietas ferox,
 Errorque, et in se semper armatus Furor!
 Hoc, hoc ministro noster utatur dolor.
 Incipite, famulae Ditis: ardentem citae 100
 Concutite pinum, et agmen horrendum anguibus
 Megaera ducat, atque luctificâ manu
 Vastam rogo flagrante corripit trabem!
 Hoc agite: poenas petite violatae Stygis!
 Concutite pectus! acrior mentem excoquat, 105
 Quam qui caminis ignis Aetnaeis furit!
 Ut possit animum captus Alcides agi,
 Magno furore percitus: nobis prius
 Insaniendum est. Juno, cur nondum furis?

85. Achilles Statius in commentariis Arateis ita scribit de luna:
 ἡνὶ ἐκ' αὐτῆς ὀμνέειν ἄλλην ποταμούς τε καὶ ὄσα ἐπὶ γῆς, καὶ τὸν
 νέον αὖ Νημεαῖον ἐκείθεν ποτὶν μυθολογοῦσι. Vide Angeli Politiani
 Miscellan. 17, apud Gruterum Facis Artium vol. 1. p. 30. Lau-
 dat Achillem Jul. Firmicus in Matheseos libris. 100. Ita Florus
 Vulgo: incitae. 107. animum libri plurimi et bonae notae. Florus
 quidam Palati. et vulgus editionum, in his Gronoviana: animo

Me, me, sorores, mente dejectam meâ 110
 Versate primam, facere si quidquam adparo
 Dignum nevertâ. Jam odia mutantur mea:
 Gnatos reversus videat incolumês, precor,
 Manuque fortis redeat. Inveni diem,
 Invisa quo nos Herculis virtus juvet: 115
 Me pariter et se vincat, et cupiat mori
 Ab Inferis reversus. Hic prosit mihi,
 Jove esse genitum. Stabo, et, ut certo exeant
 Emissa nervo tela, librabo manum,
 Regam furentis arma, pugnanti Herculi 120
 Tandem favebo. Scelere perfecto licet
 Admittat illas genitor in coelum manus.
 Movenda jam sunt bella: clarescit diês,
 Ortuque Titan lucidus croceo subit.

CHORUS THEBANORUM.

Chorus e Thebanis a descriptione ortus diei magnatum curas atque
 diæque damnat, Herculem audaciæ in laboribus subeundis
 taxat, vitæ denique humilis laudat optatque tranquillitatem.

JAM rara micant sidera prono a. d. et m. 125
 Languida mundô; nox victa vagos
 Contrahit ignes luce renatâ;
 Cogit nitidum Phosphores agmen;
 Signum celsi glaciale poli
 Septem stellis Arcades ursae 130
 Lucem verso temone vocant;
 Jam caeruleis evectus aquis
 Titan summo prospicit Oetâ;
 Jam Cadmeis inclyta Bacchis
 Adpersa die dumeta rubent, 135
 Phoebeique fugit reditura soror.
 Labor exoritur durus, et omnes
 Agitat curas, aperitque domos.
 Pastor gelidâ cana pruinâ
 Grege dimisso pabula carpit; 140
 Ludit prato liber aperto
 Nondum ruptâ fronte juvencus;
 Vacuae reparant ubera matres;
 Errat cursu levis incerto

132. Sic 2. MSS. Gronovii et Grotius. Vulgo: *equis*. 133. Ita
 codex Mogunt., probante Nic. Heinsio ad Claudiani Gigantom.
 66. V.: *summa*.

HERCULES FURENS. ACT. I.

9

Molli petulans hoedus in herba;	145
Pendet summo stridula ramo,	
Pennasque novo tradere soli	
Gestit, querulos inter nidos	
Thracia pellex; turbaque circa	
Confusa sonat, murmure mixto	150
Testata diem; carbasa ventia	
Credit dubius navita vitae,	
Laxos aurâ complente sinus;	
Hic, exesis pendens scopulis,	
Aut deceptos instruit hamos;	155
Aut suspensus spectat pressâ	
Praemia dextrâ: sentit tremulum	
Linea piscem.	
Haec, innocuae quibus est vitae	
Tranquilla quies, et laeta suo	160
Parvoque domus, spes et in agris,	
Turbine magno Spes sollicitae	
Urbibus errant trepidique Metus,	
Ille superbos aditus regum	
Durasque fores, expertus somni,	165
Colit; hic nullo fine bestas	
Componit opes, gazis inhians,	
Et congesto pauper in auro est.	
Illum populi favor attonitum,	
Fluctuque magis mobile vulgus,	170
Aurâ tumidum tollit inani;	
Hic, clarnosi rabiosa fori	
Jurgia vendens,	
Improbis iras et verba locat,	
Novit paucos secunda quies,	175
Qui, velocis memores aevi,	
Tempora nunquam reditura tenent.	
Dum Fata sinunt, vivite laeti;	
Properat cursu vita citato,	
Volucrique Dia	180
Rota praecipitis vertitur anni.	
Durae peragunt pensa Sorores,	
Nec sua retro fila revolvunt.	
At gens hominum fertur rapida	

161. Dicuntur Spes et Metus in sequentibus. An, igitur hic legendum est *pes* et in agris? *pes*, ἐπίτροπος, modus agri non ita magnus. Sic existimo. Cf. Sen. de Tranqu. an. cap. 10., Cruqu. ad Horat. Sat. 2, 6, 17. 180. Dia, Diei, τῇ Ημέρᾳ. Vertitur Diei, vertitur a Dia.

Obvia fatis, incerta sui;	185
Stygias ultro quaerimus undas.	
Nimum, Alcide, pectore forti	
Properas moestos visere Manes:	
Certo veniunt ordine Parcae.	
Nulli jusso cessare licet,	190
Nulli scriptum proferre diem:	
Recipit populos urna citatos.	
Alium multis gloria terris	
Tradat, et omnes fama per urbes	
Garrula laudet,	195
Coeloque parem tollat et astris;	
Alius curru sublimis eat:	
Me mea tellus	
Lare secreto tutoque tegat.	
Venit ad pigros cana senectus;	200
Humilique loco, sed certa, sedet	
Sordida parvae fortuna domus:	
Alte virtus animosa cadit.	
Sed moesta venit crine soluto	
Megara, parvum comitata gregem.	205
Tardusque senio graditur Alcidae parens.	i. s.

ACTUS SECUNDUS.

MEGARA, AMPHITRYON.

Megara absentiam Herculis deflet enumeratis ipsius aerumnis.
Lyci vim et insolentiam conqueritur. Despondentem animum
Megaram et desperantem consolatur Amphitryon.

MEG. O MAGNE Olympi rector et mundi arbiter,	i. s.
Jam statue tandem gravibus aerumnis modum,	
Finemque cladi! Nulla lux unquam mihi	
Secura fulsit; finis alterius mali	210
Gradus est futuri. Protinus reduci novus	
Paratur hostis. Antequam laetam domum	
Contingat, aliud jussus ad bellum meat.	
Nec ulla requies, tempus aut ullum vacat,	
Nisi dum jubetur. Sequitur a primo statim	215
Infesta Juno: numquid immunis fuit	

215. meat Florent. Ald. Gronov. Alibi legitur exeat. 214
vacat item Florenti, probante N. Heinsio ad Ovid. Trist. 4, 4
77. V.: datur.

HERCULES FURENS. ACT. II.

11

Infantis aetas? Monstra superavit prius,
 Quam nosse posset. Gemina cristati caput
 Angues ferebant ora; quos contra obviis
 Reptavit infans; igneos serpentium 220
 Oculos remisso lumine ac placido intuens,
 Artos serenis vultibus nodos tulit,
 Et, tumida tenerâ guttura elidens manu,
 Prolusit hydrae. Maenali pernix fera,
 Multo decorum praeferens auro caput, 225
 Deprensa cursu est. Maximus Nemeae timor
 Pressus lacertis gemuit Herculeis leo.
 Quid stabula memorem dira Bistonii gregis,
 Suisque regem pabulum armentis datum?
 Solitumque densis hispidum Erymanti jugis 230
 Arcadia quaterè nemora Maenaliū suem?
 Taurumque centum non leuem populis metum?
 Inter remotos gentis Hesperiae greges
 Pastor triformis littoris Tartessii
 Peremptus, acta est praeda ab occasu ultimo; 235
 Notum Cithaeron pavit Oceano pecus,
 Penetrare jussus solis aestivi plagas,
 Et adusta medius regna quae torret dies,
 Utrinque montes solvit; abrupto objice
 Latam ruenti fecit Oceano viam. 240
 Post haec, adortus nemoris opulenti domos,
 Aurifera vigilis spolia serpentis tulit,
 Quid? saeva Lernae monstra, numerosum malum,
 Non igne demum vicit et docuit mori?
 Solitasque pennis condere obductis diem 245
 Petiit ab ipsis nubibus Stympthalidas?
 Non vicit illum caelibus semper tori
 Regina gentis vidua Thermodontiae;
 Nec ad omne clarum facinus audaces manus
 Stabulis fugavit turpis Augiae labor. 250
 Quid ista prosunt? Orbe defenso caret,
 Sensere terrae pacis auctorem suae
 Abesse terris. Prosperum ac felix scelus
 Virtus vocatur; sontibus parent boni;

240. *Latam* Lipsian. Flor. Gronov. Schræder., qui simul intelligendus est in his notis, ubicunque nominatur Gronovius, cuius repetit editionem, paucis additis propriis. Recte locum interpretavit Torkill. Baden., qui locus sic se habet in vulgatis libris: *U. m. solvit abrupto objice, Et jam r. f. O. v. Malit Gron. i ac rupto.* 250. *Stabulis* MS. Cruser. apud Is. Pontanum, h. e. a stabulis. Cf. Octav. 1, 2. V.; *Stabuli*.

Jus est in armis, opprimit leges timor. 255
 Ante ora' vidi nostra truculentâ manu
 Gnatos paterni cadere regni vindices,
 Ipsamque Cadmi nobilis stirpem ultimam
 Occidere; vidi regium capitis decus
 Cum capite raptum. Quis satis Thebas fleat? 260
 Ferax deorum terra, quem dominum tremis,
 E cujus arvis eque foecundo sinu
 Stricto juventus orta cum ferro stetit;
 Cujusque muros natus Amphion Jove
 Struxit, canoro saxa modulatu trahens; 265
 In cujus urbem non semel divum parens
 Coelo relicto venit? Haec, quae coelites
 Recepit, et quae fecit, et (fas sit loqui)
 Fortasse faciet, sordido premitur jugo!
 Cadmea proles civitasque Amphionis, 270
 Quo decidistis? tremitis ignavum exulem,
 Suis carentem finibus, nostris gravem?
 Qui scelera terrâ quique persequitur mari,
 Ac saeva justâ sceptrâ confringit manu,
 Nunc servit absens, fertque quae ferri vetat, 275
 Tenetque Thebas exul Herculeas Lycus.
 Sed non tenebit: aderit et poenas petet.
 Subitusque ad astra emerget! Inveniet viam,
 Aut faciet! adsis sospes et remees, precor,
 Tandemque venias victor ad victam domum! 280
 Emerge, conjux, atque dispulsas manu
 Abrumpe tenebras! Nulla si retro via,
 Iterque clausum est: orbe diducto redi,
 Et quidquid atrâ nocte possessum latet,
 Emitte tecum! Dirutis qualis jugis 285
 Praeceptis citato flumini quaerens iter
 Quondam stetisti, scissa cum vasto impetu
 Patuere Tempe (pectore impulsus tuo
 Huc mons et illuc cecidit, et rupto aggere
 Novâ cucurrit Thessalus torrens viâ): 290
 Talis parentes, liberos, patriam petens,
 Erumpe, rerum terminos tecum efferens;
 Et quidquid avida tot per annorum gradus
 Abscondit aetas, redde; et oblitus sui
 Lucisque pavidos ante te populos age. 295
 Indigna te sunt spolia, si tantum refers,
 Quantum imperatum est. Magna sed nimium loquor,
 Ignara nostrae sortis. Unde illum mihi,
 Quo te tuamque dexteram amplectar, diem,

HERCULES FURENS. ACT. II.

13

Reditusque lentos nec mei memores querar? 600
 Tibi, o deorum ductor, indomiti ferent
 Centena tauri colla; tibi, frugum potens,
 Secreta reddam sacra; tibi mutâ fide
 Longas Eleusin tacita jactabit faces,
 Tum restitutas fratribus rebor meis 605
 Animas, et ipsum regna moderantem sua
 Florere patrem. Si qua te major tenet.
 Clausum potestas: sequimur. Aut omnes tuo
 Defende reditu sopes, aut omnes trahere! —
 Trahes, nec ullus eriget fractos deus. 610
 AMPH. O socia nostri sanguinis, castâ fide
 Servans torum natosque magnanimi Herculis,
 Meliora mente concipe, atque animum excita!
 Aderit profecto, qualis ex omni solet
 Labore, major. MEG. Quod nimis miseri volunt, 615
 Hoc facile credant. AMPH. Imo quod metuunt nimis,
 Nunquam moveri posse nec tolli putant:
 Prona est timori semper in pejus fides.
 MEG. Demersus ac defossus et toto insuper
 Oppressus orbe, quam viam ad Superos habet? 620
 AMPH. Quam tunc habebat, cum per arentem plagam
 Et fluctuantes more turbati maris
 Abiit arenas, bisque discedens fretum
 Et bis recurrens; cumque desertâ rate
 Deprensus haesit syrtium brevibus vadis, 625
 Et puppe fixâ maria superavit pedes.
 MEG. Iniqua raro maximis virtutibus
 Fortuna parcit. Nemo se tuto diu
 Periculis offerre tam crebris potest,
 Quem saepe transit casus, aliquando invenit. 630
 Sed ecce! saevus ac minas vultu gerens,
 Et qualis animo est, talis incessu venit,
 Aliena dextrâ sceptrâ concutiens Lycus.

LYCUS, MEGARA, AMPHITRYON.

Lycus, Thebis a Creonte in exilium missus, Hercule ad Inferos profecto, caeso Creonte cum filiis, quò regnum occupatum sibi firmet, Megarae nuptias ambit, abnuenti vim minatur.

LYC. Urbis regens opulenta Thebanæ loca, i. s.
 Et omne quidquid uberi cingit solo 635

317. Ita Flor., probante Jac. Gronovio. V.: amoveri.

Obliqua Phocis, quidquid Ismenos rigat,
 Quidquid Cithaeron vertice excelso videt,
 Et bina findens Isthmos exilis freta,
 Non vetera patriae jura possideo domus
 Ignavus heres: nobiles non sunt mihi
 349
 Avi, neque altis inclytum titulis genus;
 Sed clara virtus. Qui genus jactat suum,
 Aliena laudat. Rapta sed trepidâ manu
 Sceptra obtinentur? Omnis in ferro est salus.
 Quod civibus tenere te invitis scias,
 345
 Strictus tuetur ensis. Alieno in loco
 Haud stabile regnum est; una sed nostras potest
 Fundare vires, juncta regali face
 Thalamisque, Megara: ducet e genere inclyto
 350
 Novitas colorem nostra, Non equidem reor
 Fore ut recuset ac meos spernat toros,
 Quod si impotenti pertinax animo abnuet:
 Stat tollere omnem penitus Herculeam domum.
 Invidia factum ac sermo popularis premet?
 355
 Ars prima regni posse ad invidiam pati.
 Tentemus igitur; fors dedit nobis locum:
 Namque ipsa, trîsti vestis obtentu caput
 Velata, juxta praesides adstat deos,
 Laterique adhaeret verus Alcidae sator.
 360
 MEG. Quidnam iste, nostri generis exitium ac lues,
 Novi parat? quid tentat? LYC. O clarum trahens
 A stirpe nomen regiâ, facilis mea
 Parumper aure verba patienti excipe,
 Si aeterna semper odia mortales gerant,
 365
 Nec coëptus unquam cedat ex animis furor,
 Sed arma felix teneat, infelix paret:
 Nihil relinquent bella; tum vastis ager
 Squalabit arvis; subditâ tectis face
 Altus sepultas obruet gentes cinis,
 Pacem reduci velle victori expedit,
 370
 Victo necesse est; particeps regno veni!
 Sociemur animis! pignus hoc fidei cape:
 Continge dextram! — Quid truci vultu siles?
 MEG. Egone ut parentis sanguine adpersam manum
 Fratrumque geminâ caede contingam? Prius 375

344. Ita Gruter. V.: — obtinentur; omnis etc. 355. Sic meliores libri; hoc est: posse contra invidiam se sustinere, *μαρτυρεῖν*. Male recentiores: posse te inn. pati, 364. gerant Flor. Lipsian. Ascens. Ald., sicut cedat, teneat, paret. Minus recte legitur agent, 372. Ita Flor. V.: Sociemur animos, quod minus elegans.

Extinguet Ortus, referet Occasus diem;
 Pax ante fida nivibus et flammis erit,
 Et Scylla Siculum junget Ausonio latus;
 Priusque multo vicibus alternis fugax
 Emipus undâ stabit Euhoicâ piger, 380
 Patrem abstulisti, regna, germanos, larem,
 Patriam: quid ultra est? Una res superest mihi,
 Fratre ac parente carior, regno ac lare:
 Odium tui, quod esse cum populo mihi
 Commune doleo: pars quota ex illo mea est? 385
 Dominare tumidus! spiritus altos gere!
 Sequitur superbos ultor a tergo deus.
 Thebana novi regna, Quid matres loquar
 Passas et ausas scelera? quid geminum nefas,
 Mixtumque nomen conjugis, gnati, patris? 390
 Quid bina fratrum castra? quid totidem rogos?
 Riget superba Tantalus luctu parens,
 Moestusque Phrygio manat in Sipylo lapis.
 Quin ipse, torvum subrigens cristâ caput,
 Illyria Cadmus regna permensus fugâ, 395
 Longas reliquit corporis tracti notas.
 Haec te manent exempla. Dominare, ut lubet,
 Dum solita regni fata te nostri vocent.
 Lyc. Agedum, efferatas, rabida, voces amove,
 Et discè regum imperia ab Alcide pati, 400
 Ego rapta quamvis sceptrâ victricî geram
 Dextrâ, regamque cuncta sine legum metu,
 Quas arma vincunt: pauca pro causâ loquar
 Nostrâ. Cruento cecidit in bello pater?
 Cecidere fratres? Arma non servant modum, 405
 Nec temperari facile nec reprimi potest
 Stricti ensis ira; bella delectat cruor. —
 Sed ille regno pro suo, nos improbâ
 Cupidine acti. — Quaeritur belli exitus,
 Non causa. Sed nunc pereat omnis memoria, 410
 Cum victor armâ posuit, et victum decet
 Deponere odia. Non ut inflexo genu
 Regnantem adores, petimus; hoc ipsum placet,
 Animo ruinas quod capias magno tuas.
 Es rege conjux digna: sociemus toros, 415
 Meg. Gelidus per artus vadit exsanguis tremor.
 Quod facinus aures pepulit? Haud equidem horruî,

385. illo Flor. V.: iste, e littera frequentiore. 399. Grotius ad marginem: superbo.

- Cum pace ruptâ bellicus muros fragor
Circumsonaret; pertuli intrepide omnia:
Thalamos tremisco; capta nunc videor mihi. 420
Gravent catenae corpus, et longâ fame
Mors protrahatur lenta: non vincet fidem
Vis ulla nostram; moriar, Alcide, tua!
- LYC. Animosne mersus Inferis conjux facit?
MEG. Inferna tetigit, posset ut supera adsequi. 425
LYC. Telluris illum pondus immensae premit.
MEG. Nullo premetur onere, qui coelum tulit.
LYC. Cogere. MEG. Cogi qui potest, nescit mori.
LYC. Effare, thalamis quod novis potius parem
Regale munus? MEG. Aut tuam mortem, aut meam. 430
LYC. Morière, demens? MEG. Conjugi occurram meo.
LYC. Sceptrone nostro potior est famulus tibi?
MEG. Quot iste famulus tradidit reges neci!
LYC. Cur ergo regi servit, et patitur jugum?
MEG. Imperia dura tolle, quid virtus erit? 435
LYC. Obici feris monstrisque virtutem putas?
MEG. Virtutis est domare, quae cuncti pavent.
LYC. Tenebrae loquentem magna Tartareae premunt.
MEG. Non est ad astra mollis e terris via.
LYC. Quo patrè genitus coelitum sperat domos? 440
AMPH. Miseranda conjux Herculis magni sile:
Partes meae sunt reddere Alcidae patrem
Genusque verum. Post tot ingentis viri
Memoranda facta, postque pacatum manu,
Quodcunque Titan ortus et labens videt, 445
Post monstra tot perdomita, post Phlegram impio
Sparsam cruore, postque defensos deos,
Nondum liquet de patrè? mentimur Jovem?
Junonis odio crede. LYC. Quid violas Jovem?
Mortale coelo non potest jungi genus. 450
AMPH. Communis ista pluribus causa est deis.
LYC. Famulæ fuerant ante quam fierent dei?
AMPH. Pastor Pheraeos Delius pavit greges. . . .
LYC. Sed non per omnes exul erravit plagas. . . .
AMPH. Quem profuga terra mater errante edidit. 455
LYC. Non monstra saevas Phoebeus aut timuit feras.
AMPH. Primus sagittas imbuît Phœbi draco.
LYC. Quam gravia parvus tulerit ignoras mala?
AMPH. E matris utero fulmine ejectus puer

HERCULES FURENS. ACT. II.

17

Mox fulminanti proximus patri stetit.
 Quid, qui gubernat astra, qui nubes quatit?
 Non latuit infans rupis Idaeae specu?
 Sollicita tanti pretia natales habent,
 Semperque magno constitit nasci deum.
 LYC. Quemcunque miserum videris, hominem scias. 460
 AMPH. Quemcunque fortem videris, miserum neges.
 LYC. Fortem vocemus, cujus ex humeris leo,
 Donum puellae factus, et clava excidit,
 Fulsitque pietum veste Sidoniâ latus?
 Fortem vocemus, cujus horrentes comae 470
 Maduere nardo? laude qui notas manus
 Ad non virilem tympani movit sonum,
 Mitrâ ferocem barbarâ frontem premens?
 AMPH. Non erubescit Bacchus effusus tener
 Sparsiæ crines, nec manu molli levem 475
 Vibrare thyrsus, cum parum forti gradu
 Auso decorum syrma barbarico trahit:
 Post multa virtus opera laxari solet.
 LYC. Teuthrantis hoc fatetur eversi domus,
 Pecorumque ritu virginum oppressi greges. 480
 Hoc nulla Juno, nullus Eurystheus jubet:
 Ipsius haec sunt opera. AMPH. Non nosti omnia;
 Ipsius opus est caestibus fractus suis
 Eryx, et Eryci junctus Antaeus Libys,
 Et qui hospitali caede manantes foci 485
 Bibere justum sanguinem Busiridis.
 Ipsius opus est; vulneri et ferro obvia,
 Mortem coactus integer Cynus pati;
 Nec unus unâ Geryon victus manu.
 Eris inter istos, qui tamen nullo stupro 490
 Laesere thalamos. LYC. Quod Jovi, hoc regi licet:
 Jovi dedisti conjugem: regi dabis,
 Et te magistro non novum hoc discet nurus,
 Etiam viro probante meliorem sequi.
 Sin copulari pertinax taedis negat: 495
 Vel ex coactâ nobilem partum feram.
 MEO. Umbrae Creontis et penates Labdacæ,
 Et nuptiales impii Oedipodæ faces,
 Nunc solita vestro fata conjugio date!
 Nunc, nunc, cruentae regis Aegypti nurus, 500

476. Ita Flor. V.: *Vibrasse*. 499. Sic idem codex. V.: *nostro*.
 500. Conjiect. Gron. legendum esse *cruenti regis*. Malim equidem:
ruenti, hoc est pereunti, vel in terram prae moerore procum-
 bent. Cf. 1048. etc.

Adeste, multo sanguine infectae manus!
 Deest una numero Danaïs: explebo nefas.
 LYC. Conjugia quoniam pervicax nostra abnuis.
 Regemque terras: scepra quid possint, scies.
 Complectere aras: nullus eripiet deus 605
 Te mihi; nec, orbe si remolito queat
 Ad supera victor numina, Alcides, vehi.
 Congerite silvas! templa supplicibus suis
 Injecta flagent! conjugem et totum gregem
 Consumat unus igne subjecto rogos! 510
 AMPH. Hoc munus a te, genitor Alcidae, peto,
 Rogare quod me deceat: ut primus cadam.
 LYC. Qui morte cunctos luere supplicium jubet,
 Nescit tyrannus esse. Diversa inroga:
 Miserum veta perire, felicem iube. 515
 Ego, dum cremandis trabibus adcrevit rogos,
 Sacro regentem maria votivo colam.
 AMPH. Pro numinum vis summa, pro coelestium
 Rector parensque, cujus excussis tremunt
 Humana telis, impiam regis feri 520
 Compesce dextram! — Quid deos frustra precor?
 Ubique es, audi, gnate! — Cur subito labant
 Agitata motu templa? cur mugit solum?
 Infernus imo tonuit e fundo fragor.
 Audimur: est, est sonitus Herculei gradus! 525

CHORUS THEBANORUM.

Actoris partes Chorus officiumque viriliter defendit, precibus Amphitryonia adspirans Herculis reditum vovet, idque arguit Orphei exemplo.

O FORTUNA viris invida fortibus, asclep.
 Quam non aequa bonis praemia dividis!
 „Eurystheus facili regnet in otio;
 „Alcmena genitus bella per omnia
 „Monstris exagitet coeliferam manum: 530
 „Serpentis reseceat colla feracia;
 „Deceptis referat mala sororibus,
 „Cum somno dederit pervigiles genas
 „Pomis divitibus praepositus draco.“

524. Libri: tonuit, cum et sequatur sonitus, et proprium sit in hac re vocabulum tonare. Cf. Troad. 123. Virgil. A. 9, 541.: coelum tonat omne fragore, etc. 525. Ita Flor. Alii: en en, vel en est. 528. Verba Fortunae.

HERCULES FURENS. ACT. II.

19

Intravit Scythiae multivagas domos,
 Et gentes patriis sedibus hospitas;
 Calcavitque freti terga rigentia,
 Et mutis tacitum littoribus mare.
 Illic dura carent aequora fluctibus;
 Et quā plena rates carbasā tenderant,
 Intonsis teritur semita Sarmatis.
 Stat pontus vicibus mobilis annuis,
 Navem nunc facilis, nunc equitem, pati.
 Illic, quae viduis gentibus imperat,
 Aurato religans ilia balteo,
 Detraxit spoliū nobile corpori
 Et peltam et nivei vincula pectoris,
 Victorem posito suspiciens genu.
 Quā spe praecipites actus ad Inferos,
 Audax ire vias irremēabiles,
 Vidisti Siculae regna Proserpinae?
 Illic nulla Noto, nulla Favonio
 Consurgunt timidis fluctibus aequora;
 Non illic geminum Tyndaridae genus
 Succurrunt timidis sidera navibus:
 Stat nigro pelagus gurgite languidum;
 Et cum Mors avidis pallida dentibus
 Gentes innumeras Manibus intulit,
 Uno tot populi remige transeunt.
 Evinças utinam jura ferae Stygis,
 Parcarumque colos non revocabiles!
 Hic qui rex populis pluribus imperat,
 Bello tum peteres Nestoream Pylon,
 Tecum conseruit pestiferas manus,
 Telum tergeminā cuspide praeferens;
 Effugit tenui vulnere saucius,
 Et mortis dominus pertimuit mori.
 Fatum rumpe manu: tristibus Inferis
 Prospectus pateat lucis, et invius
 Limes det faciles ad Superos vias!
 Immites potuit flectere cantibus
 Umbrarum domina et prece supplici
 Orpheus, Eurydicen dum repetit suam.
 Quae silvas et aves saxaque traxerat,
 Ars, quae praebuerat fluminibus moras,
 Ad cujus sonitum constiterant ferae:
 Mulcet non solitis vocibus Inferos,

535

540

545

550

555

560

565

570

575

Et surdis resonat clarius in locis.
 Deflent Eurydicen Threïciae nurus;
 Deflent et lacrimis difficiles dei, 580
 Et, qui fronte nimis crimina tetricâ
 Quaerunt, ac veteres excutiant reos,
 Plentes Eurydicen iuridici sedent.
 Tandem mortis, ait „Vincimur,“ arbiter:
 „Evade ad Superos; lege tandem datâ: 585
 „Tu post terga tui perge viri comes;
 „Tu non ante tuam respice conjugem,
 „Quam cum clara deos obtulerit dies,
 „Spartanique aderit janua Taenari.“
 Odit verus amor nec patitur moras: 590
 Munus dum properat cernere, perdidit.
 Quae vinci potuit regia cantibus,
 Haec vinci poterit regia viribus.

ACTUS TERTIUS.

HERCULES.

Solem ceterosque deos precatur veniam Hercules, quod iussus
 Cerberum Superis invisum traxerit.

O lucis almae rector et coeli decus, i. s. 595
 Qui alterna curru spatia flammifero ambiens,
 Illustre laetis exseris terris caput,
 Da, Phoebe, veniam, si quid illicitum tui
 Videre vultus: iussus in lucem extuli
 Arcana mundi. Tuque, coelestium arbiter
 Parensque, visus fulmine opposito tege; 600
 Et tu, secundo maria qui sceptro regis,
 Imas pete undas! Quisquis ex alto adspicit
 Terrena, facie pollui metuens novâ,
 Aciem reflectat, oraque in coelum erigat,
 Portenta fugiens. Hoc nefas cernant duo, 605
 Qui advexit et quae jussit. In poenas meas
 Atque in labores non satis terrae patent:
 Junonis odio vidi inaccessa omnibus,

592. *cantibus.* Flor.: *carminē.* 594. *almae* Cajetani editio, et commemorat eam lectionem Ascensius, quae quidem numerosior est vulgato *almae.*

HERCULES FURENS. ACT. III.

21

Ignota Phoebo, quaequē deterior polus
Obscura diro spatia concessit Jovi; 610
Et, si placerent tertiae sortis loca,
Regnare. potui. Noctis aeternae chaos,
Et nocte quiddam gravius, et tristes deos
Et fata, vici: morte contemptā redi.
Quid restat aliud? Vidi et ostendi Inferos. 615
Da, si quid ultra est. Tam diu pateris manus
Cessare nostras, Juno? Quae vinci jubes?
Sed templa quare miles infestus tenet,
Limēque sacrum terror armorum obsidet?

MEGARA, AMPHITRYON, HERCULES, THESEUS.

Herculem reducem gratatur Amphitryon. Illi quaerenti narrat,
quo in loco res sint. Dum Hercules proficiscitur ad occiden-
dum Lycum, Theseus rogatus ab Amphitryone exponit, quae
gesserit Hercules apud Inferos.

AMPH. UTRUMNE visus vota decipiunt meos, i. s. 620
An ille domitor orbis et Grajū decus
Tristi silentem nubilo liquit domum?
Estne ille natus? Membra laetitia stupent.
O gnate, certa, at sera, Thebarum salus,
Teneone in auras editum, an vanā fruor 625
Deceptus umbrā? tune es? — Agnosco toros
Humerosque, et alto nobilem trunco manum.
HERC. Unde iste, genitor, squalor, et lugubribus
Amicta conjux? unde tam foedo obsiti
Paedore nati? quae domum clādes gravat? 630
AMPH. Socer est peremptus; regna possedit Lycus;
Gnatos, parentem, conjugem leto petit.
HERC. Ingrata tellus, nemo ad Herculeae domus
Auxilia venit? vidit hoc tantum nefas
Defensio orbis? Cur diem questu tero? 635
Mactetur hostis. THES. Hanc ferat virtus notam,
Fiatque summus hostis Alcidae Lycus?
Ad hauriendum sanguinem inimicum feror.
HERC. Theseu, resiste: ne qua vis subita ingruat.
Me bella poscunt. Differ amplexus, parens; 640
Conjuxque, differ: nunciet Diti Lycus,
Me jam rediisse. THES. Flebilem ex oculis fuga,

617. Quae Flor. V.: Quid. 624. at Gruterus, merito adstipu-
lante Jac. Gronovio. V.: et

Regina, vultum; tuque nato sospite
 Lacrimas cadentes reprime: si novi Herculem,
 Lycus Creonti debitas poenas dabit. 645
 Lentum est, dabit: dat; hoc quoque est lentum: dedit.
 AMPH. Votum secundet, qui potest, nostrum deus,
 Rebusque lapsis adsit! O magni comes
 Magnanime natî, pande virtutum ordinem:
 Quam longa moestos ducat ad Manes via; 650
 Ut vincla tulerit dura Tartareus canis.
 THES. Memorare cogis acta securae quoque
 Horrenda menti. Vix adhuc certa est fides
 Vitalis aurae, torpet acies luminum,
 Hebetesque visus vix diem insuetum ferunt. 655
 AMPH. Pervince, Theseu, quidquid alto in pectore
 Remanet pavoris, neve te fructu optimo
 Frauda laborum. Quae fuit durum pati,
 Meminisse dulce est: fare casus horridos.
 THES. Fas omne mundi, teque dominantem, precor, 660
 Regno capaci; teque, quam totâ erutâ
 Quaesivit Aetnâ mater: ut jura abdita
 Et operta terris liceat impune eloqui.
 Spartana tellus nobile attollit jugum,
 Densis ubi aequor Taenarus silvis premit; 665
 Hic ora solvit Ditis invisi domus,
 Hiatque rupes altâ, et immenso specu
 Ingens vorago faucibus vastis patet,
 Latumque pandit omnibus populis iter.
 Non caeca tenebris incipit primo via: 670
 Tenuis relictæ lucis a tergo nitior
 Fulgorque dubius solis afflictî cadit,
 Et ludit aciem. Nocte sic mixtâ solet
 Praebere lumen primus aut serus dies.
 Hinc ampla vacuis spatia laxantur locis, 675
 In quae omne mersum pereat humanum genus.
 Nec ire labor est: ipsa deducit via.
 Ut saepe puppes aestus invitas rapit:
 Sic pronus aër urget atque avidum chaos,
 Gradumque retro flectere haud unquam sinunt 680
 Umbrae tenaces. Intus immensi sinus
 Placido quieta labitur Lethe vado,
 Demittque curas; neve remeandi amplius
 Pateat facultas, fletibus multis gravem
 Involvit amnem; qualis incertâ vagus 685

Maeander undâ ludit, et cedit sibi
 Instatque, dubius, litus an fontem petat.
 Palus inertis foeda Cocyti jacet.
 Hic vultur, illic luctifer bubo gemit,
 Omenque triste resonat infaustae strigis; 690
 Horrent opacâ fronde nigrantes comae,
 Taxo imminente; quam tenet segnis Sopor,
 Famesque moesta tabido rictu jacens;
 Pudorque serus conscios vultus tegit;
 Metus, Pavorque, Funus, et frendens Dolor, 695
 Aterque Luctus sequitur, et Morbus tremens,
 Et cincta fero Bella; in extremo abdita
 Iners Senectus adjuvat baculo gradum.
 AMPH. Estne aliqua tellus Cereris aut Bacchi ferax?
 THES. Non prata viridi laeta facie germinant; 700
 Nec adulta leni fluctuat Zephyro seges;
 Non ulla ramos silva pomiferos habet:
 Sterilis profundi vastitas squallet soli,
 Et foeda tellus torpet aeterno situ,
 Rerumque moestus finis et mundi ultima; 705
 Immotus aër haeret, et pigro sedet
 Nox atra mundo; cuncta moeroré horrida,
 Ipsâque Morte peior est Mortis locus.
 AMPH. Quid? ille, opaca qui regit sceptro loca,
 Quâ sede positus temperat populos leves? 710
 THES. Est in recessu Tartari obscuro locus,
 Quem gravibus umbris spissa caligo adligat.
 A fonte discors manat hinc uno latex:
 Alter quieto similis (hunc jurant dei),
 Tacente sacram devehens fluvio Styga: 715
 At hic tumultu rapitur ingenti ferox,
 Et saxa fluctu volvit, Acheron, invius
 Renavigari. Cingitur duplici vado
 Adversa Ditis regia, atque ingens domus
 Umbrante lucó tegitur. Hic vasto specu 720
 Pendent tyranni limina; hâc umbris iter;
 Haec porta regni. Campus hanc circa jacet,
 In quo superbo digerit vultu sedens
 Animas recentes. Dira majestas deo,
 Frons torva, fratrum quae tamen speciem gerat 725

705. Versus non uno nomine suspectus: nam et hisce similia in
 sequentibus leguntur, et piger, qui ibi dicitur, mundis cohaerere
 videtur cum aeterno situ telluris; neque haec interpolatoris mo-
 dulum superant. Quanquam et *discors* a esse potest. 713. Flor.
 ab altera manu: *discors*. 721. Perperam libri: *hoc* umbris iter.

Gentisque tantae: vultus est illi Jovis,
 Sed fulminantis. Magna pars regni truci
 Est ipse dominus, cujus adspectum timet,
 Quidquid timetur. AMPH. Verane est fama, Inferis
 Tam sera reddi jura, et oblitos sui 730
 Sceleris nocentes debitas poenas dare?
 Quis iste veri rector atque aequi arbiter?
 THES. Non unus altâ sede quaesitor sedens
 Judicia trepidis sera sortitur reis.
 Aditur illo Gnossius Minos foro; 735
 Rhadamanthus illo; Thetidis hoc audit socer.
 Quod quisque fecit, patitur: auctorem scelus
 Repetit, suoque premitur exemplo nocens.
 Vidi cruentos carcere includi duces,
 Et impotentis terga plebejâ manu 740
 Scindi tyranni. Quisquis est placide potens,
 Dominusque vitae servat innocuas manus,
 Et incruentum mitis imperium regit,
 Animaeque parci: longa permensus diu
 Felicis aevi spatia, vel coelum petit, 745
 Vel laeta felix nemoris Elysii loca,
 Jûdex futurus. Sanguine humano abstine,
 Quicumque regnas: scelera taxantur modo
 Majorè vestra. AMPH. Certus inclusos tenet
 Locus nocentes? utque fert fama, impios 750
 Supplicia vinclis saeva perpétuis domant?
 THES. Rapitur volucris tortus Ixion rotâ;
 Cervice saxum grande Sisyphiâ sedet;
 In amne medio faucibus siccis senex
 Sectatur undas: adluit mentum latex; 755
 Fidemque cum jam saepe decepto dedit,
 Perit unda in ore; poma destituunt famem;
 Praebet volucris Tityos aeternas dapes;
 Urnasque frustra Danaïdes plenas gerunt;
 Errant furentes impiae Cadmeïdes; 760
 Terretque mensas avida Phineas avis.
 AMPH. Nunc ede nati nobilem pugnam mei.
 Patruï volentis munus an spoliū refert?
 THES. Ferale tardis imminet saxum vadis,
 Stupent ubi undae, segne torpescit fretum. 765
 Hunc servat amnem cultu et adspectu horridus,

743. Legendum videtur *gerit*. Commutatae inter se fuerint syllabarum litterae initiales; id quod saepius factum esse constat in libris veteribus. 755. Ita Baden. secundum codicem Ottobon., Nic. Heinsium etc. V.: *abluit*. 765. Fort.: *St. u. undae et s. t. f.*

Pavidosque Manes squalidus gestat, senex.
 Impexa pendet barba; deformem sinum
 Nodus coercet; concavae lurent genae,
 Regit ipse conto portitor longo ratem. 770
 Hic onere vacuam littori puppim adplicans
 Repetebat umbras: poscit Alcides viam,
 Cedente turbâ. Dirus exclamat Charon;
 „Quò pergis audax? Siste properantem gradum!“
 Non passus ulla gnatus Alcmena moras, 775
 Proprio coactum navitam conto domat,
 Scanditque puppem. Cymba populorum capax
 Succubuit uni: sedit, et gravior ratis
 Utrisque Lethen latere titubanti bibit.
 Tum victa trepidant monstra, Centauri truces, 780
 Lapithaeque multo in bello succensi mero.
 Stygiae paludis ultimos quaerens sinus,
 Foecunda mergit capita Lernaëus labos.
 Post haec avari Ditis adparet domus.
 Hic saevus umbras territat Stygius canis, 785
 Qui trina vasto capita concutiens sono
 Regnum tuetur. Sordidum tabo caput
 Lambunt colubrae; viperis horrent jubae;
 Longusque tortâ sibilat caudâ draco;
 Par ira formae. Sensit ut modus pedum: 790
 Attollit hirtas angue vibrato comas,
 Missumque captat aure subrectâ sonum,
 Sentire et umbras solitus. Ut propior stetit
 Jove natus: antro sedit incertus canis,
 Et uterque timuit. Ecce! latratu gravi 795
 Loca muta terret; sibilat totos minax
 Serpens per armos; vocis horrendae fragor
 Per ora missus terna felices quoque
 Exterret umbras. Solvit a laevâ feros
 Tunc ipse rictus, et cleonaeum caput 800
 Opponit, ac se tegmine ingenti clepit;
 Victrice magnum dexterâ robur gerens
 Huc nunc et illuc verberâ adsiduo rotat,
 Ingeminat ictus. Domitus infregit minas
 Et cuncta lassus capita submisit canis, 805
 Antroque toto cessit. Extimuit sedens
 Uterque solio dominus, et duci jubet;

769. Ita Nic. Heinsius. Libri fere lucent. Flor. et alii quidam
 add.: *squalent*, quae est interpretatio verbi ἀσπὲς ἀσπυμένω. 776.
 Proprio Cantabrig. V.: *Ipse*. 795. Legendum censeo *Et utique ti-*
mit. In Hercule quidem nullum hic timoris vestigium.

Me quoque petenti munus Alcidae dedit.
 Tum gravia monstri colla permulcens manu
 Adamante texto vinxit. Oblitus sui 810
 Custos opaci pervigil regni canis
 Componit aures timidus, et patiens trahi,
 Herumque fassus, ore submisso obsequens,
 Utinamque caudâ pulsat anguiferâ latus.
 Postquam est ad oras Taenari ventum, et nitor. 815
 Percussit oculos lucis ignotae bono,
 Resumit animos vinctus, et vastas furens
 Quassat catenas; pene victorem abstulit,
 Pronumque retro vexit et movit gradu.
 Tunc et meas respexit Alcides manus: 820
 Geminis uterque viribus tractum canem,
 Irâ furentem et bella tentantem irrita,
 Intulimus orbi. Vidit ut clarum aethera,
 Et pura nitidi spatia conspexit poli:
 Oborta nox est, lumina in terram dedit, 825
 Compressit oculos et diem invisum expulit,
 Aciemque retro flexit, atque omni petfit
 Cervice terram; tum sub Herculeâ caput.
 Abscondit umbrâ.
 Densa sed laeto venit
 Clamore turba, frontibus laurum gerens, 830
 Magnique meritis Herculis laudes canit.

CHORUS THEBANORUM.

Chorus Hercules victoriam ex Inferis reportatam canit, et ceteras illius laudes admiscet.

NATUS Eurystheus properante partu sapph.
 Jusserat mundi penetrare fundum:
 Deerat hoc solum numero laborum,
 Tertiae regem spoliare sortis. 835
 Ausus est coecos aditus inire,
 Ducit ad Manes via quâ remotos
 Tristis, et silvâ metuenda nigrâ,
 Sed frequens magnâ comitante turbâ.
 Quantus incedit populus per urbes 840

816. Sic libri Gronoviani, in quibus Flor. Edd. nonnullae vett.: *ignotae: bonos Resumit* etc., quod minime spernendum.
 825. Versus *ταυτολόγος* et vix Senecae. 827. Legendum *Faciemque*.
 Omissa versus littera initialis, sicut passim. Compressis oculis caput retro flexit Cerberus, et supinus cecidit in terram. *Faciem, os, caput.*

Ad novi ludos avidus theatri;
 Quantus Elëum ruit ad Tonantem,
 Quinta cum sacrum revocavit aestas;
 Quanta, cum longae redit hora nocti,
 Crescere et somnos cupiens quietos 845
 Libra Phoebeos tenet aequa currus,
 Turba secretam Cererem frequentat,
 Et citi tectis properant relictis
 Attici noctem celebrare mystae:
 Tanta per campos agitur silentes 850
 Turba; pars tardâ gradiens senectâ
 Tristis, et longâ satiata vitâ;
 Pars adhuc currit melioris aevi,
 Virginis nondum thalamis jugatae,
 Et comis nondum positis ephebi, 855
 Matris et nomen modo doctus infans.
 His datum solis, minus ut timerent,
 Igne praelato relevare noctem.
 Ceteri vadunt per opaca tristes;
 Qualis est nobis animus, remotâ 860
 Luce cum moestus sibi quisque sentit
 Obrutum totâ caput esse terrâ:
 Stat chaos densum tenebraeque turpes,
 Et color noctis malus, ac silentis
 Otium mundi vacuaeque nubes. 865
 Sera nos illo referat senectus!
 Nemo ad id sero venit, unde nunquam,
 Cum semel venit, poterit reverti.
 Quid juvat durum properare fatum?
 Omnis haec magnis vaga turba terris 870
 Ibit ad Manes, facietque inert
 Vela Cocyto. Tibi crescit omne,
 Et quod Occasus videt, et quod Ortus:
 Parce venturi; tibi, Mors, paramur.
 Sis licet segnis: properamus ipsi. 875
 Prima quae vitam dedit hora, carpit.
 Thebis laeta dies adest
 glycon.
 Aras tangite supplices!
 Pingues caedite victimas!
 Permixtae maribus nurus 880
 Solemnes agitent choros!
 Cessent deposito jugo
 Arvi fertilis incolae!

Pax est Herculeâ manu Auroram inter et Hesperum, Et quâ sol medium tenens Umbras corporibus negat. Quâdcunque adluitur solum Longo Tethyos ambitu, Alcidae domuit labor, Transvectus vada Tartari, Pacatis redit Inferis. Jam nullus superest timor: Nil ultra jacet Inferos. Stantes, sacrificus, comas Dilectâ tege populo!	885 890 895
---	---

ACTUS QUARTUS.

HERCULES, THESEUS, AMPHITRYON, MEGARA.

Hercules a caede Lyci reversus, advocatis diis sacra facturus, in
furorem vertitur et uxorem cum liberis occidit, deinde in
somnia labitur.

HERC. ULTRICE dextrâ fusus adverso Lycus Terram cecidit ore; tum quisquis comes Fuerat tyranni, jacuit et poenae comes. Nunc sacra patri victor et Superis feram, Caesisque meritis victimis aras colam. Te, te, laborum socia et adiutrix, precor, Belligera Pallas, cujus in laevâ ciet Aegis feroces ore saxifico minas! Adsit Lycurgi domitor et rubri maris, Tactam virenti cuspidem thyrsos gerens; Geminumque numen, Rhoebus et Phoebi soror, Soror sagittis aptior, Phoebus lyrae; Fraterque quisquis incolit coelum meus, Non ex novercâ frater, huc adpellite Greges opimos! Quidquid Indorum seges, Arabsque odoris quidquid arboribus legunt, Conferte in aras; pinguis exundet vapor. Populea nostras arbor exornet comas;	i. s. 900 905 910
--	--

897. Flor.: *Victrice*, ut 1105.

HERCULES FURENS. ACT. IV.

29

Te ramus oleae fronde gentili tegat, 915
 Theseu. Tonantem nostra adorabit manus;
 Tu conditores urbis, et silvestria
 Trucis antra Zethi, nobilis Dirce aquae,
 Laremque regis advenae Tyrium coles.
 Date tura flammis! AMPH. Gnate, manantes prius 920
 Manus cruentâ caede et hostili expia.
 HERC. Utinam cruorem capitis inuisi deis
 Libare possem! Gravior nullus liquor
 Timisset aras: victima haud ulla amplior
 Potest magisque opima mactari Jovi, 925
 Quam rex iniquus. AMPH. Finit genitor tuos
 Opta labores; detur aliquando otium
 Quiesque fessis. HERC. Ipse concipiam preces
 Jove meque dignas. Stet suo coelum loco
 Tellusque et aether; astra inoffensos agant 930
 Aeterna cursus; alta pax gentes alat;
 Ferrum omne teneat ruris innocui labor,
 Ensesque lateant; nulla tempestas fretum
 Violenta turbet; nullus irato Jove
 Exiliat ignis; nullus hibernâ nive 935
 Nutritus agros amnis eversos trahet;
 Venena cessent: nulla nocituro gravis
 Succo tumescat herba; non saevi ac truces
 Regent tyranni. Si quod etiamnum est scelus
 Latura tellus, properet; et si quod parat 940
 Monstrum, meum sit. Sed quid hoc? Medium diem
 Cinxere tenebrae; Phoebus obscuro meat
 Sine nube vultu! Quis diem retro fugat,
 Agitque in ortus? unde nox atrum caput
 Ignota profert? unde tot stellae polum 945
 Implent diurnae? Primus en! noster labor
 Coeli refulget parte non minimâ, Leo,
 Iraque totus fervet et morsus parat.
 Jam rapiet aliquod sidus: ingenti minax
 Stat ore, et ignes efflat, et rutilat, jubam 950
 Cervice jactans. Quidquid autumnus gravis
 Hiemsque gelido frigida spatio refert,
 Uno impetu transiliet, et verni petet
 Frangetque Tauri colla. AMPH. Quod subitum hoc ma-
 lum est?
 Quo, gnate, vultus huc et huc acres refers, 955

950. Ita libri probatiores. Alii sic: et rutila jubam C. jactat.
 Rutilat neutraliter, quemadmodum rutilantia sidera dicuntur.

Acieque falsum turbidâ coelum vides?
 HERC. Perdomita tellus; tumida cesserunt freta;
 Inferna nostros regna sensere impetus:
 Immune coelum est, dignus Alcidae labor.
 In alta mundi spatia sublimis ferat! 960
 Petatur aether: astra promittit pater.
 Quid, si negaret? Non capit terra Herculem,
 Tandemque Superis reddit. En! ultro vocat
 Omnis deorum coetus, et laxat fores,
 Unâ vetante. Recipis, et reseras polum, 965
 An contumaciâ januam mundi traho?
 Dubitatur etiam? Vincla Saturno exuam,
 Contraque patris impii regnum impotens
 Avum resolyam! bella Titanes parent
 Me duce furentes! saxa cum silvis feram, 970
 Rapiamque dextrâ plena Centauris juga!
 Jam monte gemino limitem ad Superos agam!
 Videat sub Ossâ Pelion Chiron suum;
 In coelum Olympus, tertio positus gradu,
 Perveniet, aut mittetur. AMPH. Infandos procul 975
 Averte sensus; pectoris sani parum,
 Magni tamen, comperce dementem impetum.
 HERC. Quid hoc? Gigantes arma pestiferi movent!
 Profugit umbras Tityos, ac, lacerum gerens
 Et inane pectus, quam prope a coelo statit! 980
 Labat Cithaeron, alta Pallene tremit,
 Macetumque Tempe. Rapuit hic Pindi juga;
 Hic rapuit Oeten; saevit horrendum Mimas;
 Flammiifera Erinny, verberare excusso sonat;
 Rogisque adustas propius ac propius sudes 985
 In ora tendit; saeva Tisiphone, caput
 Serpentibus vallata, post raptum canem
 Portam vacantem clausit oppositâ face. —
 Sed ecce! proles regis inimici latet,
 Lyci nefandum semen! Inviso patri 990
 Haec dextra jam vos reddet! Excutiat leves
 Nervus sagittas! Tela sic mitti decet
 Herculeâ. AMPH. Quo se coecus impexit furor?
 Vastum coactis flexit arcum cornibus,
 Pharetramque solvit; stridet emissa impetu 995
 Arundo: medio spiculum collo fugit
 Vulnere relicto. HERC. Ceteram prolem eruum
 Omnesque latebris. Quid moror? majus mihi

979. Ultrâ, a manu 2.; *umbriis*. 984. Idem codex: *Flammi-
 gera*. 990. *Malit Gron. Invito*. 998. V.: *latebras*, quod *soloecum*.

Bellum Mycenis restat: ut Cyclopea
 Eversa manibus saxa nostris concidant. 1900
 Huc eat et illuc aula disjecto objice,
 Rumpatque postes; columen impulsum labet! —
 Perlucet omnis regia: hic video abditum
 Natum scelesti patris! AMPH. En, blandas manus
 Ad genua tendens, voce miserandâ rogat! 1005
 Scelus nefandum, triste, et adspectu horridum:
 Dextrâ precantem rapuit, et circa furens
 Bis ter rotatum misit; ast illi caput.
 Sonuit; cerebro tecta disperso madent.
 At misera, parvum protegens gnatum sinu, 1010
 Megara furenti similis e latebris fugit.
 HERC. Licet Tonantis profuga condaris sinu,
 Petet undecunque temet haec dextra, et feret.
 AMPH. Quo, misera, pergis? quam fugam aut latebram petis?
 Nullus salutis Hercule infesto est locus: 1015
 Amplexere ipsum potius et blandâ prece
 Lenire tenta. MEG. Parce jam, conjux, precor!
 Agnosce Megaram! Gnatus hic vultus tuos
 Habitusque reddit. Cernis, ut tendat manus?
 HERC. Teneo novercam! Sequere! da poenas mihi, 1020
 Jugoque pressum libera turpi Jovem!
 Sed ante matrem parvulum hoc monstrum occidat.
 MEG. Quo tendis, amens? sanguinem fundus tuum?
 AMPH. Pavefactus infans igneo vultu patris
 Perit ante vulnus: spiritum eripuit timor. 1025
 In conjungem nunc clava libratur gravis.
 Perfregit ossa; corpori trunco caput
 Abest, nec usquam est. Cernere hoc audes, nimis
 Vivax senectus? Si piget luctus, habes
 Mortem paratam. Pectus in tela induc; 1030
 Vel stipitem istum, caede monstrorum illitum,
 Convertite: falsum ac nomini turpem tuo
 Remove parentem, ne tuæ laudi obstrepat.
 THES. Quo te ipse, senior, obvium morti ingeris?
 Quo pergis amens? Profuge et obtectus late, 1035
 Unumque manibus aufer Herculeis scelus.
 HERC. Bene habet: pudendi regis excisa est domus.
 Tibi hunc dicatum, maximi conjux Jovis,
 Gregem cecidi. Vota persolvi libens
 Te digna; et Argos victimas alias dabit. 1040

1001. Fort.: *H. e. et i. valva d. o.*, secundum Badenii MSS.
 1007. Cron. secundum. Flor.: *precante*. 1015. Nic. Heinsius: *N. saluti est H. i. locus*.

AMPH. Nondum litasti, gnate: consumma sacrum.
 Stat, ecce, ad aras hostia; expectat manum
 Cervice pronâ; praebeo, occurro, insequor:
 Macta! Quid hoc est? errat acies luminum,
 Visusque moeror hebetat. An video Herculis 1045
 Manus trementes? Vultus in somnum cadit,
 Et fessa cervix capite submisso labat;
 Flexo genu jam totus ad terram ruit,
 Ut caesa silvis ornus, aut portus mari
 Datura moles. Vivis, an leto dedit 1050
 Idem, tuos qui misit ad mortem, furor?
 Sopor est: reciprocos spiritus motus agit.
 Detur quieti tempus: ut somno gravi
 Vis victa morbi pectus oppressum levet.
 Removete, famuli, tela, ne repetat furens! 1055

CHORUS THEBANORUM.

Deos sidera et elementa, quae lymphatis lunaticis et niente captis
 dominantur, in luctum commiserationem et auxilium Hercu-
 lis Chorus advocat; somnum, qui furorem sedare solet, pre-
 catur, ut gravi sopore pressum Herculem menti restituat;
 pueros denique caesos deflet.

LUCEAT aether, magnusque parens, a. d. et m.
 Aetheris alti, tellusque ferax,
 Et vaga ponti mobilis unda;
 Tuque ante omnes, qui per terras
 Tractusque maris fundis radios, 1060
 Noctemque fugas ore decoro,
 Fervide Titan! Obitus pariter
 Tecum Alcides vidit et ortus,
 Novitque tuas utrasque domus.
 Solvite tantis animum monstis, 1065
 Solvite, Superi! rectam in melius
 Flectite mentem! tuque, o domitor
 Somne malorum, requies animi,
 Pars humanae melior vitae,
 Volucer, matris genus Astraerae, 1070
 Frater durae languide Mortis,
 Veris miscens falsa, futuri
 Certus et idem pessimus auctor,
 Pater o rerum, portus vitae,
 Lucis requies, noctisque comes, 1075

1053. Sic meliores. Perperam legitur *gravis*. 1063. Ald. et
 quidam recentiores: *laborum*.

Qui par regi famuloque venis:	
Placidus fessum lenisque fove!	
Pavidum leti genus humanum	
Cogis longam discere mortem:	
Preme devinctum torpore gravi!	1080
Sopor indomitos adliget artus;	
Nec torva prius pectora linquat,	
Quam mens repetat pristina cursum.	
En, fusus humi saeva feroci	
Corde volutat somnia (nondum est	1085
Tanti pestis superata mali);	
Clavaeque gravi lassum solitus	
Mandare caput, quaerit vacuâ	
Pondera dextrâ, motu jactans	
Brachia vano, neque adhuc omnes	1090
Expulit aestus; sed ut ingenti	
Vexata Noto servat longos	
Unda tumultus, et jam vento	
Cessante tumet. Pelle insanos	
Fluctus animi: redeat pietas	1095
Virtusque viro. Vel sit potius	
Mens vesano concita motu;	
Error coecus, quâ coepit, eat:	
Solus te jam praestare potest	
Furor insontem. Proxima puris	1100
Sors est manibus nescire nefas.	
Nunc Herculeis percussa sonent	
Pectora palmis; mundum solitos	
Ferre lacertos verbera pulsent	
Victrice manu; gemitus vastos	1105
Audiat aether, audiat atri	
Regina poli, vastisque ferox	
Qui colla gerit vincta catenis,	
Imo latitans Cerberus antro;	
Resonet moestò clamore chaos,	1110
Lateque patens unda profundî,	
Et, qui melius tua tela tamen	
Senserat aër.	
Pectora tantis obsessa malis	
Non sunt ictu ferienda levi:	1115
Uno planctu tria regna sonent.	

1077. Sic Flor. et vett. edd. V.: *foves*. Jos. Scaliger dedit *fo-*
vens. Gron. malit etiam *Cogens*. 1079. Douza fil. in notis ad Ca-
tull.: *noctem*. 1080. Sic item Flor. V.: *devictum*. 1091. Fort.: *E.*
aestus, velut ing.

Et tu, collo, datus ac telum,
 Suspensa diu, fortis arundo,
 Pharetraeque graves, date saeva fero
 Verbera tergo; caedant humeros 1120
 Robora fortes, stipesque potens
 Duris oneret pectora nodis;
 Plangent tantos arma dolores.
 Non, vos, patriae laudis comites,
 Ulti saevos vulnere reges; 1125
 Non Argivâ membra palæstrâ
 Flectere docti, fortes caestu
 Fortesque manu; jam tamen ausi
 Telum Scythicis leve corytis
 Missum certâ librare manu, 1130
 Tutosque fugâ figere cervos,
 Nondumque ferae terga jubatae,
 Ite ad Stygios, umbrae, portus,
 Ite, innocuae, quas in primo
 Limine vitae scelus oppressit 1135
 Patriusque furor!
 Ite, infaustum genus, o pueri,
 Noti per iter triste laboris!
 Ite, iratos visite reges!

ACTUS QUINTUS.

HERCULES, AMPHITRYON, THESEUS.

Hercules experrectus et menti restitutus, postquam suos a se interfectos comperit, manus sibi inferre parat; patris precibus victus sibi parcat, Athenasque Thesei consilio purgandus proficiscitur.

Quis hic locus, quae regio, quae mundi plaga? i. s. 1140
 Ubi sum? sub ortu solis, an sub cardine
 Glacialis Ursae? numquid Hesperii maris
 Extrema tellus hunc dat Oceano modum?
 Quas trahimus auras? quod solum fesso subest?
 Certe rediimus. Unde prostrata a domo 1145
 Video cruenta corpora? an nondum exiit

1119. Fort.: *sera* cum plerisque edd. vett. 1140. Fort. secundum MS. Ultraj.: *Quis locus hic est, quae regio* etc. 1145. a domo, a parte domus, ante domum. Male legitur *prostrata domo*.

Simulacra mens inferna? Post reditus quoque
 Oberrat oculos turba feralis meos.
 Pudet fateri: paveo nescio quid; mihi
 Nescio quod animus grande praesagit malum. 1150
 Ubi est parens? ubi illa natorum grege
 Animosa conjux? cur latus laevum vacat
 Spolio leonis? quonam abit tegimen meum,
 Idemque somno mollis Herculeo torus?
 Ubi tela? ubi arcus? arma quis vivo mihi 1155
 Detrahere potuit? spolia quis tanta abstulit?
 Ipsumque quis non Herouli somnum horruit?
 Libet meum videre victorem, libet!
 Exsurge, Virtus, quem novum coelo pater
 Genuit relicto; cujus in foetu stetit 1160
 Nox longior, quam nostra! — Quod cerno nefas?
 Gnati cruentâ caede confecti jacent;
 Peremta conjux. Quis Lycus regnum obtinet,
 Quis tanta Thebis scelera moliri ausus est
 Hercule reverso? Quisquis Ismeni loca, 1165
 Actaea quisquis arva, qui gemino mari
 Pulsata Pelopis regna Dardanii colis,
 Succurre! saevae cladis auctorem indica!
 Ruat ira in omnes: hostis est, quisquis mihi
 Non monstrat hostem. Victor Alcidae, lates? 1170
 Procede, seu tu vindicas currus truces
 Thracis cruenti, sive Geryonae pecus,
 Libyaeve dominos! nulla pugnandi mora est.
 En, nudus adsto! vel meis armis licet
 Petas inermem. Cur meos Theseus fugit 1175
 Paterque vultus? ora cur conduunt sua?
 Differte fletus! Quis meos dederit neci
 Omnes simul, profare! — Quid, genitor, siles?
 At tu ede, Theseu; sed tuâ, Theseu, fide. —
 Uterque tacitus ora pudibunda obtegit, 1180
 Furtimque lacrimas fundit. In tantis malis
 Quid est pudendum? numquid Argivae impotens
 Dominator urbis, numquid infestum Lyci
 Pereuntis agmen clade nos tantâ obruit?
 Per te meorum facinorum laudem precor, 1185
 Genitor, tuique nominis semper mihi

1147. Ultraj.: *reditum*. 1148. Flor.: *oculis meis*. Vid. Gron.
 1149. Sic Ultraj. Vett. edd. *nescio quid* utroque loco. V.: *paveo*:
nescio quod mihi, *Nescio* etc. 1159. *Virtus*, quem dictum *πρὸς τὸ*
ἐκταραίνετον, ut hic *scelus* et similia. Cf. Gron. 1170. Edd. Fer-
 rand. Cajet.: *latens*, *Procede*. 1184. *Per.*, qui periit.

Numen secundum: fare, quis fudit domum?
 Cui praeda jacui? AMPH. Tacita sic abeant mala.
 HERC. Ut inultus ego sim? AMPH. Saepe vindicta obfuit.
 HERC. Quisquamne segnis tanta toleravit mala? 1190
 AMPH. Majora quisquis timuit. HERC. His etiam, pater,
 Quidquam timeri majus aut gravius potest?
 AMPH. Cladis tuae pars ista, quam nosti, quota est?
 HERC. Miserere, genitor! supplices tendo manus.
 Quid hoc? manus refugit. Hic errat scelus. 1195
 Unde hic cruor? Quid? illa puerili madens
 Arundo leto? — Tincta Lernaea nece
 Jam tela video nostra: non quaero manum:
 Quis potuit arcum flectere, aut quae dextera
 Sinuare nervum justa cedentem mihi? 1200
 Ad vos revertor, genitor. Hoc nostrum est scelus?
 Tacuere: nostrum est. AMPH. Luctus est istic tuus,
 Crimen novercae; casus hic culpa caret.
 HERC. Nunc parte ab omni, genitor, iratus tona,
 Oblite nostri; vindica sera manu 1205
 Saltem nepotes; stelliger mundus sonet,
 Flammasque et hic et ille jaculetur polus;
 Rupes ligatum Caspiae corpus trahant
 Atque ales avida! cur Promethei vacant
 Scopuli? Paretur vertice immenso feras 1210
 Volucresque pascens Caucasi abruptum latus,
 Nudumque silvis! illa, quae pontum Scythen,
 Symplegass, arctat, hinc et hinc vinctas manus
 Distendat alto; cumque revocata vice
 In se coibunt, saxaque in coelum expriment 1215
 Actis utrimque rupibus medium mare,
 Ego inquieta montium jaceam mora.
 Quin, structum acervans nemore congesto aggerem,
 Cruore corpus impio sparsum cremo?
 Sic, sic agendum est: Inferis reddam Herculem. 1220
 AMPH. Nondum tumultu pectus attonito caret:
 Mutavit iras, quodque habet proprium furor,
 In se ipse saevit. HERC. Dira Furiarum loca
 Et Inferorum carcer et sonti plaga

1196. Non recte vulgati libri continue: *quid illa p. m. A. l.*,
t. L. n. p. 1198. *tela*, arcum. 1200. MS. Neapolit.: *juxta*, sicut
 s et x litterae commutari inter se solent. Alii codd.: *vix jam*.
 V.: *vix recedentem*. *Justa sin*, *δικαία κρίνειν*. 1207. Ita Flor. Ald.
 Hierius. Ultraj.: *Flammas quoque*. V.: *Flammas*. 1215—1217. Sic
 vett., qua scripti, qua impressi. Male mutarunt. *Coibant*, manus
 vinctae.

HERCULES FURENS. ACT. V. 37

Decreta turbæ, et si quod exilium latet 1225
 Ulterius Erebo, Cerbero ignotum et mihi:
 Huc me abde tellus! Tartari ad finem ultimum
 Mansurus ibo. Pectus o nimium ferum!
 Quis vos per omnem, liberi, sparsos domum
 Deffere digne poterit? hic durus malis 1230
 Lacrimare vultus nescit. Huc ensem date,
 Date huc sagittas, stipitem huc vastum date:
 Tibi tela frangam nostra; tibi nostros, puer,
 Rumpemus arcus, ac tuis stipes gravis
 Ardebit umbris; ipsa Lernæis frequens 1235
 Phætra telis in tuos ibit rogos.
 Dent arma poenas! vos quoque infaustas meis
 Cremabo tuedis, o novercales manus!
 THES. Quis nomen unquam sceleris errori addidit.
 HERC. Saepe error ingens sceleris obtinuit locum. 1240
 THES. Nunc Hercule opus est: perfer hanc molem mali.
 HERC. Non sic furore cessit extinctus pudor,
 Populos ut omnes impio adspectu fugem.
 Arma, arma, Theseu, flagito propere mihi
 Subtracta reddi. Sana si mens est mihi: 1245
 Referje manibus tela; si remanet furor:
 Pater, recede; mortis inveniam viam.
 AMPH. Per sancta generis sacra, per jus nominis
 Utrumque nostri, sive me altorem vocas
 Seu tu parentem, perque venerandos piis 1250
 Canos: senectæ parce desertæ, precor,
 Annisque fessis! unicum lapsæ domus
 Firmamen, unum lumen adflicto malis
 Temet reserva! Nullus ex te contigit
 Fructus laborum: semper aut dubium mare, 1255
 Aut monstra timui; quisquis in toto furit
 Rex saevus orbe, manibus aut aris nocens,
 A me timetur; semper absentis pater
 Fructum tui tactumque et adspectum peto.
 HERC. Cur animam in istâ lucē detineam amplius. 1260
 Morerque, nihil est: cuncta jam amisi bona;
 Mentem, arma, famam, conjugem, gnatos, manus;
 Etiam furorem: nemo polluto queat.

1228. *Tuedis* pro *vulgato telis* cod. Angelicus, quem versavit
 Torkill. Baden. 1247. *inveni* liber unus Gruter. 1256. Fort? *Ter-*
ramve timui, vel: *Aut timeo terram*. Illud placuit Is. Pontano,
 cum in libro Basiniano invenisset *ἀνερπον* *Aut terram timui*.

Animo mederi: morte sanandum est scelus.

AMPH. Perimes parentem? HERC. Facere ne possim, occidam. 1265

AMPH. Genitore coram? HERC. Cernere hunc docui nefas.

AMPH. Memoranda potius omnibus facta intuens

Unius a te criminis veniam pete.

HERC. Veniam dabit sibi ipse, qui nulli dedit?

Laudanda feci jussus; hoc unum meum est. 1270

Succurre, genitor, sive te pietas movet,

Seu triste fatum, sive violatae decus

Virtutis: effer arma! vincatur mea

Fortuna dextra. THES. Sunt quidem patriae preces

Satis efficaces; sed tamen nostro quoque 1275

Moveare fletu. Surge et adversa impetu

Perfringe solito! nunc tuum nulli imparem

Animum malo resume! nunc magna tibi

Virtute agendum est: Herculem irasci veta.

HERC. Si vivo: feci scelera; si morior: tuli. 1280

Purgare terras propero: jamdudum mihi

Monstrum impium saevumque et immitis ac ferum

Oberrat. Agendum, dextra, conare adgredi

Ingens opus, labore bisseño amplius! —

Ignava, cessas, fortis in pueris modo 1285

Pavidasque matres? Arma nisi dantur mihi,

Aut omne Pindi Thracis excindam nemus,

Bacchique lucos, et Cithaeronis juga

Mecum cremabo; aut tota cum domibus suis

Dominisque tecta, cum deis templa omnibus 1290

Thebana, supra corpus excipiam meum,

Atque urbe versa condar; et, si fortibus

Leve pondus humeris moenia immissa incident,

Septemque opertus non satis portis premar:

Onus omne, media parte quod mundi sedet, 1295

Dirimitque Superos, in meum vertam caput!

AMPH. Reddo arma. HERC. Vox est digna genitore Herculis.

Hoc, en, peremptus spiculo cecidit puer . . .

AMPH. Hoc Juno telum manibus emisit tuis.

HERC. Hoc nunc ego utar. AMPH. Ecce, quam miserum metu 1300

1276. Vetus (vide Commelini annotatt.) et bona lectio, quam habet Delrius. V.: *Movere*. 1285. Ita Gronov. in schedis Dietzianis, quas penes me habui Berolini. V.: *Ignave*. Comparat Jacob. Gronov. Thyest. 269, 935, etc. 1287. Flor. Ultraj. vett. edd.: *excidam*. 1289. aut ed. Fernand. alique libri vett. V. desideratur.

HERCULES FURENS. ACT. V. 39

Cor palpitat, corpusque sollicitum ferit!
 HERC. Aptata arundo est. AMPH. Ecce, jam facies scelus
 Volens sciensque! HERC. Pande: quid fieri jubes?
 AMPH. Nihil rogamus: noster in tuto est dolor,
 Gnatum potes servare tu solus mihi, 1305
 Eripere nec tu. Maximum evasi metum.
 Miserum haud potes me facere, felicem potes.
 Sic statue, quidquid statuis, ut causam tuam
 Famamque in arto stare et ancipiti scias.
 Aut vivis, aut occidis: hanc animam leviem, 1310
 Fessamque senio, nec minus quassam malis,
 In ore primo teneo. — Tam tarde patri
 Vitam dat aliquis? Non feram ulterius moram:
 Letale ferro pectus impresso induam!
 Hic, hic jacebit Herculis sani scelus. 1315
 HERC. Jam parce, genitor, parce! Jam revoca manum!
 Succumbe, virtus! perfer imperium patris!
 Eat ad labores hic quoque Herculeos labor:
 Vivamus. Artus adleva adflictos solo,
 Theseu, parentis: dextra contactus pios 1320
 Scelerata refugit. AMPH. Hanc manum amplector libens;
 Hac nixus ibo; pectori hanc aegro admovent
 Pellam dolores. HERC. Quem locum profugus petam?
 Ubi me recondam, quæve tellure obruar?
 Quis Tanaïs, aut quis Nilus, aut quis Persicâ 1325
 Violentus undâ Tigris, aut Rhenus ferox,
 Tagusve Iberâ turbidus gazâ fluens,
 Abluere dextram poterit? Arctoum licet
 Maeotis in me gelida transfundat mare,
 Et totâ Tethys per meas currat manus: 1330
 Haerebit altum facinus. In quas impius
 Terras recedes? ortum an occasum petes?
 Ubique notus perdidisti exilio locum.
 Me refugit orbis; astra transversos agunt
 Obliqua cursus; ipse Titan Cerberum 1335
 Meliore vultu vidit. O fidum caput,
 Theseu, latebram quaere longinquam, abditam;
 Quoniamque semper sceleris alieni arbiter
 Amas nocentes: gratiam meritis refer

1311. Putide Flor.: *fessam malis*. 1319. *adflicti Cantabrig*.
 1322. *Ultraj. aliique: nixus*. 1323. *Idem codex: labores*. 1324.
 Ita Flor. V.: *obruam*. 1325. Fortasse legendum est *Persicae Viol*.
undae, qui violentè effunditur in sinum Persicum. Liv. 2, 59:
Ceterum multo Appio quam Fabio violentior fuit.

40 L. A. SENECAE HERCULES FURENS. ACT. V.

Vicemque nostris: redde me infernis, precor; 1340
Umbris reductum, meque subiectum tuis
Restitue vinclis! Ille me abscondet locus.
Sed et ille novit. ~~thys~~. Nostra te tellus manet:
Illic solutam caede Gradivus manum
Restituit armis. Illa te, Alcida, vocat, 1345
Facere innocentes terra quae Superos solet.

1344. *Illic*, in Arropago: *caede*, Halirrhothli. Vid. Apol-
lon. 3, 13, s. 1345. Sic vet. edd. Inepte legitur *Restitues*.

THEY ESTES,

DRAMATIS PERSONAE.

THYESTES.

ATREUS.

TANTALUS.

MEGAERA.

PLISTHENES THYESTIS F.

CHORUS SENUM MYCENAEORUM.

TANTALUS THYESTIS F.

ALIUS THYESTIS F.

SATELLES, NUNCIUS.

} Mutae personae.

T H Y E S T E S.

ARGUMENTUM.

ALTARUM annis regnandi vices pacti Atræus et Thyestes, Pelopis ex Hippodamiâ filii, Argis imperabant. Thyestes, adjuvante Aërope, fratris uxore, quam in adulterium pellexerat, aureum arietem, in cuius possessione erat fatum regni, amovet, et male conscius in exilium abit. Atræus, evasisse dolens, missis suis filiis, velle se in gratiam redire simulat, et oblata regni parte reditum illi persuadet. Tres Thyestis liberos, quos ob-sides acceperat, ad aras immolatos, partim assos, partim elixos patri nescienti epulandos apponit, mixtumque vino cruorem illi praebeh. Sub finem nefandi convivii (quod Sol, ne videret, refugit) capita illi et manus filiorum ostendit, quasque dapes absumserit, narrat, insultans fratris luctui dolori et imprecationibus.

ALIUD ARGUMENTUM
HIERONYMI BALBI.

Sedibus expulsus patriis regnoque Thyestes
Dignas infando pendebat crimine poenas:
Namque olim, furiis foedoque incensus amore,
Fraternum invasit thalamum et vetitos hymenaeos.
Necdum Atrai mens dira odiis expleta quierat: 5
Saevit, et ingentes acuit dolor improbus iras;
Accinctusque dolis fratrem remeare Mycenae
Iussit, et in regno simulatâ pace locavit.
Proh scelus indignum! paucos mactare nepotes
Sustinet, et patriis epulandos ponere mensis. 10
Ille amens mandit natorum dentibus artus,
Immixtumque haurit cognato sanguine Bacchum.
Haec ne monstra pio spectaret lumine Phoebus,
Adversos Graio deflexit ab orbe jugales,

ACTUS PRIMUS.

UMBRA TANTALI, MEGAERA.

Adducitur ab Inferis Tantalus a Furia, cogiturque miscere nefaria odia inter suos ex Pelope nepotes Atreum et Thyestem.

TANT. **Q**uis me Inferorum sede ab infausta extrahit, i. e.
Avido fugaces ore captantem cibos?
Quis male deorum Tantalos visas domos
Ostendit iterum? Pejus inventum est siti
Arente in undis aliquid, et pejus fame
Hiante semper? Sisyphi numquid lapis
Gestandus humeris lubricus nostris venit;
Aut membra celeri differens cursu rota;
Aut poena Tityi, qui specu vasto patens
Visceribus atras pascit effossis aves,
Et nocte reparans, quidquid amisit die,
Plenum recenti pabulum monstro jacet?
In quod malum transcribor? O quisquis nova
Supplicia functis durus umbrarum arbiter
Disponis, addi si quid ad poenas potest,
Quod ipse custos carceris diri horreat,
Quod moestus Acheron paveat, ad cujus metum
Nos quoque tremamus, quaere: jam nostra subit
E stirpe turba, quae suum vincat genus,
Ac me innocentem faciat, et inausa audeat.
Regione quidquid impia cessat loci,
Complebo; nunquam stante Pelopea domo
Minos vacabit. mæ. Perge, detestabilis
Umbra, et penates impios furiis age!

Verè. 3. Flor.: *visas*. Inepte *cui*; *vivas*. Ordo verborum hic est: *Quis ostendit iterum Tantalos domos deorum male* (magno cum damno suo) *visas* (olim ab ipso, cum in vivis esset)? *Deorum domos*, coelum, quod qui adspiciunt, vivere dicuntur, praesertim apud poetas. Optat Tantalus, se nunquam vixisse, qui tam infelix fuerit. 10. *Viscer*. Flor. et vet. edd.: *Vulneribus*. 15. Ita Gron. Flor.: *potest*. V.: *adde, si qu. ad p. potes*. 22. *Pelapea*, *Nepotia*. Cf. Med. 880, Virg. Aen. 2, 193. V.: *Pelapeia*.

Certetur omni scelere, et alternâ vice 25
 Stringantur enses. Ne sit irarum modus
 Pudorve; mentes caecus instiget furor;
 Rabies parentum duret, et longum nefas
 Eat in nepotes; nec vacet cuiquam vetus
 Odiste crimen; semper oriatur novum, 30
 Nec unum in uno; dumque punitur scelus,
 Crescat. Superbis fratribus regna excidant,
 Repetantque profugos; dubia violentae domus.
 Fortuna reges inter incertos laebet;
 Miser ex potente fiat, ex misero potens; 35
 Fluctuque regnum casus adsiduo ferat.
 Ob scelera pulsi, cum dabit patriam deus,
 In scelera redeant; sintque tam invisī omnibus,
 Quam sibi. Nihil sit; ira quod veritum putet:
 Fratrem expavescat frater, et gnatum parens, 40
 Gnatusque patrem; liberi pereant male.
 Pejus tamen nascantur; immineat viro
 Infesta conjux; bella trans pontum vehant;
 Effusus omnes irriget terras cruor,
 Supraque magnos gentium exultet duces 45
 Libido victrix; impiâ stuprum in domo.
 Levissimum sit fratris; et fas et fides
 Jusque omne pereat. Non sit a vestris malis
 Immune coelum. Cur micant stellae polo,
 Flammaeque servant debitum mundo decus? 50
 Nox atra fiat! excidat coelo dies!
 Misce penates; odia, caedes, funera
 Arcesse, et imple Tantalo totam domum!
 Ornetur altum columen, et lauro fores
 Laetae virescant; dignus adventu tuo 55
 Splendescat ignis. Thracium fiat nefas
 Majore numero. Dextra cur patrui vacat?
 Nondum Thyestes liberos deflet suos:
 Ecquando tollet? Ignibus jam subditis
 Spument athena; membra per artes eant. 60
 Discerpta; patruos polluat sanguis focos;
 Epulae instruantur. Non novi sceleris tibi
 Conviva venies. Liberum dedimus diem,
 Tuamque ad istas solvimus mensas famem:

57. Male Gron.: *dum dabit*. 49. sequ. Ita Grotius. Libri sine sensu: *Cum micant* — *decus*; *Nox* etc. 59. Schroeder.: *Ecquando tollet dextra patrui, Atrei, liberos Thyestis?* 60. Ita Flor. V.: — *tollet, ign. jam subd., Spumante atheno?* 61. Ita J. F. Gron. in schedis Diets. V.: *putrios*.

THYESTES. ACT. I.

47

Jejunia exple; mixtus in Bacchum cruor 65
Spectante te potetur. Inveni dapes,
Quas ipse fugeres. Siste! quo praeceps ruis?
TANT. Ad stagna et amnes et recedentes aquas,
Labrisque ab ipsis arboris plenae fugas.
Abire in atrum carceris liceat mihi 70
Cubile; liceat, si parum videor miser,
Mutare ripas; alveo medius tuo,
Phlegethon, relinquar, igneo cinctus freto.
Quicumque poenas lege factorum datas
Pati juberis; quisquis exeso jaces 75
Pavidus sub antro, jamque venturi times
Montis ruiham; quisquis avidorum feros
Rictus leonum et dira Furiarum agmina
Implicitus horres; quisquis immixtas faces
Semiustus abigis: Tantali vocem excipe 80
Properantis ad vos! credite experto mihi:
Amate poenas! Quando continget mihi
Effugere Superos? MEG. Ante perturba domum,
Inferque tecum proelia et ferri malum
Regibus amorem; concute insano ferum 85
Pectus tumultu. TANT. Me pati poenas decet,
Non esse poenam. Mittor, ut dirus vapor
Tellure rupta, vel gravem populis luem
Sparsura pestis. Ducam in horrendum nefas
Avus nepotes? Magne divorum parens 90
Nosterque, quamvis pudeat, ingenti licet
Taxata poena lingua crucietur loquax:
Nec hoc tacebo: moneo, ne sacra manus
Violate caede, neve furiali malo
Adspergite aras! Stabo et arcebo scelus. 95
Quid ora terres verbere, et tortos ferox
Minaris angues? quid famem fixam intimis
Agitas medullis? Flagrat incensum siti
Cor, et perustis flamma visceribus micat.
Sequor. i. 100
MEG. Hunc, o, furorem divide in totam domum! i. 2.
Sic, sic ferantur, et suum infensi invicem
Sitiant cruorem! Sensit introitus tuos

69. sequ. non recte legitur: — fugas, — liceat mei Cub.
90. Sio vet. edd. V.: — nepotes. Magne etc. 97. Sic eadem,
merito probante Gron. V.; infixam. 101. Flor.: Hunc, hunc fu-
rorem. Alii libri: nunc o fur. Cajet.: Sequor. MEG. nunc fur.
Grotius: Sequor. n. Hunc fur. Sed habet etiam alibi tragicus
versus imperfectos, sicut Virgilius.

Demus, et nefando tota contactu horruit.
 Actum est abunde. Gradere ad infernos specua 105
 Amnemque notum: jam tuum moestae pedem
 Terrae gravantur. Cernis, ut fontes liquor
 Introrsus actus linquat, ut ripae vacent,
 Ventusque raras igneus nubes ferat?
 Pallescit omnis arbor, ac nudus stetit 110
 Fugiente pomo ramus; et qui fluctibus
 Illinc propinquis Isthmos atque illinc fremit,
 Vicina gracili dividens terrâ vada,
 Longe remotos latus exaudit sonos.
 Jam Lerna retro cessit, et Phoronides 115
 Latuere venae; nec suas profert sacer
 Alphéos undas, et Cithaeronis juga
 Stant parte nullâ cana, depositâ nive,
 Timentque veterem nobiles Argi sitim.
 En! ipse Titan dubitat, an jubeat sequi 120
 Cogatque habenis ire perituum diem.

CHORUS.

Chorus ex senibus Mycenæis vel Argivis constans (Argos enim cum Mycenis confundunt poetae) deos urbium in Peloponneso praesides, ut mala et scelera in domo Pelopis concepta et imminientia prohibeant avertantque, precatur, et Tantalum impium facinus ac poenam canit.

Argos de Superis si quis Achaicum asclep.
 Pisaeisque domos curribus inclitas,
 Isthmi si quis amat regna Corinthii
 Et portus geminos et mare dissidens; 125
 Si quis Taygeti conspicuas nives,
 Quas, cum Sarmaticus tempore frigido
 In summis Boreas composuit jugis,
 Aestas veliferis solvit Etesiiis
 (Quem tangit gelido flumine lucidus 130
 Alphéos, stadio notus Olympico);
 Advertat placidum numen, et arceat,
 Alternas scelerum ne redeant vices,
 Neu succedat avo deterior nepos,
 Et major placeat culpa minoribus. 135
 Tandem lassa feros exuat impetus
 Sicci progenies impla Tantalum.

114. Male Flor.: *litus*, pejus etiam Lipsius: *laetus*, *latus*, *latus factus*, *late extensus*, *undis refugientibus*. 135. Ita Flor. et edd. vet. V.: *arceat Alternas* etc.

THYESTES. ACT. I.

49

Peccatum satis est. Fas valuit nihil
 Ad commune nefas. Preditus occidit
 Deceptor domini Myrtilus, et fide 140
 Vectus, quâ tulerat, nobile reddidit
 Mutato pelagus nomine. Notior
 Nulla est Ioniis fabula navibus.
 Exceptus gladio parvulus impio
 Dum currit patrium gnatus ad osculum, 145
 Immatura fociis victima concidit,
 Divisusque tuâ est, Tantâle, dexterâ:
 Mensas ut strueres hospitibus deis.
 Hos aeterna fames prosequitur cibos,
 Hos aeterna sitis; nec dapibus feris 150
 Decerni potuit poena decentior.
 Stat lusus vacuo gutture Tantalus:
 Impendet capiti plurima noxio
 Phinéis avibus praeda fugacior;
 Hinc illinc gravidis frondibus incubat 155
 Et curvata suis foetibus, ac tremens
 Adludit patulis arbor hiatibus.
 Haec, quamvis avidus nec patiens morae,
 Deceptus toties tangere negligit,
 Obliquatque oculos, oraque comprimit, 160
 Inclusisque famem dentibus adligat;
 Sed tunc divitias omne nemus suas
 Demittit propius, pomaque desuper
 Insultant foliis mitia languidis,
 Accenduntque famem, quae jubet irritas 165
 Exercere manus. Has ubi protulit,
 Et falli libuit: totus in arduum
 Autumnus rapitur silvaeque mobilis.
 Instat deinde sitis non levior fame;
 Quâ cum percaluit sanguis et igneis 170
 Exarsit facibus: stat miser obvios
 Fluctus ore vocans, quos profugus latex
 Avertit, sterili deficiens vado,
 Conantemque sequi, deserit; hic bibit
 Altum de rapido gurgite pulverem. 175

159. Inepte libri: *Aut comm. nef. At, ac, aut et similia non raro confunduntur.* 145. *Ascens. alique: navitis, quae est interpretatio.* 149. *Delrii quidam libri et Ald.: persequitur.* 156. *Mogunt.: Incurvata.*

ACTUS SECUNDUS.

ATREUS, SATELLES.

Atreus, ulciscendi fratrem certus, de vindictae ratione cum satellite deliberat, quem honesta consulentem non audit; impiam tandem et infandam ultionis rationem excogitat.

ATR. IGNAVE, iners, enervis, et (quod maximum i. s.
 Probrum tyranno rebus in summis reor)
 Inulte, post tot scelera, post fratris dolos
 Fasque omne ruptum, questibus vanis agis
 Iratus, Atreus? Fremere jam totus tuis 180
 Debebat armis orbis, et geminum mare
 Utrisque classes agere; jam flammis agros
 Lucere et urbes decuit, ac strictum undique
 Micare ferrum. Tota sub nostro sonet
 Argolica tellus equite; non silvae tegant 185
 Hostem, nec altis montium structae jugis
 Arces; relictis bellicum totus canat
 Populus Mycenis; quisquis invisum caput
 Tegit ac tuetur, clade funesta occidat.
 Haec ipsa pollens inclyti Pelopis domus 190
 Ruat vel in me, dummodo in fratrem ruat.
 Age, anime, fac, quod nulla posteritas probet,
 Sed nulla taceat! aliquod audendum est nefas
 Atrox, cruentum; tale, quod frater meus
 Suum esse malit. Scelera non ulcisceris, 195
 Nisi vincis. — Ecquid esse tam saevum potest,
 Quod superet illum? numquid abjectus jacet?
 Numquid secundis patitur in rebus modum,
 Fessis quietem? Novi ego ingenium viri
 Indocile; flecti non potest, frangi potest. 200
 Proin, antequam se firmet aut vires paret,
 Petatur ultro: ne quiescentem petat.
 Aut perdet, aut peribit; in medio est scelus
 Positum occupanti. SAT. Fama te populi nihil
 Adversa terret? ATR. Maximum hoc regni bonum est, 205
 Quod facta domini cogitur populus sui
 Tam ferre, quam laudare. SAT. Quos cogit metus
 Laudare, eosdem reddit inimicos metus.
 At qui favoris gloriam veri petit,

195. Sic pleraeque edd. vett. V.: *mallet*. 196. Libri: *Es quid*.
 Casca scribendi ratio librariorum.

THYESTES. ACT. II.

51

Animo magis quam voce laudari volet. 210
 ATR. Laus vera et humili saepe contingit viro;
 Non nisi potenti falsa. Quod nolunt, velint.
 SAT. Rex velit honesta: nemo non eadem volet.
 ATR. Ubicunque tantum honesta dominanti licent,
 Precario regnatur. SAT. Ubi non est pudor, 215
 Nec cura juris, sanctitas, pietas, fides:
 Instabile regnum est. ATR. Sanctitas, pietas, fides,
 Privata bona sunt; quâ juvat, reges eant.
 SAT. Nefas nocere vel malo fratri puta.
 ATR. Fas est in illo, quidquid in fratre est nefas: 220
 Quid enim reliquit crimine intactum, aut ubi
 Sceleri pepercit? Conjugem stupro abstulit,
 Regnumque furto. Specimen antiquum imperi
 Fraude est adeptus; fraude turbavit domum.
 Est Pelopis altis nobile in stabulis pecus, 225
 Arcanus aries, ductor opulenti gregis,
 Cujus per omne corpus effuso coma
 Dependet auro, cujus e tergo novi
 Aurata reges sceptrâ Tantalici gerunt.
 Possessor hujus regnat; hunc cunctae domus 230
 Fortuna sequitur. Tuta sepositâ sacer
 In parte carpit prata, quae claudit lapis,
 Fatale saxeo pascuum muro tegens.
 Hunc, facinus ingens ausus, adsumtâ in scelus
 Consorte nostri perfidus thalami avehit. 235
 Hinc omne cladis mutuae fluxit malum.
 Per regna trepidus exul erravit; mea
 Pars nulla generis tuta ab insidiis vacat;
 Corrupta conjux, imperi quassa est fides;
 Domus aegra, dubius sanguis est; certi nihil 240
 Nisi frater hostis. Quid stupes? Tandem incipe,
 Animoque sume Tantalum, et Pelopem adspice:
 Ad haec manus exempla poscuntur meae.
 Profare, dirum quâ caput mactem viâ!
 SAT. Ferro peremptus spiritum inimicum expuat. 245
 ATR. De fine poenae loqueris; ego poenam volo.
 Perimat tyrannus lenis; in regno meo
 Mors impetratur. SAT. Nulla te pietas movet?
 ATR. Excede, Pietas, si modo in nostrâ domo
 Unquam fuisti! Dira Furiarum cohors 250
 Discorsque Erinnya veniat et geminas faces

228. Fort.: D. auro. Tergore ex hujus novi etc. 237. Mala distinctio in vulgatis obtinet haec: — erravit mea; Pars etc. 249. Ita Fler. Ascens. Gron. V.: nostra in

Megaera quatiens: non satis magno meum
 Ardet furore pectus; impleri juvat
 Majore monstro. SAT. Quid novi rabidus struis?
 ATR. Nil quod doloris capiat adsueti modum. 255
 Nullum relinquam facinus, et nullum est satis.
 SAT. Ferrum? ATR. Parum est. SAT. Quid ignis? ATR. Et
 iamnum parum est.
 SAT. Quonam ergo telo tantus utetur dolor?
 ATR. Ipso Thyeste. SAT. Majus hoc ira est malum.
 ATR. Fateor. Tumultus pectora attonitus quatit, 260
 Penitusque volvit; raptor, et quo nescio;
 Sed raptor. Imo mugit e fundo solum.
 Tonat dies serenus, ac totis domus
 Ut fracta tectis crepuit, et moti lares
 Vertere vultum: fiat hoc, fiat nefas, 265
 Quod, di, timeat. SAT. Facere quid tandem paras?
 ATR. Nescio quid animus majus et solito amplius
 Supraque fines moris humani tumet,
 Instatque pigris manibus. Haud quid sit scio;
 Sed grande quiddam est. Ita sit! hoc, anime, occupa! 270
 Dignum est Thyeste facinus, et dignum Atreo:
 Uterque faciat. — Vidit infandas domus
 Odrysia mensas. — Fateor, immane est scelus;
 Sed occupatum: majus hoc aliquid dolor
 Inveniat. Animum Daulis inspira parens, 275
 Sororque! Causa est similis: adsiste, et manum
 Impelle nostram! — Liberos avidus pater
 Gaudensque laceret, et suos artus edat.
 Bene est! abunde est! hic placet poenae modus.
 Tantisper. Ubinam est? tam diu cur innocens 280
 Versatur Atreus? Tota jam ante oculos meos
 Imago daedis errat, ingesta orbitas
 In ora patris. Anime, quid rursus times,
 Et ante rem subsidis? Audendum est, age!
 Quod est in isto scelere praecipuum nefas, 285
 Hoc ipse faciet. SAT. Sed quibus captus dolis
 Nostros dabit, perductus, in laqueos pedem?
 Inimica credit cuncta. ATR. Non poterat capi,
 Nisi capere vellet. Regna nunc sperat mea.
 Hac spe minanti fulmen occurret Jovi; 290
 Hac spe subibit gurgitis tumidi minas,
 Dubiumque Libycae Syrtis intrabit fretum;
 Hac spe, quod esse maximum retur malum,
 Fratrem videbit. SAT. Quis fidem pacis dabit?
 Cui tanta credet? ATR. Credula est spes improba. 295

Gnatis tamen mandata, quae patruo ferant,
 Dabimus: relictis exul hospitibus vagus
 Regno ut miserias mutet, atque Argos regat,
 Ex parte dominus. Si nimis durus preces
 Spernet Thyestes: liberos ejus rudes 300
 Malisque fessos gravibus et faciles capi
 Praecommovebunt. Hinc vetus regni furor,
 Illinc egestas tristis ac durus labor,
 Quamvis rigentem tot malis subigent virum.
 SAT. Jam tempus illi fecit ærumnas leves. 305
 ATR. Erras: malorum sensus adcrevit die.
 Leve est miserias ferre, perferre est grave.
 SAT. Alios ministros consilii tristis lege:
 Pejora juvenes facile praecepta audiunt;
 In patre facient, quidquid in patruo doces. 310
 Saepe in magistrum scelera redierunt sua.
 ATR. Ut nemo doceat fraudis et sceleris vias:
 Regnum docebit. Ne mali fiant, times?
 Nascuntur istud. Quod vocas saevum, asperum,
 Agique dire credis et nimium impie, 315
 Fortasse et illic agitur. SAT. Hanc fraudem scient
 Gnati parari? Tacita tam rudibus fides
 Non est in annis; detegent forsitan dolos:
 Tacere multis discitur vitae malis.
 Ipsosne, per quos fallere alium cogitas, 320
 Falles, ut ipsi crimine et culpa vacent?
 ATR. Quid enim necesse est liberos sceleri meo
 Inserere? Per nos odia te nostra explicent. —
 Male agis, recedis, anime! Si parcis tuis,
 Parce et illi: consilium Agamemnoni mei 325
 Sciens minister fiat, et patri sciens
 Menelaus adsit. Prolis incertae fides
 Ex hoc petatur scelere. Si bella abnuunt.
 Et gerere nolunt odia, si patrum vocant:
 Pater est. Eatur. — Multa sed trepidus solet 330
 Detegere vultus; magna nolentem quoque
 Consilia produnt: nesciant, quantae rei
 Fiant ministri. Nostra tu coepta occules.
 SAT. Haud sum monendus: ista nostro in pectore
 Fides timorque, sed magis claudet fides. 335

- 303. V.: hinc durus labor. 317. Verba Tacita — malis ab aliis omnia, ab aliis postrema certe illa Tacere — malis Atreo assignantur; utrumque male. 330. Eatur. Ibo. 335. Ita Flor. V.: occule.

CHORUS.

A dissidiis fratrum, qui ad tempus minas componunt, sumtâ occasione, Chorus regum ambitionem taxat, quis vere rex sit docet, vitam denique latentem collaudat.

TANDEM regia nobilis,	glycon.
Antiqui genus Inachi,	
Fratrum composuit minas.	
Quis vos exagitat furor,	
Alternis dare sanguinem,	340
Et sceptrum scelere adgredi?	
Nescitis, cupidi arcium,	
Regnum quo jaceat loco.	
Regem non faciunt opes,	
Non vestis Tyriae color,	345
Non frontis nota regiae,	
Non auro nitidae fores:	
Rex est, qui posuit metus	
Et diri mala pectoris,	
Quem non ambitio impotens	350
Et nunquam stabilis favor	
Vulgi praecipitis movet,	
Non quidquid fodit Occidens,	
Aut undâ Tagus aureâ	
Claro devehit alveo;	355
Non quidquid Libycis terit	
Fervens area messibus;	
Quem non concutiet cadens	
Obliqui via fulminis,	
Non Eurus rapiens mare,	360
Aut saevo ravidus freto	
Ventosi tumor Adriac;	
Quem non lancea militis,	
Non strictus domuit chalybs;	
Qui tuto positus loco,	365
Infra se videt omnia,	
Occurritque suo libens	
Fato, nec queritur mori,	
Reges convenient licet,	
Qui sparsos agitant Dahae,	370
Qui rubri vada litoris,	
Et gemmis mare lucidum	
Late sanguineum tenent,	

339. vos, cupidi arcium. 372. Flor., probante Nic. Heinio
Advers. 1, 4. lucidis.

THYESTES. ACT. II.

55

Aut qui Caspia fortibus Recludunt juga Sarmatis; Certet, Danubii vadam Audet qui pedes ingredi, Et (quocunque loco jacent) Seres vellere nobiles: Mens regnum bona possidet.	380
Nil ullis opus est equis; Nil armis et inertibus Telis, quae procul ingerit Parthus, cum simulat fugas; Admotis nihil est opus	385
Urbes sternere machinis, Longe saxa rotantibus: Rex est, qui metuit nihil; Rex est, qui cupiet nihil. Hoc regnum sibi quisque dat.	390
Stet, quicunque volet, potens Aulae culmine lubrico: Me dulcis saturet quies; Obscuro positus loco, Leni perfruar otio;	395
Nullis nota Quiritibus Aetas per tacitum fluat. Sic cum transierint mei Nullo cum strepitu dies, Plebejus moriar senex.	400
Illi mors gravis incubat, Qui, notus nimis omnibus, Ignotus moritur sibi.	

ACTUS TERTIUS.

THYESTES, PLISTENES,
TANTALUS junior et } Mutae personae
FRATER tertius }

Thyesti a fratre Atreo per hujus filios revocato, redeuntque in patriam non sine diffidentia ac mente malum praesagiente, revertendi fiduciam addunt ipsius filii.

THY. OPTATA patriae tecta et Argolicas opes, i. v.

388. Malim metust, ut suspicet.

Miserisque summum ac maximum exulibus bonum, 405
 Tractum soli natalis et patrios deos
 (Si sunt tamen di) cerno, Cyclopum sacras
 Turres, labore majus humano decus,
 Celebrata juvem stadia, per quae nobilis
 Palmam paterno non semel curru tuli. 410
 Occurret Argos, populus occurret frequens;
 Sed nempe et Atreus. Repete silvestres fugas
 Satusque densos potius et mixtam feris
 Similemque vitam! Clarus hic regni nitor
 Fulgore non est quod oculos falso auferat. 415
 Cum, quod datur, spectabis, et dantem adspice!
 Modo inter illa, quae putant cuncti aspera,
 Fortis fui laetusque; nunc contra in metus
 Revolvor, animus haeret ac retro cupit
 Corpus referre, moveo nolentem gradum. 420
 PLISTH. Pigro (quid hoc est?) genitor incessu stupet,
 Vultumque versat, sequē in incerto tenet.
 THY. Quid, anime, pendes, quidve consilium diu
 Tam facile torques? Rebus incertissimis,
 Fratri atque regno, credis, ac metuis mala 425
 Jam victa, jam mansueta, et aerumnas fugis
 Bene collocatas? Esse jam miserum juvat.
 Reflecte gressum, dum licet, teque eripe!
 PLISTH. Quae causa cogit, genitor, a patriâ gradum
 Referre visâ? cur bonis tantis sinum 430
 Subducis? Irâ frater abjectâ redit;
 Partemque regni reddit, et lacerae domus
 Componit artus, teque restituit tibi.
 THY. Causam timoris, ipse quam ignoro, exigis.
 Nihil timendum video; sed timeo tamen. 435
 Placet ire; pigris membra sed genubus labant,
 Alioque quam quo nitor abductus feror.
 Sic concitatam remige et velo, ratem
 Aestus, resistens remigi et velo refert.
 PLISTH. Evince, quidquid obstat et mentem impedit, 440
 Reducemque quanta praemia expectent vide.
 Pater, potes regnare. THY. Cum possim mori.
 PLISTH. Summa est potestas... THY. Nulla, si cupias nihil.
 PLISTH. Gnatis relinques. THY. Non capit regnum duos.
 PLISTH. Miser esse mavult, esse qui felix potest? 445

406. Inepte legitur *Tactum*. 416. V.: *quid datur*. Edd. vet.:
quod datur, pro *quod datur*, neglecta littera geminanda. 442. Male,
 qui: *Cum possim mori*? Rex Stoicus est, qui mori potest. Vidd.
 Commelin. et Dan. Heinsius.

THY. Mihi crede, falsis magna nominibus placent,
 Frustra timentur dura. Dum excelsus steti,
 Nunquam pavere destiti atque ipsum mei
 Ferrum timere lateris. O quantum bonum est
 Obstare nulli, capere securas dapes 450
 Humi jacentem! Scelera non intrant casas,
 Tutusque mensâ capitur angustâ cibus;
 Venenum in auro bibitur. Expertus loquor:
 Malam bonae præferre fortunam licet.
 Non vertice alti montis impositam domum 455
 Et eminentem civitas humilis tremit,
 Nec fulget altis splendidum tectis ebur,
 Somnosque non defendit excubitor meos;
 Non classibus piscamur et retro mare
 Jactâ fugamus mole; non ventrem improbum 460
 Alimus tributo gentium: nullus mihi
 Ultra Getas metatur et Parthos ager;
 Non tûre colimur, nec meae, excluso Jove,
 Ornantur arae; nulla culminibus mæis
 Imposita nutat silva, nec fumant manu 465
 Succensa multâ stagna, nec, somno dies,
 Bâcchoque nox jungenda pervigili datur:
 Sed non timemur; tuta sine telo est domus,
 Rebusque parvis alta præstatur quies.
 Immane regnum est posse sine regno pati. 470
 PLISTH. Nec abnuendum est, si dat imperium deus.
 THY. Nec adpetendum. PLISTH. Frater, ut regnes, rogat.
 THY. Rogat? Timendum est. Errat hic aliquis dolus.
 PLISTH. Redire pietas, unde submota est, solet,
 Reparâque vires justus amissas amor. 475
 THY. Amat Thyesten frater? Aethereas prius
 Perfundet Arcos pontus, et Siculi rapax
 Consistet aestus unda, et Ionio seges
 Matura pelago surget, et lucem dabit
 Nox atra terris; ante cum flammis aquae, 480
 Cum morte vita, cum mari ventus fidem
 Foedusque jungent. PLISTH. Quam tamen fraudem times?
 THY. Omnem: timori quem meo statuam modum?
 Tantum potest, quantum odit. PLISTH. In te quid potest?
 THY. Pro me nihil jam metuo; vos facitis mihi 485
 Atrea timendum. PLISTH. Decipi captus times?
 Scrum est cavendi tempus in mediis malis.

449. Fortasse legendum *quanti*. 470. pati. „posse vivere.“
 Bernardin. *капр еспив*. Cf. Gron.

THY. Eatur. Unum genitor hoc testor tamen:
Ego vos sequor, non duco. PLISTH. Respiciet deus
Bene cogitata. I! — Perge non dubio gradu! 490

ATREUS, THYESTES,
TANTALUS F. et } Mutae personae.
TERTIUS frater. }

Tacite sibi applaudit Atreus, irretitum fratrem, cui obviam pro-
cedit et simulata in gratiam reditione eum circumvenit.

ATR. PLAGIS tenetur clusa dispositis fera: i. s.
Et ipsum, et una generis invisî indolem
Junctam parenti cerno. Jam tuto in loco
Versantur odia; venit in nostras manus
Tandem Thyestes; venit, et totus quidem. 495
Vix tempero animo, vix dolor frenos capit.
Sic, cum feras vestigat et longo sagax
Loro tenetur Umber, ac presso vias
Scrutatur ore, dum procul lento suem
Odore sentit: paret, et tacito locum 500
Rostro pererrat; praeda cum propior fuit:
Cervice totâ pugnat, et gemitu vocat
Dominum morantem, seque retinenti eripit.
Cum spirat ira sanguinem, nescit tegi;
Tamen tegatur. THY. Adspice, ut multa gravis 505
Squalore vultus obruat moestos coma,
Quam foeda jaceat harba. Praestetur fides.
ATR. Fratrem juvat videre. Complexus mihi
Redde expetitos! Quidquid irarum fuit,
Transierit. Ex hoc sanguis ac pietas die 510
Colantur; animis odia damnata excidant.
THY. Diluere possem cuncta, nisi talis fores.
Sed fateor, Atreu, fateor, admisi omnia,
Quae credidisti. Pessimam causam meam
Hodierna pietas fecit. Est prorsus nocens, 515
Quicunque visus tam bono fratri est nocens.
Lacrimis agendum est: supplicem primus vides;
Hae te precantur pedibus intactae manus:

490. V.: B. cog. Perge. Sed ed. Fernandi: *imperge*; Cajetani: *lperge*. 504. Flor. margo Basil., Alb. Eibii, qui fuit Pii II, Pontificis Rom., cubicularius) margarita poet.: *sperat*, quam lectionem vulgatae praefert Gron. 505. *Adspice* — *fides*. Male haec sub Atrei persona leguntur. *Praestetur* Flor. et optimi quique codd., tam scripti quam impressi. V.: *Praestatur*.

THYESTES. ACT. III.

59

Ponatur omnis ira, et ex animo tumor
 Erasmus abeat. Obsides fidei accipe 520
 Hos innocentes! ATR. Frater, a genubus manus
 Aufer, meosque potius amplexus pete!
 Vos quoque, senum praesidia, tot juvenes, meo
 Pendete collo! Squalidam vestem exue,
 Oculisque nostris parce, et ornatus cape 525
 Pares meis; laetusque fraterni imperi
 Capesse partem! Major haec laus est mea,
 Fratri paternum reddere incolumi decus.
 Habere regnum casus est, virtus dare.
 THY. Di paria, frater, pretia pro tantis tibi 530
 Meritis rependant. Regiam capitis notam
 Squalor recusat noster, et sceptrum manus
 Infausta refugit. Liceat in mediâ mihi
 Latere turbâ. ATR. Recipit hoc regnum duos.
 THY. Meum esse credo, quidquid est, frater, tuum. 535
 ATR. Quis influentis dona fortunae abnuit?
 THY. Expertus est quicumque, quam facile effluant.
 ATR. Fratrem potiri gloriâ ingenti vêtas?
 THY. Tua jam peracta gloria est; restat mea:
 Respuere certum est regna consilium mihi. 540
 ATR. Meam relinquam, nisi tuam partem accipias.
 THY. Accipio, Regni nomen impositi feram;
 Sed jura et arma servient mecum tibi,
 ATR. Imposita capiti vincla venerando gere;
 Ego destinatas victimas Superis dabo. 545

CHORUS.

Inserviens actui praecedenti Chorus Atrei collaudat pietatem, quâ
 simultates et dissidia fratrum composuit, non secus ac serenitas
 tempestatem secuta.

CREDAT hoc quisquam? ferus ille et acer, sapph.
 Nec potens mentis, truculentus Atreus
 Fratris adspectu stupefactus haesit.
 Nulla vis major pietate verâ est.
 Jurgia externis inimica durant; 550
 Quos amor verus tenuit, tenebit.
 Ira oum magnis agitata causis
 Gratiam rupit, cecinitque bellum;
 Cum leves frenis sonuere turmae,
 Fulsit hinc illinc agitatus ensis, 555

559. Fernand.: Jam tua.

Quem movet crebro furibundus ictu
 Sanguinem Mavors cupiens rocentem:
 Opprimit ferrum, manibusque junctia
 Ducit ad pacem Pietas negantes.
 Otium tanto subitum e tumultu
 Quis deus fecit? Modo per Mycenae
 Arma civilis crepuere belli;
 Pallidae natos tenuere matres;
 Uxor armato timuit marito,
 Cum manum invitus sequeretur ensis,
 Sordidus pacis vitio quietae.
 Ille labentes renovare muros,
 Hic situ quassas stabilire turres,
 Ferreis portas cohibere claustris
 Ille certabat; pavidusque pinnis
 Anxiae noctis vigil incubabat.
 Pejor est bello timor ipse belli.
 Jam minae saevi cecidere ferri,
 Jam silet murmur grave classicorum,
 Jam tacet stridor litui strepentis:
 Alta pax urbi revocata laetae est.
 Sic, ubi ex alto tumuere fluctus,
 Bruttium Coro feriente pontum,
 Scylla pulsatis resonat cavernis;
 Ac mare in portu timuere nautae,
 Quod rapax haustum revomit Charybdis;
 Et ferus Cyclops metuit parentem
 Rupe ferventis residens in Aetnae,
 Ne superfusus violetur undis
 Ignis aeternis resonans caminis;
 Et putat mergi sua posse pauper
 Regna Laertes Ithacâ tremente.
 Si suae ventis cecidere vires,
 Mitius stagno pelagus recumbit:
 Alta, quae navis timuit secare
 Hinc et hinc fusis spatiosa velis,
 Strata ludenti patuere cymbae;
 Et vacat mersos numerare pisces
 Hic, ubi ingenti modo sub procellâ
 Cyclades pontum timuere motae.
 Nulla sors longa est; dolor ac voluptas
 Invicem cedunt; brevior voluptas.
 Ima permutat levis hora summis.
 Ille, qui donat diadema fronti,
 Quem genu nixae tremuere gentes,

560

565

570

575

580

585

590

595

600

THYESTES. ACT. III.

61

Cujus ad nutum posuere bella
 Medus et Phoebi proprioris Indus
 Et Dahae Parthis equitem minati,
 Anxius sceptrum tenet, et moventes
 Cuncta divinat, metuitque casus
 Mobiles rerum dubiumque tempus.
 Vos, quibus rector maris atque terrae
 Jus dedit magnum necis atque vitae,
 Ponite inflatos tumidosque vultus:
 Quidquid a vobis minor extimescit,
 Major hoc vobis dominus minatur.
 Omne sub regno graviore regnum est:
 Quem dies vidit veniens superbum,
 Hunc dies vidit fugiens jacentem.
 Nemo confidat nimium secundis,
 Nemo desperet meliora lapsis:
 Miscet haec illis, prohibetque Clotho
 Stare fortunam; rotat omne fatum.
 Nemo tam divos habuit faventes,
 Crastinum ut posset sibi polliceri:
 Res deus nostras celeri citatas
 Turbine versat.

605

610

615

620

ad.

ACTUS QUARTUS.

NUNTIUS, CHORUS.

Crudele Atræi facinus et epulas nefandas, in quibus apponebantur
 Thyestæ sui liberi, digna, quæ ex oculis spectatorum sublata
 iatus gererentur, narrat nuntii facundia præsens.

NUNT. QUIS me per auras turbo præcipitem vehet i. s.
 Atræque nube involvet, ut tantum nefas
 Eripiat oculis? O domus Pelopi quoque.
 Et Tantalo pudenda! CHOR. Quid portas novi?
 NUNT. Quænam ista regio est, Argos et Sparte, pios
 Sortita fratres, et maris gemini premens
 Fauces Corinthos, an feris Ister fugam
 Præbens Alanis, an sub æternâ nive

625

630

604. moventes. deos, quorum numine omnia fingi, moveri mu-
 tarique possunt, ut ait Cic. De nat. d. 5, 39. Cf. Stat. Theb. 8,
 6, 120. 606. Malim Nobiles, insignes in malam partem. 620.
 posset edd. vett., in his Fernand. et Ascens. V.: possit.

Hyrcana tellus, an vagi passim Scythae?
 Quis hic nefandi est conscius monstri locus?
 CHOR. Effare et istud pande, quodcunque est, malum.
 NUNT. Si steterit animus, si metu corpus rigens
 Remittet artus. Haeret in vultu trucidis 635
 Imago facti. Ferte me insanae procul
 Illo procellae, ferte, quo fertur dies
 Hinc raptus! CHOR. Animos gravius incertos tenes.
 Quid sit, quod horres, ede, et auctorem indica.
 Non quaero, quis sit, sed uter. Effare pcus! 640
 NUNT. In arce summâ Pelopiae pars est domus
 Conversa ad Austros, cujus extremum latus
 Aequale monti crescit, atque urbem premit,
 Et contumacem regibus populum suis
 Habet sub ictu; fulget hic turbae capax 645
 Immane tectum, cujus auratas trabes
 Variis columnae nobiles maculis ferunt.
 Post ista vulgo nota, quae populi colunt,
 In multa dives spatia discedit domus.
 Arcana in imo regia secessu patet, 650
 Altâ vetustum valle compescens nemus,
 Penetrâle regni; nulla quâ laetos solet
 Praebere ramos arbor, aut ferro coli;
 Sed taxus et cupressus et nigrâ ilice
 Obscura nutat silva, quam supra eminena 655
 Despectat alte quercus, et vincit nemus.
 Hinc auspicari regna Tantalidae solent,
 Hinc petere lapsis rebus et dubiis opem.
 Adfixa inhaerent dona, vocales tubae,
 Fractique currus, spolia Myrtoî maris, 660
 Victaeque falsis axibus pendent rotae,
 Et omne gentis factus; hoc Phrygius loco
 Fixus tiaras Pelopis, hic praeda hostium,
 Et de triumpho picta barbarico chlamys.
 Fons stat sub umbrâ tristis, et nigrâ piger 665
 Haeret palude. Talis est dirae Stygis
 Deformis unda, quae facit coelo fidem.
 Hic nocte coecâ gemere ferales deos
 Fama est; catenis lucus excussis sonat,
 Ululantque Manes. Quidquid audire est metus, 670
 Illic videtur; errat antiquis vetus

641. Codd. αὐτῶν; Pelopaeae. Cf. Agam. 7. 661. Victaeque.
 Flor: iunctaeque, fortasse pro iūtaeque (iunctaeque), h. e. iunctae-
 que. Nic. Heins. Advers. 1, 4. tentat Fultaeque.

Emissa bustis turba, et insultant loco
 Majora notis monstra; quin totâ solet
 Micare silvâ flamma, et excelsae trabes
 Ardent sine igni. Saepe latratu nemus
 Trino remugit; saepe simulacris domus
 Attonita magnis. Nec dies sedat metum:
 Nox propria luco est, et superstitio Inferum
 In luce mediâ regnat. Hinc orantibus
 Responsa dantur certa, cum ingenti sono
 Laxantur adyto fata, et immugit specus
 Vocem deo solvente. Quo postquam furens
 Intravit Atreus, liberos fratris trahens;
 Ornantur arae. Quia queat digne eloqui?
 Post terga juvenum nobiles revocat manus,
 Et moesta vittâ capita purpureâ ligat;
 Non tura desunt, non sacer Bacchi liquor,
 Tangensve fusâ victimam cultor molâ
 Servatur omnis ordo, ne tantum nefas
 Non rite fiat. *CHOR.* Quis manum ferro admovet?
 NUNT. Ipse est sacerdos; ipse funestâ prece
 Letale carmen ore violento canit;
 Stat ipse ad aras; ipse devotos neci
 Contrectat, et componit, et ferro admovet;
 Attendit ipse; nulla pars sacri perit.
 Lucus tremiscit; tota succusso solo
 Nutavit aula, dubia, quo pondus daret,
 Ac fluctuanti similis; e laevo aethere
 Atrum cucurrit limitem sidus trahens;
 Libata in ignes vina mutato fluunt
 Cruenta Baccho; regium capiti decus
 Bis terque lapsum est; flevit in templis ebur.
 Movere cunctos monstra; sed solus sibi
 Immotus Atreus constat, atque ultro deos
 Terret minantes. Jamque dimissâ morâ
 Adsiluit aris, torvum et obliquum intuens.
 Jejuna silvis qualis in Gangeticis
 Inter juvencos tigris erravit duos,
 Utriusque praedae cupida (quo primos ferat
 Incerta morsus, flectit huc rictus suos,
 Illo reflectit, et famem dubiam tenet),
 Sic dirus Atreus capita devota impiae
 Speculatur irae. Quem prius mactet sibi,

675

680

685

690

695

700

705

710

688. *fura* Eguian. Herbipol. Cajet. V. *salsa*, quod haud dubie est glossema.

Dubitat; secundâ deinde quem caede immolet.
 Nec interest; sed dubitat, et saevum scelus 715
 Juvat ordinare. CHOR. Quem tamen ferro occupat?
 NUNT. Primus locus (ne deesse pietatem putes)
 Avo dicatur: Tantalus prima hostia est.
 CHOR. Quo juvenis animo, quo tulit vultu necem?
 NUNT. Stetit sui securus, et non est preces 720
 Perire frustra passus. Ast illi ferus
 In vulnere ensem abscondit, et penitus premens
 Jugulo manum commisit. Educto stetit
 Ferro cadaver; cumque dubitasset diu,
 Hac parte, an illâ caderet, in patrum cadit. 725
 Tunc ille ad aras Plisthenem saevus trahit,
 Adicitque fratri; colla percussa amputat;
 Cervice caesâ truncus in primum ruit.
 Querulum cucurrit murmure incerto caput.
 CHOR. Quid deinde geminâ caede perfunctus facit? 730
 Puerone parcit? an scelus sceleri ingerit?
 NUNT. Silvâ jubatus qualis Armeniâ leo
 In caede multâ victor armento incubat
 (Cruore rictus madidus et pulsâ fame
 Non ponit iras: hinc et hinc tauros premens 735
 Vitulis minatur; dente jam lasso piger):
 Non aliter Atreus saevit atque irâ tumet;
 Ferrumque geminâ caede perfusum tenens,
 Oblitus in quem rueret, infestâ manu
 Exegit ultra corpus. At pueri statim 740
 Pectore receptus ensis in tergo extitit.
 Cadit ille, et aras sanguine extinguens suo,
 Per utrumque vulnus moritur. CHOR. O saevum scelus!
 NUNT. Exhorruistis? Hactenus sistat nefas:
 Pius est. CHOR. An ultra majus aut atrocius 745
 Natura recipit? NUNT. Sceleris hunc finem putas?
 Gradus est. CHOR. Quid ultra potuit? Abjecit feris
 Lanianda forsâ corpora, atque igne arcuit.
 NUNT. Utinam arcuisset! Ne tegat functos humus,
 Ne solvat ignis, avibus epulandos licet 750
 Ferisque triste pahulum saevis trahat.
 Votum est sub hoc, quod esse supplicium solet:
 Pater insepultos spectet. O nullo scelus
 Credibile in aevo, quodque posteritas neget!
 Erepta vivis exta pectoribus tremunt, 755
 Spirantque venae, corque adhuc pavidum salit.

At ille fibras tractat, ac fata inspicit,
 Et adhuc calentes viscerum venas notat.
 Postquam hostiae placuere: securus vacat
 Jam fratris epulis. Ipse divisum secat 760
 In membra corpus: amputat trunco tenus
 Humeros patentes et lacertorum moras,
 Denudat artus dirus atque ossa amputat;
 Tantum ora servat et datas fidei manus.
 Haec verubus haerent viscera, et lentis data 765
 Stillant caminis; illa flammatus latex,
 Candente ahenò, jactat. Impositas dapes
 Transiluit ignis, inque trepidantes focos
 Bis ter regestus et pati jussus moram,
 Inavitus ardet. Stridit in verubus jecur; 770
 Nec facile dicam, corpora an flammæ magis
 Gemuere. Piceos ignis in fumos abit;
 Et ipse fumus, tristis ac nebulâ gravis,
 Non rectus exit, seque in excelsum levans
 Ipsos penates nube deformi obsidet. 775
 O Phoebe patiens, fugeris retro licet,
 Medioque ruptum merseis coelo diem,
 Sero occidisti. Lancinat gnatos pater,
 Artusque mandit ore funesto suos.
 Nitet fluente madidus unguento comam, 780
 Gravisque vino. Saepe praeclusae cibum
 Tennere fauces. In malis unum hoc tuis
 Bonum est, Thyesta, quod mala ignoras tua;
 Sed et hoc peribit, Verterit currus licet,
 Sibi ipse Titan obvium ducens iter, 785
 Tenebrisque facinus obruat tetrum novis
 Nox missa ab ortu tempore alieno gravis:
 Tamen videndum est; tota patefient mala.

CHORUS.

Videns Chorus solem retrocedere obstupescit, veritus, ne dissolutâ mundi machinâ omnia in antiquum chaos recidant.

Quò terrarum Superûmque parens, a. d. et m.

760. *divisum*, cui caput amputatum est. 767. Ita Flor. V.: *Querente*. 770. V. *stridet*, homoeoteleuto minus suavi. 771. *Σολοι-κοφανέε*, cum pro more Latinorum requiratur *gemuerint*. Nec juvat Florentini scriptura hæc: — *flammae gemant?* *Gemuere*, quæ glossam sapit. Gron. haud nolebat *corp. an flammæ m. Gemuisse*. 772. *Piceos* Flor. Gron. Alii: *Piceus*. 783. Malim *Thyeste*, cum quia graecissat Seneca, cum quia versus fit *τραπεζο-κατερος* tertia sede posito spondeo, et homoeoteleutorum minuitur numerus.

Cujus ad ortus noctis opacae	790
Decus omne fugit, quo vertis iter,	
Medioque diem perdis Olympo?	
Cur, Phoebe, tuos rapis adspectus?	
Nondum serae nuntius horae	
Nocturna vocat lumina Vesper;	795
Nondum Hesperiae flexura rotae	
Jubet emeritos solvere currus;	
Nondum in noctem vergente die	
Tertia misit buccina signum;	
Stupet ad subitae tempora coenae	800
Nondum fessis bubus arator.	
Quid te aethetio pepulit cursu?	
Quae causa tuos limite certo	
Dejecit equos? numquid aperto	
Garcere Ditis victi tentant	805
Bella gigantes? numquid Tityos	
Pectore fesso renovat veteres	
Saucius iras? num rejecto	
Latus explicuit monte Typhoeus?	
Numquid struitur via Phlegraeos	810
Alta per hostes, et Thessalicum	
Thressa premitur Pelion Ossâ?	
Solitae mundi periere vices:	
Nihil Occasus, nihil Ortus erit.	
Stupet, Eoos adsueta deo	815
Tradere frenos, genitrix primae	
Roscida lucis, perversa sui	
Limina regni; nescit fessos	
Tingere currus, nec fumantes	
Sudore jubas mergere ponto.	820
Ipsè insueto novus hospitio	
Sol auroram videt occiduus,	
Tenebrasque jubet surgere nondum	
Nocte paratâ. Non succedunt	
Astra, nec ullo micat igne polus,	825
Nec Luna graves digerit umbras.	
Sed quidquid id est, utinam nox sit!	
Trepidant, trepidant pectora magno	
Percussa metu, ne fatali	
Cuncta ruinâ quassata labent,	830
Iterumque deos hominesque premat	
Deforme chaos,	

818. *Limina*, limites, fines. Ita Flor. Ald. V.: *Lumina*.

THYESTES. ACT. IV.

67

Iterum terras et mare et ignes
 Et vaga picti sidera mundi
 Natura tegat. 835
 Non aeternae facis exortu
 Dux astrorum secula ducens
 Dabit aestatis brumaeque notas.
 Non Phoebeis obvia flammis
 Demet Nocti Luna timores, 840
 Vincetque sui fratris habenas,
 Curvo brevius limite currens.
 Ibit in unum congesta sinum
 Turba deorum.
 Hic, qui sacris pervius aetris 845
 Secat obliquo tramite zonas,
 Flectens longos Signifer annos,
 Lapsa videbit sidera labens.
 Hic, qui nondum vere benigno
 Reddit Zephyro vela tepenti, 850
 Aries praeceps ibit in undas,
 Per quas pavidam vexerat Hellen.
 Hic, qui nitido Taurus cornu
 Praefert Hyadas, secum Geminos
 Trahet et curvi brachia Cancri. 855
 Leo flammiferis aestibus ardens
 Iterum e coelo cadet Herculeus,
 Cadet in terras Virgo relictas,
 Justaeque cadent pondera Librae,
 Secumque trahent Scorpion acrem; 860
 Et, qui nervo tenet Haemonio
 Pennata senex spicula Chiron,
 Rupto perdet spicula nervo.
 Pigram referens hiemem gelidus
 Cadet Aegoceros, frangetque tuam, 865
 Quisquis es, Urnam. Tecum excedent
 Ultima coeli sidera Pisces;
 Monstraque nunquam perfusa mari
 Merget condens omnia gurgis;
 Et qui medias dividit Ursas, 870
 Fluminis instar, lubricus Anguis,
 Magnoque minor juncta Draconi
 Frigida duro Cynosura gelu,
 Custosque sui tardus plaustrum

885. *moriente margo Moguntiaci. V.: pereunte. Mori dicunt Stolci inundum animantem: vide Cic. de Nat. d. 2, 11. et ibi interpretes.*

Jam non stabilis ruet Arctophylax. 875
 Nos e tanto visi populo
 Digni, premeret quos everso
 Cardine mundus;
 In nos aetas ultima venit.
 O nos durâ sorte creatos, 880
 Seu perdidimus solem miseri,
 Sive expulimus!
 Abeant questus; discede, Timor!
 Vitae est avidus, quisquis non vult
 Mundo secum moriente mori. 885

ACTUS QUINTUS.

ATREUS.

Exultans impius Atreus nefariam de fratre vindictam sibi gratulatur, dirisque apposis dapibus de natorum sanguine prae-bendo deliberat.

AEQUALIS astris gradior, et cunctos super i. s.
 Altum superbo vertice attingens polum!
 Nunc decora regni teneo, nunc solium patris.
 Dimitto Superos: summa votorum attigi.
 Bene est; abunde est; jam sat est etiam mihi. 890
 Sed cur satis sit? pergam, et implebo patrem
 Funere suorum. Ne quid obstaret pudor,
 Dies recessit: perge, dum coelum vacat.
 Utinam quidem tenere fugientes deos
 Possem, et coactos trahere, ut ultricem dapem 895
 Omnes viderent! Quod sat est, videat pater.
 Etiam die nolente discutiam tibi
 Tenebras, miseriae sub quibus latitant tuae.
 Nimis diu conviva securo jaces
 Hilarique vultu; jam satis mensis datum est, 900
 Satisque Baccho; sobrio tanta ad mala
 Opus est Thyeste. Turba familiaris fores
 Templi relaxa; festa patefiat domus.
 Libet videre, capita natorum intuens
 Quos det colores, verba quae primus dolor 905
 Effundat, aut ut spiritu expulso stupens
 Corpus rigescat. Fructus hic operis mei est.

THYESTES. ACT. V.

69

Miserum videre nolo; sed, dum fit miser. —

Aperta multâ tecta collucent face.

Resupinus ipse purpuræ atque auro incubat,

910

Vino gravatum fulciens laevâ caput.

Eructat. O me coelitum excelsissimum,

Regumque regem! vota transcendî mea!

Satur est, capaci ducit argento merum.

Ne parce potu: restat etiamnum cruor

915

Tot hostiarum. Veteris hunc Bacchi color

Abscondet. Hoc haec mensa claudatur scypho.

Mixtum suorum sanguinem genitor bibat;

Meum bibisset. Ecce, jam cantus ciet

Festasque voces, nec satis menti imperat.

920

THYESTES.

Thyestis epulantis cantus: quo invitat se ad laetitiam, quam tamen mens ejus praesaga mali non admittit.

PECTORA longis hebetata malis,

, a. d. et m.

Jam sollicitas ponite curas!

Fugiat moeror, fugiatque pavor.

Fugiat trepidi comes exilii

Tristis egestas, rebusque gravis

925

Pudor adflictis. Magis unde cadas,

Quam quo, refert. Magnum, ex alto

Culmine lapsum stabilem in plano

Figere gressum; magnum, ingenti

Strage malorum pressum fracti

930

Pondera regni non inflexâ

Cervice pati, nec degenerem

Victumque malis rectum impositas

Ferre ruinas. Sed jam saevi

Nubila fati pelle, ac miseri

935

Tempore in omni dimitte notas;

Redeant vultus ad laeta boni;

Veterem ex animo mitte Thyesten! —

Proprium hoc miseros sequitur vitium,

Nunquam rebus credere laetis.

940

Redeat felix Fortuna licet,

Tamen adflictos gaudere piget.

Quid me revocas, festumque vetas

928. Lectio parum elegans. Malit itaque Nic. Heins. loco laudato ad 727. lapsis. Legendum fortasse lapsos. 935. Ita Flor. V.: miseri Temporis omnes dim, n.

Celebrare diem? quid flere jubes	
Nulla surgens dolor ex causâ?	945
Quis me prohibet flore recenti	
Vincere comam? Prohibet, prohibet!	
Vernae capiti fluxere rosâ;	
Pingui madidus crinis amomo	
Inter subitos stetit horrores;	950
Imber vultu nolente cadit;	
Venit in medias voces gemitus.	
Moeror lacrimas amat adsuetas;	
Flendi miseris dira cupido est.	
Libet infaustos mittere questus;	955
Libet et Tyrio saturas ostro	
Rumpere vestes; ululare libet!	
Mittit luctus signa futuri	
Mens, ante sui praesaga mali.	
Instat nautis fera tempestas,	960
Cum sine vento tranquilla tument. —	
Quos tibi luctus quosve tumultus	
Fingis, demens?	
Credula praesta pectora fratri!	
Jam, quidquid id est, vel sine causâ,	965
Vel sero times. — Nolo infelix;	
Sed vagus intra terror oberrat,	
Subitos fundunt oculi fletus,	
Nec causâ subest. Dolor, an metus est?	
An habet lacrimas magna voluptas? —	970

ATREUS, THYESTES.

Atreus, festivitatem simulans, fratrem ad poculum invitât. Cupienti illi videre liberôs, quo plenius gauderêt, ostendit capita et palmas, et quid actum sit aperit; hinc dolor, ira, convicia, execrationes ortae.

ATR. Festum diem, germane, consensu pari	i. s.
Celebremus: hic est, sceptrâ qui firmet mea,	
Solidamque pacis adliget certae fidem.	
THY. Satias dapis me, nec minus Bacchi tenet.	
Augere cumulus hic voluptatem potest,	975
Si cum meis gaudere felici datur.	
ATR. Hic esse natos crede in amplexu patris.	
Hic sunt, eruntque; nulla pars prolis tuae	

946. Libri aliquot: *descenti*. 956. Fort.: *libet hei!* Tyr. 974. Male Gron.: *Satis*.

THYESTES. ACT. V.

71

Tibi subtrahetur. Ora, quae exoptas, dabo,
 Totumque turbâ jam suâ implebo patrem. 980
 Satiaberis, ne metue! Nunc mixti meis
 Jucunda mensae sacra juvenilis colunt;
 Sed accientur. Poculum infuso cape
 Gentile Baccho! THY. Capio fraternae dapis
 Donum. Paternis vina libentur deis, 985
 Tunc hauriantur. Sed quid hoc? Nolunt manus
 Parere; crescit pondus, et dextram gravat;
 Admotus ipsis Bacchus a labris fugit,
 Circaque rictus ore decepto effluit.
 En, ipsâ trepido mensa subsiluit solo! 990
 Vix lucet ignis. Ipse quin aether gravis
 Inter diem noctemque desertus stupet.
 Quid hoc? magis magisque concussi labant
 Convexa coeli; spissior densis coit
 Caligo tenebris, noxque se in noctem addidit; 895
 Fugit omne sidus. Quidquid est, fratri, precor,
 Gnatique parcat; omnis in vile hoc caput
 Abeat procella! Redde jam gnatos mihi!
 ATR. Reddam, et tibi illos nullus eripiet dies.
 THY. Quis hic tumultus viscera exagitat mea? 1000
 Quid tremuit intus? Sentio impatiens onus,
 Meumque gemitu non meo pectus gemit.
 Adeste, nati! genitor infelix vocat;
 Adeste! visis fugiet hic vobis dolor. —
 Unde obloquuntur? ATR. Expedi amplexus, pater: 1005
 Venere. Natos ecquid agnoscis tuos?
 THY. Agnosco fratrem. Sustines tantum nefas
 Gestare, tellus? non ad infernam Styga
 Te nosque mergis, ruptâ et ingenti viâ
 Ad chaos inane regna cum rege abripis? 1010
 Non tota ab îmo tecta convellens solo
 Vertis Mycenâ? Stare circa Tantalum
 Uterque jam debuimus: hinc compagibus
 Et hinc revulsis, si quid infra Tartara est
 Avosque nostros, huc tuam immani sinu 1015
 Demitte vallem, nosque defossos tege
 Acheronte, toto! noxiae supra caput
 Animae vagentur nostrum, et ardenti freto

986. Ita Flor. V.: non vult. Porrexit ambas manus ad capiendum grandius poculum gentile. Vid. Virg. A. 1, 728. 995. Libri: addidit. Correxerit Gron. 1012 — 1016. Ita Flor. V.: St. o. Tant. Avosque nostros, si quis intra Tartara est, Uk. jam deb. hinc comp. Et hinc rev. huc tuam etc.

Phlegethon arenas igneus totas agens
 Exitia supra nostra violentus fluat. 1020
 Immota, tellus, pondus ignavum, jaces?
 Fugere Superi. *ATR.* At accipe hos potius libens
 Diu expetitos! Nulla per fratrem est mora:
 Fruere, osculare, divide amplexus tribus!
THY. Hoc foedus? haec est gratia? haec fratris fides? 1025
 Sic odia ponis? Non peto, incolumes pater
 Gnatos ut habeam; scelere quod salvo dari
 Odioque possit, frater hoc fratrem rogo:
 Sepelire liceat. Redde, quod cernas statim
 Uri. Nihil te genitor habiturus rogo, 1030
 Sed perditurus. *ATR.* Quidquid e gnatis tuis
 Superest, habebis; quodque non superest, habes.
THY. Utrumne saevis pabulum alitibus jacent,
 An belluis servantur? an pascunt feras?
ATR. Epulatus ipse es impia gnatos dape. 1035
THY. Hoc est, deos quod puduit! hoc egit diem
 Aversum in ortus! Quas miser voces dabo,
 Questusque quos? quae verba sufficient mihi?
 Abscissa cerno capita et avulsas manus,
 Et rupta fractis cruribus vestigia. 1040
 Hoc est, quod avidus capere non potui pater.
 Volvuntur intus viscera, et clausum nefas
 Sine exitu luctatur, et quaerit fugam.
 Da, frater, ensem (sanguinis multum mei
 Habet ille): ferro liberis detur via. — 1045
 Negatur ensis? Pectora illiso sonent
 Contusa planctu! *ATR.* Sustine, infelix, manum:
 Parcamus umbris. *THY.* Tale quis vidit nefas?
 Quis inhospitalis Caucasi rupem asperam
 Heniochus habitans? quisve Cecropiis metus 1050
 Terris Procrustes? Genitor, en, natos premo,
 Premorque natis! Sceleris est aliquis modus.
ATR. Superi modus debetur, ubi facias scelus;
 Non, ubi reponas. Hoc quoque exiguum est mihi.
 Et vulnere ipso sanguinem calidum in tua 1055
 Diffundere ora debui: ut viventium
 Biberes cruorem. Verba sunt irae data,
 Dum propero: ferro vulnera impresso dedi;

1019. *totas*, cunctas. Male, qui posuerunt *tortas*. 1020. Gron. malebat *Exitia*. 1041. Sic idem. V.: *potuit*, error non infrequens in codd. 1043. *fugam* (velocem exitum: vid. Gron. ad h. l.) Flor. V.: *viam*. 1045. Sic item Flor. V.: *demus viam*. 1047. Ita MS. Dan. Heinsii. V. verba *Sustine* — *umbris* continuantur sub *Thyestis* persona. *infelix*, *sceleste*.

Cecidi ad aras; caede votivâ focos
 Placavi, et artus corpore exanimò amputata 1060
 In parva carpsi frusta, et haec ferventibus
 Demersi ahenis; illa lentis ignibus
 Stillare jussi; membra nervosque abscidi
 Viventibus, gracilique trajectas veru
 Mugire fibras vidi, et adgessi manu 1065
 Meâ ipse flammâs, Omnia haec melius pater
 Fecisse potuit; cecidit incassum dolor:
 Scidit ore natos impio, sed nesciens,
 Sed nescientes. THY. Clusa littoribus vagis
 Audite maria! vos quoque audite hoc scelus, 1070
 Quocunque, dî, fugistis! audite, Inferi!
 Audite, Terrae! Noxque Tartareâ gravis
 Et atra nube, vocibus nostris vaca!
 Tibi sum relictus; sola tu miserum vides,
 Tu quoque sine astris. Vota non faciam improba; 1075
 Pro me nihil precabor: (ecquid jam potest
 Pro me esse?) vobis vota prospicient mea.
 Tu, summe coeli rector, aetheriae potens
 Dominator aulae, nubibus totum horridis
 Convolve mundum; bella ventorum undique 1080
 Committe, et omni parte violentum intona;
 Manuque, non quâ tecta et immeritas domos
 Telo petis minore, sed quâ montium
 Tergemina moles cecidit, et quâ montibus
 Stabant pares gigantes, hæc arma expedi, 1085
 Ignesque torque! vindica amissum diem!
 Jaculare flammâs: lumen ereptum, polo
 Fulminibus exple. Causa, ne dubites diu,
 Utriusque mala sit; si minus, mala sit mea:
 Me pete! trisulco flammeam telo facem 1090
 Per pectus hoc trans mitte! si gnatos pater
 Humare, et igni tradere extremo volo,
 Ego sum cremandus. Si nihil Superos movet,
 Nullumque telis impio numen petit:
 Aeterna nox permaneat, et tenebris tégat 1095
 Immensa longis scelera! Nil, Titan, queror,
 Si perseveras. ATR. Nunc meas laudo manus,
 Nunc parta vera est palma. Perdideram scelus,
 Nisi sic doleres. Liberos nasci mihi
 Nunc credo, castis nunc fidem reddi toris.
 THY. Quid liberi meruere? ATR. Quod fuerant tui, 1100

74 L. ANNAEI SENECAE THYESTES. ACT. V.

THY. Gnatos parenti! ATR. Fateor, et, quod me iuvat,
 Certos. THY. Piorum praesides testor deos.
 ATR. Quid? conjugales? THY. Scelere quis pensat scelus?
 ATR. Scio, quid queraris: scelere praerepto doles, 1105
 Nec, quod nefandas hauseris, angit, dapes;
 Quod non parâris: fuerat hic animus tibi
 Instruere similes inscio fratri cibos,
 Et adjuvante liberos matre adgredi,
 Similique leto sternere. Hoc unum obstitit, 1110
 Tuos putasti. THY. Vindices aderunt dei;
 His puniendum vota te tradunt mea.
 ATR. Te puniendum liberis trado tuis.

1104. Libri continet: *Quid conjugales?* Sequor Jac. Gronovium. 1106. Ita Flor. V.: *tangit.* 1113. *lib.*, umbris liberorum insepulcorum.

PHOENISSAE.

DRAMATIS PERSONAE.

OEDIPUS.

ANTIGONE.

NUNCIUS.

IOCASTA.

POLYNICES.

PHOENISSAE.

ARGUMENTUM.

Oedipus, sibi oculis, ubi scelus suum (de quo vide argumentum Oedipi) agnovisset, erutis, in exilium spontaneum profectus, amolitur a se filiam Antigone, quae patri vitales auras per-
taeso ducem se viae offert, utque mortis cupidinem deponat, multis precibus tandem exorat. Cujus interea filios Eteoclem et Polynicem, violato regnandi per vices foedere, inopia moventes arma, pincassum laborat mater Iocasta in gratiam reducere.

ALIUD ARGUMENTUM

HIERONYMI BALBI.

Hauserat obscuras damnata luce tenebras
Oedipodes, tristemque animam sub nocte premebat.
Natorum interea dominandi dira cupido
Occupat haec mentes: Thebanaque regna tueri
Alternis statuunt vicibus. Jamque annua jura . . 5
Ille dabat populo; hic patriis semotus ab oris
Argolicas urbes externaque tecta petebat.
Jam vagus exactum sol circumvolverat annum:
Sceptra exul repetit; negat ille excedere regno
Perfidus: arma parant: tristi concurrere bello . . 10
Praeceptis ira jubet. Cruor undique et undique caedes
Cernitur, hostilique exundant sanguine rupes.
Tandem Grajugenum post funera longa necesque
Mutua Thebani senserunt vulnera fratres.

ACTUS PRIMUS.

OEDIPUS, ANTIGONE.

Oedipum ab institutâ morte revocat filia Antigone, dux patris coeci.

OEDIP. **C**œci parentis regimen, ac fessi unicum i. s.
Patris levamen, gnata, quam tanti est mihi
Genuisse vel sic, desere infaustum patrem!
In recta quid deflectis errantem gradum?
Permitte labi! Melius inveniam viam, 5
Quam quaero, solus, quae me ab hâc vita extrahat,
Et hoc nefandi capitis adspectu levet
Coelum atque terras. Quantulum hâc egi manu?
Non video noxae conscium nostrae diem;
Sed videor. Hinc jam solve inhaerentem manum, 10
Et patere coecum, quâ valet, ferri pedem!
Ibo, ibo, quâ praerupta protendit iuga
Meus Cithaeron; quâ peragrati celer
Per saxa montis jacuit Actaeon, suis
Nova praeda canibus; quâ per obscurum nemus 15
Silvamque opacae vallis instinctas deo
Egit sorores mater, et gaudens malo
Vibrante fixum praetulit thyrsos caput;
Vel quâ cucurrit corpus invisum trahens
Zethi juvencus, quâ per horrentes rubos 20
Tauri ferocis sanguis ostendat fugas;
Vel quâ alta maria vertice immenso premit
Minora rupes, quâ scelus fugiens ferum,
Novumque faciens, mater insiluit freto,
Mensura natum seque! Felices, quibus 25

V. 2. Fort.: *Fratris levamen*. Cf. 135. Gron. tentabat *Lateris* lev. 3. Fort.: *infaustum parum*. 13. Sic vet. edd. V.: *peragrato monte*. 23. Vitiose Flor.: *Minor rupes q. s. f. suum*; vitiosius libri vulgati: *Inoque praeceptis q. s. f. s.*; nec placet Gronovii ratio, ponentis *Inon rupes q. s. f. s.* *Scelus ferum*, Athamantis, filium Melicertem occisuri. Non semel inter se commutata sunt in libris vocabula *ferus* et *suus*. Cf. Hippol. 126, Herc. Oet. 1378, Octav. 403, 519.

Fortuna melior tam bonas matres dedit!
 Est alius istis noster in silvis locus,
 Qui me reposcit; hunc petam cursu incito.
 Non haesitabit gressus; huc omni duce
 Spoliatus ibo. Quid moror? Sedes meas 30
 Montem, Cithaeron, redde, et hospitium mihi
 Illud meum restitue: ut expirem senex,
 Ubi debui infans! recipe supplicium vetus,
 Semper cruento, saeve, crudelis, ferox,
 Cum occidis, et cum parcis! Olim jam tuum 35
 Est hoc cadaver: perage mandatum patris,
 Jam et matris. Animus gestit antiqua exequi
 Supplicia. Quid me, gnata, pestifero tenes
 Amore vinctum? quid tenes? Genitor vocat.
 Sequor, sequor! jam parce! Sanguineum gerens 40
 Insigne regni Latus rapti furit,
 Et, ecce, inanes manibus infestis petit
 Foditque vultus! Gnata, genitorem vides?
 Ego video. Tandem spiritum inimicum expue,
 Desertor animi, fortis in partem tui! 45
 Omitte poenae languidas longae moras,
 Mortemque totam admitte! Quid segnis traho,
 Quod vivo? Nullum facere jam possum scelus, —
 Possum miser: praedico, discede a patre,
 Discede, virgo: timeo post matrem omnia. 50
 ANT. Vis nulla, genitor, a tuo nostram manum
 Corpore resolvet; nemo me comitem tibi
 Eripiet unquam. Labdaci claram domum,
 Opulenta ferro regna germani petant;
 Pars summa magni patris e regno mea est 55
 Pater ipse. Non hunc auferet frater mihi,
 Thebana rapto sceptrum qui regno tenet;
 Non hunc catervas alter Argolicas agens!
 Non si revulso Jupiter mundo tonet,
 Mediumque nostros fulmen in nexu cadat, 60
 Manum hanc remittam! Prohibeas, genitor, licet;
 Regam abnuentem, diligam invitum patrem.

30. Sic ed. Car. Fernandi princeps. V.: *Quid moror sedes meas? Montem* etc. Pejus etiam Gron. secundum Florentinum: — *meas? Mortem* etc. 39. Fort.: *quid times? vel quatenus (me tencs)?* Et hac quidem potius. 46. Ita Grotius. V.: *O poenas languidas longae morae*. 47. *admitte* Lipsian. et unus Commelin. Flor.: *recipe admitte*. V.: *M. t. recipe*. 48. *Quod vivo, quam partem, aut illud, quatenus vivo*. Ita Gron. V.: — *traho? Quid vivo?* 62. Ita Florens Christianus, cum in Lipsiano invenisset et *dirigam* inv. p. V.: *dirigam* inv. gradum.

. In plana tendis? vado. Praerupta adpetis?
 Non obsto, sed praecedo. Quovis utere
 Duce me! Duobus omnis eligitur via.
 Perire sine me non potes, mecum potes.
 Hic alta rupes arduo surgit jugo;
 Spectatque longe spatia subjecti maris;
 Vis hanc petamus? Nudus hic pendet silex.
 Hic scissa tellus faucibus ruptis hiat;
 Vis hanc petamus? Hic rapax torrens cadit,
 Partesque lapsi montis exesas rotat;
 In hunc ruamus. Dum prior, quo vis, eo;
 Non deprecor, non hortor. Extingui cupis,
 Votumque, genitor, maximum mors est tibi?
 Si moreris, antecedo; si vivis, sequor.
 Sed flecte mentem; pectus antiquum advoca,
 Victasque magno robore aerumpas doma!
 Resiste: tantis in malis vinci mori est.
 OEDIP. Unde in nefandâ specimen egregium domo?
 Unde ista generi virgo dissimilis suo?
 Fortuna, credis? aliquis est ex me pius.
 Non esset unquam (fata bene novi mea),
 Nisi ut noceret. Ipsa se in leges novas
 Natura vertet, regeret in fontem citas
 Revolutus undas amnis, et noctem adferet
 Phœbéa lampas, Hesperus faciet diem.
 Ut ad miseras aliquid accedat meas,
 Pii quoque erimus. Unica Oedipodae est salus,
 Non esse salvum. Liceat ulcisci patrem
 Adhuc inultum. Dextra, quid cessas iners
 Exigere poenas? Quidquid exactum est adhuc,
 Matri dedisti. Mitte genitoris manum,
 Animosa virgo: funus extendis meum,
 Longasque vivi ducis exequias patris.
 Aliquando terrâ corpus invisum tege!
 Peccas honestâ mente; pietatem vocas,
 Patrem inséputum trahere. Qui cogit mori
 Nolentem, in aequo est, quique properantem impedit.
 Occidere est vetare cupientem mori.
 Nec tamen in aequo est: alterum gravius reor:
 Malo imperari, quam eripi mortem mihi.
 Desistè coepto, virgo: jus vitae ac necis
 Meae penes me est. Regna deserui libens;

Regnum mei retineo, Si fida es comēs: 105
 Ensem parenti trade; sed notum nece
 Ensem paternā. Tradis, an nati tenent
 Cum regno et illum? Faciet, ubicunque est, opus.
 Ibi sit; relinquo; natus hunc habeat meus
 Sed uterque. Flammas potius et vastum aggerem 110
 Compone; in altos ipse me immittam rogos.
 Haerebo ad ignes, funebrem escendens struem,
 Pectusque solvam durum, et in cineres dabo.
 Hoc, quidquid in me vivit. — Ubi saevum est mare?
 Duc, ubi sit altis prorutum, axis jugum, 115
 Ubi curva rapidus ducat Ismenos vada!
 Duc, ubi ferae sint, ubi fretum, ubi praeceps locus,
 Si dux es! Illuc ire morituro placet,
 Ubi sedit altā rupe semifero dolos
 Sphinx ore nectens. Dirige huc gressus pedum; 120
 Hic siste patrem! Dira ne sedes vacet,
 Monstrum repone majus! Hoc saxum insidens
 Obscura nostrae verba fortunae loquar,
 Quae nemo solvat. Quisquis Assyrio loca
 Possessa regi scindis, et Cadmi nemus 125
 Serpente notum, sacra quo Dirce scatet,
 Supplex adoras; quisquis Eurota bibis,
 Spartenque fratre nobilem gemino colis;
 Quique Elin et Parnason et Boeotios
 Colonus agros uberis tondes soli; 130
 Adverte mentem; saeva Thebarum lues
 Luctifica coecis verba committens modis,
 Quid simile posuit? quid tam inextricabile?
 Avi gener, patrisque rivalis sui,
 Frater suorum liberūm, et fratrum parens. 135
 Uno avia partu liberos peperit viro,
 Ac sibi nepotes. Monstra quis tanta explicet?
 Ego ipse, victae spolia qui Sphingis tuli,
 Haerebo, fati tardus interpret mei. —
 Quid perdis ultra verba? quid pectus ferum 140
 Mollire tentas precibus? Hoc animo sedet,
 Effundere hanc cum morte luctantem diu
 Animam, et tenebras petere: nam scelēri haec meo
 Parum alta nox est; Tartaro condi juvat,
 Et si quid ultra Tartarum est. Tandem libet, 145
 Quod olim oportet. Morte prohiberi haud queo.

112. Flor.: *Herebo ad i. funebre ascendam struem*. V.: *Erectam ad i. funebrem ascendam str.* Nic. Heinsius *Advers.* 1, 4.: *Prac-
 ibo, vel Properabo, ad ignes*. 126. Ita Gron. V.: *latet*.

Ferrum negabis? noxias lapso vias
 Cludes, et arctis colla laqueis inseri
 Prohibebis? herbas, quae ferunt letum, auferes?
 Quid ista tandem cura proficiet tua? 150
 Ubique mors est. Optime hoc cavit deus.
 Eripere vitam nemo non homini potest;
 At nemo mortem: mille ad hanc aditus patent.
 Nil quaero: dextrâ noster et nudâ solet
 Bene animus uti. Dextra, nunc toto impetu, 155
 Toto dolore, viribus totis veni!
 Non destino unum vulneri nostro locum:
 Totus nocens sum: quâ voles, mortem exige!
 Effringe corpus, corque tot scelerum capax
 Evelle; totos viscerum nuda sinus! 160
 Fractum incitatis ictibus guttur sonet,
 Laceraeve fixis unguibus venae fluant.
 Aut dirige iras, quo soles; haec vulnera
 Rescissa multo sanguine ac tabo irriga;
 Hâc extrâhe animam, duram, inexpugnabilem! 165
 Et tu, parens, ubicunque poenarum arbiter
 Adstas mearum (non ego hoc tantum scelus
 Ullâ expiari credidi poenâ satis,
 Unquam, nec istâ morte contentus fui,
 Nec me redemi parte; membratim tibi 17
 Volui perire), debitum tandem exige!
 Nunc solvo poenas; tunc tibi inferias dedi.
 Ades atque inertem dexteram introrsus preme,
 Magisque merge! timida tum parvo caput
 Libavit haustu, vixque cupientes sequi 175
 Eduxit oculos. Haeret etiam nunc mihi
 Ille animus, haeret, cum recusantem manum
 Pressere vultus. Audies verum, Oedipe:
 Minus eruisti lumina audacter tua,
 Quam praestitisti. Nunc manum cerebro indue; 180
 Hâc parte mortem perage, quae coepit mori!
 ANT. Pauca, o parens magnanime, miserandae precor
 Ut verba natæ mente placatâ audias.
 Non te ut reducam veteris ad speciem domûs,
 Habitumque regni flore pollentem inclito; 185
 Peto; est ut iras, tempore aut ipsâ morâ

150. Male Gron.: *perficiet*. 164. libri: *tabe*, quod emendavit Nic. Heins. l. l. ad 112. 181. Ita Grot. Gron. V.: *qua coepi mori*. MSS. *coepi*, vel *coepit*. 184. Flor.: *speciem*, h. e. dignitatem. V.: *specimen*. 186. Fort.: *tempore atque ipsâ morâ*. Vel potius: *temporum haud ipsâ morâ*.

Fractas, remisso pectore ac placido feras.
 Et hoc decebat roboris tanti virum,
 Non esse sub dolore, nec victum malis
 Dare terga. Non est, ut putas, virtus, pater, 190
 Timere vitam, sed malis ingentibus
 Obstare, nec se vertere ac retro dare.
 Qui fata proculcavit, ac vitae bona
 Projecit atque abscidit, et casus suos
 Oneravit ipse, cui deo nullo est opus, 195
 Quare ille mortem cupiat, aut quare petat?
 Utrumque timidi est. Nemo contempsit mori,
 Qui concupivit; cujus haud ultra mala
 Exire possunt, in loco tuto est situs.
 Quis jam deorum (velle fac) quidquam potest 200
 Malis tuis adjicere? Jam nec tu potes,
 Nisi hoc, ut esse te putes dignum nece.
 Non es, nec ulla pectus hoc culpa attigit.
 Et hoc magis te, genitor, insonem voca,
 Quod innocens es deis quoque invitis. Quid est! 205
 Quod te efferarit, quod novos subfixerit
 Stimulos dolori? quid te ad infernas agit
 Sedes? quid exhis pellit? Ut careas die? —
 Cares. — Ut altis nobilem muris domum
 Patriamque fugias? — Patria tibi vivo perit. — 210
 Gnatos fugis, matremque? — Ab aspectu omnium
 Fortuna te submovit; et quidquid potest
 Auferre cuiquam mors, tibi hoc vita abstulit;
 Regni tumultus, turba fortunae prior
 Abscessit a te iussa. Quem, genitor, fugis? 215
 ORDP. Me fugio; fugio conscium scelerum omnium
 Pectus; manumque hanc fugio et hoc coelum et deos;
 Et dira fugio scelera, quae feci innocens.
 Ego hoc solum, frugifera quo surgit Ceres,
 Premo? has ego auras ore pestifero traho? 220
 Ego laticis haustu satior, aut ullo fruor
 Almae parentis munere? ego castam manum,
 Nefandus, incestificus, execrabilis,
 Attracto? ego ullos aure concipio sonos,
 Per quos parentis nomen aut nati audiam? 225
 Utinam quidem rescindere has quirem vias,
 Manibusque adactis omne, quæ voces meant,
 Aditusque verbis tramite angusto patet,
 Eruere possem, gnata! jam sensum tui,

207. Flor.: in infern. 229. Fort. secundum Jac. Gronovium:
 jam sensum ah! tui, etc. Flor.: sensum tacui.

Quae pars meorum es criminum, infelix pater 230
 Fugissem. Inhaeret ac recrudescit nefas
 Subinde; et aures ingerunt, quidquid mihi
 Donastis oculi. Cur caput tenebris grave
 Non mitto ad umbras Ditis aeternas? quid hic
 Manes meos detineo? quid terram gravo? 235
 Mixtusque Superis erro? quid restat mali?
 Regnum, parentes, liberi, virtus quoque,
 Et ingens sollertis eximium decus
 Periere: cuncta sors mihi infesta abstulit.
 Lacrimae supererant; has quoque eripuit mihi. — 240
 Absiste! nullas animus admittit preces,
 Novamque poenam sceleribus quaerit parem.
 Et esse par quae poterit? Infanti quoque
 Decreta mors est. Fata quis tam tristia
 Sortitus unquam? Videram nondum diem, 245
 Uterique nondum solveram clusi moras:
 Et jam timebar. Protinus quosdam editos
 Nox occupavit, et novae luci abstulit;
 Mors me antecessit. Aliquis intra viscera
 Materna letum praetoquis fati tulit; 250
 Sed numquid et peccavit? Abstrusum, abditum,
 Dubiumque an essem, sceleris infandi reum
 Deus egit. Illo teste damnavit parens,
 Calidoque teneros transuit ferro pedes,
 Et in alta nemora pabulum misit feris 255
 Avibusque saevis, quas Cithaeron noxius
 Cruore saepe regio tinctas alit.
 Sed quem deus damnavit, abjecit pater,
 Mors quoque refugit. Praestiti Delphis fidem:
 Genitorem adortus impiâ stravi nece. 260
 Hoc aliqua pietas redimet? — Occidi patrem;
 Sed matrem amavi. Proloqui hymenaeum pudet
 Taedasque nostras; has quoque invitum pati
 Te coge poenas. Facinus ignotum, efferum,
 Inusitatum effare, quod populi horreant, 265
 Quod esse factum nulla non aetas neget,
 Quod patricidam pudeat. In patrios toros
 Tuli paterno sanguine adpersas manus,
 Scelerisque pretium majus accepi scelus.
 Leve est paternum facinus; in thalamos meos 270
 Deducta mater, ne parum sceleris foret,

235. *Don.*, condonastis, cujuscunque mihi gratiam fecistis.
 245. *Fort.*: *At esse* etc. 261. *Sic Ascens. V.*: *alia pietas*. 271. *Ita*
Flor. V.: *scelerum*.

Foecunda. Nullum crimen hoc majus potest
 Natura ferre. Si quod etiamnum est tamen:
 Qui facere possint, dedimus. Abjeci necis
 Pretium paternae sceptrum, et hoc iterum manus 275
 Armavit aliis. Optime regni mei
 Fatum ipse novi: nemo sine sacro feret
 Illud cruore. Magna praesagit mala
 Paternus animus. Jacta jam sunt semina
 Cladis futurae: spernitur pacti fides; 280
 Hic occupato cedere imperio negat;
 Jus ille et icti foederis testes deos
 Invocat, et Argos exul atque urbes movet
 Grajas in arma. Non levis fessis venit
 Ruina Thebis: tela, flammae, vulnera 285
 Instant, et istis si quod est majus malum:
 Ut esse genitos nemo non ex me sciat.
 ANT. Si nulla, genitor, causa vivendi tibi est,
 Haec una abunde est, ut pater gnatos regas
 Graviter furentes. Tu impii belli minas 290
 Avertere unus, tuque vecordes potes
 Inhibere juvenes, civibus pacem dare,
 Patriae quietem, foederi laeso fidem.
 Vitam tibi ipse si negas, multis negas.
 OEDIP. Illis parentis ullus aut aequi est amor, 295
 Avidis cruoris, imperi, amorum, doli,
 Diris, scelestis, breviter ut dicam: meis?
 Certant in omne facinus, et pensi nihil
 Ducunt, ubi illos ira praecipites agat;
 Nefasque nullum, per nefas nati, putant. 300
 Non patris illos tangit adflicti pudor,
 Non patria; regno pectus attonitum furit.
 Scio, quo ferantur, quanta moliri parent;
 Ideoque leti quaero maturam viam,
 Morique propero, dum in domo nemo est mea 305
 Nocentior me. Gnata, quid genibus meis
 Fles advoluta? quid prece indomitum domas?
 Unum hoc habet Fortuna, quo possim capi,
 Invictus aliis: sola tu adfectus potes
 Mollire duos, sola pietatem in domo 310
 Docere nostrâ. Nil grave aut miserum est mihi,
 Quod te sciam voluisse. Tu tantum impera:
 Hic Oedipus Aegaea tranabit freta

274. Sic Ortelianus liber apud Raphaeleng. Alii: possunt. V.:
 possent. 276. aliis Flor. V.: alias. 304. Sic idem eodex. V.: me-
 suri, quod minus elegans.

Jubente te; flammisque, quas Siculo vomit
 De monte tellus igneos volvens globos, 315
 Excipiet ore; seque serpenti offeret,
 Quae saeva furto nemoris Herculeo furit;
 Jubente te praebebit alitibus jecur;
 Jubente te vel vivet. . . . i. d. s.

ACTUS SECUNDUS.

NUNTIUS, OEDIPUS, ANTIGONE.

Nuntius, a Thebanis missus, Oedipum obsecrat, ut rediens componat filios. Abnuat Oedipus et in silvas se recipiens filiis diras imprecatur.

NUNT. **EXEMPLUM** in ingens regia stirpe edite, i. s. 320
 Thebae, paventes arma fraterna, invocant,
 Rogantque tectis arceas patriis faces.
 Non sunt minae; jam propius accessit malum:
 Nam regna repetens frater et pactas vices
 In bella cunctos Graeciae populos agit; 325
 Septena murôs castra Thebanos premunt.
 Succurre; prohibe pariter et bellum et nefas!
 OEDIP. Ego ille sum, qui scelera committi vetem,
 Et abstinere sanguine a caro manus.
 Doceam? magister juris et amoris pii 330
 Ego sum? Meorum facinorum exempla adpetunt;
 Me nunc sequuntur. Laudo, et agnosco libens.
 Exhortor, aliquid ut patre hoc dignum gerant.
 Agite, o propago cara, generosam indolem
 Probate factis; gloriam ac laudes meas 335
 Superate, et aliquid facite, propter quod patrem
 Adhuc juvet vixisse! Facietis, scio:
 Sic estis orti. Scelere defungi haud levi
 Aut usitato tanta nobilitas potest.
 Ferte arma! facibus petite penetrales deos, 340
 Frugemque flammâ metite natalis soli!
 Miscete cuncta, rapite in exitium omnia!
 Disjicite passim moenia, in planum date!
 Templis deos obruite; maculatos lares
 Conflate! ab imo tota consadat domus! 345

334. Ita Flor. V.: clara. 339. Sic Ascens. V.: Haud usit. 342.
 Fort.: Miscete junctim, rap. in exitium, omnia!

Urbs concremetur! primus a thalamis meis
 Incipiat ignis! ANT. Mitte violentum impetum
 Doloris, ac te publica exorent mala,
 Auctorque placidae liberis pacis veni.
 OEDIP. Vides modestae deditum menti senem, 550
 Placidaeque amantem pacis ad partes vocas?
 Tumet animus irâ, fervet immensum dolor,
 Majusque, quam quod casus et juvenum furor
 Conatur, aliquid cupio. Non satis est adhuc
 Civile bellum: frater in fratrem ruat; 555
 Nec hoc sat est: quod debet, ut fiat nefas
 De more nostro, quod meos deceat toros:
 Date arma patri! — Nemo me ex his eruat
 Silvis: latebo rupis exesae cavo,
 Aut sepe densâ corpus abstrusum tegam. 360
 Hinc aucupabor verba rumoris vagi,
 Et saeva fratrum bella, quod possum, audiam.

* * *

ACTUS TERTIUS.

Ἀνέφαλος.

IOCASTA, ANTIGONE, NUNTIUS.

Iocasta, audito in procinctu stare utramque aciem, propere fertur, filios (si fieri possit) in gratiam reductura.

100. FELIX Agaue: facinus horrendum manu i. s.
 Quâ fecerat, gestavit et spoliū tulit
 Cruenta nati Maenas in partes dati. 365
 Fecit scelus, sed misera non ultra suū

347. Fort.: *I. ignis! nunt. Mitte viol. imp. Doloris!* ANT.
At te etc. 358. Fort.: *Dante arma patre.* 363 sequ. Affectus locus.
 Sic legendum arbitror: *F. A.: facinus horrendum in manu,*
Quâ fecerat, cessavit, ut spoliū tulit etc. Sententia praeclara,
 ut facinus Agave in ea ipsa manu, qua id commiserat, cessasse
 dicatur, postquam (ut) filii Penthei caput tulit pro spolio. Quam
 sententiam latius explicat in sequentibus: Ad verba quod attinet,
 in saepe raptum est ab antecedente in littera propter similitudinem,
 nec valde dissimilia sunt *cessavit et gestavit*; denique passim
 et atque ut conjunctiones commutatae inter se deprehenduntur
 in codicibus. 366. Flor.: *non ultra suo Sceleri occurrit.* Nic.
 Heins. Advers. 1, 6.: *ultra suo Sceleri occurrit.*

Scelus hoc cucurrit. Hoc leve est, quod sum nocens;
 Feci nocentes. Hoc quoque etiamnum leve est;
 Peperi nocentes. Deerat aerumnis meis,
 Ut et hostem amarem. Bruma ter posuit nives, 370
 Et tertiâ jam falce decubuit Ceres,
 Ut exul errat gnatus et patriâ caret,
 Profugusque regum auxilia Grajorum rogat.
 Gener est Adrasti, cujus imperio mare,
 Quod cingit Isthmos, regitur; hic gentes suas 375
 Septemque secum regna ad auxilium trahit
 Genero. Quid optem, quidve decernam, haud scio.
 Regnum reposcit. Causa repetentis bona est;
 Mala sic petentis. Vota quae faciam parens?
 Utrumque natum video: nil possum pie 380
 Pietate salvâ facere; quodcunque alteri
 Optabo nato, fiet alterius malo.
 Sed utrumque quamvis diligam adfectu pari:
 Quo causa melior sorsque deterior trahit,
 Inclinat animus, semper infirmo favens. 385
 Miseros magis fortuna conciliat suis.
 NUNT. Regina, dum tu flebiles questus cias,
 Terisque tempus salva, nudatis adest
 Acies in armis; aera jam bellum cient,
 Aquilâque pugnam signifer motâ vocat. 390
 Septena reges bella dispositi parant;
 Animo pari Cadmêa progenies subit;
 Cursu citato miles hinc illinc ruit.
 Vide, ut atra nubes pulvere abscondat diem,
 Fumoque similes campus in coelum erigat 395
 Nebulas, equestri fracta quas tellus pede
 Submittit; et, si vera metuentes vident,
 Infesta fulgent signa; subrectia adest
 Frons prima telis; aureâ clarum notâ
 Nomen ducum vexilla praescriptum ferunt. 400
 I, redde amorem fratribus, pacem omnibus,
 Et impia arma matris oppositu impedi!
 ANT. Perge, o parens, et concita celerem gradum!
 Compesce tela; fratribus ferrum excute;
 Nudum inter enses pectus infestis tene; 405

375. *Isthmos* Flor., enallage satis usitata. V.: *Isthmon*, quae videtur esse explicatio. 377. Sic item Flor. V.: *Generi*. 380. Inepte codd.: *Utrumque*. 388. Secutus hic quoque sum Florentinum librum. V.: *T. tempus, tota nudatis stetit*; *Acies in a.* 397. Fort.: *Submittit! en (si vera m. v.) Infesta* etc. 402. Minus bene Gron. secundum Flor. et Vossianum: *mater opposita*.

Aut solve bellum, mater, aut prima excipe!
 ioc. Ibo, ibo, et armis obvium oppenam caput;
 Stabo inter arma. Petere qui fratrem volet,
 Petat ante matrem. Tela, qui fuerit pius,
 Rogante ponat matre; qui non est pius, 410
 Incipiat a me. Fervidos juvenes anus
 Tenebo. Nullum teste me fiet nefas;
 Aut si aliquod et me teste committi potest,
 Non fiet unum. ANT. Signa collatis micant
 Vicina signis; clamor hostilis fremit. 415
 Scelus in propinquo est: occupa, mater, preces.
 Et ecce! motos fletibus credas meis;
 Sic agmen armis segne compositis venit.
 NUNT. Proccedit acies tarda, sed properant duces.
 ioc. Quis me procellae turbine insano vehens 420
 Volucer per auras ventus aetherias aget?
 Quae Sphinx, vel atrâ nube subtexens diem
 Stymphalis, avidis praepetem pennis feret?
 Aut quae per altis aëris rapiet vias
 Harpyia, saevi regis observans famem, 425
 Et inter acies proiciet raptam duas?
 NUNT. Vadit furenti similis, aut etiam furit.
 Sagitta qualis Parthica velox manu
 Excussa fertur; qualis insano ratis
 Premente vento rapitur; aut qualis cadit 430
 Delapsa coelo stella, cum stringens polum
 Rectam citatis ignibus rumpit viam:
 Attonita cursu fugit, et binas statim
 Diduxit acies. Victa maternâ prece
 Haesere bella, jamque in alternam necem 435
 Illinc et hinc miscere cupientes manum,
 Vibrata dextrâ tela suspensâ tenent.
 Paci favetur; omnium ferrum jacet
 Cessatve tectum, vibrat in fratrum manu.
 Laniata canas mater ostendit comas; 440
 Rogat abnuentes; irrigat fletu genas.
 Negare matri, qui diu dubitat, potest.

419. Non recte haec quoque Antigoniae tribuuntur. 420. Ita
 Flor. V.: *insanae*. 426. Sic Ald. Scalig. Metrum evertitur vul-
 gato *projiciet*. Ita dicuntur *adicere*, *obicere*, *reicere*. 438. *jacet*
 (projectum est a militibus pugnare nolentibus) Flor. V.: *latet*,
 quod *ταυτολογικόν*. 439. V.: *Cessatque*. Saepissime haec permixta.

ACTUS QUARTUS.

IOCASTA, POLYNICES, ETEOCLES.

Iocasta utrumque filium serio precatur, ut similitate positâ in gratiam et amorem redire velint. Eteocles impie respondet.

IOC. IN me arma et ignes vertite! in me omnis ruat i. s.
 Unam juvenus, quaeque ab Inachio venit
 Animosa muro, quaeque Thebanâ ferox 445
 Descendit arce! civis atque hostis simul
 Hunc petite ventrem, qui dedit fratres viro!
 Haec membra passim spargite ac divellite:
 Ego utrumque peperî. Ponitis ferrum ocîus?
 An dico, et ex quo? Dexterâ matri date! 450
 Date, dum pia sunt! Error invitos adhuc
 Fecit nocentes; omne Fortunae fuit
 Peccantis in nos crimen: hoc primum nefas
 Inter scientes geritur. In vestrâ manu est,
 Utrum velitis. Sancta si pietas placet: 455
 Donate matrem pace; si placuit scelus:
 Majus paratum est: inedia se opponit parens.
 Proinde bellum tollite, aut belli moram.
 Sollicita nunc cui mater alternâ prece
 Verba admovebo? misera quem amplectar prius? 460
 In utramque partem ducor adfectu pari.
 Hic abfuit; sed pacta si fratrum valent,
 Nunc alter aberit. Ergo jam nunquam duos,
 Nisi sic, videbo? Junge complexus prior
 Tu, qui, labores totque perpessus mala, 465
 Longo parentem fessus exilio vides!
 Accede propius; clude vaginâ impium
 Ensem, et trementem jamque cupientem excuti
 Hastam solo defige! Maternum tuo
 Coire pectus pectori clypeus vetat: 470
 Hunc quoque repone. Vinculo frontem exue,
 Tegimenque capitis triste belligeri leva,
 Et ora matri redde! Quo vultus refers,
 Acieque pavidâ fratris observas manum?
 Adfusa totum corpus amplexu tegam; 475
 Tuo cruori per meum fiet via.

450. Libri fere; ex aequo; nonnulli; datis; Ald.; *Ac dico et ex quo? dext. lege datis.* Fort.; —, ocîus, *Ac (dico, ut aequum est) d. m. datis?* Similius etiam est *aequdm.* 465. Ita Gruter. MSS. fere: *Tu qui tot lab.* Gron. ex Florentino: *Qui tot lab. Labores totque mala, tot lab. et mala.*

Quid dubius haeres? an times matris fidem?
 POL. Timeo: nihil jam jura naturae valent.
 Post ista fratrum exempla ne matri quidem
 Fides habenda est. ioc. redde jam capulo manum, 480
 Adstringe galeam, laeva se clypeo ingerat;
 Dum frater exarmatur, armatus mane.
 Tu pone ferrum, causa qui es ferri prior.
 Si pacis odium est, furere si bello placet;
 Inducias te mater exiguas rogat, 485
 Ferat ut reverso post fugam gnatozozoscula
 Vel prima, vel suprema. Dum pacem peto,
 Audite inermes: ille te, tu illum times;
 Ego utrumque, sed pro utroque. Quid strictum abnuis
 Recondere ensem? Quilibet gaude morâ: 490
 Id gerere bellum cupitis, in quo est optimum
 Vincî. Vereris fratris infesti dolos?
 Quoties necesse est fallere aut falli a suis,
 Patiari potius ipse, quam facias, scelus.
 Sed ne verere: mater insidias et hinc; 495
 Et rursus illinc abiget. Exoro, an patri
 Invideo vestro? veni, ut arcerem nefas,
 An ut viderem propius? — Hic ferrum abdidit,
 Reclinis hastam, et arma defixa incubans.
 Ad te preces nunc, gnate, maternas feram; 500
 Sed ante lacrimas. Teneo longo tempore
 Petita votis ora. Te profugum solo
 Patrio penates regis externi tegunt:
 Te maria tot diversa, tot casus vagum
 Egere: non te duxit in thalamos parens! 505
 Comitata primos, nec suâ festas manu
 Ornavit aedes, nec suâ laetas faces
 Vittâ revinxit; dona non auro graves
 Gazas socer, non arva, non urbes dedit:
 Dotale bellum est. Hostium es factus gener, 510
 Patriâ remotus, hospes alieni laris,
 Externa consecutus, expulsus tuis,
 Sine crimine exul. Ne quid e fatis tibi
 Deesset paternis, hoc quoque ex illis habes,
 Errasse thalamis. Gnate, post multos mihi 515
 Remisse soles; gnate suspensae metus
 Et spes parentis, cuius adspectum deos

481. Flor.: inserat. 499. Ita Gron. V.: R. hastae, et a. d. incubant. 504. Leg.: Te amara tot div. Horat. Od. 2, 17, 26.: amara lento Temperat risu. 508. Ita Commelin. Flor.: auri graves. Vett. edd.: auro. V.: auri et gr.

Semper rogavi; cum tuus reditus mihi
 Tantum esset erepturus adventu tuo.
 Quantum daturus: „Quando pro te desinam,“ 530
 Dixi, „timere?“ Dixit irridens deus:
 Ipsum timebis. Nempe nisi bellum foret,
 Ego te carerem; nempe si tu non fores,
 Bello carerem. Triste conspectus datur
 Pretium tui durumque; sed matri placet. 535
 Hinc modo recedant arma, dum nullum nefas
 Mars saevus audet. Hoc quoque est magnum nefas,
 Tam prope fuisse. Stupeo et exsanguis tremo,
 Cum stare fratres hinc et hinc video duos
 Sceleris sub ictu; membra quassantur metu, 540
 Quam paene mater majus adspexi nefas,
 Quam quod miser videre non potuit pater!
 Licet timore facinoris tanti vacem,
 Videamque jam nil tale, sum infelix tamen,
 Quod paene vidi. Per decem mensum gravea 545
 Uteri labores, perque pietatem inclitae
 Precor sororis, et per irati sibi
 Genas parentis, scelere quas nullo nocens,
 Erroris a se dira supplicia exigens,
 Hausit: nefandas moenibus patriis faces 550
 Averte; signa bellici retro agminis
 Flecte! ut recedas, magna pars sceleris tamen
 Vestri peracta est: vidit hostili grege
 Campos repleti patria; fulgentes procul
 Armis catervas vidit. Equitatu levi 545
 Cadmea frangi prata, et excelsos rotis
 Volitare procures; igne flagrantibus trabes
 Fumare, cineri quae petunt nostras domos;
 Fratresque (facinus quod novum et Thebis fuit)
 In se ruentes — totus hoc exercitus, 550
 Hoc utrinque populus omnis; hoc vidit soror,
 Genitrixque vidi: nam pater debet sibi,
 Quod ista non spectavit. Occurrat tibi
 Nunc Oedipus, quo iudice erroris quoque
 Poenae petuntur. Ne, precor, ferro erue 555
 Patriam ac penates; neve, quas regere expetis,
 Everte Thebas! Quis tenet mentem furor?
 Patriam petendo perdis? ut fiat, tua,
 Vis esse nullam? Quin tuae causae nocet

536. *mensum* pro *mensium*, ut Ovidius quoque aliique: vidd.
 Fabric. Delrius, 543 — 550. Minus recte haec distincta leguntur
 in vulgatis. 552. Ita Flor. V.: *vidit*.

Hinc nota Baccho Tmolos attollit juga,
 Quâ lata terris spatia frugiferis jacent,
 Et quâ trahens opulenta Pactolus vada
 Inundat auro rura. Nec laetis minus 605
 Maeandros arvis flectit errantes aquas;
 Rapidusque campos fertiles Hebrus secat.
 Hinc grata Cereri Gargara et dives solum,
 Quod Xanthus ambit nivibus Idaeis tumens;
 Hinc, quâ relinquit nomen, Ionii maris 610
 Fauces Abydo Sestos opposita premit.
 Aut, quâ latus jam propius Orienti dedit,
 Tutamque crebris portubus Lyciam videt:
 Hâc regna ferro quaere; in hos populos ferat
 Socer arma fortis; has paret sceptro tuo 615
 Tradatque gentes. Hoc adhuc regimen puta
 Tenere patrem. Melius exilium est tibi,
 Quam reditus iste: crimine alieno exulas,
 Tuq; redibis. Melius istis viribus
 Nova regna nullo scelere maculata adpetes. 620
 Quin ipse frater, arma comitatus tua,
 Tibi militabit. Vade et id bellum gere,
 In quo pater materque pugnanti tibi
 Favere possint! regna cum scelere omnibus
 Sunt exilis graviora. Nunc belli mala 625
 Propone, dubias Martis incerti vices
 Licet omne tecum Graeciae robur trahas;
 Licet arma longe miles ac late explicet;
 Fortuna helli semper ancipiti in loco est.
 Quodcunque Mars decrevit: exaequat duos, 630
 Licet impares sint, gladius, et spes et metus
 Sors caeca versat. Praemium incertum petis,
 Certum scelus. Favisse fac votis deos
 Omnes tuis: cessere et aversi fugam
 Petiere cives; clade funesta jacent; 635
 Obtexit agros miles. Exsultes licet,
 Victorque fratris spolia dejecti geras:
 Frangenda palma est. Quale tu hoc bellum putas,

602. Ita Fernand. Cajet. V.: *Tmolus*: Vid. not. ad Thyest.
 783. 607. Forl.: *Hermus*, secundum Gronovium, propterea quod
 cetera loca, quae hic commemorantur, omnia sunt in Asia. 611.
 Ita Flor., nisi quod habet *Faucesque*, V.: *Abydi S. oppositae pr.*
 612. V.: *propior*. Sequor Gronovium. 614. *Hac*, hac parte, cui
 respondet *Qua* in praegressis. Malebat Gron. *Hic*, sed frustra.
 616. *regimen* vet. edd. V.: *regnum*. 625. *Ἀμείψας* libri: *exiliis*.
 Cf. Herc. fur. 49. etc. 630. Fern. Cajet.: *decrevit*. V.: — *loco est*,
 Qu. M. *deseruit*. *exaequat* etc. 638. Flor.: *Plangenda*.

In quo execrandum victor admittit nefas,
 Si gaudet? /Hunc, quem vincere infelix cupis, 640
 Cum viceris, lugebis. Infaustas, age,
 Dimitte pugnas; libera patriam metu,
 Luctu parentes. ROL. Sceleris et fraudis suae
 Poenas nefandus frater ut nullas ferât?
IOC. Ne metue: poenas, et quidem solvet graves: 645
 Regnabit. ROL. Haecne est poena? IOC. Si dubitas, avo
 Patrique crede: Cadmus hoc dicet tibi,
 Cadmique proles. Sceptra Thebarum fuit
 Impune nulli gerere; nec quisquam fide
 Ruptâ tenebat illa. Jam numeres licet 650
 Fratrem inter istos. ROL. Numero. ETE. At est tanti mihi
 Cum regibus jacere. Te turbae exulum
 Abscribo. ROL. Regna, dummodo invisus tuis!
ETE. Regnare non vult, esse qui invisus timet.
 Simul ista mundi conditor posuit deus, 655
 Odium atque regnum. Regis hoc magni reor,
 Odia ista premere. Multa dominantem vetat
 Amor suorum; plus in iratos licet.
ROL. Qui vult amari, languidâ regnet manu.
 Invisa nunquam imperia retinentur diu. 660
ETE. Praecepta melius imperi reges dabunt;
 Exilia tu dispone. Pro regno velim
 Patriam, penates, conjugem flammis dare.
 Imperia pretio quolibet constant bene.

* * *

Deest, et magna pars hujus tragoediae intercidit.

642. Eaedem edd. vett.: *Omitte.* 651. Libri continue: *Nu-
 mero, et est tanti etc.* 654. seqq. V., secundum Scaligerum: ROL.
Regnare — diu. IOC. Praecepta — dispone. ROL. Pro etc. Sequor
 Grotium.

HIPPOLYTUS.

DRAMATIS PERSONÆ.

HIPPOLYTUS.

PHAEDRA.

THESEUS.

CHORUS CIVIUM ATHENIENSIIUM.

NUNCIUS.

NUTRIX.

FAMULI.

HIPPOLYTUS.

ARGUMENTUM.

Hippolyti, Thesei ex Antiope Amazone filii, Dianam virginem ac venatricem colentis, absente apud Inferos Theseo, noverca Phaedra castitatem oppugnat. Repulsa impudica mulier Theseo reduci privignum oblatus per vim stupri insinuat. Ille credulus filio, qui domo fugerat, e votis quod restabat tertio fretus, absentem mortem imprecatur. Ratum facit votum Neptunus emissio tauro marino, qui equos Hippolyti consternat, unde per vepres et saxa distractus auriga dilaniatur. Quod ubi rescivit male sibi conscia mulier, scelus suum falsumque crimen apud maritum confessa gladio se transfigit. Theseus innoxii filii casum lugens, iramque suam detestatus, collectos passim artus componit.

ALIUD ARGUMENTUM

HIERONYMI BALBI.

Pirithoum Theseus Stygiâ comitatus ab undâ est,
Tartareo dominam cupiens abducere regno.
Concipit interea validas in pectore flammâs
Phaedra furens, vetito privigni et carpitur igne.
Ille novercalem generosâ mente furorem
Sustinet, et tenerum servat sine labe pudorem.
Nusquam tuta homini probitas: heu! crimine foedo
Thesidem insimulat fallaci corde noverca.
Hippolyte infelix, saevo damnatus et acri
Exitio, immeritas solvisti sanguine poenas.
Haec ubi rescivit, stimulis accensa profanis,
Phaedra, suum vertit polluta in pectora ferrum.

ACTUS PRIMUS.

HIPPOLYTUS.

**Hippolytus varia loca et munera ministris et venationis comiti-
bus dispertit, Dianamque venationis deam invocat.**

Ite, umbrasas cingite silvas,
 Summaque montis iuga Cecropii!
 Celeri plantâ lustrate vagi,
 Quae saxoso loca Parnethi
 Subjecta jacent; quae Thriasii
 Vallibus amnis rapidâ currens
 Verberat undâ! scandite colles
 Semper canos nive Riphæâ!
 Hâc, hâc alii, quâ nemus altâ
 Textitur alno; quâ prata jacent,
 Quae roriferâ mulcens aurâ
 Zephyrus vernas evocat herbas;
 Ubi per graciles lenis Ilissus,
 Ut Maeander super aequales,
 Labitur agros piger, et steriles
 Amne maligno radit arenas!
 Vos, quâ Marathon tramite laevo
 Saltus aperit; quâ comitatae
 Gregibus parvis nocturna petunt
 Pabula foetae! vos, quâ, tepidis
 Subditus austris, frigora mollit
 Durus Acharneus! alius rupem
 Dulcis Hymetti, parvas alius
 Calcat Aphidnae. Pars illa diu
 Vacat immunis, quâ curvati

a. d. et m.

5

20

15

20

25

4. Fort.: *Parneti*. Jac. Gron.: *Utique, inquit, Πάρνης, Πάρνυτος, ut Θάρινος*. Casaub. ad Strab. 1778. 5. *Thriasus vicus Atticae supra Eleusin versus septentrionem*. 13. Fort.: *Ubi, pergracilis, lenis Ilissus, Ut Maeander, super aequalis Labitur agros etc.*, h. e. ubi lenis Il., ut pergracilis Maeander, etc. 22. Ita Gron. V., secundum Delrium, *Acharnan*.: Sed Acharnanes inter Aetoliam et Epirum siti. *Ἀχαῖναι ἔμμος τῆς Ἀττικῆς, ὅνδε Ἀχαῖναι.*

Littora ponti Sunion urget.
 Si quem tangit gloria silvae,
 Vocat hunc Phlyeus: hic versatur
 Metus agricolis, vulnere multo
 Jam notus aper. At vos laxas 30
 Canibus tacitis mittite habenas;
 Teneant acres lora Molossos,
 Et pugnaces tendant Cretes
 Fortia trito vincula collo;
 At Spartanos (genus est audax 35
 Avidumque ferae) nodo cautus
 Propiore liga. Veniet tempus,
 Cum latratu cava saxa sonent:
 Nunc dimissi nare sagaci
 Capteñt auras, lustraue presso 40
 Quaerant rostro, dum lux dubia est,
 Dum signa pedum roscida tellus
 Impressa tenet. Alius raras
 Cervice gravi portare plagas,
 Alius teretes properet laqueos. 45
 Picta rubenti linea pennâ
 Vano cludat terrore feras.
 Tibi libretur missile telum.
 Tu grave dextrâ laevâque simul
 Robur lato dirige ferro. 50
 Tu praecipites clamore feras
 Subsector ages; tu jam victor
 Curvo solves viscera cultro.
 Ades en comiti, diva virago,
 Cujus regno pars terrarum 55
 Secreta vacat;
 Cujus certis petitur telis
 Fera, quae gelidum potat Araxen,
 Et quae starti ludit in Istro.
 Tua Gaetulox dextra leones, 60
 Tua Cretaeas sequitur cervas;
 Nunc veloces figis damas
 Leviore manu.
 Tibi dant variae pectora tigres,
 Tibi villosi terga bisontes, 65
 Latisque feri cornibus uri.
 Quidquid solis pascitur arvis,
 Sive illud inops novit Garamas,

HIPPOLYTUS. ACT. I.

103

Sive illud Arabs divite silvâ,
 Sive ferocis juga Pyrenes,
 Sive Hyrcani celant saltus,
 Vacuisque vagus Sarmata campis:
 Arcus metuit, Diana, tuos.
 Tua si gratus numina cultor
 Tulit in saltus:
 Retia vinctas tenere feras;
 Nulli laqueum rupere pedes;
 Fertur plaustro praeda gementi;
 Tum rostra canes sanguine multo
 Rubicunda gerunt, repetitque casas
 Rustica longo turba triumpho.
 En, diva, faves:
 Signum arguti misere canes:
 Vocor in silvas. Hâc, hâc pergam,
 Quâ viâ longum compensat iter!

70

75

80

85

PHAEDRA, NUTRIX.

Phaedra amore Hippolyti ardere se fatetur apud nutricem, frustra eam a tam nefando amore dehortantem.

PH. O MAGNA vasti Creta dominatrix frëti,
 Cujus per omne littus innumerae rates
 Tenuere pontum, quidquid Assyriâ tenus
 Tellure Nereus pervium rostris secat,
 Cur me in penates obsidem invisos datam,
 Hostique nuptam, degere aetatem in malis
 Lacrimisque cogis? Profugus en! conjux ahest,
 Praestatque nuptae, quam solet, Theseus fidem.
 Fortis per altas invii retro lacus
 Vadit tenebras miles audacis proci;
 Solio ut revulsam regis inferni abstrahat,
 Pergit furoris socius. Haud illum timor,
 Pudorque tenuit: stupra et illicitos toros
 Acheronte in imo quaerit Hippolyti pater.
 Sed major alius incubat moestae dolor.
 Non me quies nocturna, non altus sopor
 Solvere curis: alitur et crescit malum,
 Et ardet intus, qualis Aetnaeo vapor
 Exundat antro. Palladis telae vacant,

90

95

100

82. Sic Ald. Ceteri antiqui: *fave*, vitio scripturae continuae (*faveissignum*, *favetignum*). V., secundum Delrium: *En, Diva favet*. 88. *Tenuere aopistraws*, tenere solent. 98. Fort.: *Puderve*.

Et inter ipsas pensa labuntur manus; 105
 Non colere donis templa votivis libet;
 Non inter aras, Attilidum mixtam choro,
 Jactare tacitis conscias sacris façes;
 Nec adire castis precibus aut ritû pio
 Adjudicatae praesidem terrae deam: 110
 Juvat excitatas consequi cursu feras,
 Et rigida molli gaesa jaculari manu.
 Quo tendis, anime? quid furens saltus amas?
 Fatale miserae matris agnosco malum:
 Peccare noster novit in silvis amor. 115
 Genitrix, tui me miseret: infando malo
 Correpta, pecoris efferi saevum ducem
 Audax amasti. Torvus, impatiens jugi,
 Adulter ille, ductor indomiti gregis;
 Sed amabat aliquid: quis meas miserae deus, 120
 Aut quis juvare Daedalus flammâs queat?
 Non, si ille remeet arte Mopsopiâ potens,
 Qui nostra coecâ monstra conclusit domo,
 Promittat ullam casibus nostris opem.
 Sturpem perosa Solis invisi Venus 125
 Per nos catenas vindicat Martis sui
 Suasque; probris omne Phoebéum genus
 Onerat nefandis. Nulla Minoïs levi
 Defuncta amore est; jungitur semper nefas.
 Nutra, Theséa conjux, clara progenies Jovis, 130
 Nefanda casto pectore exturba ocus!
 Extingue flammas, neve te dirae spei
 Praebe obsequentem. Quisquis in primo obstitit,
 Pepulitque amorem, tutus ac victor fuit;
 Qui blandiendo dulce nutrit malum, 135
 Sero recusat ferre, quod subiit, jugum.
 Nec me fugit, quam durus et veri insolens
 Ad recta flecti regius nolit tumor.
 Quemcunque dederit exitum casus, feram:
 Fortem facit vicina libertas senem. 140
 Honestâ primum est velle, nec labi via;
 Pudor est secundus, nosse peccandi modum.
 Quo, misera, pergis? quid domum infamem adgravas,
 Superasque matrem? malus est monstro nefas:

107. Flor. *choros pro choro*, ut recte arbitratur Grœn. V.:
choris. 108. Fort.: *consciam s. facem*. 126. Fort.: *Martis feri*
Suasque. 141. Ita Nic. Heinsius, cum in Florentino legisset *Non*
ista primum, quemadmodum h et n, e et i, litteræ misceri so-
 lent. V.: *Obstare primum* etc.

HIPPOLYTUS. ACT. I.

105

Nam monstra fato, moribus scelera imputes.

145

Si, quod maritus supera non cernit loca,
Tutum esse facinus crēdis, et vacuum metu:

Erras. Teneri crede Lethaëo abditum

Thesea profundo, et ferre perpetuam Styga:

Quid ille, lato maria qui regno premit,

150

Populisque reddit jura centenis pater?

Latere tantum facinus occultum sinet?

Sagax parentum est cura. Credamus tamen

Astu doloque tegere nos tantum nefas:

Quid ille, rebus lumen infundens suum,

155

Matris parens? quid ille, qui mundum quatit,

Vibrans coruscā fulmen Aetnaeum manu,

Sator deorum? credis hoc posse effici,

Inter videntes omnia ut lateas avos?

Sed, ut secundus numinum abscondat favor

160

Coitus nefandos, utque contingat stupro

Negata magnis sceleribus semper fides:

Quid poena praesens, consciae noctis pavor,

Animusque culpā plenus et semet timens?

Scelus aliqua tutum, nulla securum tulit.

165

Compesce amoris impii flammās, precor,

Nefasque, quod non ulla tellus barbara

Commisit unquam, non vagi campis Getae,

Nec inhospitalis Taurus, aut sparsus Scythes!

Expelle facinus mente castificā horridum;

170

Memorque matris, metue concubitus noxas.

Miscere thalamos patris et gnati adparas,

Uteroque prolem capere confusam impio?

Perge, et nefandis verte naturam ignibus!

Cur monstra cessant? aula cur fratris vacat?

175

Prodigia toties orbis insueta audiet,

Natura toties legibus cedet suis,

Quoties amabit Cressa? PH. Quae memoras, scio

Vera esse, nutrix; sed furor cogit sequi

Pejora. Vadit animus in praeceps sciens

180

Remeatque, frustra sana consilia adpetens.

Sic cum gravatam navita adversā ratem

150. Quid ille, quid ille agit, vel aget, ellipsi notissima.

151. Minus recte libri: — pater, Latere etc. 163. Ita Gruter. secundum 3 minimum scriptos et scholiasten Palatinum, item Al-
dinum. V.: consc. mentis p. Flor. Delriani et edd. primae: con-
scius, quod placet Gronovio. 168. Ita Flor. Vossian. Ultraj. V.:
vagus c. Geta. 181. Remeatque, in praeceps, quod intelligendum

αὐτὸς κενὸν.

Propellit undâ, cedit in vanum labor,
 Et victa prono puppis aufertur vado.
 Quid ratio possit? Vicit ac regnat furor, 185
 Potiensque totâ mente dominatur deus.
 Hic, volucer, omni pollet in terrâ potens,
 Laesumque flammis torret indomitis Jovem;
 Gradivus istas belliger sensit faces;
 Opifex trisulci fulminis sensit deus, 190
 Et, qui furentes semper Aetnaeis jugis
 Versat caminos, igne tam parvo calet;
 Ipsumque Phoebum, tela qui nervo regit,
 Figit sagittâ certior missâ puer,
 Volitatque coelo pariter et terrae gravis. 195
 nura. Deum esse amorem, turpis et vitio favens
 Finxit libido; quoque liberior foret,
 Titulum furori numinis falsi addidit.
 Natum per omnes scilicet terras vagum
 Erycina mittit! Ille per coelum volans 200
 Proterva tenerâ tela molitur manu,
 Regnumque tantum minimus e Superis habet!
 Vana ista demens animus adscivit sibi,
 Venerisque numen finxit atque arcus dei.
 Quisquis secundis rebus exultat nimis, 205
 Fluitque luxu, semper insolita adpetit.
 Tunc illa magnae dira fortunae comes
 Subit libido: non placent suetae dapes,
 Non tecta sani moris, aut vilis cibus.
 Cur in penates rarius ténues subit 210
 Haec delicatas eligens pestis domos?
 Cur sancta parvis habitat in tectis Venus,
 Mediumque sanos vulgus adfectus tenet,
 Et se coercēt modica? Contra divites
 Regnoque fulti plura, quā fas est, petunt? 215
 Quod non potest, vult posse, qui nimium potest.
 Quid deceat alto praeditam solio, vides:
 Metue ac verere sceptrâ remeantis viri.
 PH. Amoris in me maximum regnum puto,

185. Ita Flor. V.: *Quod rat. pascit, vicit ac. r. f.* 186. Sic Ascens. V.: *Potensque, cum sequatur potens.* 187. Sic item Ascens. V.: *omni regnat etc.* 187. *Laesumque* 3 illi codd., quos nuncupavi in nota ad 168. Malim *Laesusque*, h. e. irritatus, sicut offensus Cupido Apollinem Daphnes amore inflamat apud Ovidium Met. 1. V.: *Ipsumque*. Cf. 193, Octav. 814. 196. Male quidam: *Amorem.* 203. Ultraj.: *astruit, pro adstruxit, ut videtur.* 209. Legendum puto *vilis scyphus*. 219. Ita Flor. Ultraj. V.: — *regnum, fero.*

HIPPOLYTUS. ACT. I.

107

Reditusque nullos metuo: non unquam amplius 220

Convexa tetigit supera, qui mersus semel

Adiit silentem nocte perpetuâ domum.

NUTR. Ne crede Diti. Cluserit regnum licet,

Canisque diras Stygius observet fores:

Solus negatas invenit Theseus vias. 225

PH. Veniam ille amoris forsitan nostro dabit.

NUTR. Immitis etiam conjugi castae fuit:

Experta saevam est barbara Antiope manum.

Sed posse flecti conjugem fratrum puta:

Quis hujus animum flectet intractabilem? 230

Exosus omne feminae nomen fugit,

Immitis annos coelibis vitae dicat,

Connubia vitat: genus Amazonium scias.

PH. Hunc in nivosi collis haerentem jugis,

Et aspera agili saxa calcantem pede, 235

Sequi per alta nemora, per montes, placet!

NUTR. Resistet ille, seque mulcendum dabit,

Castosque ritus venere non castâ exuet?

Tibi ponet odium, cujus odio forsitan

Persequitur omnes? PH. Precibus haud vinci potest? 240

NUTR. Ferus est. PH. Amore didicimus vinci feros.

NUTR. Fugiet. PH. Per ipsa maria, si fugiat, sequar.

NUTR. Patris memento. PH. Meminimus matris simul.

NUTR. Genus omne profugit. PH. Pellicis careo metu.

NUTR. Aderit maritus... PH. Nempe Pirithoi comes. 245

NUTR. Aderitque genitor. PH. Mitis Ariadnae pater.

NUTR. Per has senectae splendoras supplex comas

Fessumque curis pectus et cara ubera

Precor, furorē siste, teque ipsa adjuva!

Pars sanitatis velle sanari fuit. 250

PH. Non omnis animo cessit ingenuo pudor:

Paremus, altrix. Qui regi non vult amor,

Vincatur. Haud te, fama, maculari sinam.

Haec sola ratio est, unicum effugium mali:

Virum sequamur, morte praeviam nefas. 255

NUTR. Moderare, alumna, mentis effrenae impetus;

Animos coërce! Dignam ob hoc vitâ reor,

Quod esse temet autumas dignam nece.

PH. Decreta mors est: quaeritur fati genus.

Laqueonē vitam finiam, an ferro incubem? 260

An missa praeceps arce Palladiâ cadam?

Pro castitatis vindice armemus manum!

249. Perversa codd. sententia: ipsam. 262. Vulgo: Pro (vel Pro), castitatis.

NURA. Sic te senectus nostra praecipiti sinat
 Perire leto? Siste furibundum impetum!
 Haud facile quisquam ad vitam revocari potest. 265
 EN. Prohibere ratio nulla perituum potest,
 Ubi, qui mori constituit, et debet mori.
 NURA. Solamen annis unicum fessis, hera,
 Si tam protervus incubat menti furor:
 Contemne famam. Fama vix vero favet, 270
 Pejus merenti melior, ac pejor hono.
 Tentemus animum tristem et intractabilem.
 Meus iste labor est adgredi juvenem ferum,
 Mentemque saevam flectere immitis viri.

CHORUS.

Omnia amor cedere, homines omnis loci, actatis, conditionis,
 ipsos deos superos ac inferos, quin et bruta animalia terre-
 stria, aquatilia, aëria.

DIVA, non miti generata ponto, sapph. 275
 Quam vocat matrem geminus Cupido,
 Impotens flammis simul et sagittis,
 Iste lascivus Puer ac renidens
 Tela quam certo moderatur arcu!
 [Labitur totas furor in medullas, 280
 Igne furtivo populante venas.]
 Non habet latum data plaga frontem,
 Sed vorat tectas penitus medullas.
 Nulla pax isti puero: per orbem
 Spargit effusas agilis sagittas; 285
 Quaeque nascentem videt ora solem,
 Quaeque ad Hesperias jacet ora metas, sapph. dact.
 Si qua ferventi subjecta Cancro est, sapph. spond.
 Si qua Parrhasiae glacialis Ursae sapph. dact.
 Semper errantes patitur colonos, sapph. 290
 Novit hos aestus. Juvenum feroces
 Concitat flammis, senibusque fessis
 Rursus extinctos revocat calores;
 Virginum ignoto ferit igne pectus;
 Et jubet coelo Superos relicto
 Vultibus falsis habitare terras. 295
 Thessali Phoebus pecoris magister

265. Fort.: EN. *At facile cuiquam vita revocari potest; Prohibere etc. cuiquam, τῷ τοῦτοῦ, homini vulgari, mobili et vitae fere amantissimo. periturum, cui stet velle se ex vita excedere.*
 271. Sic Ultraj. V.: *pejor.* 290. col., Scythas.

HIPPOLYTUS. ACT. I.

109

Egit armentum, positoque plectro
Impari tauros calamo vocavit.
Induit formas quoties minores 300
Ipse, qui coelum nebulasque ducit!
Candidas ales modo movit alas,
Dulcior vocem moriente cygno;
Fronte nunc torvâ petulans juvenus,
Virginum stravit sua terga ludo, 305
Perque fraternos, nova regna, fluctus,
Ungulâ lentos imitante remos,
Pectore adverso domuit profundum.
Pro suâ vector timidus rapinâ.
Arsit obscuri deâ clara mundi 310
Nocte desertâ, nitidosque fratri
Tradidit currus aliter regendos:
Ille nocturnas agitare bigas
Discit, et gyro brevior flecti;
Nec suum tempus tenuere noctes, 315
Et dies tardo remeavit ortu,
Dum tremunt axes graviore curru.
Natus Alcmenâ posuit pharetram,
Et minax vasti spoliū leonis,
Passus aptari digitis smaragdōs, 320
Et dari legem rudibus capillis;
Crura distincto religavit auro,
Luteo plantas cohibente socco;
Et manu, clavam modo quâ gerebat,
Fila deduxit properante fuso.
Vidit Persis, ditique ferox 325
a. d. et m.
Lydia regno, dejecta feri
Terga leonis; humerisque, quibus
Sederat alti regia coeli,
Tenuem Tyrio stamine pallam. 330
Sacer est ignis (credite laesis!)
Nimiumque potens. Quâ terra salo
Cingitur alto, quâque aetherio
Candida mundo sidera currunt,
Hâc regna tenet Puer immitis, 335
Spicula cujus sentit in imis
Caerulus undis grex Nereidum,

306. Ita Gron. secundum meliores libros. Alii: *mala regna*.
320. V.: *smaragdōs*. Vid. J. H. Voss. ad Tibull. 1, 1, 51. 326.
V.: *V. Perses* (Ascens.: *Persis*), *ditisque ferox L. regni*. Flor.:
ditique ferox L. regno. 336. Pincianus liber apud Delrium et
vett. edd.: *Hic regna*. V.: *Hæc r.*

Flammamque nequit relevare mari;
 Ignes sentit genus aligerum.
 Venere instincti quam magna gerunt 340
 Grege pro toto bella juvenci!
 Si conjugio timuere suo,
 Poscunt timidi proelia cervi,
 Et mugitu dant concepti
 Signa furoris, Tunc virgatas 345
 India tigres decolor horret;
 Tunc vulnificos acuit dentes
 Aper, et toto spumeus ore est.
 Poeni quatiunt colla leones,
 Cum movit amor. Tum silva gemit 350
 Murmure saevo.
 Amat insani bellua ponti,
 Lucaeque boves. Vindicat omnes
 Natura sibi; nihil immune est;
 Odiumque perit, cum jussit amor; 355
 Veteres cedunt ignibus irae.
 Quid plura canam?
 Vincit saevas cura novercas.

ACTUS SECUNDUS.

CHORUS, NUTRIX, PHAEDRA.

Amoris morbum, impatientiam et aestum conqueritur nutrix.
 Mox ipsa prodit Phaedra mutatis vestibus in cinctum Amazonis seu venatricis, ut Hippolyto placeat.

- CHOR. ALTRIX, profare, quid feras? quonam in loco
 est i. s.
 Regina? saevis ecquis est flammis modus? 360
 NUTR. Spes nulla, tantum posse leniri malum;
 Finisque flammis nullus insanis erit.
 Torretur aestu tacito, et inclusus quoque,
 Quamvis tegatur, proditur vultu furor;
 Erumpit oculis ignis, et lapsae genae 365
 Lucem recusant. Nihil idem dubiae placet,
 Artusque varie jacat incertus dolor.
 Nunc, ut soluto, labitur, moriens gradu,

340. sequ. Quidam libri, in his Flor., probante Gronovio:
V. instinctus suscipit audax G p. t. b. juvenis.

HIPPOLYTUS. ACT. II.

111

Et vix labante sustinet collo caput;
 Nunc se quieti reddit, et somni immemor 370
 Noctem querelis ducit. Attolli jubet,
 Iterumque poni, corpus; et solvi comas,
 Rursusque fingi. Semper impatiens sui
 Mutatur habitus. Nulla jam Cereris subit
 Cura, aut salutis. Vadit incerto pede, 375
 Jam viribus defecta. Non idem vigor,
 Non ora tingens nitida purpureus rubor:
 Populatur artus cura; jam gressus tremunt;
 Tenerque nitidi corporis cecidit decor;
 Et, qui ferebant signa Phœbéae facis, 380
 Oculi nihil gentile nec patrium micant.
 Lacrimae cadunt per ora, et adsiduo genae
 Rore irrigantur, qualiter Tauri jugis
 Tepido madescunt imbrē percussae nives.
 Sed, en, pateſcunt regiae fastigia! 385
 Reclinis ipsa sedis auratae toro
 Solitos amictus mente non sanā abnuſit.
 PH. Removete, famulae, purpurā atque auro illitas
 Vestes! procul sit muricis Tyrii rubor,
 Quae fila ramis ultimi Seres legunt: 390
 Brevis expeditos zona constringat sinus.
 Cervix monili vacua; nec niveus lapis
 Deducat aures, Indici donum maris.
 Odore crinis sparsus Assyrio vacet:
 Sic temere jactae colla perfundant comae 395
 Humerosque summos; cursibus motae citis
 Ventos sequantur. Leva se pharetrae dabit:
 Hastile vibret dextra Thessalicum manus.
 Talis severi mater Hippolyti fuit.
 Qualis, relictis frigidi ponti plagis, 400
 Egit catervas, Atticum pulsans solum,
 Tanaitis aut Maeotis, et nodo comas
 Coëgit emisitque, lunatā latus
 Protecta peltā: talis in silvas ferar!
 NUTR. Sepone questus: non levat miseros dolor; 405
 Agreste placa virginis numen deae.
 Regina nemorum, sola quae montes colis,
 Et una solis montibus coleris dea,
 Convertē tristes omnium in melius minas!
 O magna silvas inter et lucos dea, 410
 Clarumque coeli sidus et noctis decus,

392. vac., vacua est. Rejecerat jam monile.

Cujus relucet mundus alternâ face,
 Hecate triformis, en, ades coepta favens!
 Animum rigentem tristis Hippolyti doma!
 Amare discat, mutuos ignes ferat, 415
 Det facilis aures! Mitiga pectus ferum;
 Innecte mentem. Torvus, aversus, ferox,
 In jura Veneris redeat. Huc vires tuas
 Intende. Sic te lucidi vultus ferant,
 Et nube ruptâ cornibus puris eas. 420
 Sic te, regentem frena nocturni aetheris,
 Detrahare nunquam Thessali cantus queant,
 Nullusque de te gloriam pastor ferat.
 Ades invocata; jam faves votis, dea:
 Ipsum intuo solempne venerantem sacrum, 425
 Nullo latus comitante. Quid dubitas? dedit
 Tempus locumque casus: utendum artibus.
 Trepidamus? Haud est facile mandatum scelus
 Audere; verum justa, qui reges timet,
 Deponat; omne pellat ex animo decus: 430
 Malus est minister regii imperii pudor.

HIPPOLYTUS, NUTRIX.

Nutrix Hippolyti animum mollire et ad nuptias et delicias urbanas flectere callide tentat. Ille vitae coalibis et rusticae (quam urbanae collatam praefert) institutum immotus tenet.

HIPPO. Quid huc seniles fessa moliris gradus, i. s.
 O fida nutrix, turbidam frontem gerens,
 Et moesta vultus? Sospes est certe parens,
 Sospesque Phaedra, stirpis et geminae jugum. 435
 NUTR. Metus remitte: prospero regnum in statu est,
 Domusque florens sorte felici viget.
 Sed tu beatis mitior rebus veni:
 Namque anxiam me cura sollicitat tui,
 Quod te ipse poenis gravibus infestus domas. 440
 Quem fata cogunt, ille cum veniâ est miser;
 At si quis ultro se malis offert volens,
 Seque ipse torquet, perdere est dignus bona,
 Quis nescit uti. Potius annorum memor
 Mentem relaxa: noctibus festis facem 445
 Attolle; curas Bacchus exoneret graves;
 Aetate frui: mobili cursu fugit.

412. Flor.: *alt. vice.* 418. *vultus.* Fort.: *currus.* 445. *noctibus* Flor. Lipsian. Gron. Alii: *motibus, moribus,* Ultraj.: *monibus.*

Nunc facile pectus, grata nunc juveni Venus:
 Exultet animus. Cur toro viduo jaces?
 Tristem juventam solve; nunc lusus rape; 450
 Effunde habenas; optimos vitae dies
 Effluere prohibe! Propria descripsit deus
 Officia, et aevum per suos ducit gradus.
 Lætitia juvenem, frons decet tristis senem.
 Quid te coërces, et necas rectam indolem? 455
 Seges illa magnum fœnus agricolae dabit,
 Quaecunque lætis tenera luxuriat satis;
 Arborque celso vertice evincet nemus,
 Quam non maligna caedit aut resecat manus.
 Ingenia melius recta se in laudes ferunt, 460
 Si nobilem animum vegeta libertas alit.
 Truculentus et silvester et vitae inscius,
 Tristem juventam Venere desertâ colis.
 Hoc esse munus credis indictum viris,
 Ut dura tolerant, cursibus domitent equos, 465
 Et saeva bella Marte sanguineo gerant?
 Providit ille maximus mundi parens,
 Cum tam rapaces cerneret Fati manus,
 Ut damna semper sobole repararet novâ.
 Excedat; aegedum, rebus humanis Venus, 470
 Quae supplet ac restituet exhaustum genus:
 Orbis jacebit squalido turpis situ;
 Vacuum sine ullis classibus stabit mare;
 Alesque coela deerit; et silvis fera,
 Solis et aër pervius ventis erit. 475
 Quam varia leti genera mortalem trahunt
 Carpuntque turbam, pontus, et ferrum, et doli!
 Sed fata credas deesse: sic atram Styga
 Jam petimus ultro. Coelibem vitam probet
 Sterilis juvenis: hoc erit, quidquid vides, 480
 Unius aevi turba, et in semet ruet.
 Proinde vitae sequere Naturam ducem:
 Urbem frequenta, civium coetus cole.
 RIPP. Non alia magis est libera et vitio carens,
 Ritusque melius vita quae priscos colat, 485
 Quam quae relictis moenibus silvas amat.
 Non illum avarae mentis inflamat furor,
 Qui se dicavit montium insontem jugis;
 Non aura populi et vulgus infidum bonis,

450. Ita Gron. Libri perperam: *luxus*. 455. Fort.: *Q. t. coërcens enicas r. i.?* 466. Fort.: *Et saeva Marti bella sang. ger.*
 Vulgatae lectionis numeri vehementer languent.

Non pestilens invidia, non fragilis favor.	490
Non ille regno servit, aut, regno imminens,	
Vanos honores sequitur, aut fluxas opes,	
Spei metûsque liber. Haud illum niger	
Edaxque Livor dente degeneri petit;	
Nec scelera populos inter atque urbes sita	495
Novit; nec omnes conscius strepitus pavet,	
Aut verba fingit. Mille non quaerit tegi	
Dives columnis, nec trabes multo insolens	
Suffigit auro. Non cruor largus pias	
Inundat aras, fruge nec sparsi sacrâ	500
Centena nivæi colla submittunt boves;	
Sed rure vacuo potitur, et aperto aethere	
Innocuus errat. Callidas tantum feris	
Struxisse fraudes novit; et fessus gravi	
Labore, niveo corpus lisso fovet.	505
Nunc ille ripam celeris Alphei legit;	
Nunc nemoris alti densa metatur loca,	
Ubi Lerna puro gelida perlucet vado;	
Sedemque mutat. Hic aves querulae fremunt,	
Ramique ventis lene percussi tremunt,	510
Veteresque fagi. Juvit aut amnis vagi	
Pressisse ripas, caespite aut nudo leves	
Duxisse somnos, sive fons largus citas	
Defundit undas, sive per flores novos	
Fugiente dulcis murmurat rivo sonus.	515
Excussa silvis poma compescunt famem,	
Et fraga parvis vulsa dumetis cihos	
Faciles ministrant. Regios luxus procul	
Est impetus fugisse. Sollicito bibant	
Auro superbi; quam juvat nudâ manu	520
Captasse fontem! Certior somnus premit	
Secura duro membra versantem toro.	
Non in recessu furta et obscuro improbus	
Quaerit cubili, seque multiplici timens	
Domo recondit; aethera ac lucem petit,	525
Et teste coelo vivit. Hôc equidem reor	
Vixisse ritu, prima quos mixtos deis	
Profudit aetas. Nullus his auri fait	
Coecus cupido. Nullus in campo sacer	
Divisit agros arbiter populis lapis.	530
Nondum secabant credulae pontum rates:	

497. Sic Ultraj. Fernand. Cajet. Sed Ald. aliique: — pavet.
Haud n. f. 510. Legendum puto: *Rhamnique* v. l. *percussae* t.
Rhamnus semper viret. 511. *Juvit*, *juvare* solet.

HIPPOLYTUS. ACT. II.

115

Sua quisque norat maria. Non vasto aggere
 Crebriâque turri cinxerant urbes latus.
 Non arma saevâ miles aptabat manu;
 Nec torta clusas fregerat saxo gravi
 Balista portas; jussa nec dominum pati
 Juncto ferebat terra servitium bove:
 Sed arva per se foeta poscentes nihil
 Pavere gentes; silva nativas opes,
 Et opaca dederunt antra nativas domos.
 Rupere foedus impius lucri furor
 Et ira praeceps, quaeque succensas agit
 Libido mentes; venit imperii sitis
 Cruenta; factus praeda majori minor;
 Pro jure vires esse. Tum primum manu
 Bellare nudâ, saxâque et ramos rudes
 Vertere in arma. Non erat gracili levis
 Armata ferro cornus, aut longo latus
 Mucrone cingens ensis, aut cristâ procul
 Galeae comantes: tela faciebat dolor.
 Invenit artes bellicus Mavors novas
 Et mille formas mortis. Hinc terras cruor
 Infecit omnes fusus, et rubuit mare.
 Tum scelera demto fine per cunctas domos
 Iere; nullum caruit exemplo nefas;
 A fratre frater, dexterâ nati parens
 Cecidit, maritus conjugis ferro jacet,
 Perimuntque foetus impiae matres suos.
 Taceo novercas. Mitius nihil est feris.
 Sed dux malorum femina; haec scelerum artifex
 Obsedit animos, cujus incestae stupris
 Fumant tot urbes, bella tot gentes gerunt,
 Et versa ab imo regna tot populos premunt.
 Sileantur aliae: sola conjux Aegei
 Medea reddit feminas dirum genus.
 NUTR. Cur omnium fit culpa paucarum scelus?
 HIPPO. Detestor omnes, horreo, fugio, execror.
 Sit ratio, sit natura, sit dirus furor:
 Odisse placuit. Ignibus junges aquas,
 Et amica ratibus ante promittet vada
 Incerta Syrtis, ante ab extremo sinu
 Hesperia Tethys lucidum attollet diem,
 Et ora damis blanda praebebunt lupi,
 Quam victus animum feminae mitem geram.

535

540

545

550

555

560

565

570

540. V.: *dederunt*. Saepe haec tempora verborum confusa. *Dederunt* correpta syllaba media legendum est. 574. Fort.: *feminis*.

NUTR. Saepe obstinatis induit frenos Amor, 575
 Et odia mutat. Regna materna adspice:
 Illae feroces sentiunt Veneris jugum.
 Testaris istud unicus gentis puer.
 HIP. Solamen unum matris amissae fero,
 Odisse quod jam feminas omnes licet. 580
 NUTR. Ut dura cautes undique intractabilis
 Resistit undis, et lacessentes aquas
 Longe remittit, verba sic spernit mea.
 Sed Phaedra praeceps graditur, impatiens morae.
 Quo se dabit fortuna? quo verget furor? 585
 Terrae repente corpus exanimum atcidit,
 Et ora morti similis obduxit color.
 Attolle vultus, dimove vocis moras:
 Tuus en, alumna, temet Hippolytus tenet!

PHAEDRA, HIPPOLYTUS, NUTRIX,
 FAMULI.

Juvenis pudicitiam omni arte oppugnant, sed frustra: ad fraudem
 itaque et calumnias confugiunt.

PH. Quis me dolori reddit, atque aestus graves i. s. 590
 Reponit animo? Quam bene excideram mihi! —
 HIP. Cur dulce munus redditae lucis fugis?
 PH. Aude, anime! tenta! perage mandatum tuum!
 Intrepida constant verba: qui timide rogat,
 Docet negare. Magna pars sceleris mei 595
 Olim peracta est: serus est nobis pudor:
 Amavimus nefanda: si coepta exequor,
 Forsan jugali crimen abscondam face.
 Honesta quaedam scelera successus facit.
 En, incipe, anime! — Comœdes paulum, precor, 600
 Secretus aures. Si quis est, abeat, comes.
 HIP. En, locus ab omni liber arbitrio vacat!
 PH. Sed ora coeptis transitum verbis negant.
 Vis magna vocem emittit, at major tenet.
 Vos testor omnes, coelites, hoc, quod volo, 605
 Me nolle! i. c.
 HIP. Animusne cupiens aliquid effari nequit? i. s.
 PH. Curae leves loquuntur, ingentes stupeant.
 HIP. Committe curas auribus, mater, meis.
 PH. Matris superbum est nomen et nimium potens; 610
 Nostros humiliter nomen adfectus decet.
 Me vel sororem, Hippolyte, vel famulam voca;

Famulamque potius: omne servitium feram.
 Non me, per altas ire si jubeas nives,
 Pigeat gelatis ingredi Pindi jugis; 615
 Non, si per ignes ire et infesta agmina,
 Cuncter paratis ensibus pectus dare.
 Mandata recipe acceptra, me famulam accipe:
 Te imperia regere, me decet jussa exequi.
 Muliebri non est regna tutari urbium;
 Tu, qui juventae flore primaevo viges, 620
 Cives paterno fortis imperio rege.
 Sinu receptam supplicem ac servam tege!
 Miserere viduae! *hipp.* Summus hoc omen deus
 Avertat! aderit sospes actutum parens. 625
ph. Regni tenacis dominus et tacitae Stygis,
 Nullam relictos fecit ad Superos viam.
 Thalami remittet ille raptorem sui?
 Nisi forte amor placidus et Pluton sedet.
hipp. Illum quidem aequi coelites reducem dabunt. 630
 Sed dum tenebit vota in incerto deus:
 Pietate caros debita fratres colam,
 Et te merebor esse ne viduam putes,
 Ac tibi parentis ipse supplebo locum.
ph. O spes amantum credula! o fallax amor! 635
 Satisne dixit? Precibus admotis agam. —
 Miserere! tacitae mentis exaudi preces!
 Libet loqui, pigetque. *hipp.* Quodnam istud malum est?
ph. Quod in novercam cadere vix credas malum.
hipp. Ambigua voce verba perplexa jadis: 640
 Effare aperte. *ph.* Pectus insanum vapor
 Amorque torret. Intimis saevus vorat
 Visceribus ignis mersus, et venas latens,
 Ut agilis altas flamma, percurrit, trabes.
hipp. Amore nempe Thesei casto furis? 645
ph. Hippolyte, sic est: Thesei vultus amo
 Illos priores, quos tulit quondam puer,
 Cum prima puras barba signaret genas,
 Monstrique coecam Gnosii vidit domum,
 Et longa curva fila collegit via. 650
 Quis tum ille fulsit! Presserant vittae comam,
 Et ora flavus tenera tingeat Pudor;

630. Fort.: *tutari viram*, quod vir doctus adscripsit in margine codicis Voss. 642. Vulgo: *Intimas saevus vorat Penitus medullas, atque per venas meat Visc. ignis m. et venis latens, Ut a. s. f. p. z. Flor.: Int. feris* (fort. pro saevius) *ferus Visc. etc., exclusis mediis.* 650. Fort.: *Et o. flavi t. z. pudor,*

Inerant lacertis mollihus fortes tori,
 Tuaeque Phoebes vultus, aut Phoebi mei,
 Tuusve potius. Talis, en, talis fuit, 955
 Cum placuit hosti; sic tulit celsum caput;
 In te magis refulget incomtus decor.
 Est genitor in te totus; et torvae tamen
 Pars aliqua matris miscet ex aequo decus:
 In ore Grajo Scythicus adparet rigor. 660
 Si cum parente Creticum intrasses fretum,
 Tibi fila potius nostra nevisset soror.
 Te, te, soror, quâcunque siderei poli
 In parte fulges, invoco ad causam parem!
 Domus sorores una corripuit duas; 665
 Te genitor, at me gnatus. En, supplex jacet
 Adlapsa genubus regiae proles domûs!
 Respersa labe nullâ, et intacta, innocens;
 Tibi mutor uni. Certa descendi ad preces:
 Finem hic dolori faciet aut vitae dies. 670
 Miserere amantis! *μῆρρ.* Magne regnator deum,
 Tam lentus audis scelera? tam lentus vides?
 Ecquando saevâ fulmen emittes manu,
 Si nunc serenum est? Omnis impulsus ruat
 Aether, et atris nubibus condât diem; 675
 Ac versa retrô sidera obliquos agent
 Retorta, cursus! tuque sidereum caput,
 Radiate Titan, ne nefas stirpis tuae.
 Speculere luci, merge, et in tenebras fuge!
 Cur dextra, divûm rector atque hominum, vacât 680
 Tua, nec trisulcâ mundus ardescit face?
 In me tona! me fige! me velox cremet
 Transactus ignis! sum nocens; merui mori:
 Placui novercae. — Dignus en stupris ego
 Scelereque tanto visus? ego solus tibi 685
 Materia facilis? hoc meus meruit rigor?
 O scelere vincens omne femineum genus!
 [O majus ausa matre monstriferâ malum,]
 Genitrice pejor! Illa se tantum stupro
 Contaminavit, et tamen tacitum diu 690

654. sequ. V.: *Tuave* — *Tuusque potius*. 658. Vulgo: — *de-*
cor, et genitor etc. 671. Fern. Cajet.: *O magne*. *Haud male po-*
namus hoc: Mis. amantem. *μῆρρ.* *O magne* etc. 678. Vett. edd.:
tu nef. st. t. Speculare; (Gruter.?) *lucem merge* etc. Gron. ex
 Florentino: *tuque sid. caput Radiate, tantum ne nef. st. t. Specu-*
lere, lucem merge. Mogunt.: *Speculare luce merge et ten. fuge*.
 687. Fort.: *O scelere v. o. monstriferum genus! Genitrice p.*

Crimen biformi partus exhibuit notâ,
 Scelusque matris arguit vultu truci
 Ambiguus infans. Ille te venter tulit.
 O ter quaterque prospero fato dati,
 Quos hausit et peremit et leto dedit
 Odium dolusque! Genitor, invideo tibi: 695
 Colchide novercâ majus hoc, majus malum est.
 PH. Et ipsa nostrae fata cognosco domus:
 Fugienda petimus; sed mei non sum potens.
 Te vel per ignes, per mare insanum sequar,
 Rupesque, et amnes, unda quos torrens rapit; 700
 Quâcunque gressus tuleris, hâc amens agar!
 Iterum, superbe, genubus advolvor tuis.
 MP. Procul impudicos corpore a casto amove
 Tactus! Quid hoc est? etiam in amplexus ruit?
 Stringatur ensis: merita supplicia exigat. 705
 En, impudicum crine contorto caput
 Laevâ reflexi: justior nunquam focus
 Datus tuis est sanguis, arcitenens dea!
 PH. Hippolyte, nunc me compotem voti facis: 710
 Sanas furentem. Majus hoc voto meo est,
 Salvo ut pudore manibus immoriar tuis.
 MP. Abscede! vive: ne quid exores; et hic
 Contactus ensis deserat castum latus!
 Quis eluet me Tanais? aut quae barbaris 715
 Maeotis undis Pontico incumbens mari?
 Non ipse toto magnus Oceano pater
 Tantum expiarit sceleris. O silvae! o ferae!
 PH. Deprensa culpa est, anime. — NUTR. Quid segnis
 stupes?
 Regeramus ipsi crimen, atque ultro impiam 720
 Venerem arguamus. Scelere velandum est scelus.
 Tutissimum est inferre, cum timeas, gradum.
 Ausae priores simus, an passae nefas,
 Secreta cum sit culpa, quis testis sciet?
 Adeste, Athenae! fida famulorum manus, 725
 Fer opem! nefandi raptor Hippolytus stupri
 Instat, premitque; mortis intentat metum;
 Ferro pudicam terret! En, praecipit abî,
 Ensemque trepidâ liquit attonitus fugâ!
 Pignus tenemus sceleris. Hanc inquestam prius 730

696. Fort.: *Odium dolorque!* secundum ed. Fernandi antiquis-
 simam. 719. Vulgo hic versus totus nutrici tribuitur. Sed cf.
 115, 595, 600, Agam. 108 etc. Blandientium illud anime mi apud
 Comicos non est hujus loci.

Recreate! Crinis tractus et laceræ comæ,
 Ut sunt, remaneant, facinoris tanti notæ.
 Perferte in urbem! — Recipe jam sensus, hera!
 Quid te ipsa lacerans omnium adspectus fugis?
 Mens impudicam facere, non casus, solet.

735

CHORUS.

Precatur Chorus, ut bene cedat Hippolyto forma, quæ plerisque
 fuit exitio. Thesei reditum prospicit.

Fugit, insanæ similis procellæ,
 Ocior nubes glomerante Coro,
 Ocior cursum rapiente flammâ,
 Stella cum ventis agitata longos
 Porrigit ignes.

740

Conferat tecum decus omne priscum
 Fama, miratrix senioris ævi.

Pulcrior tanto tua forma lucet,
 Clarior quanto micat orbe pleno,
 Cum suos ignes coëunte cornu

745

Junxit, et curru properante pernox
 Exserit vultus, rubicunda Phœbe,
 Nec tenent stellæ faciem minores;
 Qualis est primas referens tenebras
 Nuntius noctis, modo lotus undis,
 Hesperus, pulsus iterum tenebris
 Lucifer idem.

750

Et tu thyrsigerâ Liber ab Indiâ,
 Intonsâ juvenis perpetuum comâ,
 Tigres pampineâ cuspide territans,
 Ac mitrâ cohibens cornigerum caput,
 Non vinctes rigidas Hippolyti comas.
 Neu vultus nimium suspicias tuos:
 Omnes per populos fabula distulit,
 Phædrae quem Bromio prætulæxit soror.

asclep.

755

Anceps forma bonum mortalibus,
 Exigui donum breve temporis,
 Ut velox celeri pede laberis!

dact. tetr.

Non sic prata novo vere decentia
 Aestatis calidæ despoliat vapor,
 Saevit solstitio cum medius dies,

asclep.

765

735. Perferte, nuntiate. 738. Ita Gron. Libri vet. : Ne. Vulgo:
 Nec.

Et noctes brevibus praecipitat rotis
 (Languescunt folio lilia pallido,
 Et gratae capiti deficiunt rosae),
 Ut fulgor, teneris qui radiat genis, 770
 Momento rapitur, nullaque non dies
 Formosi spoliū corporis abstulit.
 Res est forma fugax: quis sapiens bono
 Confidat fragili? Dum licet, utere.
 Tempus te tacitum subruet, horaque 775
 Semper praeteritā deterior subit.
 Quid deserta petis? Tutior aviis
 Non est forma locis. Te nemore abdito,
 Cum Titan medium constituit diem,
 Cinget turba licens, Naides improbae, 780
 Formosos solitae claudere fontibus;
 Et somnis facient insidias tua
 Lascivae nemorum deae,
 Montivagique Panes;
 Aut, te stellifero despiciens polo,
 Sidus post veteres Arcadas editum
 Currus non poterit flectere candidos.
 Et nuper rubuit, nullaque lucidis
 Nubes sordidior vultibus obstitit?
 At nos solliciti lumine turbido, 790
 Tractam Thessalicis carminibus rati,
 Tinnitus dedimus: tu fueras labor,
 Et tu causa morae; te dea noctium
 Dum spectat, celeres sustinuit vias,
 Vexent hanc faciem frigora parcius, 795
 Haec solem facies rarius adpetat:
 Lucebit Pario marmore clarius.
 Quam grata est facies torva viriliter,
 Et pondus veteris triste supercilii!
 Phoebō colla licet splendida compares. 800
 Illum caesaries, nescia colligi,
 Perfundens humeros, ornat et integit;
 Te frons hirta decet, te brevior coma
 Nullā lege jacens. Tu licet asperos

glyc.
 anacr. chor.
 asclep. 785

767. Gron. haud molebat praecipitant, παρρησιας. 775. 10
 Flor. Voss. Ceteri sed, vel si. 783 sequ. glossematis oppleti sunt
 in quibusdam libris, ex quarum lectionibus hanc Gron. effinxit:
 Lasc. nem. d., Panes quas Dryades montivagi petunt. Sequor ple-
 rosque scriptos, in his Palatinos, Eguianum, item odd. vett. (nisi
 quod Montivagive ibi legitur) et Gruterum. Cf. 1131. seqq. 790
 Flor.: numine.

Pugnacesque deos viribus arceas	805
Et vasti spatio vincere corporis	
(Aequas Herculeos nam juvenis toros,	
Martis belligeri pectore latior):	
Si dorso libeat cornipedis vehi,	
Frenis Castoreâ mobilior manu	810
Spartanum poteris flectere Cyllaron.	
Amentum digitis tende prioribus,	
Et totis jaculum dirige viribus:	
Tam longe, dociles spicula figere,	
Non mittent gracilem Cretes arundinem.	815
Aut si tela modo spargere Parthico	
In coelum placeat: nulla sine alite	
Descendent; tepido viscere condita,	
Praedam de mediis nubibus auferent.	
Raris forma viris (secula prospice!)	820
Impunita fuit. Te melior deus	
Tutum praetereat, formaque nobilis	
Deformis senii monstret imaginem.	
Quid sinat inausum feminae praeceps furor?	i. s.
Nefanda juveni crimina insonti parat.	825
En scelera! quaerit crine lacerato fidem,	
Decus omne turbat capitis, humectat genas;	
Instruitur omnis fraude femineâ dolus.	
Sed iste quisnam est, regium vultu decus	
Gerens, et alto vertice attollens caput?	830
Ut ora juveni paria Pirithoo gerit,	
Ni languido pallore canderent genae,	
Staretque rectâ squalor incultus comâ.	
En, ipse Theseus redditus terris adest!	

807. Ita Gruter. ex libris vett. V.: *A. H. jam j. z.* 818. Fernand.: *trepido*. Cf. Herc. Oct. 709. 819. Ita Gron. Flor.: *afferent*. V.: *afferes*. 820. Flor.: *perspice*. De Rooy Spicil. crit. pag. 110.: *respice*. 825. Vid. Ovid. Metam. 15, 538 seqq. 829. Sic a Palatt. V.: *in vultu*. 831. Fort.: *Ut o. j. p. perituro g.* 832. Ita Flor. V.: *eandore pallerent*.

ACTUS TERTIUS.

THESEUS, NUTRIX.

Reversus ab Inferis Theseus domestici luctus causam a nutrice
obviâ sciscitatur. Illa se hoc tantum scire respondet, Phae-
dræ necis consilium iniisse.

THESES. TANDEM profugi noctis aeternae plagam, i. s. 835
Vastoque manes carcere umbrantem polum.
Ut vix capitum subferunt oculi diem!
Jam quarta Eleusin dona Triptolemi secat,
Paremque toties Libra composuit diem,
Ambiguus ut me sortis ignotas labor 840
Detinuit inter mortis et vitae mala.
Pars una vitae mansit extincto mihi,
Sensus. Malorum finis Alcides fuit,
Qui cum revulso Tartaro extraheret canem,
Me quoque supernas pariter ad sedes tulit. 845
Sed fessa virtus robore antiquo caret,
Trepidantque gressus. Heu, labor quantus fuit
Phlegethonte ab imo petere longinquum aethera,
Pariterque mortem fugere et Alciden sequi!
Quis fremitus aures flebilis pepulit meas? 850
Expromat aliquis! Luctus et lacrimae et dolor,
In limine ipso moesta lamentatio,
Auspicia digna prorsus inferno hospite,
NUTR. Tenet obstinatum Phaedra consilium necis,
Fletusque nostros spernit, ac morti imminet. 855
THESES. Quae causa leti? reduce cur moritur viro?
NUTR. Haec ipsa letum causa maturum attulit.
THESES. Perplexa magnum verba nescio quid tegunt.
Effare aperte, quis gravet mentem doler.
NUTR. Haud pandit ulli. Moesta secretum occulit, 860
Statuitque secum ferre, quo moritur, malum.
Jam perge, quaeso, perge: properato est opus.
THESES. Reserate clusos regii postes laris!

843. Non aliter haec interpuncta apud Scriverium, qui sequi-
tur Commelini Scaligeri et Gruteri libros. 844. Ita Flor. V.: re-
vulsum. 853. Libri: Hospitia. Ensendatores Grot. et Gron. 859.
Fernand.: quis gravat m. d.?

THESEUS, PHAEDRA, FAMULI.

Primum simulat Phaedra mori se malle, quam vim sibi illatam revelare Theseo; cui deinde nutrici cruciatum minitanti ostendit gladium, quem Hippolytus abjectum reliquisset.

THEs. O socra thalami, siccine adventum viri i. s.

Et expetiti conjugis vultum excipis?

865

Quin ense viduas dexteram, atque animum mihi

Restituïs, et, te quidquid e vitâ fugat,

Expromis? PH. Heu heu, per tui sceptrâ imperi,

Magnanime Theseu, perque natorum indolem,

Tuosque reditus, perque jam cineres meos,

870

Permitte mortem! THEs. Causa quae cõgit mori?

PH. Si causa leti dicitur, fractus perit.

THEs. Nemo istud alius, me quidem excepto, audiet.

PH. Aures pudica conjugis solas timet.

THEs. Effare: fido pectore arcana occultam.

875

PH. Alium silere quod voles, primus sile.

THEs. Leti facultas nulla continget tibi.

PH. Mori volenti deesse mors nunquam potest.

THEs. Quod sit luendum morte delictum, indica.

PH. Quod vivo. THEs. Lacrimae nonne te nostras mo-
vent?

880

PH. Mors optima est perire lacrimandum suis.

THEs. Silere pergit. Verbere ac vinculis anus

Altrixque prodet, quidquid haec fari abnuvit.

Vincite ferro. Verberum vis extrahat.

Secreta mentis. PH. Ipsa jam fabor, mane.

885

THEs. Quidam ora moesta avertis, et lacrimas genis

Subito coortas veste praetentâ obtegis?

PH. Te, te, creator coelitum, testem invoco,

Et te coruscum lucis aetheriae jubar,

Ex cujus ortu nostra dependet domus,

890

Tentata precibus restiti; ferro ac minis

Non cessit animus: vim tamen corpus tulit.

Labem hanc pudoris eluet noster cruor.

THEs. Quis (ede!) nostri decoris eversor fuit?

PH. Quém rere minime. THEs. Quis sit, audire expeto.

895

PH. Hic dicet ensis, quem tumultu territis.

Liquit stuprator, civium adcursum timens.

THEs. Quod facinus, heu me! cerno? quod monstrum intuo?

Regale patriis asperum signis ebur!

868. *sceptrâ* vett. edd. V.: *Eheh*, p. t. *sceptrum*, *imperii*. *Ascens.*
Ald.: *imperi*. 882. Fort.: *vinculis opus*; *Altrixque* etc. 899. *patriis*
ponendum vidit Dan. Heinsius. Inepte libri: *parvis*.

Capulo refulget gentis Actaeae decus! 900
Sed ipse quonam evasit? PH. Hi trepidum fuga
Videre famuli concitum celeri pede.

T H E S E U S.

Agnito ense deceptus pater et iratus filio immerito exitium imprecatur.

Proh sancta pietas! proh gubernator poli, i. s.
Et qui secundum fluctibus regnum moves,
Unde ista venit generis infandi lues? 905
Hunc Graja tellus aluit, an Taurus Scythes,
Colchusve Phasis? Redit ad auctores genus,
Stirpemque primam degener sanguis refert.
Est iste prorsus gentis armiferae furor,
Odisse Veneris foedera, et castum diu 910
Vulgare populis corpus. O tetrum genus,
Nullaque victum lege melioris soli!
Ferae quoque ipsae veneris evitant nefas,
Generisque leges inscius servat pudor.
Ubi vultus ille et ficta majestas viri, 915
Atque habitus horrens, prisca et antiqua adpetens,
Morumque senium triste, et adfectus graves?
O vita fallax! abditos sensus geris,
Animisque pulcrum turpibus faciem induis!
Pudor impudentem celat, audacem quies, 920
Pietas nefandum; vera fallaces probant;
Simulantque molles dura. Silvarum incola
Ille efferatus, castus, intactus, rudis,
Mibi te reservas? a meo primum toro
Et scelere tanto placuit ordiri virum? 925
Jamjam superno numini grates ago,
Quod icta nostrâ cecidit Antiope manu;
Quod non ad antra Stygia descendens tibi
Matrem reliqui. Profugus ignotas procul
Percurre gentes! Te licet terra ultimo 930
Summota mundo diximat Oceani plagis,
Orbemque nostris pedibus obversum colas;
Licet in recessu penitus extremo abditus
Horrida celsi regna transieris poli,
Hiemesque supra positus et canas nives 935
Gelidi frementes liqueris Boreae minas
Post te furentes: sceleribus poenas dabis!

917. *graves*, molestos. V.: *adpectu grave*. Cf. Phoen. 509, Agam.
224. 937. Fort.: *Post te, furentem sceleribus: poenas dabis!*

Profugum per omnes pertinax latebras premam!
 Longinqua, clausa, abstrusa, diversa, in via
 Emetiemur! Nullus obstat locus: 940
 Scis, unde redeam. Tela quo mitti haud queunt,
 Huc vota mittam. Genitor aequoreus dedit,
 Ut vota prono trina concipiam deo,
 Et invocata munus hoc sanxit Styge.
 En, perage donum triste, regnator freti! 945
 Non cernat ultra lucidum Hippolytus diem,
 Adeatque manes juvenis iratos patri.
 Fer abominandam nunc opem gnato, parens!
 Nunquam supremum numinis munus tui
 Consumeremus, magna ni premerent mala, 950
 Inter profunda Tartara et Ditem horridum,
 Et imminentes regis inferni minas,
 Voto peperci; redde nunc pactam fidem,
 Genitor! — Moraris? cur adhuc undae silent?
 Nunc atra ventis nubila impellentibus 955
 Subtexe noctem; sidera et coelum eripe;
 Effunde pontum; vulgus aequoreum cie,
 Fluctusque ab ipso tumidus Oceano voca!

CHORUS.

Queritur chorus, cum coeli ceterarumque rerum cursus certo re-
 gantur consilio, non tamen res humanas juste ac recte cedere,
 cum bonis male sit, malis bene.

O MAGNA parens Natura deum a. d. et m. 960
 Tuque igniferi rector Olympi,
 Qui sparsa cito sidera mundo
 Cursusque vagos rapis astrorum,
 Celerique polos cardine versas,
 Cur tanta tibi est cura perennes
 Agitare vias aetheris alti, 965
 Ut nunc canae frigora brumae
 Nudent silvas;
 Nunc arbustis redeant umbrae;
 Nunc aestivi colla Leonis
 Cererem magno fervore coquant, 970
 Viresque suas temperet annus;
 Et cur idem, qui tanta regis,
 Sub quo vasti pondera mundi

964. Ita Flor. V.: C. tibi tanta est c. p. 972. Minus recte li-
 bri: Sed cur.

HIPPOLYTUS. ACT. III.

127

Librata suos ducunt orbes;
 Hominum nimium securus abes, 975
 Non sollicitus prodesse bonis,
 Nocuisse malis?
 Res humanas ordine nullo
 Fortuna regit, spargitque manu
 Munera coeca, pejora fovens. 980
 Vincit sanctos dira libido;
 Fraus sublimi regnat in aula.
 Tradere turpi fasces populus
 Gaudet; eosdem colit atque odit.
 Tristis Virtus perversa tulit 985
 Praemia recti:
 Castos sequitur mala Paupertas,
 Vitioque potens regnat adulter.
 O vane pudor, falsumque decus!
 Sed quid citato nuncius portat gradu, i. s. 990
 Rigatque moestis lugubrem vultum genis?

ACTUS QUARTUS.

NUNCIUS, THESEUS, CHORUS.

Narrat Theseo nuncius, ut perierit Hippolytus discerptus ab equis suis, quos terruerat taurus marinus a Neptuno ex Thesei voto immissus.

NUNC. O sors acerba et dura! Famulatus gravis, i. s.
 Cur me ad nefandos nuncium casus vocas?
 THES. Ne metue clades fortiter fari asperas:
 Non imparatum pectus aerumnis gero. 995
 NUNC. Vocem dolori lingua luctificam negat.
 THES. Proloquere, quae sors adgravet quassam domum:
 NUNC. Hippolytus, heu me! flebili leto occubat.
 THES. Gnatum parens obiisse jam pridem scio;
 NUNC raptor obiit. Mortis effare ordinem. 1000
 NUNC. Ut profugus urbem liquit infesto gradu,
 Celerem citatis passibus cursum explicans:
 Celsoz sonipedes ocus subigit iugo,
 Et ora frenis domita substrictis ligat.
 Tum multa secum effatus, et patrium solum. 1005

995. Flor. et Mogunt.: *fero*.

Abominatus, saepe genitorem ciet,
 Acerque habenis lora permissis quatit:
 Cum subito vastum tumuit ex alto mare,
 Crevitque in astra. Nullus inspirat salo
 Ventus; quieti nulla pars coeli strepit, 1010
 Placidumque pelagus propria tempestas agit.
 Non tantus Auster Sicula disturbat freta,
 Nec tam furens Ionius exurgit sinus
 Regnante Coró, saxa cum fluctu tremunt.
 Et cana summum spuma Leucaten ferit. 1015
 Consurgit ingens pontus in vastum aggerem,
 Tumidumque monstro pelagus in terras ruit.
 Nec ista ratibus tanta construitur lues;
 Terris minatur. Fluctus haud cursu levi
 Provolvitur: nescio quid onerato sinu 1020
 Gravis unda portat. Quae novum tellus caput
 Ostendit astris? Cyclas exoritur nova?
 Latuere rupes, numen Epidauri dei,
 Et scelere petrae nobiles Scironides,
 Et quae duobus terra comprimitur fretis. 1025
 Haec dum stupentes querimur: en! totum mare
 Immugit. Omnes undique scopuli adstrepunt.
 Summum cacumen rorat expulso sale,
 Spumat, vomitque vicibus alternis aquas;
 Qualis per alta vehitur Oceani freta 1030
 Fluctus refundens ore physeter capax.
 Inhorruit concussus undarum globus,
 Solvitque sese, et littori invexit malum
 Majus timore. Pontus in terram ruit,
 Suumque monstrum sequitur. Os quassat tremor 1035
 THES. Quis habitus ille corporis vasti fuit?
 NUNC. Herculea taurus tolla sublimis gerens
 Erexit altam fronte viridanti jubam;
 Stant hispidae aures; oribus varius color,
 Et quem feri dominator habuisset gregis, 1040
 Et quem sub undis natus (hinc flammam vomunt,
 Oculi hinc relucet caerulea insignes notâ);

1013. V.: *N. t. furenti pontus e. sinu*. Jac. Gronovio placebat
N. t. furenti Ionius e. sinu. 1017. *terras* Flor. Mogunt. Ultraj.
 V.: *terram*. 1023. V.: *Epidaurii*. Vett. edd.: *Epidauri*. Cf. Herc.
 fur. 49 etc. 1027. *Undique* sequente duplici consona postremam
 syllabam producit. Cf. Herc. fur. 950. Oedip. 404. 1034. V.:
terras. Mogunt.: *terrd.* 1037. Ita 7 MSS. Palat. Ultraj. etc. Cf.
 Herc. fur. 72. 1040. *oribus*. Flor.: *orbibus*. V.: *cornibus*. 1041.
 Sic Flor. V.: *vomit.* 1042. V.: *insignis*. Gronovio scribendum vi-
 debatur: *h. fl. vomunt oculi, hinc vel e. insignes n.*

HIPPOLYTUS. ACT. IV.

129

Opima cervix arduos tollit toros,
Naresque hiulcis haustibus patulae fremunt;
Musco tenaci pectus ac palcar viret;
1045 Longum rubenti spargitur fuco latus;
Tum pone tergus ultima in monstrum coit
Facies, et ingens bellua immensem trahit
Squamosa partem. Talis extremo mari
Pistrix citatas sorbet ac frangit rates. 1050
Tremuere terrae; fugit attonitum pecus
Passim per agros, nec suos pastor sequi
Meminit juvencos; omnis e saltu fera
Diffugit, omnis frigido exanguis metu
Venator horret. Solus immunis metu 1055
Hippolytus arctis continet frenis equos,
Pavidosque notae vocis hortatu ciet.
Est alta ad Argos collibus ruptis via,
Vicina tangens spatia suppositi maris;
Hic se illa moles acuit, atque iras parat. 1060
Ut cepit animos, seque praetentans satis
Prolusit irae: praepeti cursu evolat,
Summam citato vix gradu tangens humum,
Et torva currus ante trepidantes stetit.
Contra feroci gnatus insurgens minax 1065
Vultu, nec ora mutat, et magnum intopat:
„Haud frangit animum vanus hic terror meum:
Nam mihi paternus vincere est tauros labor.“
Inobsequentes protinus frenis equi
Rapuere currum; jamque decerrantes via, 1070
Quaecunque rabidos pavidus evexit furor,
Hac ire pergunt, seque per scopulos agunt.
At ille, qualis turbido rector mari
Ratem retentat, ne det obliquum latus,
Et arte fluctus fallit, haud aliter citos 1075
Currus gubernat: ora nunc pressis trahit
Constricta frenis, terga nunc torto frequens
Verbere coercet. Sequitur adsiduus comes,
Nunc aequa carpen spatia, nunc contra obvius
Oberat, omni parte terrorem movens. 1080
Non licuit ultra fugere: nam toto obvius
Incurrit ore corniger ponti horridus.
Tum vero pavidâ sonipedes mente exciti
Imperia solvunt, seque luctantur jugo

1050. *frangit* Flor. Mogunt. *ao* Ultraj. V. t. *sorbet* aut *reddit* r.
1071. Ita Flor. V.: *pavidus rapidus* ev. f. 1081. Sic idem codex,
merito adstipulante Jacobo Gron. V.: *torvo* obv. Sed cf. 1064.

Eripere, rectique in pedes jactant onus. 1085
 Praeceptus in ora fusus implicuit cadens
 Laqueo tenaci corpus; et quanto magis
 Pugnat, sequaces hoc magis nodos ligat.
 Sensere pecudes facinus, et curru levi,
 Dominante nullo, quâ timor jussit, ruunt. 1090
 Talis per auras non suum agnoscens onus,
 Solique falso creditum indignans diem,
 Phaethonta currus devio excussit polo.
 Late cruentat arva, et inlisum caput
 Scopulis resultat. Auferunt dumi comas, 1095
 Et ora durus pulcra populatur lapis,
 Peritque multo vulnere infelix decor.
 Moribunda celeres membra provolvunt rotæ;
 Tandemque raptum truncus ambustâ sude
 Medium per inguen stipite erecto tenet, 1100
 Paulumque domino currus adfixo stetit.
 Haerere bijuges vulnere, et pariter moram
 Dominumque rumpunt. Inde semianimum secant
 Virgulta; acutis asperi vepres rubis,
 Omnisque truncus corporis partem tulit. 1105
 Errant per agros, funebris, famuli, manus,
 Per illa, quâ distractus Hippolytus, loca,
 Longum cruentâ trāmitem signat notâ;
 Moestaeque domini membra vestigant canes.
 Necdum dolentum sedulus potuit labor 1110
 Explere corpus. Hocce est formae decus?
 Qui modo, paterni clarus imperii comes
 Et certus heres, siderum fulsit modo,
 Passim ad supremos ille colligitur rogas,
 Et funeri confertur. THESES. O nimium potens, 1115
 Quanto parentes sanguinis vinclo tenes
 Natura! quam te colimus inviti quoque!
 Occidere volui noxium; amissum fleo. —
 CHOR. Haud quisquam honeste flere, quod voluit, potest.
 THESES. Equidem malorum maximum hunc cumulum reor, 1120
 Si abominanda casus optata efficit.
 NUNC. Etsi odia servas, cur madent fletu genae?
 THESES. Quod interemi, non quod amisi, fleo.

1097. Libri *vulnere*, sicut 1102. Legendum censeo *pulvere*.
 Cf. Homer. *Iliad.* 22, 401. seqq. 1119. V. haec nuntius dicit, qui
 ignarus est precum Thesei.

CHORUS.

Sublimis fortunæ instabilitatem et pericula, humilis securitatem
canit, Hippolyti mortem deflet.

QUANTI casus humana rotant!

a. d.

Minor in parvis Fortuna furit,

1125

Leviusque ferit leviora deus;

Servat placidos obscura quies,

Præbetque senes casa securos.

Admota aetheriis culmina sedibus

asclep.

Euros excipiunt, excipiunt Notos,

1130

Insani Boreae minas,

glyc.

Imbriferumque Corum.

anacr. chor.

Humida vallis raros patitur

a. d. et m,

Fulminis ictus: tremuit telo

Jovis altisoni Caucasus ingens,

1135

Phrygiumque nemus matris Cybeles.

Metuens coelo Jupiter alto

Vicina petit;

Non capit unquam magnos motus

Humilis tecti plebeja domus.

1140

[Circa regna tonat.]

Volat ambiguus mobilis alis

Hora, nec ulli

Praestat velox Fortuna fidem.

Qui clara videt sidera mundi

Nitidumque diem nocte relictâ,

1145

Luget moestos tristis reditus;

Ipsoque magis flebile Averno

Sedis patriae videt hospitium.

Pallas Actaeae veneranda genti,

sapph.

Quod tuus coelum Superosque Thesens

1150

Spectat, et fugit Stygias paludes,

Casta nil debes patruo rapaci:

Constât inferno numerus tyranno.

Quae vox ab altis flebilis tectis sonat,

i. s.

Strictoque vecors Paedra quid ferro parat?

1155

1155. Ultraj.: quae f. p.?

ACTUS QUINTUS.

THESEUS, PHAEDRA.

Phaedra Hippolyti innocentiam, tuas calumnias revelat, ipsaque suâ se manu occidit. Pater non sine luctu filio iusta persolvit, novercae negat.

THESES. **Q**uiss te dolore percitam instigat furor? i. s.
 Quid ensis iste, quidve vociferatio,
 Planciusque supra corpus invisum volunt?
 PH. Me, me, profundî saeve dominator freti,
 Invade, et in me monstra caerulei maris 1160
 Emitte, quidquid intimo Teihys sinu
 Extrema gestat, quidquid Oceanus vagis
 Complexus undis ultimo fluctu tegit!
 O dire Theseu, semper, o nunquam tuis
 Tuto reverse! Gnatus et genitor nece 1165
 Reditus tuos luere: pervertis domum,
 Amore semper conjugum aut odio nocens.
 Hippolyte, tales intuo vultus tuos,
 Talesque feci? Membra quis saevus Sinis,
 Aut quis Procrustes sparsit? aut quis Cressius. 1170
 Daedalea vasto claustra mugitu replens,
 Taurus biformis, ore cornigero ferox,
 Divulsit? Heu me! quo tuus fugit decor,
 Oculique, nostrum sidus? Exanimis jaces?
 Ades parumper, verbaque exaudi mea! 1175
 Nil turpe loquimur. Hâc manu poenas tibi
 Solvam, et nefando pectori ferrum inseram,
 Animâque Phaedram pariter ac scelere exuam;
 Et te per undas perque Tartareos lacus,
 Per Styga, per amnes igneos amens sequar! 1180
 Placemus umbras: capitis exuvias cape,
 Laceraeque frontis accipe abscissam comam!
 Non licuit animos jungere; at certe licet
 Junxisse fata. Morere, si casta es, viro;
 Si incesta, amori. Conjugis thalamos petam 1185
 Tanto impiatos facinore? Hoc deerat nefas,
 Ut vindicato sancta fruereris toro!
 O mors pudoris maximum laesi decus,
 O mors amoris una sedamen mali,
 Confugimus ad te: pande placatos sinus! 1190

1164. Sic fere vet. V.: *nunqu. ad tuor.* 1188. sequ. sic Avanti-
 tius. V. hi versus contrario ordine leguntur.

Audite, Athenae, tuque, funestâ pater
 Pejor novercâ: falsa memoravi, et nefas,
 Quod ipsa demens pectore insano hauseram,
 Mentita finxi. Vana punisti pater,
 Juvenisque castus crimine incesto jacet. — 1195
 Pudicus, insons, recipe jam mores tuos! —
 Mucrone pectus impium justo patet,
 Cruorque sancto solvit inferias viro!
 Quid facere rapto debeas gnato parens,
 Disce a novercâ: condere Acherontis plagis! 1200

THESEUS, CHORUS.

THEB. PALLIDI fauces Averni, vosque Taenarei specus,
 tr. tetr. c.
 Unda miseris grata Lethes, vosque, torpentes lacus,
 Impium rapite, atque mersum premitte perpetuis malis!
 Nunc adeste, saeva ponti monstra, nunc vastum mare,
 Ultimo quodcunque Proteus aequorum abscondit sinu, 1205
 Meque ovantem scelere tanto rapite in altos gurgites!
 Tuque semper, genitor, irae facilis adsensor meae,
 Morte facili dignus haud sum, qui novâ gnatum nece
 Segregem sparsi per agros; quique, dum falsum nefas
 Exequor vindex severus, incidi in verum scelus. 1210
 Sidera et manes et undas scelere complevi meo:
 Amplius sors nulla restat: regna me norunt tria.
 In hoc redimus: patuit ad coelum via, i. s.
 Bina ut viderem funera et geminam necem;
 Coelebs et orbus, funebres unâ face 1215
 Ut concremarem prolis ac thalami rogos.
 Donator atrae lucis, Alcide, tuum
 Diti remitte munus; ereptos mihi
 Restitue manes! — Impius frustra invoco
 Mortem relictam. Crudus et leti artifex, 1220
 Exitia machinatus insolita, effera,
 Nunt ipse tibimet justa supplicia inroga!
 Pinus coacto vertice attingens humum
 Coelo remissum findat in geminas trabes,
 Mittarve praeceps saxa per Scironia! 1225

1195. Ita Flor. V.: *incestae*. Male autem ita haec interpungunt: — *jacet, Pud., insons. recipe etc. mor. tuos, castitatis tuae famam*, ut explicat Farnabius. 1200. Sic item Flor. V.: *ex nov.* 1201. Fort.: *Squalidi fauces etc.* 1206. Fort.: *capite*. 1215. sequ. *Perperam libri: — redimus? — necem?*

Graviora vidi, quae pati clusos jubet
 Phlegethon, nocentes igneo cingens vado:
 Quae poena maneat memet et sedes, scio.
 Umbrae nocentes cedite, et cervicibus
 His, his repositum degravet fessas manus 1230
 Saxum, seni perennis Aeolio labor!
 Me ludat amnis ora vicina adluens;
 Vultur relicto transvolet Tityo ferus,
 Meumque poenae semper accrescat jecur;
 Et tu mei requiesce Pirithoi pater: 1235
 Haec incitatis membra turbinibus ferat
 Nusquam resistens orbe revoluta rota.
 Dehiscce, tellus! recipe me, dirum chaos,
 Recipe! haec ad umbras justior nobis via est:
 Gnatum sequor. Ne metue, qui manes regis: 1240
 Casti venimus. Recipe me aeternâ domo
 Non exiturum! — Non movent divos preces;
 At si rogarem scelera, quam proni forent!
 chor. Theseu, querelis tempus aeternum manet.
 Nunc justa nato solve, et absconde ocus 1245
 Dispersa foede membra laniatu, effero.
 THEs. Huc, huc reliquias vehite cari corporis,
 Pondusque et artus temere congestos date.
 Hippolytus hic est? Crimen agnosco meum:
 Ego te peremi; neu nocens tantum semel 1250
 Solusve fierem: facinus ausurus parens
 Patrem advocavi. Munere, en, patrio fruor!
 O triste fractis orbitas annis malum!
 Complectere artus, quodque de gnato est super,
 Miserande, moesto pectorè incumbens fove! 1255
 Dissecta genitor membra laceri corporis
 In ordinem dispone, et errantes loco
 Restitue partes! Fortis hic dextrae locus;
 Hic laeva frenis docta moderandis manus
 Ponenda. Laevi lateris agnosco notas. 1260
 Quam magna lacrimis pars adhuc nostris abest!
 Durate, trepidae, lugubri officio, manus,
 Fletusque largos sistite, arentes genae,
 Dum, membra nato genitor adnumerat suo,
 Corpusque fingit! Hoc quid est formâ carens 1265
 Et turpe, multo vulnere abruptum undique?
 Quae pars tui sit dubito, sed pars est tui.
 Hic, hic repone; non suo, at vacuo loco.
 Haecne illa facies igne sidereo nitens,
 Inimica flectens lumina? huc cecidit decor? 1270

HIPPOLYTUS. ACT. V.

135

O dira fata! numinum o saevus favor!
Sic ad parentem gnatus ex voto redit?
En, haec suprema dona genitoris cape,
Saepe efferendus! interim haec ignes ferant.
Patefacite acerbâ caede funestam domum:
Mopsopia clavis tota lamentis sonet.
Vos adparate regii flammam rogi;
At vos per agros corporis partes vagas
Anquirite! Istam terra defossam premat,
Gravisque tellus impio capiti incubet.

1275

1280

L. ANNAEI SENECAE
O E D I P U S.

DRAMATIS PERSONAE.

OEDIPUS.

IOCASTA.

CREON.

CHORUS THEBANORUM.

TIRESIAS.

MANTO.

SENEX.

PHORBAS.

NUNCIUS.

O E D I P U S.

ARGUMENTUM.

Grassante Thebis dirâ pestilentia mittitur Delphos Creon consulturus Apollinem. Refert, expiandam Laji necem interfectoris exilio. Qui cum ignoraretur, Tiresias, frustra extispicia aggressus, per necromantiam Laji umbra evocata intelligit, ipsum esse regem Oedipum. Negat primum ille, sed postea disquirens invenit, se filium esse Laji, quem interfererat, et Iocastae, quam uxorem duxerat. Effossis itaque prae pudore atque ira oculis in exilium abit, et Iocasta gladio se confodit.

ALIUD ARGUMENTUM
HIERONYMI BALBI.

Lajus erat duri periturus vulnere nati,
Ut sortes vatam et Phoebi responsa caneant.
Id metuens puerum primo de matre cadentem
Condemnans jubet umbrosis exponere silvis.
Fata invicta manent, Parcarum immobilis ordo est: 5
Infantem, ut perhibent, ad moenia celsa Corinthi
Sors infensa tulit, regali et sede locavit;
Ille autem, pergens scitatum oracula Phoebi,
Unde genus ducat, quis primus sanguinis auctor,
Incidit in patrem, quem funere mersit acerbo 10
Inscius, et Thebas violento Marte subegit.
Iungitur ecce! nefas: thalamos namque ille parentis
Invasit, proprios iterum revolutus in ortus.
Haec ubi fatidici cecinerunt crimina vates:
Hic latuit densis effosso lumine silvis; 15
At genitrix tantos finivit morte dolores.

ACTUS PRIMUS.

OEDIPUS, IOCASTA.

Oedipus de pestis saevitiâ conqueritur.

OED. **J**AM nocte Titan dubius expulsâ redivit, i. 5.
Et nube moestum squalidâ exoritur jubar,
Lumenque flammâ triste luctificâ gerens
Prospiciet avidâ peste solatas domos,
Stragemque, quam nox fecit, ostendet dies. 5
Quisquamne regno gaudet? O fallax bonum,
Quantum malorum fronte quam blandâ tegis!
Ut alta ventos semper excipiunt juga;
Rupemque saxis vasta dirimentem freta,
Quamvis quieti, verberant fluctus maris: 10
Imperia sic excelsa Fortunae objacent.
Quam bene parentis sceptrâ Polybi fugeram,
Curis solutus exul, intrepidus, vacans!
Coelum deosque testor, in regnum incidi.
Infanda timeo, ne meâ genitor manu 15
Perimatur. Hoc me Delphicae laurus monent,
Aliudque nobis majus indicunt scelus.
Est majus aliquod patre mactato nefas?
Proh misera pietas! eloqui fatum pudet:
Thalamos parentis Phoebus et diros toros 20
Gnato minatur, impiâ incestos face.
Hic me paternis expulit regnis timor:
Non ego penates profugus excessi meos;
Parum ipse fidens mihi met in tato tua,
Natura, posui jura. Cum magna horreas: 25
Quae posse fieri non putes, metuas tamen.
Cuncta expavescô, meque non credo mihi,
Jamjam aliquid in nos fata moliri parant:
Nam quid rear, quod ista Cadmêae lues
Infesta genti strage tam late editâ 30
Mihi pareit uni? cui reservamur malo?

Vers. 15. ita Flor. V.: *vagent.*

Inter ruinas urbis et semper novis
 Deflenda lacrimis funera ac populi struem
 Incolumis adsto. Scilicet Phoebi reus
 Sperare poteras sceleribus tantis dari
 35 Regnum salubre? Fecimus coelum nocens.
 Non aura gelido lenis adflatu foveat
 Anhela flammis corda, non Zephyri leves
 Spirant; sed igne frigit aestiferi Canis.
 40 Titan, Leonis terga Nemeaei premens.
 Deseruit amnes humor atque herbas color,
 Aretque Dirce; tenuis Ismenos fluit,
 Et tingit inopi nuda vix undâ vada.
 Obscura coelo labitur Phoebi soror,
 45 Tristisque mundus nubilo pallet novo.
 Nullum serenis noctibus sidus micat;
 Sed gravis et ater incubat terris vapor.
 Obtexit arces coelitum ac summas domos
 Inferna facies. Denegat fructum Ceres
 Adulta; et altis flava cum spicis tremat,
 50 Arente culmo sterilis emoritur seges.
 Nec ulla pars immunis exitio vacat;
 Sed omnis aetas pariter et sexus ruit,
 Juvenesque senibus jungit, et gnatis patres
 55 Funesta pestis; una fax thalamos cremat;
 Planctuque acerbo funera et questu carent.
 Quin ipsa tanti pervicax clades mali
 Siccavit oculos; quodque in extremis solet,
 Periere lacrimae. Portat hunc aeger parens
 60 Supremum ad ignem; mater hunc amens gerit;
 Properatque, ut alium repetat in eundem rogam.
 Quin luctu in ipso luctus exoritur novus,
 Suaeque circa funus exequiae cadunt.
 Tum propria flammis corpora alienis cremant;
 65 Diripitur ignis: nullus est miseris pudor.
 Non ossa tumuli sancta discreti tegunt;
 Arsisse satis est. Pars quota in cineres abit?
 Deest terra tumulis; jam rogos silvae negant.
 Non vota, non ars ulla correptos levant.
 Cadunt medentes; morbus auxilium trahit.
 70 Adfusus aris supplices tendo manus;

34. Sic Ortelian. et Palatini duo. Ceteri: *Inc. ergo, Inc. ego, Inc. oro*. Temere hic turbatur. 39. Ita Jacobus Gron., cum in Florentino cod. reperisset *friget*. V.: *ignes auget*. 50. Ita Gron. Codd.: *cremat*, permixtione c et t litterarum minime insolita. 56. *Planctuque*. V.: *Fletuque*. Sed cf. sequentia.

Matura poscens fata: praecurram ut prior
 Patriam ruentem, neve post omnes cadam,
 Fiamque regni funus, extremum mei.
 O saeva nimium numina! o fatum grave! 75
 Negatur uni nempe in hoc populo mihi
 Mors tam parata? Sperne letali manu
 Contacta regna! linque lacrimas, funera,
 Tabifica coeli vitia, quae tecum invehis
 Infaustus hospes! profuge jamdudum ocios 80
 Vel ad parentes. ioc. Quid juvat, conjux, mala
 Gravare questu? Regium hoc ipsum reor,
 Adversa capere; quodque sit dubius magis
 Status, et cadentis imperi moles labet,
 Hoc stare certo pressius fortem gradu. 85
 Haud est virile terga Fortunae dare.
 OED. Abest pavoris crimen ac probrum procul,
 Virtusque nostra nescit ignavos metus.
 Si tela contra stricta, si vis horrida
 Mavortis in me rueret; adversus feros 90
 Audax gigantes obvias ferrem manus.
 Nec Sphinga coecis verba nectentem modis
 Fugi: cruentos vatis infandae tuli
 Rictus, et albens ossibus sparsis solum;
 Cumque e superna rupe, jam praedae imminens, 95
 Aptaret ales verbera, et, caudam movens,
 Saevi leonis more, conciperet minas:
 Carmen poposci. Sonuit horrendum; insuper
 Crepuere malae; saxaque impatiens morae
 Revulsit unguis, viscera expectans mea. 100
 Nodosa sortis verba et implexos doles
 Ac triste carmen alitis solvi ferae.
 ioc. Quid sera mortis vota nunc demens facis?
 Licuit perire. Laudis hoc pretium tibi
 Sceptrum, et peremtae Sphingis haec merces datur. 105
 OED. Ille, ille, dirus callidi monstri cinis
 In nos rebellat; illa nunc Thebas lues
 Peremta perdit. Una jam superest salus,
 Si quam. salutis Phoebus ostendit viam.

CHORUS.

Luis gravitatem deplorat Chorus e Thebanis.
 Occidis Cadmi generosa proles sapph. et ad. 110

72. Fort.: Praecurram, precor, Patriam etc. 78. Fort.: linque
 lacrimans funera. Cf. 57 seqq. et 32 seqq. 96. Sic libri vett.,
 neque opus est mutando.

Urbe cum totâ! viduas colonis
 Respicias terras, miseranda Thebe!
 Carpitur leto tuus ille, Bacche,
 Miles, extremos comes usque ad Indos,
 Ausus Eois equitare campis, 115
 Figere et mundo tua signa primo.
 Cinnamî silvis Arabes beatos
 Vidit, et versas equitis sagittas
 Terga fallacis metuenda Parthi;
 Littus intravit pelagi rubentis. 120
 Promitt hic ortus aperitque lucem
 Phœbus; et flammâ propiore nudos
 Inficit Indos.
 Stirpis invictae genus interimus.
 Labimur saevo rapiante fato. 125
 Ducitur semper nova pompa Morti;
 Longus ad manes properatur ordo
 Agminis moesti; seriesque tristis
 Haeret, et turbae tumulos petenti
 Non satis septem patuere portae. 130
 Stat gravis strages, premiturque juncto
 Funere funus.
 Prima vis tardas tetigit bidentes:
 Laniger pingues male carpsit herbas.
 Colla tacturus steterat sacerdos; 135
 Dum manus certum parat alta vulnus:
 Aureo taurus rutilante cornu
 Labitur segnis. Patuit sub ictu
 Ponderis vasti resoluta cervix?
 Ne cruor ferrum maculavit: atrâ 140
 Turpis e plagâ sanies profusa est.
 Sègnior cursu sanipes in ipso
 Concidit gyro, dominumque prono
 Prodidit armo.
 Incubant pratis pecudes relictæ; 145
 Taurus armento pereunte marcet.
 Deficit pastor grege deminuto,
 Tabidos inter moriens juvencos.
 Non lupos cervi metuunt rapaces;
 Cessat irati fremitus leonis; 150
 Nulla villosis feritas in ursis;

113. Homoeoteuton et numeri debiliores. Fortasse legendum
 est *Baccheu*. Libri nonnulli: *Bacchi*. 139. Libri minus perspi-
 cuae: *cervix*. *Ne* etc. *Ponderis*, corporis. 140. *Ne*, ne quidem.
 V.: *Nec*.

OEDIPUS. ACT. I.

145

Perdidit pestem latebrosa serpens,
Aret, et sicco moritur veneno.
Non silva suâ decorata comâ
Fundit opacis montibus umbras;
Non rura virent ubere glebae;
Non plena suo vitis Iaccho
Brachia curvat:

a. d. et m.

155

Omnia nostrum sensere malum.
Rupere Erebi claustra profundi
Turba sororum face Taftareâ;
Phlegethônque suâ motam ripâ
Miscuit undis Styga Sidoniis.

160

Mors alta avidos oris hiatus
Pandit, et omnes explicat alas.

165

Quique capaci turbida cymbâ
Flumina servat durus senio
Navita crudo, vix adsiduo
Brachia conto lassata refert,
Fessus turbam vectare novam.

170

Quin Taenarei vincula ferri
Rupisse canem fama, et nostris
Errare locis; mugisse solum;
Vaga per lucos simulacra virum
Majora viris; his Cadmêum
Nive discussâ tremuisse nemus;
Bis turbatam sanguine Dircen;
Nocte silenti

175

Amphionios ululasse canes.

O dira novi facies leti,

180

Gravior leto! Piger ignavos

Adligat artus languor; et aegro

Rubor in vultu, maculaeque caput

Sparsere leves; tum vapor ipsam

Corporis arcem flammeus urit,

185

Multoquē genas sanguine tendit,

Oculique rigent, et sacer ignis

Pascitur artus; resonant aures;

Stillatque niger naris aduncae

Cruor, et venas rumpit hiantes;

190

Intima creber viscera quassat

162. Flor.: suam mutat ripam. 163. Fort.: undam Styge Si-
donia, Ismeno fluvio dicto Styge Sidonia, h. e. Thebano, μετα-
Φρασης, Fernand.: sidonis. 173. Ita Gron. ex Florentino. V.: Ερ-
τασε.

Gemitus stridens. Tunc amplexu
 Frigida presso saxa fatigant.
 Quos liberior domus elato
 Custode sinit, petitis fontes, 195
 Aliturque sitis latice ingesto.
 Prestrata jacet turba per aras,
 Oratque mori. Solum hoc faciles
 Tribuere dei. Delubra petunt,
 Haud ut voto numina placent, 200
 Sed juvat ipsos satiare deos.
 Quisnam ille propero regiam gressu petit? i. s.
 Adestne clarus sanguine ac factis Creon,
 An aeger animus falsa pro veris videt?
 Adest petitus omnibus votis Creon. 205

ACTUS SECUNDUS.

OEDIPUS, CREON.

Reversus Delphis Creon nunciat, jubere deum, ut mors Laï expurgetur, nec prius cessaturam pestem, quam in exilium mittatur interfector ejus; de quo, quia non nominatur, ambigitur.

OED. HORRORE quatuor, fata quo vergant timens, i. s.
 Trepidumque geminò pectus adflictu labat.
 Ubi læta duris mixta in ambiguo jacent:
 Incertus animus scire cum cupiat, timet.
 Germane nostrae conjugis, fessis opem 210
 Si quam reportas, voce properatâ edoce.
 CR. Responsa dubia sorte perplexâ latent.
 OED. Dubiam salutem qui dat adflictis: negat.
 CR. Ambage flexâ Delphico mos est deo
 Arcana tēgere. OED. Fare, sit dubium licet: 215
 Ambigua soli noscere Oedipodae datur.
 CR. Caedem expiari regiam exilio deus,
 Et interemtum Laïum ulcisci jubet.
 Non ante coelo lucidus curret dies,
 Haustusque tutos aetheris puri dabit. 220
 OED. Et quis peremptor incliti regis fuit?
 Quem memoret, ede, Phoebus: ut poenās luat.
 CR. Sit, precor, dixisse tutum visu et auditu horrida. t. tetr. c.
 Torpor insedit per artus, frigidus sanguis coit.

207. Sic iidem. V.: *eventu*. 214. Ita Flor. aliique. V.: *A. nexa*. 221. Sic eadem membranae. V.: *Ecquis*.

L. ANNAEI SENECAE
O E D I P U S.

Utrinque nostro geminus adludis solo;
 Et ipse nostris vocibus testis veni,
 Fatidica vatis ora Cirrhaeae movens.
 Ita molle senium ducat, et summum diem 270
 Securus alto reddat in solio, parens,
 Solasque Merope noverit Polybi faces,
 Ut nulla sontem gratia eripiet mihi!
 Sed quo nefandum facinus admissum loco est,
 Memorato. Aperto Marte, an insidiis jacet? 275
 cr. Frondifera sanctae nemora Castaliae petens,
 Calcavit arcis obsitum dumis iter,
 Trigemina quâ se spargit in campos via.
 Secat una gratum Phocidos Baccho solum,
 Unde altus ima deserit, coelum petens, 280
 Clementer acto colle, Parnassos biceps;
 At una bimares Sisyphi terras adit,
 Olenia in arva; tertius trames, cavâ
 Convalle serpens, tangit errantes aquas,
 Gelidumque dirimit amnis Elei vadum. 285
 Hic pace fretum subita praedonum manus
 Adgressa ferro facinus occultum tulit.
 In tempore ipso, sorte Phoebeâ excitus,
 Tiresia tremulo tardus adcelerat genu,
 Comesque Manto luce viduatum trahens. 290

OEDIPUS, TIRESIAS, MANTO.

Tiresias per haruspicium eruere Laji interfectorem tentat, sed re propter tristia extispicia infectâ ad necromantiam se convertit.

OED. SACRATE divis, proximum Phoebos caput, i. s.
 Responsa solve; fare, quem poenae petant.
 TIR. Quod tarda fatu est lingua, quod quaerit moras,
 Haud te quidem, magnanime, mirari addeceat:
 Visu carenti magna pars veri latet. 295
 Sed quo vocat me patria, quò Phoebus, sequar:
 Fata eruantur. Si foret viridis mihi
 Calidusque sanguis: pectore exciperem deum.
 Adpellite aris candidum tergo bovem,
 Curvoque nunquam colla depressum iugo! 300
 Tu, lucis inopem, gnata, genitorem regens,

275. Fort.: *Marte aperto*, secundum vett. edd. 283. Fort.: *Olenio qd arvo*; via, quae Oleho atque ex Boeotia Corinthum ducit. 285. *Elei*. Fort.: *Eridani*, Atticae fluvii, qui cum Ilisso conjungitur. Vide Pausan. et Hippolyt. 13 seqq. MSS. Commelin.: *Elidisvadum*.

O E D I P U S.

ARGUMENTUM.

Grassante Thebis dirâ pestilentia mittitur Delphos Creon consulturus Apollinem. Refert, expiandam Laji necem interfectoris exilio. Qui cum ignoraretur, Tiresias, frustra extispicia aggressus, per necromantiam Laji umbrâ evocatâ intelligit, ipsum esse regem Oedipum. Negat primum ille, sed postea disquirens invenit, se filium esse Laji, quem interfecerat, et Iocastae, quam uxorem duxerat. Effossis itaque prae pudore atque ira oculis in exilium abit, et Iocasta gladio se confodit.

MAN. Juvenca ferro semet opposito induit,
 Et vulnere uno cecidit; at taurus, duos
 Perpeusus ictus, huc et huc dubius ruit,
 Animamque fessus vix reluctantem exprimit.
 TIR. Utrum citatus vulnere angusto micat, 345
 An lentus altis irrigat plagas cruor?
 MAN. Hujus per ipsam, quā patet pectus, viam
 Effusus amnis; hujus exiguo graves
 Maculantur ictus imbre, sed versus retro
 Per ora multus sanguis atque oculos redit. 350
 TIR. Infausta magnos sacra terrores cient.
 Sed ede certas viscerum nobis notas.
 MAN. Genitor, quid hoc est? Non levi motu, ut solent,
 Agitata trepidant exta; sed totas manus
 Quatiunt, novusque prosilit venis cruor. 355
 Cor marcet aegrum penitus, ac mersum latet,
 Liventque venae; magna pars fibris abest;
 Et felle nigro tabidum spūmat jecur.
 Ac (semper omen unico imperio grave)
 En! capita paribus bina consurgunt toris; 360
 Sed utrumque caesum tenuis abscondit caput
 Membrana. Latebram rebus occultis negans,
 Hostile valido robore insurgit latus,
 Septemque venas tendit. Has omnes retro
 Prohibens reverti limes obliquus secat. 365
 Mutatus ordo est, sede nil propria jacet;
 Sed acta retro cuncta. Non animae capax
 In parte dextrā pulmo sanguineus jacet;
 Non laeva cordis regio; non molli ambitu
 Omenta pingues viscera obtendunt sinus. 370
 Natura versa est; nulla lex utero manet.
 Scrutemur, unde tantus hic extis rigor.
 Quod hoc nefas? Conceptus innuptae bovis,
 Nec more solito positus, alieno in loco
 Implet parentem. Membra cum gemitu movet; 375
 Tremulo rigore debiles artus micant;
 Infecit atras lividus fibras cruor;
 Tentantque turpea mobilem trunci gradum,
 Et inane surgit corpus, ac sacros petit
 Cornu ministros; viscera effugiunt manum; 380
 Neque ipsa, quae te pepulit, armenti gravis
 Vox est, nec usquam territi resonant greges:
 Immugit aris ignis, et trepidant foci.

341. Minus eleganter Flor. aliique: *imposito induit.* 366.
Prava libri interpunctione; Membrana latebram etc.

OEDIPUS. ACT. II.

151

oed. Quid ista sacri signa terrifici ferant,
Exprobre: voces aure non timidâ hauriam.
Solent suprema facere securus mala.

385

tir. His invidetis, quibus opem quaeris, malis.

oed. Memora, quod unum scire coelicolae volunt,
Contaminarit rege quis caeso manus.

tir. Néc alta coeli quae levi pennâ secant,
Nec fibra vivis raptâ pectoribus potest
Ciére nomen: alia tentanda est via.

590

Ipse evocandus noctis aeternae plagis:

Emissus Erebo ut caedis auctorem indicet.

Reseranda tellus, Ditis implacabile

595

Numen precandum, populus infernae Stygis

Huc extrahendus. Ede: cui mandas sacrum?

Nam te, penes quem summa regnorum est, nefas

Invisere umbras. oed. Te, Creó, hic poscit labor,

Ad quem secundum regna respiciunt mea.

400

tir. Dum nos profundae claustra laxamus Stygis,

Populare Bacchi laudibus carmen sonet.

CHORUS.

Canit Chorus dithyrambum, qui Bacchi gesta et inventa continet.

EFFUSAM redimite comam nutante corymbo, hexam. her.

Mollia Nisaeis armate brachia thyrsis,

Lucidum coeli decus, huc ades votis, as.: t. d. c. et cr. d. c. 405

Quae tibi nobiles Thebae, Bacche, tuae asclep. invers.

Palmis supplicibus ferunt!

glyc.

Huc adverte favens virgineum caput!

asclep.

Vultu sidereo discute nubila,

Et tristes Erebi minas, avidumque fatum! as.: glyc.

et i. h.

410

Te decet vernis comam floribus cingi, as.: t. d. c. et cr. d. c.

Te caput Tyriâ cohibere mitrá,

sapph. dact.

Hederâve mollem hactiferâ religare frontem;

as.:

i. h. archil.

Spargere effusos sine lege crines;

sapph.

Rursus adducto revocare nodo;

415

Qualis iratam metuens novercam

Creveras falsos imitatus artus,

Crine flamenti simulata virgo,

Luteam vestem retinente zonâ.

Inde tam molles placuere cultus,

420

397. Ita Fernand. Cajet. V.: Ede, c. mandes s. 399. Ascens.
te hic, Crœon, p. l.

Et sinus laxi, fluidumque syrma.
 Vidit aufato residere curru,
 Veste cum longâ tegeres leones,
 Omnis Eoae plaga vasta terrae,
 Qui bibit Gangem, nivumque quisquis
 Frangit Araxen. 425
 ad.

Te senior turpi sequitur Silenus asello, hexam. her.
 Turgida pampineis redimitus tempora sertis.
 Condita lascivi deducunt orgia mystae.

Te Bassaridum comitata cohors a. d. et m. 430
 Nunc Edoni pede pulsavit

Sola Pangaei;
 Nunc Threicio vertice Pindi,
 Nunc Cadmeas inter matres
 Impia Maenas 435

Comes Ogygio venit Iaccho,
 Nebride sacrâ praecincta latus.
 Tibi commotae pectora matres
 Fudere comam;

Thyrsumque levem vibrante manu 440

Jam post laceros Pentheos artus

Thyades; oestro membra remissae,
 Velut ignotum videre nefas.

Ponti regna tenet nitidi matertera Bacchi, hexam. her.
 Nereidumque choris Cadmeia cingitur Ino; 445

Jus habet in fluctus magni puer advena ponti

Cognatus Bacchi, numen non vile, Palaemon.

Te Tyrrhena, puer, rapuit manus, dact. tetr.

Et tumidum Nereus posuit mare;

Caerula cum pratis mutat freta: 450

Hinc verno platanus folio viret,

Et Phoebus laurus carum nemus

(Garrula per ramos avis obstrepit);

Vivaces hederas remus tenet;

Summa ligat vitis carchesia. 455

Idaeus prorâ fremuit leo;

Tigris puppe sedet Gangetica.

Tum pirata freto pavidus natat,

Et nova demersos facies habet:

Brachia prima cadunt praedonibus, 460

Illisumque utero pectus coit;

Parvula dependet lateri manus;

429. turpi. Fort.: *tardo*, 449. Male Flor. et Gronovian.: *timidum*. 450. Fort.: *mutant*, h. e. *mutantur*, ut legendum putat Jac. Gron.

Et dorso fluctum curvo subit,

Lunatâ scindit caudâ mare:

Et sequitur curvus fugientia carbasa delphin. hexam. her. 465

Divite, Pactolos vexit te Lydius undâ,

Aurea torrenti deducens flumina ripâ.

Laxavit victos arcus Geticasque sagittas

Lactea Massagetes qui pocula sanguine miscet.

Regna securigeri Bacchum sensere Lycurgi; 470

Sensere terrae Zalacûm feroces, as.: 2 i. hyp.

Et quos vicinus Boreas ferit dact. tetr.

Arva mutantés; quasque Maeotis as.: 2 cr. d. c.

Adluit gentes frigido fluctu;

Quasque despectat vertice summo as.: cr. d. c. et adon. 475

Sidus Arcadium, geminumque planstrum. sapph. dact.

Ille dispersos domuit Gelónos; sapph.

Arma detraxit trucibus puellis;

Ore dejecto petiere terram

Thermodontiacae graves oatervae, hendecasyll. 480

Positisque tandem levibus sagittis as.: 2 i. hyp.

Maenades factae; cr. d. c.

Sacer et Cithaëron sanguine undavit i. tr. br. cl.

Amphioniaque caede; anacr.

Proetides silvas petiere, et Argos sapph. 485

Praesente Bacchum coluit novercâ. as.: 2 i. hyp.

Naxos Aegaeo redimita ponto sapph.

Tradidit thalamis virginem relictam, as.: cr. d. c. et t. d. br.

Meliore pensans damna marito. as.: i. h. et adon.

Pumice ex sicco fluxit Nyctelius latex; as.: cr. d. c.

et glyc. 490

Garruli gramen secuere rivi. sapph.

Combibit dulces humus alta succos, as.: i. h. et adon.

Niveique lactis candida fontes, alc.

Et mixta odore Lesbia eum thymo. alc.

Ducitur magno nova nupta coelo. sapph. 495

Solemne Phoebus carmen edit, i. d. hyp.

Infusus humero capillis; glyc. hyp.

Concutit taedas geminus Cupido; sapph.

Telum deposuit Jupiter igneum, asclep.

Oditque Baccho veniente fulmen. as.: 2 i. hyp. 500

Lucida dum current annosi sidera mundi, hexam. her.

471. Flor.: Zalacum. Aurel. Victor in Trajano, ut monet Jacobus Gron.: Zalacisque nationibus. 484. Sic idem vir doctus V.: Ophioniaque. 490. Ita Palatt. Fern. et priscæ edd. V.: Pumice sicco.

Oceanus clausum dum fluctibus ambiat orbem,
 Lunaque dimissos dum plena recolliget ignes,
 Dum matutinos praedicet Lucifer ortus,
 Altaque caeruleum dum Nerea nesciet Arctos:
 Candida formosi venerabimur ora Lyaei.

505

ACTUS TERTIUS.

OEDIPUS, CREON.

Indicat regi Creon ex necromantia, seu mavis sciomantia, intellexisse se, interfectorem Laji Oedipum fuisse. Ille fretus opinione sua de Polybo patre negat, et post jurgia Creontem in carcerem conjici jubet.

OED. *ETSI* ipse vultus flebiles praefert notas, i. s.

Exprime, cujus capite placemus deos.

CR. Fari jubes, tacere quae suadet metus.

OED. Si te ruentes non satis Thebae movent,

510

At sceptrata moveant lapsa cognatae domus.

CR. Nescisse cupies, nosse quae nimium expetis.

OED. Iners malorum remedium ignorantia est.

Itane et salutis publicae indicium obrues?

CR. Ubi turpis est medicina, sanari piget.

515

OED. Audita fere; vel malo domitus gravi,

Quid arma possint regis irati, scies,

CR. Odere reges dicta, quae dici jubent.

OED. Mittéris Erebo vile pro cunctis caput,

Arcana sacri voce ni retegis tuâ.

520

CR. Tacere liceat. Nulla libertas minor

A rege petitur. OED. Saepe vel linguâ magis

Regi atque regno muta libertas obest.

CR. Ubi non licet tacere, quid cuiquam licet?

OED. Imperia solvit, qui tacet, jussus loqui.

525

CR. Coacta verba placidus accipias, precor.

OED. Ulline poena vocis expressae fuit?

CR. Est procul ab urbe lucus illicibus niger,

Dircaea circa vallis irriguae loca.

Cupressus altis exerens silvis caput

530

508. Sic Flor. V.; *Expone.* 512. *nosse.* Fort.: *scire*, secundum codicem Burdegal. apud Delrium. 531. Fort.: *Ulla lib.* — *petitur?* quod habet Flor. 523. *Ascens.*: *Saepe quam linguarum magis* etc.

Virente semper adligat trunco nemus;
 Curvosque tendit quercus et putres situ
 Annosa ramos. Hujus abruptis latus
 Edax vetustas; illa, jam fessâ cadens
 Radice, fulta, pendet alienâ trabe. 535
 Amara baccas laurus, et tiliæ leves,
 Et Paphia myrtus, et per immensum mare
 Motura remos alnus, et Phoebo obvia
 Enode Zephyris pinus opponens latus,
 Medio stat ingens arbor, atque umbrâ gravi 540
 Silvâs minores urget; et, magno ambitu
 Diffusa ramos, una defendit nemus.
 Tristis sub illâ lucis et Phoebi inscius
 Restagnat humor, frigore aeterno rigens;
 Limosa pigrum circuit fontem palus. 545
 Huc ut sacerdos intulit senior gradum:
 Haud est moratus. Praestitit noctem locus.
 Tum fossa tellus, et super rapti rogis
 Jaciuntur ignes. Ipse funesto integit
 Vates amictu corpus, et frontem quatit. 550
 Lugubris imos palla perfundit pedes;
 Squalente cultu moestus ingreditur senex;
 Mortifera canam taxus adstringit comam.
 Nigro bidentes vellere atque atrae boves
 Retro trahuntur. Flamma praedatur dapes, 555
 Vivumque trepidat igne ferali pecus.
 Vocat inde Manes; teque, qui Manes regia,
 Et obsidentem claustra letalis lacûs;
 Carmenque magicum volvit, et rabido minax
 Decantat ore, quidquid aut placat leves 560
 Aut cogit umbras. Sanguinem libat focis,
 Solidasque pecudes urit, et multo specum
 Saturat crude. Libat et niveum insuper
 Lactis liquorem; fundit et Bacchum manu
 Laevâ, canitque rursus, et, terram intuens, 565
 Graviore Manes voce et attonitâ citat.
 Latravit Hecates turba; ter valles cavae
 Sonuere moestum; tota succusso solo
 Pulsata tellus. „Audior,“ vates ait;
 „Rata verba fudi; rumpitur coecum chaos, 570
 Iterque populo Ditis ad Superoq datur.“

554. Flor.: *spissa*, quod nescio quo pacto placet Gronovio.
 Scriptum fortasse est *pro scissa*, quo tamen ipso interpretati esse
 videntur verbum *fissa*. 555. *Retro trahuntur*, *ad ipso*, *inactan-*
tur, per *synechdochen*, ut monet Gron. 566. Ita Flor. V.: *ciet*.

Subsedat omnis silva, et erexit comas;
 Duxere rimas robora, et totum nemus
 Concussit horror; terra se retro dedit,
 Gemuitque penitus; sive tentari abditum 575
 Acheron profundum mente non aequâ tulit;
 Sive ipsa tellus, ut daret functis viam,
 Compago ruptâ sonuit; aut irâ furens
 Triceps catenas Cerberus movit graves.
 Subito dehiscit terra, et immenso sinu 580
 Laxata patuit. Ipse pallentes deos
 Vidi inter umbras; ipse torpentes lacus
 Noctemque veram. Gelidus in venis stetit
 Haesitque sanguis. Saeva prosiluit cohors,
 Et stetit in armis omne vipereum genus 585
 Fratrum, catervae dente Dircae satae;
 Avidumque populi Pestis Ogygii malum.
 Tum torva Krinnys sonuit, et coecus Furor,
 Horrorque, et unâ quidquid aeternae creant
 Celantque tenebrae: Luctus evellens comam, 590
 Aegreque lassum sustinens Morbus caput,
 Gravis Senectus sibimet, et pendens Metus,
 Nos liquit animus. Ipsa, quae ritus senis
 Artesque norat, stupuit. Intrepidus parens,
 Audaxque damno, convocat Ditis feri 595
 Exanguis vulgus. Illico ut nebulae leves
 Volitant, et auras libero coelo trahunt.
 Non tot caducas educat frondes Eryx;
 Nec vere flores Hybla tot medio creat,
 Cum examen alto nectitur densum globo; 600
 Fluctusque non tot frangit Ionium mare;
 Nec tanta gelidi Strymonis fugiens minas
 Permutat hiemes ales, et coelum secans
 Tepente Nilo pensat Arctos nives:
 Quot ille populos vatis eduxit sonus. 605
 Pavidas latebras memoris umbrosi petunt
 Animae trementes. Primus emergit solo
 Dextrâ ferocem cornibus taurum premens
 Zethus; manumque sustinens laeva chelyn,
 Qui saxa dulci traxit, Amphion, sono. 610
 Interque natos Tantalus tandem suos
 Tuto superba fert caput fastu grave,
 Et numerat umbras. Pejor hac gepitrix adest,

572. Sic idem codex. V.: *comam*. 607. Fort.: *Animae*. *Tre-*
mentis primus etc. Cf. 563. 612. Ita Flor. et Heinsian. minor. V.:
gravi.

OEDIPUS. ACT. III.

157

Furibunda Agave, tota quam sequitur manus
 Partita regem. Sequitur et Bacchas lacer 615
 Pentheus, tenetque saevus etiam nunc minas.
 Tandem, vocatus saepe, pudibundum extulit
 Caput, atque ab omni dissidet turba procul,
 Celatque semet (instat, et Stygias preces
 Geminat sacerdos, donec in apertum efferat 620
 Vultus opertos) Laïus. Fari horreo:
 Stetit per artus sanguine effuso horridus,
 Paedore foedo squalidam obtentus comam,
 Et ore rabido fatur: O Cadmi effera,
 Cruore semper laeta cognato domus, 625
 Vibrare thyrsos! enphœa gnatos manu
 Lacerate potius: maximum Thebis scelus
 Maternus amor est. Patria, non ira deum,
 Sed scelere raperis. Non gravi flatu tibi
 Luctificus Austex, nec parum pluvio aethere 630
 Satiata tellus halitu sicco nocet:
 Sed rex cruentus, pretia qui saevae necis
 Sceptra et nefandos occupat thalamos patris,
 Invisa proles; sed tamen peior parens,
 Quam natus: utero rursus infausto gravis 635
 Egit qui in ortus semet, et matri impios
 Foetus regessit; quique vix mos est feris,
 Fratres sibi ipse genuit; implicatum malum,
 Magisque monstrum Sphinge perplexum suâ.
 Te, te, cruentâ sceptrâ qui dextrâ geris, 640
 Te, pater inultus urbe cum totâ petam,
 Et mecum Erinnyn pronubam thalami traham,
 Traham sonantem verbere! Incestam domum
 Vertam, et penates impio Marte obteram!
 Proinde pulsum finibus regem ocus 645
 Agite exulem! Quodcunque funesto gradu
 Solum relinquet, vere florifero virens
 Reparabit herbas; spiritus puros dabit
 Vitalis aura; veniet et silvis decor;
 Letum, Luesque, Mors, Labor, Tabes, Dolor, 650
 Comitatus illo dignus, excedent simul.
 Et ipse rapidis gressibus sedes volet

622. *Horridus*, cum modo legerimus *horreo*, non videtur esse Senecae dignum eloquentia. Legendum fortasse est *oblitus*. 642. sequ. ita Flor. V. secundum Scaligerum: *Erinnys* (ἐρινυς) *pronubas* — *sonantes*. Scribendum quoque erat *verbere pro verbera*. 647. Vett. edd.: *flarigero*. 648. MS. Colon.: *spir. paras d. Vit. auras*.

Effugere nostras; sed graves pedibus moras
 Addam, et tenebo: repet incertus viae,
 Baculo senili triste praetentans iter. 655
 Eripite terras; auferam coelum pater.
 oed. Et ossa et artus gelidus invasit tremor:
 Quidquid timebam facere, fecisse arguor.
 Tori jugalis abnuvit Merope nefas,
 Sociata Polybo; sospes absolvit manus 660
 Polybus meas; uterque defendit parens
 Caedem, stuprumque: quis locus culpa est super?
 Multo ante Thebae Laïum amissum gemunt,
 Boeota gressu quam meo tetigi loca.
 Falsusne senior, an deus Thebis gravis? — 665
 Jamjam tenemus callidi socios doli:
 Mentitur ista praefereus fraudi deos
 Vates, tibi que sceptrum despondet mea.
 ca. Egon' ut sororem regiam expelli velim?
 Si me fides sacrata cognati laris 670
 Non contineret in meo certum statu:
 Tamen ipsa me Fortuna terreret, nimis
 Sollicita semper. Libeat hoc tuto tibi
 Exuere pondus: ne recedentem opprimat.
 Jam te minore tutior pones loco. 675
 oed. Hortaris etiam, sponte deponam ut mea
 Tam gravia regna? ca. Suadeam hoc illis ego,
 In utrumque quis est liber etiamnum status.
 Tibi jam necesse est ferre fortunam tuam.
 oed. Certissima est regnare cupienti via 680
 Laudare modica, et otium ac somnum loqui.
 Ab inquieto saepe simulatur quies.
 ca. Parumne me tam longa defendit fides?
 oed. Aditum nocendi perfido praestat fides.
 ca. Solutus onere regio regni bonis 685
 Fruor, domusque civium coetu viget;
 Nec ulla vicibus surgit alternis dies,
 Quam non propinqui munera ad nostros lares
 Sceptri redundent cultus, opulentae dapes.
 Donata multis gratia nostra salus. 690
 Quid tam beatæ deesse fortunae rear?
 oed. Quod deest: secunda non habent unquam modum.
 ca. Incognita igitur ut nocens causa cadam?
 oed. Num ratio vobis reddita est vitae meae?

656. Sic Flor. V.: *Praescripte*. 673. V. *liceat*, et *libeat* infra
 357, sicut haec vocabula misceri solent. 676. Eguian.: *dep. mea*.

Num audita causa est nostra Tiresiae? tamen 695
 Sontes videmur. Facitis exemplum? sequor.
 CR. Quid, si innocens sum? OED. Dubia pro certis solent
 Timere reges. CR. Qui pavet vanos metus,
 Veros meretur. OED. Quisquis in culpâ fuit,
 Dimissus odit omne, quod dubium putat. 700
 CR. Sic odia fiunt. OED. Odia qui nimium timet,
 Regnare nescit: regna custodit metus.
 CR. Qui sceptrâ duro saevus imperio regit,
 Timet timentes; metus in auctorem redit.
 OED. Servate sontem saxeo inclusum specu; 705
 Ipse ad penates regios referam gradum.

CHORUS.

Excusat Oedipum Chorus, transferendo culpam in mala Thebarum
 fata, quae ab ipsâ inauspicatâ bove Thebanos usque vexarint.

Non tu tantis causa periclis, a. d.
 Non haec Labdacidas petunt glyc.
 Fata; sed veteres deum
 Irae sequuntur. Castalium nemo alc. 710
 Umbram Sidonio praebuit hospiti, asclep.
 Lavitque Dirce Tyrios colonos, as.: s i. hyp.
 Ut primum magni natus Agenoris, asclep.
 Fessus per orbem furta sequi Jovis, alc.
 Sub nostrâ pavidus constitit arbore, asclep. 715
 Praedonem venerans suum; glyc.
 Monituque Phoebi jussus erranti i. tr. brach. cl.
 Comes ire vaccae, quam non flexerat as.: i. hyp. do.
 Vomer, aut tardi juga curva plaustris; sapph.
 Deseruit fugas, nomenque genti as.: do. i. hyp. 720
 Inauspicatâ de bove tradidit. alc.
 Tempore ex illo nova monstra semper sapph.
 Protulit tellus. cr. d. c.
 Aut anguis, imis vallibus editus, alc.
 Annosa supra robora sibilat, 725
 Supraque pinus; i. hyp.
 Supra Chaonias celsior arbores asclep.
 Caerulum erexit caput, i. d. c.
 Cum majore sui parte recumberet; asclep.
 Aut foeta tellus impio partu i. tr. brach. cl. 730
 Effudit arma; sonuit reflexo as.: s i. hyp.
 Classicum cornu, lituusque adunco sapph.

700. Flor.: quod obvium est, ent. Gron.: omne, quod dubium
 est, eat (pereat). 723 — 736. Male haec digesta in codicibus.

Stridulos cantus elisit aere,	sapph. sp.	
Ante non linguas agiles, et auram	sapph.	
Vocis ignotae clamore primum	sapph. sp.	735
Hostico experti,	cr. d. c.	
Agmina, campos, cognata, tenent;	a. d. et m.	
Dignaque jacto semine proles,		
Uno aetatem permensa die,		
Post Luciferi nata meatus,		740
Ante Hesperios occidit ortus.		
Horret tantis advena monstribus,		
Populique timet bella recentis:		
Donec cecidit saeva juventus,		
Genitrixque suo reddi gremio		745
Modo productos vidit alumnos.		
Hâc transierit civile nefas!		
Illa Herculeae norint Thebae		
Proelia fratrum!		
Quid Cadmèi fata nepotis,		750
Cum vivacis cornua cervi		
Frontem ramis texere novis,		
Dominumque canes egere suum?		
Praeceptis silvas montesque fugit		
Citus Actaeon, agilique magis		755
Pede per saltus et saxa vagus		
Metuit motas zephyro plumas,		
Et, quae posuit, retia vitat;		
Donec placidi fontis in undâ		
Cornua vidit vultusque feros,		760
Ubi virgineos foverat artus		
Nimum saevi diva pudoris.		

ACTUS QUARTUS.

OEDIPUS, IOCASTA.

Susplicari jam incipit Oedipus, ne ille forte, quem olim Delphos petens occidisset, Laïus fuerit: quaerit itaque ab Iocasta de Laïi aetate, necis tempore et aliis circumstantiis.

OED. CURAS revolvit animus, et repetit metus. i. s.
Obiisse nostro Laïum scelere autumant

734. Vulgo: agiles, et ora vocis. auram, spiritum. Virg. A. 7, 646.: Ad nos vix tenuis famae perlabitur aura. 757. Sic vet. edd. V.: zephyris, sibilo frequentiore.

OEDIPUS. ACT. IV.

161

Superi Inferique; sed animus contra innocens, 765
 Sibique melius quam deis notus, negat.
 Redit memoria tenue per vestigium,
 Cecidisse nostri stipitis pulsu obvium,
 Datumque Diti, cum prior juvenem senex
 Curru superbus pelleret, Thebis procul, 770
 Phocaea trifidas regio quâ scindit vias.
 Unanima conjux, explica errorem, precor!
 Quae spatia moriens Læius vitae tulit?
 Primone in aevo viridis, an fracto occidit?
 ioc. Inter senem juvenemque; sed propior seni. 775
 oed. Frequensne turba regium cinxit latus?
 ioc. Plures fefellit error ancipitis viae;
 Paucos fidelis curribus junxit labor.
 oed. Aliquisne cecidit regio fato comes?
 ioc. Unum fides virtusque consortem addidit. 780
 oed. Teneo nocentem: convenit numerus, locus.
 Sed tempus adde. ioc. Decima jam metitur seges.

SENEX, OEDIPUS.

E sene a Merope et Corinthiis misso, qui Oedipum de Polybi morte edoceat, rogetque, ad gubernacula regni suscipienda veniat, discit Oedipus, se non vere esse Polybi filium: nimia itaque curiositate suâ veros invenit parentes.

SEN. CORINTHIUS te populus in regnum vocat i. s.
 Patrium: quietem Polybus aeternam obtinet.
 oed. Ut undique in me saeva Fortuna irruit! 785
 Edissere aedum, quo cadat fato parens.
 SEN. Animam senilem mollis exsolvit sopor.
 oed. Genitor sine ullâ caede defunctus jacet.
 Testor, licet jam tollere ad coelum pie
 Puras nec ulla scelera metuentes manus. 790
 Sed pars magis metuenda fatorum manet.
 SEN. Omnem paterna regna discutient metum.
 oed. Paterna repetam regna; sed matrem horreo.
 SEN. Metuis parentem, quae tuum reditum expetens
 Sollicita pendet? oed. Ipsa me pietas fugat. 795
 SEN. Viduam relinques? oed. Tangis, en, ipsos metus!
 SEN. Effare, mersus quis premat mentem timor.
 Praestare tacitam regibus soleo fidem.
 oed. Connubia matris Delphico admonitu tremo.
 SEN. Timere vana desine, et turpes metus 800

786. *cadat*, ceciderit. Enallage temporum verballum frequens in poetis utriusque linguae: vide 805, 847, Stat. Theb. 1, 255, Eurip. Hecub. 10, 21 etc. 793. V.: *Rep. pat. regna*.

Deponē: Merope vera non fuerat parens.

oed. Quod subditivi praeemium gnati petit?

sen. Regnum superbum: liberi adstringunt fidem.

oed. Secreta thalami, fare, quo excipias modo.

sen. Hae te parenti parvulum tradunt manus.

805

oed. Tu me parenti tradis? at quis me tibi?

sen. Pastor nivoso sub Cithaeronis iugo.

oed. In illa temet nemora quis casus tulit?

sen. Illo sequebar monte cornigeros greges.

oed. Nunc adice certas corporis nostri notas.

810

sen. Forata ferro, gesseras vestigia,

Tumore nactus nomen ac vitio pedum.

oed. Quis fuerit ille, qui meum dono dedit

Corpus, requiro. sen. Regios pavit greges;

Minor sub illo turba pastorum fuit.

815

oed. Eloquere nomen. sen. Prima languescit senum

Memoria, longo lassa sublabens situ.

oed. Potesne facie noscere ac vultu virum?

sen. Fortasse noscam: saepe jam spatio obrutam

Levis exoletam memoriam revocat nota.

820

oed. Ad sacra et aras omne compulsum pecus

Duces sequantur. Ite propere! arcessite,

Famuli, penes quos summa consistit gregum!

sen. Sive ista ratio sive fortuna occulit:

Latere semper patere, quod latuit diu.

825

Saepe eruentis veritas patuit malo.

oed. Malum timeri majus his aliquod potest?

sen. Magnum esse, magnā mole quod petitur, scias.

Concurrit illinc publica, hinc regis salus,

Utrinque paria: contine medias manus.

830

Nihil ut lacessas, ipsa se fata explicant.

Non expedit concutere felicem statum.

oed. Tuto movetur, quidquid extremo in loco est.

sen. Nobilius aliquid genere regali adpetis?

Ne te parentis pigeat inventi, vide.

835

oed. Vel poenitendi sanguinis quaeram fidem,

Si nosse liceat. Ecce, grandaevus senex,

Arbitria sub quo regii fuerant gregis,

Phorbas. Refersne nomen aut vultum senis?

sen. Adridet animo forma; nec notus satis,

840

Nec rursus iste vultus ignotus mihi.

805. *sup.*, magnificum, Corinthi. *liberi*, liberi Corinthii facti morte Polybi, qui parati sunt praebere Oedipo fidem subjectorum. V.: *Regnum, superbum lib. a. f.* 831. V.: *Ut nil lac.* Flor. et edd. vetustae; *Nihil lac.*, vel *arcessas*.

Regnum obtinente Laio famulus greges
Agitasti opimos sub Cithaeronis plagâ?

PHORBAS, SENEX, OEDIPUS.

PHOR. LAETUS Cithaeron pabulo semper novo i. s.
Aestiva nostro prata submittit gregi 845

SEN. Noscisne memet? PHOR. Dubitat anceps memoria.

OED. Huic aliquis a te traditur quondam puer?

Effare! Dubitas? cur genas mutat color?

Quid verba quaeris? Veritas odit moras.

PHOR. Obducta longo temporum tractu mœves. 850

OED. Fateri: ne te cogat ad verum dolor.

PHOR. Inutile isti munus infantem dedi:

Non potuit ille luce, non coelo frui.

SEN. Procul sit omen! Vivit, et vivat precor.

OED. Superesse quare traditum infantem negas? 355

PHOR. Ferrum per ambos tenue transactum pedes

Ligabat artus; vulneri innatus tumor

Puerile foedâ corpus trebat lue.

SEN. Quid quaeris ultra? Fata jam accedunt prope.

OED. Quis fuerit infans, edoce. PHOR. Prohibet fides. 860

OED. Huc aliquis ignem! Flamma jam excutiet fidem.

PHOR. Per tam cruentas vera quaerentur vias?

Ignosce, quaeso! OED. Si ferus videor tibi

Et impotens: jam parta vindicta. In manu est:

Dic vera. Quisnam, quove generatus patre, 865

Quâ matre genitus? PHOR. Coniuge est genitus tuâ.

OED. Dehiscce, tellus! tuque tenebrarum potens,

In Tartara ima, rector umbrarum, rape

Retro reversas generis ac stirpis vices!

Congerite, cives, saxa incestum caput! 870

Mactate telis! me petat ferro parens,

Me gnatus! in me conjuges arment manus,

Fratresque, et aeger populus ereptos rogis

Jaculetur ignes! Seculi crimen vagor,

Odium decorum, juris exitium sacri; 875

Quâ luce primum spiritus hausi rudes,

Jam morte dignus. Redde nunc animos pares!

Nunc aliquid aude sceleribus dignum tuis!

361 — 365. V. secundum Flor. et Mogunt.: — *fidem. Per tam*
cr. v. quaterenti v. Ign., quaeso, si f. v. i. Et imp., parata v. in
m. est. Dic vera. Omnia sub Oedipi persona. Ceteri libri veti.:
Et impotens. jam parta vindicta in manu etc. Cf. Med. 25. 870.
Ita cod. Tossanus. Alii infestum, vel infandum. 877. V.: — ani-
mos, parens. Redde, denovo ede, sive ostende.

I, perge, propero regiam gressu pete:
Gratare matri liberis auctam domum.

880

C H O R U S.

Varietati obnoxium arguit Chorus excelsum statum. Mediam itaque fortunam optat, cujus laudes canit, a similitudine navis modico vento actae, et exemplo Icarī.

FATA si liceat mihi	t. d. cat. *)	
Fingere arbitrio meo:		
Temperem Zephyro levi		
Vela, ne pressae gravi		
Spiritu antennae tremant.		885
Lenis et modice fluens		
Aura, nec vergens latus,		
Ducat intrepidam ratem.		
Tuta me mediā vehat		
Vita decurrens viā.		890
Gnossium regem timent,		
Astra dum demens petit,		
Artibus fesus novis,		
Certat et veras aves		
Vincere, ac falsis nimis		895
Imperat pennis puer,		
Nomen eripuit freto.		
Callidus medium senex		
Daedalus librans iter		
Nube sub mediā stetit,		900
Alitem expectans suum;		
Qualis accipitris minas		
Fugit, et sparsos metu		
Colligit foetus avis:		
Donec in ponto manus		905
Movit implicitas puer,		
Comes audacis viae.		
Quidquid excessit modum,		
Pendet instabili loco.		

901. suum Burgedal. Inepte ceteri: suam in mare, Icaro.
907. Fort.: Comes ad audaces vias, ut sarciaur versus.

*) Frequentes locis paribus dactyli, more trochaïcorum. Nam 881. 882. 883. etc. quominus pro glyconiis habeam, facit ab initio positus trochaeus, cum glyconiorum loco mobili usurpanti spondei soleant. Oblitus sui esse videtur scriptor Agam. 841.

Sed quid hoc? postes sonant,
 Moestus et famulus manu
 Regius, quassans caput!
 Ede, quid portes novi.

910

ACTUS QUINTUS.

N U N C I U S.

Nuncius Oedipi excoecationis consilium et modum narrat.

PRÆDICTA postquam fata et infandum genus i. s.
 Deprendit, ac se scelere convictum Oedipus 915
 Damnavit ipse: regiam infestus petens
 Invisa propero tecta penetravit gradu;
 Qualis per arva Libycus insanit leo,
 Fulvam minaci fronte concutiens jubam:
 Vultus furore torvus atque oculi truces, 920
 Gemitus et altum murmur, et gelidus fluit
 Sudor per artus; spumat, et volvit minas,
 Acmersus alte magnus exundat dolor.
 Secum ipse saevus grande nescio quid parat,
 Suisque fati simile: „Quid poenas moror?“ 925
 Ait. „Hoc scelestum pectus aut ferro petat,
 Aut fervido aliquis igne vel saxo domet!
 Quae tigris, aut quae saeva visceribus meis
 Incurreret ales? Ipse tu scelerum capax,
 Sacer Cithaeron, vel feras in me tuas 930
 Emitte silvis, mitte vel rabidos canes!
 Nunc redde Agauen! Anime, quid mortem times?
 Mors innocentem sola fortunae eripit.“
 Haec fatus, aptat impiam capulo manum,
 Ensemque ducit. „Itane? tam magnis breves 935
 Poenas sceleribus solvis, atque uno omnia
 Pensabis ictu? Moreris? hoc patri sat est.
 Quid deinde matti, quid male in lucem editis
 Gnatis, quid ipsi, quae tuum magnâ luit
 Scelus ruinâ, flebili patriae dabis? 940
 Solvendo non es. Illa quae leges ratas
 Natura in uno vertit Oedipoda, novos
 Commenta partus, supplicis eadem meis
 Novetur. Iterum vivere, atque iterum mori
 Liceat; renasci semper: ut toties nova 945
 Supplicia pendas. Utere ingenio, miser!

912. Ita plerique vet. V.: quassat. 921. V.: Gemitus, et alij. m.
 930. tuas Flor. Palatt. alij. V.: tuis. 941. Perperam libri: Sol-
 venda non est illa etc. Emendavit Grotius.

Quod saepe fieri non potest, fiat diu.
 Mors eligatur longa. Quaeratur via,
 Qua nec sepultis mixtus, et vivis tamen
 Exemptus erres. Morere, sed citra patrem! 950
 Cunctaris, anime? Subitus, en, vultus gravat
 Profusus imber, ac rigat fletu genas!
 Ft flere satis est? Hactenus fundent levern
 Oculi liquorem: sedibus pulsi suis
 Lacrimas sequantur. Hi maritales statim 955
 Fodiantur oculi! Dixit, atque irâ furit.
 Ardent minaces igne truculento genae,
 Oculique vix se sedibus refinent suis.
 Violentus, audax, vultus, iratus, ferox
 Tantum eruentis. Gemit, et dirum fremens 960
 Manus in ora torsit. At contra truces
 Oculi steterunt, et suam intenti manum
 Ultro insequuntur; vulneri occurrunt suo.
 Scrutatur avidus manibus uncis lumina:
 Radice ab imâ funditus vulsos simul 965
 Evolvit orbes. Haeret in vacuo manus,
 Et fixa penitus unguibus lacerat cavos.
 Alte recessus luminum et inanes sinus,
 Saevitque frustra; plusque, quam satis est, furit:
 Tantum est periculum lucis. Attollit caput, 970
 Cavisque lustrans orbibus coeli plagas,
 Noctem experitur. Quidquid effossis male
 Dependet oculis, rumpit, et victor deos
 Conclamat omnes: „Parcite, heu, patriae, precor:
 Jam jussa feci; debitas poenas tuli. 975
 Inventa thalamis, digna nox tandem meis.“
 Rigat ora foedus imber et lacerum caput;
 Largum revulsis sanguinem venis vomit. —

C H O R U S.

Chorus iste ex disciplinâ Stoicorum (qui omnia, imo deum ipsum, subijciunt inevitabilibus fati) excusare Oedipum studet.

FATIS agimur: cedite fati. a. d. et m. 980
 Non sollicitae possunt curae
 Mutare rati stamina fusi.
 Quidquid patimur mortale genus,
 Quidquid facimus, venit ex alto;
 Servatque suae decreta colus
 Lachesis, durâ revoluta manu. 985

955. Fort.: *Hem, fl. s. est?* 960. *Tantum er.*, tanta scelera in lucem protrahentis. 969. Sic vet. edd. Alibi pravo numero legitur *sat est.*

Omnia certo tramite vadunt,
 Primusque dies dedit extremum.
 Non illa deo vertisse licet,
 Quae nexa suis currunt causis.
 It cuique ratus, prece non ullâ
 Mobilis, ordo. 990
 Multis ipsum metuisse nocet.
 Multi ad fatum venire suum,
 Dum fata timent. Sonuere fores,
 Atque ipse suum duce non ullo
 Molitur iter, luminis orbus. 995

OEDIPUS, CHORUS, IOCASTA.

Iocesta se interficit; Oedipus excaecatus abit in exilium.

oed. Bene habet, peractum est: justa persolvi patri. i. s.
 Juvant tenebrae. Quis deus tandem mihi
 Placatus atrâ nube perfundit caput?
 Quis scelera donat? Conscium evasi diem. 1000
 Nil, parricida, dexterâe debes tuae:
 Lux te refugit. Vultus Oedipoda hic decet.
 chor. Et, ecce, rapido saeva prosiluit gradu
 Iocasta vecors; qualis attonita et furens
 Cadmêa mater abstulit gnato caput, 1005
 Sensitve raptum. Dubitat, afflictum adloqui
 Cupit, pavetque. — Jam malis cessit pudor,
 Et haeret ore prima vox. ioc. Quid te vocem?
 Gnatumne? — Dubitas? Gnatus es: gnatum pudet.
 Invite, loquere, gnate! — Quo avertis caput 1010
 Vacuosque vultus? oed. Quis frui et tenebris vetat?
 Quis reddit oculos? Matris, heu, matris sonus!
 Perdidimus operam! — Congredi fas amplius
 Haud est. Nefandos dividat vastum mare,
 Dirimatque tellus abdita; et quisquis sub hoc 1015
 In alia versus sidera ac solem avium
 Dependet orbis, alterum ex nobis ferat!
 ioc. Fati ista culpa est: nemo fit fato nocens.
 oed. Jam parce verbis, mater, et parco auribus!
 Per has reliquias corporis trunci precor, 1020
 Per inauspicatum sanguinis pignus mei,
 Per omne nostri nominis fas ac nefas!
 ioc. Quid, anime, torpes? socia cur scelus dare
 Poenas recusas? Omne confusum perit,
 Incesta, per te juris humani decus: 1025

1003. Vulgo: *En ecce. Et, etiam.* 1008. Fort.: *Sed haeret,*
 cum Lipsio. 1019. Vulgo: *parce aur.*

Morere, ac nefastum spiritum ferro exige!
 Non, si ipse, mundum concitans, divum sator
 Coruscâ saevâ tela jaculetur manu,
 Unquam rependam sceleribus poenas pares
 Mater nefanda. Mors placet: mortis via. 1039
 Quaeratur. Agedum, commoda matri manum,
 Si patricida es. Restat hoc operi ultimum. —
 Rapiatur ensis! Hôc jacet ferrô meus
 Conjux. Quid illum nomine haud vero vocas?
 Socer est. Utrumne pectori infigam meo 1035
 Telum, an patenti conditum jugulo imprimam?
 Eligere nescis vulnus: hunc, dextra, hunc pete
 Uterum capacem, qui virum gnatum tulit!
 Chora. Jacet peremta. Vulneri immoritur manus;
 Ferrumque secum nimius ejecit cruor. 1040
 oed. Fatidice te, te, praesidem veri deum,
 Compello. Solum debui fatis patrem;
 Bis parricida, plusquē quam timui nocens,
 Matrem peremi: scelere confecta est meo.
 O Phoebe mendax, fata superavi impia! — 1045
 Pavitante gressu sequere fallaces vias,
 Suspensa plantis efferens vestigia!
 Coecam tremante dextrâ noctem rege!
 I, gradere praecipis, lubricos ponens gradus!
 I, profuge, vade! — Siste: ne in matrem incidas. 1050
 Quicumque fessi corpore et morbo graves
 Semianima trahistis pectora, en fugio, exeo:
 Relevate colla! mitior coeli status
 Post terga sequitur. Quisquis exilem jacens
 Animam retentat, vividos haustus levis 1055
 Concipiat. Ite, ferte depositis opem:
 Mortifera mecum vitia terrarum extrahite.
 Violenta Fata et horridus Mortis tremor,
 Maciesquē et atra Pestis et rabidus Dolor,
 Mecum ite, mecum! ducibus his uti libet. 1060

1038. V.: qui virum et gnatum tulit. Codd. fere: et gnatos.
 1046. Flor.: fallentes. 1049. Ita recentiores. MS. et vet. edd.:
 Ingredere pr. 1057. Quid? mortifera? Habemus Mortem sequente
 versu. Hic legendum haud dubie *Monstrifera*, quae vocabula per-
 mixta sunt etiam Herc. Oet. 1213. *Vitia* inprimis suae ipsius in-
 telligit Oedipus, iram furori similem, amorem incestum et ni-
 miam curiositatem; unde *monstra* extitere parricidium, ex matre
 filii suscepti et foedissimum oris proprii dehonestamentum. 1058.
 Flor. et Palatt. 5 cum scholiaste: *horr. morbi tremor*, quem erro-
 rem frustra fovent Gruterus et Gron.

L. ANNAEI SENECAE
T R O A D E S.

DRAMATIS PERSONAE.

HECUBA.
CHORUS TROADUM,
TALTHYBIUS,
AGAMEMNON.
CALCHAS,
HELENA,
PYRRHUS,
ANDROMACHA,
SENEX,
ULYSSES.
ASTYANAX,
NUNCIUS,
POLYXENA, muta persona.

T R O A D E S.

ARGUMENTUM.

Graeci, exciso jam Ilio, reditum in patriam cogitantes contrario vento detinebantur. Apparens noctu Achillis umbra solvere eos posse negat, nisi sibi debitis inferiis mactatâ Polyxenâ, cujus nuptiarum praetextu interfectus est. Non fert Agamemnon sibi amatam Polyxenam mactari. Quâ de re orto cum Pyrrhō jurgio, intervenit consultus Calchas, qui omnino immolandam pronuntiat, unâque necandum Astyanactâ, quem a matre absconditum abducit Ulysses et de Scaëâ portâ dejicit. Polyxenam ab Helenâ auspice, ritu cultuque sponsae, deductam ad patris tumulum Pyrrhus mactat.

ALIUD ARGUMENTUM
HIERONYMI BALBI.

Postquam Dardanium non aequo numine regnum
Evertére dei: patriam optatosque penates
Argivi remeare instructâ classe parabant:
Cum subito horrisoni consurgunt undique fluctus,
Saevit hiems pelagi, toto tonat aequore murmur. 5
Hæc quid monstra ferant, rescivit ubi ordine Calchas,
Edocet esse deos humanâ caede piandos.
Mox deducta comis Priameïa virgo solutis
Abluit hostiles effuso sanguine manes.
Iungitur ecce! scelus sceleri: gens impia Grajûm 10
(O facinus!) stantem vix primo in limine vitæ
Hectoream sobolem turri deiecit ab altâ.
Tum Phrygiae tanto perculsae crimine matres
Collacrimant, longisque implent ululatibus auras.

ACTUS PRIMUS.

HECUBA.

Luget Hecuba patriae, domus, suam ipsius calamitatem.

QUICUNQUE regno fidit et magnâ potens i. s.
Dominatur aulâ, nec levis metuit deos,
Animumque rebus credulum laetis dedit,
Me videat et te, Troja: non unquam tulit 5
Documenta Fors majora, quam fragili loco
Starent superbi. Columnen eversum occidit
Pollentis Asiae, coelitum egregius labor;
Ad cuius arma venit et qui frigidum
Septena T. naîn ora pandentem bibit,
Et qui renatum primus excipiens diem 10
Tepidum rubenti Tigrin immiscet freto,
Et quae vagos vicina prospiciens Scythas
Ripam catervis Ponticam viduis ferit.
Excisa ferro est Pergamum; incubuit sibi.
En, alta muri decora congesti jacent 15
Tectis adustis; regiam flammae ambiunt,
Omnisque late fumat Assaraci domus.
Non prohibet avidas flamma victoris manus:
Diripitur ardens Troja. Nec coelum patet
Undante fumo: nube ceu densâ obsitus, 20
Ater favillâ squallet Iliacâ dies.
Stat avidus irae victor, et lentum Ilium
Metitur oculis, ac decem tandem ferus
Ignoscit annis. Horret afflictam quoque;
Victamque quamvis videat, haud credit sibi 25
Potuisse vinci. Spolia populator rapit
Dardania; praedam mille non capiunt rates.
Testor deorum numen adversum mihi,

Vers. 2. libri vulgati ostendunt *leves*, quod alienum a sententia. *levis*, levis ipse deos gravissimos. Cf. Thyest. 604. 12. Et quae. Penthesilea, regina Amazonum. Legendum fortasse *ferit* pro *feriit*. Cf. Herc. fur. 49. 13. Fort: *terit*. Cf. Herc. fur. 541. 15. Flor.: *congestis jacent Tectis adusti*.

Patriaeque cineres, teque rectorem Phrygum,
 Quem Troja toto conditum regno tegit, 30
 Tuosque manes, quo stetit stante Ilion,
 Et vos meorum liberum magni greges,
 Umbrae minores: quidquid adversi accidit,
 Quaecunque Phoebas ore lymphato furens,
 Credi deo vetante, praedixit mala, 35
 Prior Hecuba vidi gravida, nec tacui metus,
 Et vana vates ante Cassandram fui.
 Non cautus ignes Ithacus aut Ithaci comes
 Nocturnus in vos sparsit, aut fallax Sinon:
 Meus ignis iste est, facibus ardetis meis. 40
 Sed quid ruinas urbis eversae gemis,
 Vivax senectus? Respice infelix ad hos
 Luctus recentes: Troja jam vetus est malum.
 Vidi execrandum regiae caedis nefas,
 Ipsasque ad aras majus admissum scelus 45
 Ajacis: armis cum ferox, saevâ manu
 Comâ reflectens regium tortâ caput,
 Alto nefandum vulnèri ferrum abdidit;
 Quod penitus actum cum recepisset libens,
 Ensis senili siccus e jugulo reddit, 50
 Placare quem non potuit a caede efferâ
 Mortalis aevi cardinem extremum premens,
 Superique testes sceleris, et quondam sacrum
 Regni jacentis? Ille tot regum parens
 Caret sepulcro Priamus, et flammâ indiget 55
 Ardente Troja. Non tamen Superis sat est:
 Dominum, ecce! Priami nuribus et gnatis legens
 Sortitur urna, Praeda quem villis sequar?
 Hic Hectoris conjugia despondet sibi;
 Hic optat Heleni conjugem; hic Antenoris; 60
 Nec deest tuos, Cassandra, qui thalamos petat:
 Mea sors timetur; sola sum Danaïs metus.
 Lamenta cessant? Turba, captivae, mea;
 Ferite palmis pectora, et planctus date,
 Et justa Trojae facite! jamdudum sonet 65
 Fatalis Ide, judicis diri domus!

45. *ad aras*, Javis 'Επιστολῶν, Vidd, interpp. Virgilii ad A. 2, 506
 seqq. et cf. Agam. 734. 46. *Ajacis*, Ajacis scelere Oilei, cum Cas-
 sandrae in ipso templo Minervae vim attulit. *ferox*, Neoptolemus
 seu Pyrrhus, Achilles filius. 47. *Fort.*: *Comis tortis*, ne inferatur
 duplex ejusdem numeri ablativus.

CHORUS TROADUM, HECUBA.

Chorus Iliadum, cum Hecubâ excidium patriae, Hectoris et Priami mortem, lugentium.

CHOR. Non rude vulgus lacrimisque novum	a. d. et m.
Lugere jubes: hoc continuis	
Egimus annis, ex quo tetigit	
Phrygius Grajas hospes Amyclas,	70
Secuitque fretum	
Pinus matri sacra Cybebae,	
Decies nivibus canuit Ide,	
Ide nostris nudata rogis,	
Et Sigéis trepidus campis	75
Decumas secuit messor aristas:	
Ut nulla dies moerore caret,	
Sed nova fletus causa ministrat.	
Ito ad planctus,	
Miseramque leva, regina, manum!	80
Vulgus dominam vile sequemur:	
Non indociles lugere sumus.	
HEC. Fidae casus nostri comites,	
Solvite crinem! per colla fluant	
Moesta capilli tepido Trojae	85
Pulvere turpes! paret exertos	
Turba lacertos! veste remissa	
Substringe sinus, uteroque tenus	
Pateant artus, Cui conjugio	
Pectora velas, captive pudor?	90
Cingat tunicas palla solutas!	
Vacet ad crebri verbera planctus	
Furibunda manus! Placet hic habitus,	
Placet: agnosco Troada turbam.	
Iterum luctus redeunt veteres.	95
Solitum flendi vincite morem:	
Hectora flemus. CHOR. Solvimus omnes	
Lacerum multo funere crinem;	
Coma demissa est libera nodo,	100
Sparsitque cinis fervidus ora,	
HEC. Complete manus: hoc ex Troja	
Sumsisse licet. CHOR. Cadit ex humeris	
Vestis apertis, imumque tegit	
Suffulta latus. HEC. Jam nuda vocant	105

75. Fort.: *Decumis nivibus*. Cf. 76. 76. Ita Flor. V.: *Decies* rec. m. a. 87. Libri quidam, teste inprimis Fabricio, *revulsa*.

Pectora dextras. Nunc, nunc vires
 Exprome, dolor!
 Rhoetëa sonent littora planctu;
 Habitansque cavis montibus Echo
 Non, ut solita est, extrema brevis 110
 Verba remittat: totos reddat
 Trojae gemitus! audiat omnis
 Pontus et aether. Saevita, manus!
 Pulsu pectus tundite vasto:
 Non sum solito contenta sono: 115
 Hecтора flemus.
 chor. Tibi dextra ferit nostra lacertos,
 Humerosque ferit tibi sanguineos;
 Tibi nostra caput dextera pulsat;
 Tibi maternis ubera palmis 120
 Laniata jacent; fluit et multo
 Sanguine manat, quamcunque tuo
 Funere feci, rupta cicatrix.
 Columnen patriae, mora fatorum,
 Tu praesidium Phrygibus fessis, 125
 Tu murus eras; humerisque tuis
 Stetit illa decem fulta per annos;
 Tecum cecidit, summusque dies
 Hectoris idem patriaeque fuit.
 HEC. Vertite planctus: Priamo vestros 130
 Fundite fletus! satis Hector habet.
 chor. Accipe, rector Phrygiae, planctus!
 Accipe fletus, bis capte senex!
 Nil Troja semel te rege tulit:
 Bis pulsata 135
 Dardana Grajo moenia ferro,
 Bisque pharetras passa Herculeas.
 Post elatos Hecubae partus,
 Regumque gregem,
 Postrema pater funera cludis; 140
 Magnoque Jovi victima caesus
 Sigëa premis littora truncus.
 HEC. Alio lacrimas flectite vestras:
 Non est Priami miseranda mei
 Mors, Iliades. 145
 „Felix Priamus,“ dicite cunctae:

107. Sic Ascens. et Ald. V.: *E. dolor tuus*. Glossema, 114.
 Ita Flor. V.: *P. vasto tund. pectus*. 117. Sic vett. edd., variata
 forma orationis. V.: *T. nostra f. dextra lac.* 121. sequ. Flor.:
fluat, manet.

Liber Manes vadit ad imos,
 Nec feret unquam victâ Grajum
 Cervice jugum.
 Non ille duos videt Atridas, 150
 Nec fallacem cernit Ulyssem.
 Non, Argolici praeda triumphî,
 Subjecta feret colla tropaeis.
 Non adsuetas ad sceptrâ manus
 Post terga dabit; currusque sequens 155
 Agamemnonios;
 Aurea dextrâ vincula gestans,
 Laetis fiet pompa Mycenis.
 CHOR. Felix Priamus, dicimus omnes;
 Secum excedens sua regna tulit; 160
 Nunc Elysii memoris tutis
 Errat in umbris,
 Interque pias felix animas
 Hectora quaerit. Felix Priamus!
 Felix, quisquis bello moriens 165
 Omnia secum consumpta videt!

ACTUS SECUNDUS.

TALTHYBIUS, CHORUS TROADUM.

Narrat Talthybius, apparuisse Achillis umbram; exprobratoque Graecis ingrâto animo postulasse, ut Polyxena, cujus nuptiarum praetextu ipse interfectus est, ad tumulum suum pro infertis mactaretur; alias Graecos non habituros ventum ad reditum.

TAL. O longa Danaïs semper in portu mora, i. s.
 Seu petere bellum, petere seu patriam velunt!
 CHOR. Quae causa ratibus faciat et Danaïs moram,
 Effare; reduces quis deus cludat vias. 170
 TAL. Pavet animus; artus horridus quassat tremor.
 Majora veris monstra vix capiunt fidem;
 Vidi, ipse vidi. Summa jam Titan juga
 Stringebat ortus; vicerat noctem dies:

150. Putida *ταυροακία*. Scribendum censeo: *Nunc ille duos videt Atridas*. Non ita rara verborum *Non* et *Nunc* permixtio, neque dissimilia sunt *videt* et *videt*. Cf. *Med.* 687. Ceterum *videt* *Flor. V.*: *pidit*. 167. Sic itidem *Flor. V.*: *Quam longa*. 174. *V.*: *Stringebat. ortus vicerat n. d. Flor.*: *Str. ori. vicerat* etc.

Cum subito coeco terra mugitu fremens	175
Concussa totos traxit ex amo sinus;	
Movere silvae capita, et excelsum nemus	
Fragore vasto tonuit et lucus sacer;	
Idaea ruptis saxa ceciderunt jugis.	
Nec terra solum tremuit: et pontus suum	180
Adesse Achillem sensit, ac stravit vada.	
Tum scissa vallis aperit immensos specus;	
Et hiatus Erebi pervium ad Superos iter	
Tellure fracta praebet, ac tumultum levat.	
Emicnit ingens umbra Thessalici ducis,	185
Threicia qualis arma proludens tuis	
Jam, Troja, fatis stravit, aut Neptunium	
Canā nitentem perculit juvenem camā;	
Aut cum, inter acies Marte violento furens,	
Corporibus amnes clusit, et quaerens iter	190
Tardus cruento Xanthus erravit vado;	
Aut cum superbo victor in curru stetit,	
Egitque habenas, Hectorem et Trojam trahens.	
Implevit omne littus irati sonus:	
„Ite, ite inertes! Manibus meis debitos	195
Auferte honores! solvite ingratas rates	
Per nostra ituri maria! Non parvo luit	
Iras Achillis Graecia, et magno luet!	
Desponsa nostris cineribus Polyxena	
Pyrri manu mactetur, et tumultum riget.“	200
Haec fatus altā nocte divisit diem,	
Repetensque Ditem, mersus, ingentem specum	
Coëunte terra junxit. Immoti jacent	
Tranquilla pelagi, ventus abjecit minas,	
Placidumque fluctu murmurat leni mare;	205
Tritonum ab alto cecinit hymenaeum chorus.	

PYRRHUS, AGAMEMNON, CALCHAS.

Agamemnonis cum Pyrrho iurgia super Polyxena compescit Calchas.

ΠΥΡΡΗ. Cum laeta pelago vela rediturus dares, i. s.
Excidit Achilles, cuius unius manu

190. Hic quoque expressi librum illum optimum: nam vulgo legitur *Nec sola tellus tremuit*. Cf. 184. 195. Sic plane Flor., et recte, modo *meis ποσειδάωνος* promuntiaveris, ut *deis, diis, dii*. Male legitur: *deh. manibus meis*.

Impulsa Troja (quidquid adjecit morae
 Illo remoto) dubia, quo caderet, stetit. 210
 Velis licet, quod petitur, ac properes dare;
 Sero es daturus. Jam suum cuncti duces
 Tulere pretium. Quae minor merces potest
 Tanta dari virtuti? An is meruit parum,
 Qui, fugere bellum jussus et longâ sedens 215
 Aevum senectâ degere, ac Pylîi senis
 Transcendere annos, exuens matris dolos
 Falsasque vestes, fassus est armis virum?
 Inhospitali Telephus regno impotens
 Dum Mysiae ferocis introitus negat, 220
 Rudem cruore regio dextram imbuît,
 Fortemque eandem sensit et mitem manum.
 Cecidere Thebae. Vidit Eetion capi
 Sua regna victus. Clade subversa est pari
 Imposita celso parva Lyrnessos jugo;
 Captâque tellus nobilis Briseide,
 Et, causa litis regibus, Chryse jacet,
 Et nota fama Tenedos, et, quae pascuo
 Foecunda pingui Thracios nutrit greges,
 Syros, fretumque Lesbos Aegaeum secans, 230
 Et cara Phoebo Cilla. Quid, quas adluit
 Vernis Caycus gurgitem attollens aquis?
 Haec tanta clades gentium ac tantus pavor,
 Sparsae tot urbes, turbinis vasti modo,
 Alterius essent gloria ac summum decus;
 Iter est Achilli; sic meus venit pater, 235
 Et tanta gessit bella, dum bellum parat.
 Ut alia sileam merita, non unus satis
 Hector fuisset? Ilium vicit pater,
 Vos diruistis. Inclitas laudes juvat
 Et facta magni clara genitoris sequi. 240
 Jacuit peremptus Hector ante oculos patris

229. Novissimae edd. sic:

*Impulsa Troja, [corrui tandem solo,
 Brevis repensans] quidquid adjecit morae
 [Scyros, fretumque Lesbos Aegaeum secans]
 Illo etc.*

Recte Florentinum Gron. expressit, in quo libro non habentur
 verba corrui — repensans, quae fuisse videtur prior manus Tra-
 gici, versus autem horum 3. legitur post 229. 231. Sic Flor. et
 Delrii liber. V.: *Et sacra Phoebo Cilla. Cf. Homer. Iliad. 1, 57,*
38. 235. V.: essent. 236. Sic Fernand. Veneti etc. V.: Achillia.
 238. Basil.: *Et pl. sil. multa, quod placebat Raphaelengio. Cf. 248.*
 241. Sic Flor. V.: *Et clara magni facta.*

Patruisque Memnon, cuius ob luctum parens
 Pallente moestum protulit vultu diem;
 Suique victor operis exemplum horruit,
 245 Didicitque Achilles, et deâ natos mori.
 Tum saeva Amazon ultimus cecidit timor.
 Debes Achilli, merita si digne aestimas,
 Etsi Mycenis virginem atque Argis petat.
 Dubitatur etiam? placita nunc subito improbas,
 250 Priamique natam Pelei gnato ferum
 Mactare credis? At tuam gnatam parens
 Helenae immolasti: solita jam et facta expeto.
 AGAM. Juvenile vitium est regere non posse impetus.
 Aetatis alios fervor hic primae rapit,
 255 Pyrrhum paternus. Spiritus quondam truces
 Minasque tumidi lentus Aeacidae tuli.
 Quo plura possis, plura patienter feras.
 Quid caede dirâ nobiles clari ducis
 Adspergis umbras? Noscere hoc primum decet,
 260 Quid facere victor debeat, victus pati.
 Violenta nemo imperia continuit diu;
 Moderata durant; quodque Fortuna altius
 Evexit ac levavit humanas opes,
 Hoc se magis suppressere felicem decet,
 265 Variosque casus tremere, metuentem deos
 Nimum faventes. Magna momento obrui
 Vincendo didici. Troja nos tumidos facit
 Nimum ac ferores? Stamus hoc Danaï loco,
 Unde illa cecidit. Fateor, aliquando impotens
 270 Regno ac superbus altius memet tuli;
 Sed fregit illos spiritus haec, quae dare
 Potuisset alii, causa, Fortunae favor.
 Tu me superbum, Priame, tu timidum facis.
 Ego esse quidquam sceptra, nisi vario putem
 275 Fulgore tectum nomen, et falso comam
 Vinclo decentem? Casus haec rapiat brevis;
 Nec mille forsân ratibus, aut annis decem:
 Non omnibus Fortuna tam lenta imminet.
 Equidem fatebor (pace dixisse hoc tuâ,
 280 Argiva tellus, liceat) adfligi Phrygas
 Vincique volui; ruere et aequari solo
 Etiam arcuissem. Sed regi frenis nequit

247. Sic item Flor. Ceteri: *versa*. Vid. Dictys 3, 15. 249. Li-
 bri quidam, in iis Flor.: *Etsi ex Myc.* 254. Sic Mogunt. V.: *im-*
petum. 259, 260. Sic Flor. alique libri vet. V.: *nobilem — un-*
bram.

Et ira, et ardens hostis, et victoria
 Commissa nocti. Quidquid indignum aut ferum 285
 Cuiquam videri potuit, hoc fecit dolor,
 Tenebraeque, per quas ipse se irritat furor,
 Gladiusque felix, cujus infecti semel
 Vecors libido est. Quidquid eversae potest
 Superesse Trojae, maneat: exactum satis 290
 Poenarum et ultra est. Regia ut virgo occidat,
 Tumuloque donum detur et cineres riget,
 Et facinus atrox caedis ut thalamos vocent?
 Non patiar. In me culpa cunctorum redit:
 Qui non vetat peccare, cum possit, jubet. 295
 PYRRH. Nullumne Achillis praemium manes ferent?
 AGAM. Ferent, et illum laudibus cuncti canent,
 Magnumque terrae nomen ignotae audient.
 Quod si levatur sanguine infuso cinis,
 Optima Phrygii colla caedantur gregis, 300
 Fluatque nulli flebilis matri cruor.
 Quis iste mos est, quando in inferias homo
 Impensus homini est? Detrahe invidiam tuo
 Odiumque patri, quem coli poenâ jubes.
 PYRRH. O tumide, rerum dum secundarum status 305
 Extollit animos; timide, cum increvit metus!
 Regum tyranne, jamne flammatum geris
 Amore subito pectus, ac veneris novae?
 Solusne toties spolia de nobis feres?
 Hâc dextrâ Achilli victimam reddam suam; 310
 Quam si negas retinesque: majorem dabo,
 Dignamque, quam det Pyrrhus. Et nimium diu
 A caede nostra regiâ cessat manus,
 Paremque poscit Priamus. AGAM. Haud equidem nego,
 Hoc esse Pyrrhi maximum in bello decus, 315
 Saevø peremptus ense quod Priamus jacet,
 Supplex paternus. PYRRH. Supplices nostri patris
 Hostesque eosdem novimus. Priamus tamen
 Praesens rogavit; tu gravi pavidus metu,
 Nec ad rogandum fortis, Ajaci preces 320
 Ithacoque mandas clusus atque hostem tremens.
 AGAM. At non timebat tunc tuus, fateor, parens,

295. Gron. ex Florentino: — vocent? Non p. V.: vocem, N.
 p. 302. V.: homo est Imp. homini. Flor.: hominis. 306. V.: incre-
 puit. Sequor Florentinum. 308. Fort.: ac veneris novae? h. e.
 renovas, reparas. Cf. Oedip. 944, Agam. 184. 310. Fort.: reddo,
 quo vitetur homoeoteleuton. 321. Fern. Cajet.: timens. Malim
 timebat sequente versu.

Interque caedes Graeciae atque ustas rates
 Segnis jacebat, belli et armorum immemor,
 Levi canorâ verberans plectro chelyn. 325
 PYRRH. Tunc magnus Hector, arma contemnens tua,
 Cantus Achillis timuit, et tanto in metu
 Navalibus pax alta Thessalicis fuit.
 AGAM. Nempe tsdem in istis Thessalis navalibus
 Pax alta rursus Hectoris patri fuit. 330
 PYRRH. Est regis alti, spiritum regi dare.
 AGAM. Cur dextra regi spiritum eripuit tua?
 PYRRH. Mortem misericors saepe pro vitâ dabit.
 AGAM. Et nunc misericors virgines busto petis!
 PYRRH. Jamne immolari virgines credis nefas? 335
 AGAM. Praeferre patriam liberis regem decet.
 PYRRH. Lex nulla capto parcit, aut poenam impedit.
 AGAM. Quod non vetat lex, hoc vetat fieri pudor.
 PYRRH. Quodcunque libuit facere victori, licet.
 AGAM. Minimum decet libere, cui multum licet. 340
 PYRRH. His ista jactas, quos decem annorum gravi
 Regno subactos Pyrrhus exsolvit iugo?
 AGAM. Hos Scyrus animos . . . PYRRH. Scelere quâe fra-
 trum caret.
 AGAM. Inclusa fluctu? PYRRH. Nempe cognati maris.
 Atrei et Thyestae nobilem novi domum. 345
 AGAM. Ex virginis concepte furtivo stupro,
 Et ex Achille nate, sed nondum viro. . .
 PYRRH. Illo ex Achille, genere qui mundum suo,
 Sparsus per omne coelitem regnum, tenet,
 Thetide aequor, umbras Aeaco, coelum Jovē. . . 350
 AGAM. Illo ex Achille, qui manu Paridis jacet. . .
 PYRRH. Quem nec deorum cominus quisquam petiit.
 AGAM. Compescere equidem verba et audacem malo
 Poteram domare; sed meus captis quoque
 Scit parcere ensis. Potius interpret deum 355
 Calchas vocetur. Fata si poscunt: dabo.
 Tu, qui Pelasgae vincla solvesti ratis,
 Morasque bellis, arte qui reseras polum,
 Cui viscerum secreta, cui mundi fragor,
 Et stella longa semitam flammâ trahens 360
 Dant signa fati, cujus ingenti mihi
 Mercede constant ora, quid jubeat deus
 Effare, Calcha, nosque consilio rege.

334. Sic Flor. Gron. V.: *At nunc.* 357. *ratis schedae quaedam*
 Delrianæ. Vulgati libri *ομοιοτελευτος: ratis*

TROADES. ACT. II.

183

CAL. Dant fata Danaïs, quo solent pretio, viam.

„Mactanda virgo est Thessali busto ducis;

365

„Sed, quo jugari Thessalae cultu solent,

„Ionidesve vel Mycenaeae nurus,

„Pyrrhus parenti conjugem tradat suo.

„Sic rite dabitur. Non tamen nostras tenet

„Haec una puppes causa; nobilior tuo,

370

„Polyxene, cruore debetur cruor,

„Quem fata quaerunt: turre de summa cadat

„Priami nepos Hectorëus et letum oppetat.

„Tum mille velis impleat classis freta.“

CHORUS TROADUM.

Chorus e mulieribus Trojanis, quo Achilles animam apparuisse negat, ex Epicuri sententiâ animam cum corpore interire asserit.

VERUM est, an timidos fabula decipit,

ascep.

375

Umbras corporibus vivere conditis?

Cum conjux oculis imposuit manum,

Supremusque dies solibus obstitit,

Et tristis cineres urna coercuit:

Non prodest animam tradere funeri,

380

Sed restat miseris vivere longius?

An toti morimur, nullaue pars manet

Nostri, cum profugo spiritus halitu

Immixtus nebulis cessit in aëra,

Et nudum tetigit subdita fax latus?

385

Quidquid Sol oriens, quidquid et occidens

Novit; caeruleis Oceanus fretis

Quidquid vel veniens vel fugiens lavat,

Aetas Pegaseo corripit gradu.

Quo dissensa volant sidera turbine;

390

Quo cursu properat secula volvere

Astrorum dominus; quo properat modo

Obliquis Hecate currere flexibus:

Hoc omnes petimus fata; nec amplius,

Juratos Superis qui tetigit lacus,

395

Usquam est. Ut calidis fumus ab ignibus

Vanescit spatium per breve sordidus;

Ut nubes, gravidas quas modo vidimus,

367. Male vulgo: — nurus. Pyrrhus etc. Correx. Rutgers.
Var. Lect. 6, 17. 382. Flor.: *Ac toti m.*, pro *Ah* vel *Al* (?) *t. m.*,
ut existimat Jacob. Gron., qua scriptura probata haec affirmabun-
tur. Malini sane *Ah*, *toti m.* Passim *h* et *n* litterae propter si-
militudinem confusae. 388. Flor.: *Q. bis veniens.* 398. Sic Ald.
Vulgo edd.: *Ut n. gravidas, quas m. v.*

Arctoi Boreae disjicit impetus:
 Sic hic, quo regimur, spiritus effluet. 400
 Post mortem nihil est, ipsaque mors nihil,
 Velocis spatii meta novissima.
 Spem ponant avidi, solliciti metum.
 Quaeris, quo jaceas post obitum loco?
 Quo non nata jacent. 405
 Tempus nos avidum devorat et chaos.
 Mors individua est noxia corpori,
 Nec parcens animae. Taenara, et aspero
 Regnum sub domino, limen et obsidens
 Custos non facili Cerberus ostio, 410
 Rumores vacui verbaque innania,
 Et par sollicito fabula somnie.

ACTUS TERTIUS.

ANDROMACHA, SENEX, ULYSSES.

Hectoris uxor, viso territa, filium in tumultu paterno abscondit, quem sagacitate sua Ulysses latebris exutum ad mortem adducit.

ANDR. Quid, moesta, Phrygiae, turba, laceratis comas, i. e.
 Miserumque tumae pectus effuso genas
 Fletu rigatis? Levia perpressae sumus, 415
 Si flenda patimur. Mium vobis modo,
 Mihi cecidit olim, cum ferus carru incito
 Mea membra raperet, et gravi gemeret sono
 Peliacus axis, pondere Hectoreo tremens.
 Tunc obruta atque eversa, quodcunque accidit, 420
 Torpens malis rigensque sine sensu fero.
 Jam erepta Danaïs conjugem sequeretur meum,
 Nisi hic teneret: hic meos animos domat,
 Morique prohibet; cogit hic aliquid deos
 Adhuc rogare; tempus aerumnae addidit. 425
 Hic mihi malorum maximum fructum abstulit,
 Nihil timere. Prosperis rebus locus
 Ereptus omnis; dira, quā veniant, habent.
 Miserrimum est timere, cum speres nihil.
 SEN. Quis te repens commovit afflictam metus?
 ANDR. Exoritur aliquod majus e magno malum. 430
 Nondum ruentis Illi fatum stetit.

SEN. Et quas reperiet, ut velit, clades deus?
 Stygis profundae claustra et obscuri specus.
 Laxantur; et, ne desit eversis metus, 435
 Hostes ab imo conditi Dite exeunt.
 Solisne retro pervium est Danaïs iter?
 Certe aequa mors est. ANDR. Turbat atque agitat Phrygas
 Communis iste terror; hic proprie meum
 Exterret animum noctis horrendae sopor. 440
 SEN. Quae visa portent, effer in medium, metus.
 ANDR. Partes fere non alma transierat duas,
 Clarumque septem verterant stellae jugum;
 Ignota tandem venit afflictæ quies,
 Brevisque fessis somnus obrepit genis; 445
 Si somnus ille est mentis attonitæ stupor:
 Cum subito nostros Hector ante oculos stetit,
 Non qualis ultro bella in Argivos ferens
 Grajas petebat facibus Idaeis rates,
 Nec caede multâ qualis in Danaos furens 450
 Vera ex Achille spolia simulato tulit,
 Non ille, vultus flammeum intendens iubar;
 Sed fessus ac dejectus et fletu gravis,
 Similisque nostro, squalidâ obtectus comâ.
 Juvat tamen vidisse. Tum quassans caput, 455
 „Dispelle somnos,” inquit, „et gnatum eripe,
 O fida conjux! Lateat: hæc una est salus.
 Omitte fletus. Troja quod cecidit, geris?
 Utinam jaceret tota! Festina! amove
 Quocunque nostræ parvulam stirpem domus!“ 460
 Mihi gelidus horror ac tremor somnum expulit;
 Oculosque nunc huc pavida, nunc illuc ferens,
 Oblita nati, misera quaesivi Hectorem.
 Fallax per ipsos umbra complexus abst.
 O gnate, magni certa progenies patris; 465
 Spes una Phrygibus, unica afflictæ domûs,
 Veterisque soboles sanguinis nimium incliti,
 Nimiûmque patri similis (hos vultus meus
 Habebat Hector; talis incessu fuit,
 Habituque talis; sic tulit fortes manus, 470
 Sic celsus humeris, fronte sic torvâ minax,
 Cervice fusam dissipans jactâ comam),

434 — 438. *Stygis* — mors est. Male hæc Andromachæ tri-
 buuntur. Certa verba *Solisne* — mors est eripuerant ei Scaliger
 et Scriverius. 461. Ita Flox. V. excutit. 464. V.; abis. Cf. Herc.
 fur. 49. etc.

O gnate, sero Phrygibus et matri, cito
 Eritne tempus illud ac felix dies,
 Quo, Troici defensor et vindex soli, 475
 Recidiva ponas Pergama, et sparsos fugâ
 Cives reducas, nomen et patriae suum
 Phrygibusque reddas? Sed mei fati memor
 Tam magna timeo vota. Quod captis sat est,
 Vivamus. Heu me, qui locus fidus meo 480
 Erit timori, quâve te sede oculam?
 Arx illa pollens opibus et muris desm,
 Gentes per omnes clara et invidiae gravis,
 Nunc pulvis altus; strata sunt flammâ omnia,
 Superestque vastâ ex urbe ne tantum quidem, 485
 Quo lateat infans. Quem locum fraudi legam?
 Est tumultus ingens conjugis cari sacer,
 Verendus hosti, mole quem immensâ parens
 Opibusque magnis struxit, in luctus suos
 Rex non avarus: optimè credam patri. — 490
 Sudor per artus frigidus totos cadit:
 Omen tremisco misera feralis loci.
 SEN. Haec causa multos una ab interitu arcuit,
 Credi perisse. ANDR. Vix spei quidquam est super:
 Grave pondus illum magna nobilitas premit. 495
 SEN. Ne prodat aliquis, amove testes doli.
 ANDR. Si quaeret hostis? SEN. Urbe in eversa perfit.
 ANDR. Quid proderit latuisse redituro in manus?
 SEN. Victor feroces impetus primos habet.
 ANDR. Quid, quod latere sine metu magno nequit? 500
 SEN. Miser occupet praesidia, securus legat.
 ANDR. Quis te locus, quae regio seducta, invia
 Tuto reponet? quis feret trepidâ opem?
 Quis proteget? Qui semper, etiam nunc tuos,
 Hector, tuere; conjugis furtum piaë 505
 Serva et fideli cinere victurum excipe!
 Succede tumulo, gnate! Quid retro fugis,
 Turpesque latebras spernis? Agnosco indolem;
 Pudet timere. Spiritus magnos fuga
 Animosque veteres; sume, quos casus dedit! 510
 En, intuere, turba quae sumus super:
 Tumulus, puer, captiva: cedendum est malis.

475. V.: O nate, sero P., at m. c. Eritne etc. Flor.: o matri.
 Flerique libri: Phr. matri c. Turbavit compendium rōu et, sicut
 passim. Dictum per hyperbaton pro eo, quod est Serone an cito
 erit tempus etc. 480. Ita Flor. V.: quis locus. 485. Sic idem li-
 ber,probante Gronovio. Debilius est, quod vulgatur, hoc: in-
 vid. capax.

Sanctas parentis conditi sedes, agè,
 Aude subire. Fata si miseros juvant:
 Habes salutem; fata si vitam negant: 515
 Habes sepulcrum. SEN. Clastra commissum tegunt;
 Quem ne tuus producat in medium timor,
 Procul hinc recede, teque diversam amove.
 ANDR. Levius solet timere, qui propius timet;
 Sed, si placet, referamus hinc alio pedem. 520
 SEN. Cohibe parumper ora, quæstusque opprime:
 Gressus nefandos dux Cephallenum admove.
 ANDR. Dehisce tellus, tuque conjux ultimo
 Specu revulsam scinde tellurem, et Stygis
 Sinu profundo conde depositum meum! 525
 Adest Ulysses, et quidem dubio gradu
 Vultuque: nectit pectore astus callidos.
 UL. Durae minister sortis, hoc primum peto,
 Ut ore quamvis verba dicantur meo,
 Non esse credas nostra: Grajorum omnium 530
 Procerumque vox est, petere quos seras domos
 Hectorea soboles prohibet. Hanc fata expetunt:
 Sollicita Danaos pacis incertae fides
 Semper tenebit, semper a tergo timor
 Respiciere coget, arma nec poni sinet, 535
 Dum Phrygibus animos gnatus eversis dabit,
 Andromacha. ANDR. Vester augur hæc Calchas canit?
 UL. Etsi taceret augur hæc Calchas, tamen
 Dicebat Hector, cujus et stirpem horreo:
 Generosa in ortus semina exurgunt suos. 540
 Sic ille magni parvus armenti comes,
 Primisque nondum cornibus findens cutem,
 Cervice subito celsus et fronte arduus
 Gregem paternum ducit, ac pecori imperat.
 Quæ tenera caeso virga de trunco stetit, 545
 Par ipsa matri tempore exiguo subit,
 Umbrasque terris reddit et coelo nemus.
 Sic male relictus igne de magno cimis
 Vires resumit. Est quidem injustus dolor
 Rerum aestimator; si tamen tecum exigas: 550
 Veniam dabis, quod bella post hiemes decem
 Totidemque messes jam senex miles timet,
 Aliasque clades rursus, ac nunquam bene
 Trojam jacentem. Magna res Danaos movet,

537. Ita Fernand. V.: V. q. hoc C. c. 2. Elegantior in hoc ge-
 nera numerus pluralis. 546. matri, arbori.

- Futurus Hector: libera Grajos metu. 555
 Haec una naves causa deductas tenet;
 Hic classis haeret. Neve crudelem putes,
 Quod sorte jussus Hectoris natum petam:
 Petissem Orestem. Patere, quod victor tulit.
 ANDR. Utinam quidem esses, gnate, maternâ in manu, 560
 Nessemque, quis te casus ereptum mihi
 Teneret, aut quae regio! Non hostilibus
 Confossa telis pectus, aut vinclis manus
 Secantibus praestricta, non acri latus
 Utrumque flammâ cincta, maternam fidem 565
 Unquam exuisssem. Gnate, quis te nunc locus,
 Fortuna quae possedit? errore avio
 Vagus arva lustras? vastus an patriae vapor
 Corripuit artus? saevus an victor tuo
 Lusi? cruore? numquid immanis ferae 570
 Morsu peremtus pascis Idaeas aves?
 UL. Simulata remove verba: non facile est tibi
 Decipere Ulyssen: vicinus matrum dolos
 Etiam dearum. Cassa consilia amove.
 Ubi natus est? ANDR. Ubi Hector? ubi cuncti Phryges? 575
 Ubi Priamus? Unum quæris; ego quæro omnia.
 UL. Coacta dices, sponte quod fari abnuis.
 ANDR. Tuta est, perire quae potest, debet, cupit.
 UL. Magnifica verba mors prope admota excutit.
 ANDR. Si vis, Ulysse, cogere Andromacham metu, 580
 Vitam minare: nam mori votum est mihi.
 UL. Verberibus, igni, morte, cruciatu, eloqui
 Quodcunque celas, adiget invitam dolor,
 Et pectore imo condita arcana eruet.
 Necessitas plus posse, quam pietas, solet. 585
 ANDR. Propone flammâs, vulnera et diras mali
 Doloris artes, et famem et saevam sitim,
 Variasque pestes undique, et ferrum inditum
 Visceribus ustis, carceris coeci. luem,
 Et quidquid audent victor iratus, tumens: 590
 Animosa nullo mater admittit metus.
 UL. Stulta est fides celare, quod prodas statim.
 Hic ipse, quæ nunc contumax perstas, amor
 Consulere parvis liberis Danaos monet.

555. Ita Flor. et Lipsian. Ceteri: libera nos hoc metu. Fortasse legendum est lib. nostros m. 576. Post hunc versum inseri velim verba Stulta est fides celare, quod prodas statim, quæ vel post 585, vel post 591. legi solent in libris vett. 591. Vid. ad 576. Hic legam: — metus. UL. Hic ipse etc. 594. Fort.: C. patriis liberis. D. m. Flor.: movet.

Post arma tam longinqua, post annos decem, 595

Minus timerem, quos facit Calchas, metus,
Si mihi timerem: bella Telemacho paras.

ANDR. Invita Ulyssi gaudium ac Danaïs dabo:

Dandum est. Fatare, quos premis, luctus, dolor! 600

Gaudete, Atridae; tuque laetifica, ut soles,

Refer Pelasgis: Hectoris proles obit

UL. Et esse verum hoc quā probas Danaïs fide?

ANDR. Ita, quod minari maximum victor potest,

Contingat, et me fata maturo exitu

Facilique solvant; ac meo condant solo, 605

Et patria tellus Hectorem leviter premat,

Ut luce caret, ut inter extinctos jacet,

Datusque tumulto debita exanimis tulit.

UL. Expleta, fata stirpe sublata Hectoris,

Solidamque pacem laetus ad Danaos feram. — 610

Quid agis, Ulysse? Danaïdae credent tibi;

Tu cui? Parenti. Fingis an quisquam hoc parens,

Nec abominandae mortis auspiciū pavet?

Auspicia metuunt, qui nihil majus timent.

Fidem adligavit jurejurando suam. — 615

Si pejerat: timere quid gravius potest?

Nunc advoca astus, anime; nunc fraudes, dolos;

Nunc totum Ulyssen! Veritas nunquam perit.

Serutare matrem. Moeret? inlacrimat, gemit.

Sed et huc et illuc anxios gressus refert, 620

Missasque voces aure sollicita excipit:

Magis hoc timet, quam moeret. Ingenio est opus. —

Alios parentes adloqui in luctu decet;

Tibi gratulandum est, misera, quod gnato cares,

Quem mors manebat saeva, praecipitem datum 625

E turre, lapsis sola quae muris manet.

ANDR. Me liquit animus; membra quatiantur, labant,

Torpetque vinctus frigidus sanguis gelu.

UL. Intremuit: hāc, hāc parte quaerendum est mihi.

Matrem timor detexit: iterabo metum. 630

Ite, ite, celeres, fraude maternā abditum

Hostem Pelasgi nominis, pestem ultimam,

598. Flor.: Invita, Ulyxe, gaudium Danaïs dabo. 611. Male editiones: Danaïdas credent tibi? 615. Fernand.: jure jurando. 618. Sic Flor. V.: Et totum. 619 — 622. Moeret — quam moeret. Perperam haec interpuncta sunt in vulgatis libris, legiturque 620.: Et huc et illuc, et 622.: Magis haec timet. Vett. edd. praeter Aldi: Sed huc, et quidam apud Commelinum: Magis hoc, i. e. propter hoc, eo signo. 629. V.: quaerenda.

Ubicunque latitat, erutam in medium date!

Bene est: tenetur. Perge, festina; attrahere! —

Quid respicis trepidasque? Jam certe peristi.

635

ANDR. Utinam timerem! Solitus ex longo est metus.

Dediscit animus sero, quod didicit diu.

VL. Inustrale quoniam debitum muris puer

Sacrum antecessit, nec potest vatem sequi,

Melioris fato raptus: hoc Calchas ait

640

Modo piari posse redivas rates,

Si placet undas Hectoris sparsi cinis,

Ac tumulus imo totus aequetur solo.

Nunc ille quoniam debitam effugit necem,

Erit admovenda sedibus sacris manus.

645

ANDR. Quid agimus? animum distrahit geminus timor:

Hinc natus, illinc conjugis cari cinis.

Pars utra vincet? Testor immites deos,

Deosque veros, conjugis manes mei,

Non aliud, Hector, in meo gnato mihi

650

Placere, quam te! Vivat, ut possit tuos

Referre vultus. Prorutus tumulo cinis

Mergetur? ossa fluctibus spargi sinam

Disiecta vastis? Potius hic mortem oppetat. —

Poteris nefandae deditum mater neci,

655

Videre poteris celsa per fastigia

Missum rotari? Potero, perpetiar, feram,

Dum non meus post fata victoris manu

Jactetur Hector. Hic suam poenam potest

Sentire; at illum fata jam in tuto locant. —

660

Quid fluctuaris? Statue, quem poenae extrahas.

Ingrata, dubitas? Hector est illinc tuus. —

Erras: utrinque est Hector; hic sensus potens,

Forsan futurus ultor extincti patris. —

Utrique parci non potest: quidnam facis?

665

Serva e duobus, anime, quem Danaï timent.

VL. Responsa peragam: funditus busta eruant.

ANDR. Quae vendidistis? VL. Pergam, et e summo aggere

Traham sepulcra. ANDR. Coelitum adpello fidem,

Fidemque Achillis! Pyrrhe, genitoris tui

670

Munus tuere! VL. Tumulus hic campo statim

Toto jacebit. ANDR. Fuerat hoc prorsus nefas

Danaïs inausum. Tempia violastis, deos

Etiā faventes; busta transierat furor.

Resistam; inermes offeram armatis manus!

675

Dabit ira vires. Qualis Argolicas ferox
 Turmas Amazon stravit; aut qualis deo
 Percussa Maenas entheo silvas gradu,
 Armata thyrsos, terret, atque expertus sui
 Vulnus dedit, nec sensit, in medios ruam, 680
 Tumuloque cineris socia defenso cadam!
 ul. Cessatis, et vos flebilis clamor movet
 Furorque cassus feminae? Jussa ocius
 Peragite! ANDR. Me, me sternite hic ferro prius! —
 Repellor? heu me! Rumpere fatorum moras; 685
 Molire terras, Hector, ut Ulyssen domes!
 Vel umbra satis es. Arma concussit manu!
 Jaculatur ignes! Cernitis, Danaë, Hectorem,
 An sola video? ul. Funditus cuncta eruam!
 ANDR. Quid agis? ruinâ pariter et gnatum et virum 690
 Prosterne unâ? Forsitan Danaos prece
 Placare poteris. Conditum elidet statim
 Immane busti pondus. Intereat miser
 Ubicumque potius: ne pater gnatum obruat,
 Prematque patrem gnatus. — Ad genus accido 695
 Supplex, Ulysse; quamque nullius pedes
 Novero dextram; pedibus admoveo tuis.
 Miserere matris, et preces placidus pias
 Patiensque recipe; quoque te celsum altius
 Superi levarunt, mitius lapsos preme! 700
 Misero datur quodcunque, fortunæ datur,
 Sic te revisat conjugis sanctae torus;
 Annosque, dum te recipit, extendat suos
 Laërta! sic te juvenis excipiat tuus,
 Et, vota vincens vestra felici indole, 705
 Aetate avum transcendat, ingenio patrem!
 Miserere matris: unicum afflictæ mihi
 Solamen hoc est. ul. Exhibe gnatum, et roga,
 ANDR. Huc e latebris procede tuis, a. d. et m.
 Flebile matris furtum miseræ! — 710
 Hic puer, hic est terror, Ulysse,
 Mille carinis. Submitte manus,
 Dominiq; pedes supplice dextrâ
 Stratus adora; nec turpe puta,
 Quidquid miseros Fortuna jubet, 715
 Pone ex animo reges atavos,

687. *es pleraeque* edd. vett. et Grotius, V.; *est*. Cf. Eurip.
 Herc. fur. 495. 689. Ita Flor. V.; *erue*. 689. Fern. Cajet.: *cerno*.
 690. *Pessime libri: ruina mater et gnatum*, Emendavit Jacob. Gron.
 695. Fort.: *Prematque*. 711. Flor.: *Hic est, hic est terror, Ulysse*.

Magnique senis iura per omnes
 Inclita terras; excidat Hector.
 Gere captivum; positoque genu,
 Si tua nondum funera sentis, 720
 Matris fletus imitare tuæ.
 Vidit pueri regis lacrimas
 Et Troja prior, parvusque minas
 Trucis Alcidae flexit Priamus.
 Ille, ille ferox, cuius vastis 725
 Viribus omnes cessere ferae,
 Qui perfracto limine Ditis
 Coecum retro patefecit iter,
 Hostis parvi victus lacrimis,
 „Suscipe,” dixit, „rector, habenas,” 730
 Patrioque sede celsus solio;
 Sed sceptrâ fide meliore tene.“
 Hoc fuit illo victore capi.
 Discite mites Herculis iras.
 An sola placent Herculis arma? 735
 Jacet ante pedes non minor illo.
 Supplice supplex, vitamque petit.
 Regnum Trojae, quocunque volet,
 Fortuna ferat.

ULYSSES, ANDROMACHA, ASTYANAX.

Precibus minas et diras miscet Andromache, Ulyssem orans, nec exorans.

UL. MATRIS quidem me moeror attonitae movet; i. e. 740
 Magis Pelasgae me tamen matres movent,
 Quarum iste magnos crescit in luctus puer.
 ANDR. An has ruinas urbis in cinerem datas
 Hic excitabit? hae manus Trojam erigent?
 Nullas habet spes Troja, si tales habet. 745
 Non sic jacemus Troës, ut cuiquam metus
 Possimus esse. — Spiritus genitor facit. —
 Sed nempe tractus. Ipse post Trojam pater
 Posuisset animos, magna quos frangunt mala.
 Si poena petitur, quae peti gravior potest? 750
 Famulare collo nobili subeat iugum;
 Servire liceat. Aliquis hoc regi negat?
 UL. Non hoc Ulysses, sed negat Calchas tibi.
 ANDR. O machinator fraudis et scelerum artifex,
 Virtute cuius bellicâ nemo occidit, 755
 Dolis et astu malificae mentis jacent
 Etiam Pelasgi; vatem et insontes deos

Praetendis? Hoc est pectoris facinus tui,
 Nocturne miles, fortis in pueri necem.
 Jam solus audes aliquid, et claro die. 760
 UL. Virtus Ulyssis Danaïdis nota est satis,
 Nimisque Phrygibus. Non vacat vanis diem
 Conterere verbis: ancoras classis legit.
 ANDR. Brevem moram largire, dum officium parens
 Gnato supremum reddo, et amplexu ultimo 765
 Avidos doloros satio. UL. Misereri tui
 Utinam liceret! Quod tamen solum licet,
 Tempus moramque dabimus. Arbitrio tuo
 Implere lacrimis: fletus aerumnas levat.
 ANDR. O dulce pignus! o decus lapsae domus, 770
 Summumque Trojae funus! o Danaūm timor!
 Genitricis o spes vana, cui demens ego
 Laudes parentis bellicas, annos avi
 Medios precabar! Vota destituit deus.
 Iliaca non tu scepra regali potens 775
 Gestabis aulā; jura nec populis dabis,
 Victasque gentes sub tuum mittes jugum;
 Non Graja caedes terga, non Pyrrhum trahes;
 Non arma tenerā parva tractabis manu,
 Sparsasque passim saltibus latis feras 780
 Audax sequeris; nec, stato lustrī die
 Solemne referens Troici lūsūs sacrum,
 Puer citatas nobilis turmas ages;
 Non inter aras mobili velox pede,
 Revocante flexo concitos cornu modos, 785
 Barbarica prisco templa saltatu coles. —
 O morte dirā tristius leti genus!
 Flebilius aliquid Hectoris magni nece
 Muri videbunt. UL. Rümpe jam fletus parens!
 Magnus sibi ipse non facit finem dolor. 790
 ANDR. Lacrimis, Ulysse, parva, quam petimus, mora est.
 Concede, parvos ut meā condam manu
 Viventis oculos! — Occidis parvus quidem,
 Sed jam timendus. Troja te expectat tua.
 I, vade liber; liberos Troas vide! 795
 AST. Misetere, mater! ANDR. Quid meos retines sinus
 Manusque matris? Cassa praesidia occupas.
 Fremitu leonis qualis audito tener
 Timidum juvenis adplicat matri latus;

785. Fort.: *Reboante*, secundum Tiber. Hemsterhus. ad Lucian. Dial. deorum 12. 787. Fort.: *dirā dirius*. 791. Fort.: *paula*.
 792. *parvos*. Fort.: *patrius*.

At ille saevus matre submotâ leo 800
 Praedam minorem morsibus vastis tenens
 Frangit, vehitque: talis e nostro sinu
 Te rapiet hostis. Oscula et fletus, puer,
 Lacerosque trines excipe, et plenus mei
 Occurre patri! Pauca maternae tamen 805
 Perfer querelae verba: „Si manes habent
 Curas priores, nec perit flammis amor,
 Servire Grajo pateris Andromachen iugo,
 Crudelis Hector? Lentus et segnis jaces;
 Rediit Achilles.“ Sume nunc iterum comas, 810
 Et sume lacrimas, quidquid e misero viri
 Funerè relictum est; sume, quae reddas tuo
 Oscula parenti! Matris hanc solatio
 Relinque vestem: tumulus hanc tetigit meus
 Manesque cari. Si quid hic tineris latet, 815
 Scrutabor ore. UL. Nullus est flendi modus:
 Abripite propere classis Argolicae moram!

CHORUS TROADUM.

Asportandae Troades in varia Graeciae loca, prout sorte Achivis dis-
 pertitae contigerant, in quamcunque tamen Graeciae partem ab-
 duci praesoptant, quam in Spartam, Mycenae et Ithacam, Hele-
 nae, Agamemnonis et Ulyssis patriam.

Quae vocat sedes habitanda captas? sapph. et ad.
 Thessali montes et opaca Tempe,
 An viros tellus dare militares 820
 Aptior Phthiae, meliorve foetu
 Fortis armenti lapidosa Trachin?
 An maris vasti domitrix Iolcos?
 Urbibus centum spatiosa Crete,
 Parva Gyrtone, sterilisque Tricca, 825
 An frequens ruscis levibus Mothone?
 Quae sub Oetaeis latebrosa silvis
 Misit infestos Troiae ruinis sapph. sp.
 Non semel arcus,
 Olenos tectis habitata raris, 830
 Virgini Pleuron inimica divae,

801. Sic Flor. V.: *premens*. 808. *jugo*. Flor. Mogunt. et im-
 pressi quidam vett.: *viro*. 809. Sic vett. edd. V.: *jaces?* 814.
meus. Fort.: *merus*, quasi nudus; re alia interjecta nulla. 815.
 Sic Flor. V.: *Quidquid hic* etc. 821. V.: *meliorque*, solita confu-
 sione. 825. V. *Gortyne*, quae est Cretae urbs. Emendator Gron.
 Gyrtone (Homer. Iliad. 2, 738.) seu Gyrtion sita erat in Perrhae-
 lia, Thessaliae regione. 831. Ita Flor. V.: *Virginitas*.

An maris lati sinuosa Troezen?
 Pelion regnum Prothoi superbum,
 Tertius coelo gradus (hic recumbens
 Montis exesi spatiosus antro 835
 Jam trucis Chiron pueri magister,
 Tinnulas plectro feriente chordas,
 Tum quoque ingentes acuebat iras
 Bella canendo),
 An ferax varii lapidis Carystos? sapph. dact. 840
 An' premens littus maris inquieti
 Semper Euripo properante Chalcis?
 Quolibet vento faciles Calydnæ,
 Ac carens nunquam Gonoëssa vento,
 Quæque formidat Borean Enispe, 845
 Atticâ pendens Peparethos orâ,
 An sacris gaudens tacitis Eleusin?
 Numquid Ajacis Salamina veram,
 Aut forâ notam Calydona sævâ,
 Quasque perfundit, subiturus æquor, 850
 Segnibus terras Titaressos undis,
 Bessan et Scarphen? Pylon an senilem?
 Pharin, an Pisam, Jovis et coronis
 Elida claram?
 Quolibet tristis miseræ procella 855
 Mittat, et donet cuicumque terræ:
 Dum, luem tantam Troiæ atque Achivis sapph. sp.
 Quæ tulit, Sparte procul absit; absit similis.
 Argos et sævi Pelopis Mycenæ;
 Neritos parvâ brevior Zacyntho, 860
 Et nocens saxis Ithacæ dolosis.
 Quod manet fatum dominusve quis te
 Aut quibus terris, Hecabe, videndam
 Ducet? in cujus moriêre regno?

841. Frustra Ald.: rari. 846. Peparethos. Fort.: *Probalinthos*,
 quæ conjectura est Jacobi Gron. Peparethos, insula maris Ae-
 gæi notissima, non est hujus loci. Cf. Strab. 8. pag. 332. De
 Probalintho, *846* et vico Atticæ vidd. Strabo, Plinius, Stepha-
 nus. 850. Sic vet. edd. V.: *profundit*. 862. V.: *dominusque*. Cf.
 861 etc. 863. V.: *Hecube*, quod neque græcū neque latinū
 est. Sic etiam Agam. 644.

ACTUS QUARTUS.

HELENA, ANDROMACHA, HECUBA. POLYXENA, PYRRHUS, mutae personae.

Ut manibus Achillis rite inferiae peragantur, excogitata ratio est, quâ ut veste, ita animo nuptiali affecta mactetur Polyxena. Vid. supra vers. 366. Quae partes dantur Helenae, ut Polyxenam lactet inani spe nuptiarum cum Pyrrho; quas illa primo simulat, mox Andromachae iurgio excussa dolos fatetur, et rem aperte suadet.

HEL. QUICUNQUE hymen funestus, illaetabilis, i. s. 865
 Lamenta; caedes, sanguinem, gemitus habet,
 Est auspice Helenâ dignus. Eversis quoque
 Nocere cogor Phrygibus. Ego Pyrrhi toros
 Narrare falsos jubeor; ego cultus dare
 Habitusque Grajos. Arte capietur meâ, 870
 Meâque fraude concidet Paridis soror
 Fidenter. Ipsi levius hoc equidem reor:
 Optanda mors est sine metu mortis mori.
 Quid jussa cessas agere? Ad auctores redit
 Sceleris coacti culpa. — Dardaniae domus 875
 Generosa virgo, melior adflictos deus
 Respicere coepit; teque felici parat
 Dotare thalamo. Tale conjugium tibi
 Non ipsa sospes Troja, non Priamus daret:
 Nam te Pelasgae maximum gentis decus 880
 Ad sancta lecti jura legitimi petit,
 Cui regna campi lata Thessalici patent.
 Te magna Tethys, teque tot pelagi deae
 Placidumque numen aequoris tumidi Thetis,
 Suam vocabunt; te datam Pyrrho socer 885
 Peleus nurum vocabit, et Nereus nurum.
 Depone cultus squalidos, festos cape;
 Dedisce captam; deprime horrentes comas,
 Crinemque doctâ patere distingui manu.
 Hic forsitan te casus excelso magis 890
 Solio reponet. Profuit multis capi.
 ANDR. Hoc deerat unum Phrygibus eversis malum,
 Gaudere. Flagrant strata passim Pergama.
 O conjugale tempus! An quisquam audeat
 Negare? quisquam dubius ad thalamos eat, 895

872. Sic Palatt. Mogunt. et edd. Venetae antiquae. Flor. Fernand. Gron.: *Fallatur*. Ald. aliique: *Fraudetur*.

Quos Helena suadet? Pestis, exitium, lues
 Utriusque populi, cernis hos tumulos ducum,
 Et unda totis ossa quae passim jacent
 Inhumata campis? Haec hymen sparsit tuae,
 Tibi fluxit Asiae, fluxit Europae cruor,
 Cum dimicantes lenta prospiceres viros, 900
 Incerta voti. Perge, thalamos adpara!
 Taedis quid opus est, quidve solemni face,
 Quid igne? Thalamis Troja praelucet novis.
 Celebrate Pyrrhi, Troades, connubia;
 Celebrate digne: planctus et gemitus sonent. 905
 HÆL. Ratione quamvis careat et flecti neget
 Magnus dolor, sociosque nonnunquam sui
 Moeroris ipsos oderit: causam tamen
 Possum tueri iudice infesto meam, 910
 Graviores passa. Luget Andromacha Hectorem,
 Et Hecuba Priamum; solus occulte Paris
 Lugendus Helenae. Durum et invisum et grave est,
 Servitia ferre; patior hoc olim jugum
 Annis decem captiva. Postratum Ilium est,
 Versi penates. Perdere est patriam grave;
 915
 Gravius timere. Vos levat tanti mali
 Comitatus, in me victus et victor furit.
 Quam quisque famulam traheret, incerto diu
 Casu pendedit; me meus traxit statim
 920
 Sine sorte dominus. Causa bellorum fui,
 Tantaque Teucris cladis. Hoc verum puta,
 Spartana puppis vestra si secuit freta,
 Sin rapta Phrygiis praeda remigibus fui,
 Deditque donum judici victrix dea:
 925
 Ignosce Paridi. Judicem iratum mea
 Habitura causa est: ista Menelaum manent
 Arbitria. Nunc hanc luctibus paulum tuis,
 Andromacha, omissis flecte; vix lacrimas quæo
 Retinere. ANDR. Quantum est, Helena quod lacrimat,
 930
 malum!
 Cur lacrimat autem? Fere, quos Ithacus dolos,
 Quæ scelera nectat! Utrum ab Idæis jugis
 Jactanda virgo est, arcis an celsae edito
 Mittenda saxo? num per has vastum in mare
 Volvenda rupes, latere quas scisso levat
 935
 Altum vadoso Sigeon spectans sinu?

913. Ita Fernand. V.; *Hel. est.* 936. V.: *vadosos sinus*. Flor.:
vadoso. Sequor Gronovium. Lacus marinos circa Sigeum effi-
 ciunt, omnes confluentes Simois et Scamander, teste Strabone
 lib. 13, ut notat Gron.

Dic, fare, quidquid subdolo vultu tegis.
 Leviora mala sunt cuncta, quam Priami gener
 Hecubaeque Pyrrhus. Fare, quam poenam pares
 Expromē, et unum hoc deme nostris cladibus, 930
 Falli. Paratas perpeti mortem vides.

HEL. Utinam juberet me quoque interpres deūm
 Abrumpere ense lucis invisae moras,
 Vel Achillis ante busta furibundā manu
 Occidere Pyrrhi, fata comitantem tua, 945
 Polyxene miseranda, quam tradi sibi,
 Cinereique Achillis ante mactari suum,
 Campo maritus ut sit Elysio, jubet!

ANDR. Vide, ut animus ingens laetus audierit necem.
 Cultus decoros regiae vestis petit, 950
 Et admoveri criminibus patitur manum.
 Mortem putabat illud, hoc thalamos putat.

At misera luctu mater audito stupet;
 Labefacta mens succubuit. Adsurge! adleva
 Animum, et cadentem, misera, firma spiritum! 955
 Quam tenuis anima vinculo pendet levi!
 Minimum est, quod Hecubam facere felicem potest.
 Spirat: revixit. Prima mors miserās fugit.

HEC. Adhuc Achilles vivit in poenas Phrygum!
 Adhuc rebellat! O manum Paridis levem! 960

Cinis ipse nostrum sanguinem ac tumulus sitit.
 Modo turba felix latera cingebat mea;
 Lassabar in tot oscula, in totum gregem
 Dividere matrem. Sola nunc haec est super,
 Votum, comes, levamen, adflictae quies. 965

Haec totus Hecubae foetus; hāc solā vocor
 Jam voce mater. Dura et infelix, age,
 Elabere anima! denique hoc unum mihi
 Remitte funus! Inrigat fletus genas,
 Imberque victo subitus e vultu cadit. 970

Laetare, gaude, gnata! Quam vellet tuos
 Cassandra thalamos, vellet Andromache tuos!

ANDR. Nos, Hecuba; nos, nos, Hecuba, lugendae sumus,
 Quas mota classis huc et huc sparsas feret;
 Hanc cara tellus sedibus patriis teget. 975

HEL. Magis invidēbis, si tuam sortem scias.

ANDR. An aliqua poenae pars meae ignota est mihi?

HEL. Versata dominos urna captivis dedit.

949. *animi malit* Gron., ut Tacit. Ann. 1, 69.: *Sed femina ingens animi* etc. 959. Sic vet. edd. V.: *Phrygum?* — *rebellat?* 975. Fort.: *Non occubans* (Polyxena), *nos; Hec.* l. s.

- ANDR. Cui famula trador? ede! quem dominum voco?
 HEL. Te sorte primâ Scyrius juvenis tulit. 980
 ANDR. Cassandra felix, quam furor sorti eximit,
 Phoebusque! HEL. Regum hanc maximus rector tenet.
 HEC. Estne aliquis, Hecubam qui suam dici vult?
 HEL. Ithaco obtigisti praeda violenti brevis.
 HEC. Quis tam impotens ac dirus et iniquae ferus 985
 Sortitor urnae regibus reges dedit?
 Quis tam sinister dividit captas deus?
 Quis arbiter crudelis et miseris gravis
 Eligere dominos nescit, et saevâ manu
 Dat iniqua miseris fata? quis matrem Hectoris 990
 Armis Achillis miscet? Ad Ulyssen vocor?
 Nunc victa, nunc captiva, nunc cunctis mihi
 Obsessa videor cladibus! Domini pudet,
 Non servitutis. Hectoris spoliū feret,
 Qui tulit Achillis? Sterilis et saevis fretis 995
 Inclusa tellus non capit tumulos meos. —
 Duc, duc, Ulysse! nil moror; dominum sequor.
 Me mea sequentur fata: non pelago quies
 Tranquilla veniet, saeviet ventis mare,
 Et bella, et ignis, et mea et Priami mala. 1000
 Dumque ista veniunt, interim hoc poenae loco est:
 Sortem occupavi, praemium eripui tibi.
 Sed incitato Pyrrhus adcurrit gradu,
 Vultuque torvo. Pyrrhe, quid cessas? Age,
 Reclude ferro pectus, et Achillis tui 1005
 Conjunge soceros! Perge, mactator senum:
 Et hic decet te sanguis. Abreptam trahit!
 Maculate superos caede funestâ deos,
 Maculate Manes! Quid precer vobis? Precor
 His digna sacris aequora. Hoc classi accidat 1010
 Toti Pelasgae, ratibus hoc mille accidat,
 Meae precabor, cum vehar, quidquid rati!

CHORUS TROADUM.

Chorus occasione sumtâ ab Helenae dicto supra vers. 917. *vor le-
 vat tanti mali comitatus, solatur se communi malo; quod ta-
 men solatium ipsis sortito disjunctis ablatum fore.*

DULCE moerenti populus dolentum, sapph.
 Dulce lamentis resonare gentes!

979. Sic Flor. V.: *tradar, ede.* 992. *nunc cunctis.* Vastus so-
 nus. Malim sane cunctis nunc. 1007. Crusier. et vulgatae edd.:
trahere.

Lentius luctus lacrimaeque mordent, Turba quas fletu similis frequentat. Semper, ah, semper dolor est malignus: Gaudet in multos sua fata mitti, Seque non solum placuisse poenae. Ferre, quam sortem patiuntur omnes, Nemo recusat; Nemo se credit miserum, licet sit. Tolle felices; removeto multo Divites auro; removeto centum Rura qui scindunt opulenta bubus; Pauperi surgent animi jacentes. Est miser nemo, nisi comparatus. Dulce in immensis posito ruinis, Neminem laetos habuisse vultus. Ille deplorat queriturque fatum, Qui secans fluctum rate singulari Nudus in portus cecidit petitos; Aequior casum tulit et procellas, Mille qui ponto pariter carinas Obrui vidit, tabulaque littus Naufragâ spargi, mare cum coactis Fluctibus Corus prohibet reverti. Questus est Hellen cecidisse Phryxus, Cum gregis ductor radiante villo Aureo fratrem simul et sororem Sustulit tergo medioque jactum Fecit in ponto; tenuit querelas Et vir et Pyrrhe, mare cum viderent, Et nihil praeter mare cum viderent, Unici terris homines relictî. Solvat hunc coetum, lacrimasque nostras Sparget huc illuc agitata classis, Et tubâ jussi dare vela nautae, Cum simul ventis properante remo Prenderint altum, fugietque littus. Qui status mentis miseris, ubi omnia Terra decrescet, pelagusque crescet? Gelsa cum longe latitabit Ide? Tum puer matri, genitrixque nato, Troja quâ jaceat regione monstrans, Dicet, et longe digito notabit:	1015 ad. 1020 1025 1030 1035 1040 1045 1050 sapph. dact. 1055
---	--

1016. Ita Flor., recte probante Jacobo Grøn. V. c. simili. 1059.
Fort.: villis Aureis.

„Ilium est illic, ubi fumus alte
Serpit in coelum nebulæque turpes.“
Troës hoc signo patriam videbunt.

ACTUS QUINTUS.

NUNTIUS, ANDROMACHA, HECUBA.

Nuntius matribus narrat, ut e turri præcipitatus fuerit Astyanax
et Polyxena ad tumultum Achillis caesa.

NUNT. O DIRA fata, saeva, miseranda, horrida, i. s. 1060

Quod tam ferum, tam triste bis quinis scelus
Mars vidit annis? Quid prius referens gemam,
Tuosne potius, an tuos luctus, anus?

HEC. Quoscunque luctus fleveris, flebis meos:
Sua quemque tantum, me omnium clades premit. 1065
Mihî cuncta pereunt; quisquis est, Hecubae est, miser,

NUNT. Mactata virgo est, missus e muris puer;
Sed, uterque letum mente generosâ tulit.

AND. Expone seriem caedis, et duplex nefas
Prosequere: gaudet magnus aerumnas dolor; 1070
Tractare totas. Ede, et enarra omnia.

NUNT. Est una magnâ turris o Trojâ super,
Adsueta Priamo; cuius e fastigio
Summisque pinnis arbiter belli sedens
Regebat acies. Turre in hac blando sinu 1075
Fovens nepotem, cum metu versos gravi

Danaos fugaret Hector et ferro et face,
Paterna puero bella monstrabat senex.
Haec nota quondam turris et muri decus,
Nunc saeva cautes, undique adfusâ ducum 1080
Plebisque turbâ cingitur; totum coit

Ratibus relictis vulgus. His collis procul
Aciem patenti liberam praebet locq;
His alta rupes, cuius e cacumine
Erecta summo turbâ libavit pedes. 1085

Hunc pinus, illum laurus, hunc fagus gerit,
Et tota populo silva suspensio tremat.
Extrema montis ille praerupti petit;
Semiusta at ille tecta, vel saxum imminens
Muri cadentis pressit; atque aliquis (nefas!) 1090

1070. Flor.: *Persequere*. 1084. Flor.: *in hac*. 1085. Sic eadem membranae. V.: *summas*, 1099. Manus illustris: *eminens*.

Tumulo ferus spectator Hectoreo sedet.
 Per spatia late plena sublimi gradu
 Incedit Ithacus, parvulum dextrâ trahens
 Priami nepotem; nec gradu segni puer
 Ad alta pergit moenia. Ut summâ stetit 1095
 Pro turre, vultus huc et huc acres tulit,
 Intrepidus animo. Qualis ingentis ferae
 Parvus tenerque foetus, et nondum potens
 Saevire dente, jam tamen tollit minas,
 Morsusque inanes tentat, atque animis tumet: 1100
 Sic ille dextrâ pressus hostili puer
 Ferrox, superne moverat vulgum ac duces,
 Ipsumque Ulyssen. Non flet e turbâ omnium,
 Qui fletur; ac dum verba fatidici et preces
 Concepit Ulysses vatis, et saevos ciet 1105
 Ad sacra Superos, sponte desiluit suâ
 In media Priami regna. — i. d. c.
 ANDR. Quis Colchus hoc, quis sedis incertae Scythae i. s.
 Commisit? aut quae Caspium cingens mare
 Gens juris experta ausa? Non Busiridis 1110
 Puerilis aras sanguis adpersit feri,
 Nec parva gregibus membra Diomedes suis
 Epulanda posuit. Quis tuos artus teget,
 Tumuloque tradet? NUNT. Quos enim praeceps locus
 Reliquit artus? Ossa disiecta et gravi 1115
 Elisa casu, signa clari corporis,
 Et ora et illas nobiles patris notas
 Confudit imam pondus ad terram datum.
 Soluta cervix silicis impulsu, caput
 Ruptum, cerebro penitus expresso. Jacet 1120
 Deforme corpus. ANDR. Sic quoque est similis patri,
 NUNT. Praeceptus ut altis cecidit e muris puer,
 Flevitque Achivum turba, quod fecit, nefas:
 Idem ille populus aliud ad facinus redit
 Tumulumque Achillis. Hujus extremum latus 1125
 Rhoetea leni verberant fluctu vada;
 Adversa cingit campus, et clivo levi
 Erecta medium vallis includens locum
 Crescit theatri more. Concursus frequens
 Implevit omne litus: hi classis moras 1130
 Hac morte solvi rentur; hi stirpem hostium
 Gaudent recidi. Magna pars vulgi levis
 Odit scelus, spectatque; nec Troës minus

Suum frequentant funus, et pavidæ metû
 Partem ruentis ultimam Trojæ vident; 1155
 Cum subito thalami more præcedunt faces.
 It pronuba illic Tyndaris, moestum caput
 Demissa. Tali nubat Hermione modo,
 Phrygès precantur. Sic viro turpis suo
 Reddatur Helene! Terror attonitos tenet 1140
 Utrosque populos. Ipsa dejectos gerit
 Vultus pudore; sed tamen fulgent genae,
 Magisque solito splendet extremus decor;
 Ut esse Phœbi dulcius lumen solet
 Jamjam cadentis, astra cum repetunt vices, 1145
 Premittiturque dubius nocte vicinâ dies.
 Stupet omne vulgus; et fere cuncti magis
 Peritura laudant. Hos movet formæ decus,
 Hos mollis aetas, hos vagæ rerum vices;
 Movet animus omnes fortis et leto obvius. 1150
 Pyrrhum antecedit. Omnium mentes tremunt,
 Mirantur, ac miserantur. Ut primum arqui
 Sublime montis tetigit, atque alte edito
 Juvenis paterni vertice in busti stetit:
 Audax virago non tulit retro gradum; 1155
 Conversa ad ictum stat truci vultu ferox.
 Tam fortis animus omnium mentes ferit,
 Novumque monstrum est Pyrrhus ad caedem piger,
 Ut dextra ferrum penitus exacta abdidit:
 Subitus receptâ morte prorupit cruor 1160
 Per vulnus ingens. Nec tamen moriens adhuc
 Deponit animos: cecidit, ut Achilli gravem
 Factura terram, prona, et irato impetu.
 Uterque flevit coetus; at timidum Phrygès
 Misere gemitum; clarius victor gemit. 1165
 Hic ordo sacri. Non stetit fusus cruor,
 Humove summa fluxit: obduxit statim,
 Saevusque totum sanguinem tumulus bibit.
 hæc. Itæ, itæ, Danaï; petite jam tuti domos;
 Optata velis maria diffusa secet 1170
 Secura classis; concidit virgo ac puer;
 Bellum peractum est. Quo meas lacrimas feram?
 Ubi hæc anilis exspuam leti moram?
 Gnatam, an nepotem; conjugem, an patriam fleam?
 An omnia, an me, sola? Mors, votum meum, 1175
 Infantibus violenta, virginibus, venis,

1137. Vett. edd.: illi. 1175. V.: An o. ? an me ? sola m. v.
 meum. Infantibus etc. Cf. Med. 119.

204 L. ANNAEI SENECAE TROADES. ACT. V.

Ubicunque properas, saeva; me solam times
Vitasque! gladios inter ac tela et faces
Quaesita totâ nocte, cupientem fugis!
Non hostis, aut ruina, non ignis meos
Absumsit artus: quam prope a Priamô steti!
RUNT. Repetite celeri maria, captivae, gradu:
Jam vela puppis laxat, et classis movet.

1180

1181. Fort.: artus, quae prope etc.

L. ANNAEI SENECAE
M E D E A.

DRAMATIS PERSONAE.

MEDEA.

IASON.

CREON.

NUTRIX.

CHORUS CORINTHIORUM.

NUNCIUS.

M E D E A.

ARGUMENTUM.

Iason cum uxore et liberis post interfectum Peliam Corinthi exulabat, ubi cum Creon rex illum generum legisset, Medea res suas sibi habere a marito, ab rege aliud exilium quaerere jubetur. Illa, unius diei impetratâ morâ, Creusae sponsae pallam et monile magicis venenis infecta mittit; quibus indutis ignem corripuit palla, misereque nova nupta, unâ cum patre in natae auxilium accurrente, combusta est; Medea denique filiis, quos Iasoni pepererat, in patriâ conspectu trucidatis, per aëra aufugit.

ALIUD ARGUMENTUM

HIERONYMI BALBI:

Jam manus Argivum surrepto vellere Colcho
Tandem puppe novâ dulces remearat ad Argos,
Medeamque tori sociam praeclarus Iason
Junxerat infaustis taedis atque omine laevo. 5
Ille etenim thalamos mutatâ mente priores
Sprevit, formosae correptus amore Crëusae.
At Medea ferox, stimulis accensa profanis,
Ira ardet, magicasque amens decurrit ad artes.
Quid non herba potest? Male concidit ignibus atris 10
Regia, cum miseroque usta est genitore Crëusa.
Nec satis est (pronus semper muliebris in iras
Est animus, scelerisque ferax seges atque malorum):
Proh pudor! illa suos miserando vulnere natos
Opprimit, in partesque calentes consecat artus;
Dein sublimis abit, serpentibus acta, per auras. 15

ACTUS PRIMUS.

M E D E A.

Medea deserta superos inferosque Iasonis ultores invocat.

Di conjugales, tuque genialis tori i. s.
Lucina custos, quaeque domituram freta
Tiphyn novam frenare docuisti ratem,
Et tu profundi saeve dominator maris,
Clarumque Titan dividens orbi diem, 5
Tacitisque praebens conscium sacris jubar,
Hecate triformis, quosque juravit mihi
Deos Iason; quosque Medae magis
Fas est precari, noctis aeternae chaos,
Aversa Superis regna, Manesque impios, 10
Dominumque regni tristis, et dominam fide
Meliore raptam, voce non faustâ precor:
Adeste, adeste! Sceleris ultrices deae,
Crinem solutis squalidae serpentibus,
Atram cruentis manibus amplexae facem, 15
Adeste, thalamis horridae quondam meis
Quales stetistis! Conjugi letum novae,
Letumque socero et regiae stirpi date!
In pejus aliquid, quod precor sponso malum,
Vivat: per urbes erret ignotas egens, 20
Exul, pavens, invisus, incerti laris;
Me conjugem optet; limen alienum expetat,
Jam notus hospes, quôque non aliud queam
Pejus precari, liberos similes patri,
Similesque matri. — Parta jam, parta ultio est: 25
Peperi. Querelas verbaque incassum sero. —
Non ibo in hostes, manibus excutiam faces,
Coeloque lucem? Spectat hoc nostri sator
Sol generis, et spectatur, et curru insidens
Per solita puri spatia decurrit poli? 30
Non redit in ortus, et remetitur diem?
Da, da per auras cuxibus patriis vehi!

19. Vulgo: *Mihi pejus aliquid, q. precor sponso malum: Vivat.*
25. *Sim. m. Subaudiendum habeat, vel quiddam simile.*

Committe habenas, genitor, et flagrantibus
 Ignifera loris tribue moderari iuga:
 Geminò Corinthos littore opponens moras 35
 Cremata flammis maria committet duo.
 Hoc restat unum, pronubam thalamo feram
 Ut ipsa pinum, postque sacrificas preces
 Caedam dicatis victimas altaribus.
 Per viscera ipsa quaere supplicio viam, 40
 Si vivis, anime! si quid antiqui tibi
 Remanet vigoris: pelle femineos metus,
 Et inhospitalem Caucasum mente indue!
 Quodcunque vidit Phasis aut Pontus nefas,
 Videbit Isthmos. Effera, ignota, horrida, 45
 Tremenda coelo pariter ac terris mala
 Mens intus agitat; vulnera, et caedem, et vagum
 Funus per artus. Levia memoravi nimis.
 Haec virgo feci; gravior exsurgat dolor:
 Majora jam me scelera post partus decent. 50
 Accingere ira, teque in exitium para
 Furorè toto! paria narrentur tua
 Repudia thalamis! Quo virum linqvis modo?
 Hoc, quo secuta es. Rumpe jam segnes moras:
 Quae scelere parta est, scelere linquenda est domus. 55

C H O R U S.

Chorus e mulieribus Corinthiis Iasonis et Crënsae nuptiis epithalamium praecinit.

Ad regum thalamos numine prospero, asclep.
 Qui coelum Superi, quique regunt fretum,
 Adsint, cum populis rite faventibus!
 Primus sceptriferis colla Tönantibus
 Taurus celsa ferat tergore candido; 60
 Lucinam nivei femina corporis
 Intentata jugo placet. Et, asperi
 Martis sanguineas quae cohibet manus,
 Quae dat belligeris foedera gentibus,
 Et cornu retinet divite copiam, 65
 Donetur tenera mitior hostia.
 Et tu, qui facibus legitimis ades,
 Noctem discutiens auspice dextera,
 Huc incede gradu marcidus ebrio,
 Praecingens roseo tempora vinculo! 70
 Et tu, quae gemini praevia temporis
 Tarde, stella, redis semper amantibus:

55. Ineptam librorum lectionem littori correxit Gron.

MEDEA. ACT. I.

211

Te matres avidae, te cupiunt nurus,
Quamprimum radios spargere lucidos.

Vincit virgineus decor

glycon. 75

Longe Cecropias nurus;
Et quas Taygeti jugis
Exercet juvenum modo,
Muris quod caret, oppidum;

80

Et quas Aonius latex,
Alpheosque sacer lavat.

Cedent Aesonio duci,
Si formâ velit adspici,
Proles fulminis improbi,
Aptat qui juga tigribus;

85

Nec non, qui tripodas movet,
Frater virginis asperae;

Cedet Castore cum suo
Pollux caestibus aptior.

Sic, sic, Coelicolae, precor,
Vincat femina conjugês,
Vir longe superet viros!

90

Haec cum femineo constitit in choro:

asclep.

Unius facies praenitet omnibus.
Sic cum sole perit sidereus decor,

95

Et densi latitant Pleiadum greges,
Cum Phoebe solidum lumine non suo
Orbem circuitis cornibus adligat.

Ostro sic niveus puniceo color
Perfusus rubuit; sic nitidum jubar

100

Pastor luce novâ roscidus adspicit.
Ereptus thalamis Phasidos horridis,

Effrenae solitus pectora conjugis
Invitâ trepidus prendere dexterâ,

Felix Aeoliam corripe virginem

105

Nunc primum, soceris, sponse, volentibus!

Concesso, juvenes, ludite jurgio!

Hinc illinc, juvenes, mittite carmina!

Rara est in dominos justa licentia.

Candida thyrsigeri proles generosa Lyaei hexam. her. 110
(Multifidam jam tempus erat succendere pinum),

Excute solemnem digitis marcentibus ignem!

Festa dicax fundat convicia Fescenninus;

Solvat turba jocos. Tacitis eat illa tenebris,

Si qua peregrino nubit fugitura marito,

115

115. Ita Gron. secundum Delrui quosdam libros. V.: *fugitiva*,
quod minus usitatum in hoc genere.

ACTUS SECUNDUS.

MEDEA, NUTRIX.

Andito hymenaeo furit Medea, quam sedare nutrix laborat, sed frustra.

MED. OCCIDIMUS: aures pepulit hymenaeus meas! f. s.
 Vix ipsa tantum, vix adhuc, credo malum.
 Haec facere Iason potuit? erepto patre,
 Patriâ atque regno, sedibus solam exteris
 Deserere? Durus merita contempsit mea, 120
 Qui scelere flammâ viderat vinci et mare?
 Adeone credit omne consumptum nefas?
 Incerta, vecors, mente vesana feror
 Partes in omnes, unde me ulscisci queam?
 Utinam esset illi frater! Est conjux: in hanc 125
 Ferrum exigatur! — Hoc meis satis est malis?
 Si quod Pelasgae, si quod urbes barbarae
 Novere facinus, quod tuae ignorant manus,
 Nunc est parandum. Scelera te hortentur tua,
 Et cuncta redeant; inclitum regni decus 130
 Raptum, et nefandae virginis parvus comes
 Divisus ense; funus ingestum patri,
 Sparsumque ponto corpus; et Peliae senis
 Decocta aheni membra. Funestum impie
 Quam saepe fudi sanguinem! et nullum scelus 135
 Irata feci; saevit infelix amor.
 Quid tamen Iason potuit, alieni arbitri
 Jurisque factus? — Debit ferro obvium
 Offerre pectus. — Melius, ah melius, dolor
 Furiose, loquere! Si potest, vivat meus, 140
 Ut fuit, Iason; sin minus, vivat tamen,
 Memorque nostri muneri parcat meo.
 Culpa est Creontis tota, qui sceptro impotens
 Conjugia solvit, quique genitricem abstrahit
 Gnatis, et arcto pignore adstrictam fidem 145
 Dirimit. Petatur solus hic; poenas luat,
 Quas debet! Alto cinere cumulabo domum!
 Videbit atrum vorticem flammis agi
 Malâ, longas navibus flectens moras.
 NUTR. Sile, obsecro, questusque secreto abditos 150
 Manda dolori! Gravia quisquis vulnera

129. Fort.: N. c. patrandum. Cf. 915. 155. Sic meliores libri.
 V.: at nullum.

MEDEA. ACT. II.

213

Paciente et aequo mutus animo pertulit,
Referre potuit. Ira, quae tegitur, nocet;
Professa perdunt odia vindictae locum.
MED. Levis est dolor, qui capere consilium potest, 155
Et clepere sese; magna non latitant mala.
Libet ire contra. NUTR. Siste furialem impetum,
Alumna: vix te tacita defendit quies.
MED. Fortuna fortes metuit, ignavos premit.
NUTR. Tunc est probanda, si locum virtus habet. 160
MED. Nunquam potest non esse virtuti locus.
NUTR. Spes nulla monstrat rebus afflictis viam.
MED. Qui nil potest sperare, desperet nihil.
NUTR. Abiere Colchi; conjugis nulla est fides;
Nihilque superest opibus e tantis tibi. 165
MED. Medea superest; hic mare et terras vides,
Ferrumque et ignes et deos et fulmina.
NUTR. Rex est timendus. MED. Rex meus fuerat pater.
NUTR. Non metuis arma? MED. Sint licet terra edita.
NUTR. Moriere. MED. Cupio. NUTR. Profuge! MED. Poe-
nituit fugae. 170
Medea fugiam? NUTR. Mater es. MED. Cui sim, vides.
NUTR. Profugere dubitas? MED. Fugiam; at ulciscar prius.
NUTR. Vindex sequetur. MED. Forsan inveniam moras.
NUTR. Compesce verba; parce jam, demens, minis,
Animosque minue: tempori aptari decet. 175
MED. Fortuna opes auferre, non animum, potest.
Sed cujus ictu regius cardo strepit?
Ipse est Pelasgo tumidus imperio Creon.

CREON, MEDEA.

Creon Medeam in exilium propere abire jubet; illa disi unius
moram vix impetrat.

CR. MEDEA, Colchi noxium Aeetae genus, i. s.
Nondum meis exportat e regnis pedem. 180
Molitur aliquid: nota fraus, nota est manus.
Cui parcit illa, quemve securum sinit?
Abolere propere pessimam ferro luem
Equidem parabam; precibus evicit gener.
Concessa vita est; liberet fines metus. 185
Abeatque tuta. Fert gradum contra ferox,
Minaxque nostros propius adfatus petit.
Arcete, famuli, tactu et accessu procull!

161. Fern. Cajet.: *Nunquam*. 180. Ita vet. edd. V. haec in-
terrogantur. 181. MS. *Cruser*: *reportat*, ut *recedens* 182.

Jubete sileat! regium imperium pati
 Aliquando discat. Vade veloci fugâ, 190
 Monstrumque saevum, horribile, jamdudum avehe!
 MED. Quod crimen, aut quae culpa multatur fugâ?
 CR. Quae causa pellat, innocens mulier rogat.
 MED. Si iudicâs, cognosce; si regnas, jube.
 CR. Aequum licet statuere regis imperium feras. 195
 MED. Iniqua nunquam regna perpetuo manent.
 CR. I, querere Colchis. MED. Redeo. Qui advexit, ferat.
 CR. Vox constituto sera decreto venit.
 MED. Quî statuit aliquid parte inaudita alterâ:
 Aequum licet statuerit, haud aequus fuit. 200
 CR. Auditus a te Pelia supplicium tulit?
 Sed fare; causae detur egregiae locus.
 MED. Difficile quam sit animum ab irâ flectere
 Jam concitatum; quamque regale hoc patet,
 Scepbris superbas quisquis admovit manus, 205
 Quâ coepit, ire; regiâ didici meâ.
 Quamvis enim sim clade miserandâ obruta,
 Expulsa, supplex, sola, deserta, undique
 Adflicta: quandum nobili fulsi patre,
 Avoque clarum Sole deduxi genus. 210
 Quodcunque placidis flexibus Phasis rigat;
 Pontusque quidquid Scythicus a tergo videt,
 Palustribus quâ maria dulcescunt aquis;
 Armata peltis quidquid exteret cohors
 Inclusa ripis vidua Thermodontiis: 215
 Hoc omne noster genitor imperio regit.
 Generosa, felix, decore regali potens
 Fulsi. Petebant tunc meos thalamos proci,
 Qui nunc petuntur. Rapida Fortuna ac levis
 Praeceptorque regno eripuit, exilio dedit. 220
 Confide regnis, cum levis magnas opes
 Huc ferat et illuc casus. Hoc reges habent
 Magnificum et ingens, nulla quod rapiat dies,
 Prodesse miseris, supplices fido laeae
 Protegere. Solum hoc Colchico regno extuli, 225
 Decus illud ingens, gloriâe florem inclitum,
 Praesidia Achivae gentis et prolem deum,
 Servasse memet. Munus est Orpheus metum,

190. fuga Flor. V.: via, quae est interpretatio, sed parum latina. 191. Fabricii MS.: *Monstr. superbum, horribile*. 197. *ferat, auferat*. 201. Sic Arcens. V. haec leguntur affirmate; sed male. 226. Sic libri praestantissimi. V.: *Graciae florem, tunc sequatur Praesidia Achivae gentis*.

MEDEA. ACT. II.

215

Qui saxa cantu mulcet et silvas trahit;
Geminique munus Castor et Pollux meum,
Satique Boreâ; quique trans Pontum quoque
Summota Lynceus lumine immisso videt;
Omnesque Minyae: nam ducum taceo ducem,
Pro quo nihil debetur; hunc nulli imputo:
Vobis revexi ceteros, unum mihi.

230

235

Inesse nunc, et cuncta flagitiaingere!
Fatebor: obici crimen hoc solum potest,
Argo reversa. Virgini placeat pudor,
Paterque placeat: tota cum ducibus ruet
Pelasga tellus; hic tuus primum gener
Tauri ferocis ore flammanti occidet.

240

Fortuna causam, quâ volet, nostram premat;
Non poenitet servasse tot regum decus.
Quodcumque culpâ praemium ex omni tuli,
Hoc est penes te. Si placet: damna rogam;
Sed redde crimen. Sum nocens; fateor, Creon.

245

Talem sciebas esse, cum genua attigi,
Fidemque supplex praesidis dextrae peti.
Terra hâc miseris angulum et sedem rogo,
Latebrasque viles. Urbæ si pelli placet:
Detur remotus aliquis in regnis locus.

250

ca. Non esse me; qui sceptrâ violentus geram;
Nec qui superbo miserias calcem pede,
Testatus equidem videor haud clare parum
Generum exulem legendo, et adflictum, et gravi
Terrorè pavidum. Quippe te poenae expetit
Letoque Acastus, regna Thessalica obtinens.

255

Senio trementem debili atque aëvo gravem
Patrem peremtum queritur, et caesi senis
Distissa membra, cum dolo captae tue
Piae sorores impium auderent nefas,
Potest Iason, si tuam causam amoves,
Suam tueri: nullus innocuum truo
Contaminavit; absuit ferro manus,
Proculque vestro purus a coetu stetit.

260

265

Tu, tu, malorum machinatrix facinorum,
Femineâ cui nequitia ad audendum omnia,
Virile robur, nulla famae memoria est,

230. Ita Nicol. Heinsius. V.: *Geminumque*. Vett. edd.: *meum*,
Satique B. V.: *meum est*, S. B. 246. Sic Ascens. V.: *Creon*,
Graecissint Seneca: 248. Flor.: *dextra*. Frustra Ald. metro prospici-
ens: *Pettique supplex pr. dext. fidem*. 252. Ita Flor. V.: *violen-*
ter. 267. Gold. pravo humore: Cui fem. nequ.

- Egredere, purga regna; letales simul
 Tecum aufer herbas! libera cives metu! 270
 Aliâ sedens tellure sollicita deos!
 MED. Profugere cogis? Redde fugienti ratem,
 Vel redde comitem! Fugere cur solam jubes?
 Non sola veni. Bella si metuis pati:
 Utrumque regno pelle. Cur sontes duos 275
 Distinguis? Illi Pelia, non nobis jacet.
 Fugam, rapinas adice, desertum patrem,
 Lacerumque fratrem, quidquid etiamnum novus
 Docet maritus conjuges: non est meum.
 Toties nocens sum facta, sed nunquam mihi. 280
 CR. Jam exisse decuit. Quid seris fando moras?
 MED. Supplex recedens illud extremum precor,
 Ne culpa natos matris insontes trahat.
 CR. Vade: hos paterno, ut genitor, excipiam sinu.
 MED. Per ego auspicatos regii thalami toros, 285
 Per spes futuras, perque regnorum status,
 Fortuna variâ dubia quos agitat vice,
 Precor: brevem largire fugienti moram,
 Dum extrema natis mater infigo oscula,
 Fortasse moriens. CR. Fraudibus tempus petis. 290
 MED. Quae fraus timeri tempore exiguo potest?
 CR. Nullum ad nocendum tempus angustum est malis.
 MED. Parvumne miserae temperis lacrimis negas?
 CR. Etsi repugnat precibus infixus timor,
 Unus parando dabitur exilio dies. 295
 MED. Nimis est; recidas aliquid ex isto licet.
 Et ipsa propero. CR. Capite supplicium lues,
 Clarus priusquam Phoebus attollat diem,
 Nisi cedis Isthmo. Sacra me thalami vocant,
 Vocat precari festus Hymenaeo dies. 300

C H O R U S.

Chorus in audaciam navigantium invecus primos nautas dignum
 audaciâ suâ retulisse praemium canit, Medeam.

- AUDAX nimium, qui freta primus a. d. et m.
 Rate tam fragili perfida rupit;
 Terrasque suas post terga videns,
 Animam levibus credidit auris;
 Dubioque secans aequora cursu, 305
 Potuit tenui fidere ligno,

277. Sic vet. edd. V.: rapinasque. 278. novus maritus, Iason.
 conjuges, Medeam. V.: novas. 293. Soloace legitur. Farumne.

Inter vitae mortisque vias
 Nimum gracili limite ducto.
 Nondum quisquam sidera norat;
 Stellisque; quibus pingitur aether, 310
 Non erat usus; nondum pluviae
 Hyadas poterant vitare rates,
 Non Oleniae lumina caprae,
 Non quae sequitur flectitque senex
 Attica tardus plaustra Bootes; 315
 Nondum Boreas, nondum Zephyrus
 Nomen habebant. Ausus Tiphys
 Pandere vasto carbasa ponto
 Legesque novas scribere ventis
 Nunc lina sinu tendere toto, 320
 Nunc prolato pede transversos
 Captare Notos, nunc antennas
 Medio tutas ponere malo;
 Nunc in summo religare loco,
 Cum jam totos avidus nimium 325
 Navita flatus optat, et alto
 Rubicunda tremunt suppara vela
 Candida nostri secula patres
 Videre, procul fraude remotâ.
 Sua quisque piger littora tangens, 330
 Patrioque senex factus in arvo,
 Parvo dives, nisi quas tulerat
 Natale solum, non norat opes.
 Bene dissepti foedera mundi
 Traxit in unum Thessala pinus, 335
 Jussitque pati verbera pontum;
 Partemque metûs fieri nostri.
 Mare sepositum.
 Dedit illa graves improba poenas,
 Per tam longos ducta timores: 340
 Cum duo montes, claustra profundî,
 Hinc atque illinc subito impulsî
 Velut aetherio gemerent sonitu;
 Spargeret astra
 Nubesque ipsas mare deprensum, 345
 Palluit audax Tiphys, et omnes
 Labente manu misit habenas;

308. Fort.: *ductus*. 313. Sic Flor. V.: *sidera*, nt 309. 314.
flectitque, Plerique MSS., in his Flor.: *deflectitque*. 330. *piger*, pi-
 gre, raro. 343. Fort.: *Alpesque ipsas*, *ipsas insulas Cyaneas*,
 quas scopulos vocat 611. Cf. Herc. 1214. seqq.

Orpheus tacuit torpente lyra;
 Ipsaque vocem perdidit Argo.
 Quid, cum Siculi virgo Pelori,
 Rabidos utero succincta canes,
 Omnes pariter solvit hiatus?
 Quis non totos horruit artus,
 Toties uno latrante malo?
 Quid, cum Ausonium dirae pestes
 Voce canora mare mulcerent?
 Cum Pieria resonans cithara
 Thracius Orpheus
 Solitam cantu retinere rates
 Paene coëgit Sirena sequi
 Quod fuit hujus pretium cursus?
 Aurea pellis,
 Majusque mari Medea malum,
 Merces primâ digna carina.
 Nunc jam cessit pontus, et omnes
 Patitur leges. Non Palladia
 Compacta manu regum referens
 Inclita remos quaeritur Argo;
 Quaelibet altum cymba pererrat,
 Terminus omnis motus, et arbes
 Muros terrâ posuere noxâ.
 Nil, quâ fuerat sede, reliquit
 Pervius orbis.
 Indus gelidum potat Araxen;
 Albin Persae Rhenumque bibunt.
 Venient annis secula seris.
 Quibus Oceanus vincula rerum
 Laxet, et ingens pateat tellus,
 Tethysque novas detegat orbes,
 Nec sit terris ultima Thule.

350

355

360

365

370

375

380

ACTUS TERTIUS.

NUTRIX, MEDEA.

In vindictam praeceps fertur Medea, nutrice incussum eam dehortante.

NUTR. ALUMNA, celerem quo rapis tectis pedem? i. s.
 Resiste et iras comprime, ac retine impetum!
 Incerta qualis antheos cursus tulit,

Cum jam recepto Maenas insanit deo,
 Pindi nivalis vertice, aut Nysae jugis: 385
 Talis recursat huc et huc motu effero,
 Furoris ore signa lymphati gerens.
 Flammata facies spiritum ex alto citat;
 Proclamat; oculos uberi fletu rigat;
 Renidet. Omnis specimen adfectus capit: 390
 Haeret, minatur, aestuat, queritur, gemit.
 Quo pondus animi verget? ubi ponet minas?
 Ubi se iste fluctus franget? Exundat furor.
 Non facile secum versat aut medium scelus.
 Se vincet: irae novimus veteres notas. 395
 Magnum aliquid instat, efferum, immane, imphum:
 Vultum furoris cerno. Di fallant metum!
 m.p. Si quaeris, odio, misera, quem statuas modum:
 Imitare amorem. Regias egon? ut faces
 Inulta patiar? segnis hic ibit dies. 400
 Tanto petitus ambitur, tanto datus?
 Dum terra coelum media libratum feret,
 Nitidusque certas mundus evolvit vices,
 Numerusque arenis deerit, et solem dies;
 Noctem sequentur astra; dum siccas polus 405
 Versabit Arctos, flumina in pontum cadent;
 Nunquam meus cessabit in poenas furor,
 Crescetque semper. Quae ferarum immanitas,
 Quae Scylla, quae Charybdis, Ausonium mare
 Siculumque sorbens, quaeve anhelanter premens 410
 Titana tantis Aetna fervet minis?
 Non rapidus amnis, non procellosum mare,
 Pontasque Coro saevus, aut vis ignium
 Adjuta flatu, possit inhibere impetum
 Irasque nostras: sternam et evertam omnia! 415
 Timuit Creontem ac bella Thessalici ducis?
 Amor timere neminem verus potest.
 Sed cesserit coactus, et dederit manus:
 Adire certe, conjugem extremo adloqui
 Sermone potuit. Hoc quoque extimuit ferox. 420
 Laxare certe tempus immitis fugae
 Genero licebat. Libera unus dies
 Datus est duobus, — Non queror tempus breve;
 Multum patebit. Faciet hic, faciet, dies,

410. Sic Flor. V.; quaeque. 411. Sic Flor. A Lipsia est, quod
 nunc legitur, fervescit. 419. V.: et conjugem. Non habet copu-
 lam Fern. 423. Sic item Flor. et 433. mala. V.: Datus et ma-
 lam, quorum hoc displicuit etiam Grohvio.

Quod nullus unquam taceat! Invadam deos, 425
 Et cuncta quatiā! nūtr. Recipe turbatum malis.
 Hera, pectus! animum mitiga! mnd. Sola est quies,
 Mecum ruinā cuncta si video obruta.
 Mecum omnia abeant! trahere, cum pereas, libet.
 nūtr. Quam multa sint timenda, si perstas, vide. 430
 Nemo potentes adgredi tutus potest.

IASON, MEDEA.

Iasonem, gravatim Medeam deserentem, seque excusantem, aggre-
 ditur Medea opprobriis, precibus, simulatā conciliatione.

IAS. O DURA fata semper, et sortem asperam, i. s.
 Cum saevit, et cum parcit, ex aequo mala!
 Remedia quoties invenit nobis deus
 Periculis pejora! Si vellem fidem 435
 Praestare meritis conjugis: leto fuit
 Caput obferendum; si mori nolim? fide
 Misero carendum est. Non timor vicit virum,
 Sed trepida pietas: quippe sequeretur necem
 Proles parentum. O sancta, si coelum incolis, 440
 Justitia, numen invoco ac testor tuum,
 Gnati patrem vicere. Quin ipsam quoque,
 Etsi ferox est corde nec patiens iugi,
 Consulere natis malle quam thalamis reor.
 Constituit animus precibus iratam adgredi. 445
 Atque ecce! viso memet exiluit, furit.
 Eert odia prae se, totus in vultu est dolor.
 MED. Fugimus, Iason, fugimus. Hoc non est novum,
 Mutare sedes; causa fugiendi nova est:
 Pro te solebam fugere. Discedo, exeo. 450
 Penatibus profugere quam cogis tuis,
 Ad quos remittis? Phasin et Colchos petam
 Patriumque regnum; quaeque fraternus cruor
 Perfudit arva? Quas peti terras jubes?
 Quae maria monstras? Pontici fauces freti, 455
 Per quas revexi nobiles regum manus,
 Adulterum secuta per Symplegadas?
 Parvamne Iolcon, Thessala an Tempe petam?
 Quascunque aperui tibi vias, clusi mihi.
 Quo me remittis? Exuli exilium imperas, 460
 Nec das. Eat. Regius jussit gener:
 Nihil recuso. Dira suppliciaingere:
 Merui. Cruentis pellicem poenis premat

434. V.: toties. Hic quoque secuti sumus Florentinum.

Regalis ira, vinctulis oneret manus,
 Clusamque saxo noctis aeternae obruat: 465
 Minora meritis patiar. — Ingratum caput!
 Revolvat animus igneos tauri halitus,
 Interque saevos gentis indomitae metus
 Armifero in arvo flammeum Aeetae pecus,
 Hostisque subiti tela: cum jussu meo 470
 Terrigena miles mutua caede occidit.
 Adice expetita spolia Phrixæi arietis,
 Somnoque jussum lumina ignoto dare
 Insomne monstrum; traditum fratrem neci,
 Et scelere in uno non semel factum scelus; 475
 Jussasque natas, fraude deceptas meâ,
 Secare membra non revicturi senis.
 Aliena quaerens regna, deserui mea.
 Per spes tuorum liberum et certum larem,
 Per victa monstra, per manus, pro te quibus 480
 Nunquam peperci, perque praeteritos metus,
 Per coelum et undas, conjugi testes mei,
 Miserere! redde supplici felix vicem!
 Ex opibus illis, quas procul raptas Scythæ
 Usque a perustis Indiae populis agunt, 485
 Quas quia referta vix domus gazas capit,
 Ornamus auro nemora, nil exul tuli
 Nisi fratris artus; hos quoque impendi tibi.
 Tibi patria cessit, tibi pater, frater, pudor;
 Hâc dote nupsi. Redde fugienti sua. 490
 IAS. Perimere cum te vellet infestus Creon,
 Lacrimis meis evictus, exilium dedit.
 MED. Poenam putabam; munus, ut video, est fuga.
 IAS. Dum licet abire, profuge, teque hinc eripe:
 Gravis ira regum est semper. MED. Hoc suades mihi, 495
 Praestas Creusae: pellicem invisam amoves.
 IAS. Medea amores obicit? MED. Et caedem et dolos.
 IAS. Objicere crimen quod potes tandem mihi?
 MED. Quodcunque feci. IAS. Restat hoc unum insuper,
 Tuis ut etiam sceleribus fiam nocens. 500
 MED. Tua illa, tua sunt illa: cui prodest scelus,
 Is fecit. Omnes conjugem infamem arguant:
 Solus tuere, solus insontem voca.
 Tibi innocens sit, quisquis est pro te nocens.
 IAS. Ingrata vita est, cujus acceptae pudet. 505
 MED. Retinenda non est, cujus acceptae pudet.

476. Pessime Gron. Schroeder. et quidam recentiores: Jussasque.
 485. Ita Flor. V.; petunt.

- IAS. Quin potius irā concitum pectus doma!
Placare natis! MED. Abdico, abjuro, abnuo.
Meis Cræusa liberis fratres dabit?
- IAS. Regina natis exulum adflictis potens. 510
MED. Ne veniat unquam tam malus miseris dies,
Qui prole foedā misceat prolem inclitam,
Phoebi nepotes Sisyphi nepotibus.
- IAS. Quid, misera, meque teque in exitium trahis?
Abscede, quaeso! MED. Supplicem audivit Creon. 515
IAS. Quid facere possim, eloquere. MED. Pro me? Vel scelus.
- IAS. Hinc rex, et illinc. MED. Est et his major metus,
Medea. Nos collige! certemus sine;
Sit pretium Iason. IAS. Cedo defessus malis.
Et ipsa casus saepe jam expertos time. 520
MED. Fortuna semper omnis infra me stetit.
- IAS. Acastus instat, propior est hostis Creon.
MED. Utrumque profuge. Nolo ut in socerum manus
Armes; nec ut te caede cognata inquines,
Medea cogit: innocens mecum fuge. 525
- IAS. Et quis resistet; gemina si bella ingruant,
Creo atque Acastus arma si jungant tua?
MED. His adice Colchos, adice et Aetern ducem;
Scythas Pelaagis junge: demersos dabo.
- IAS. Alta extimesco sceptrā. MED. Ne cupias, vide. 530
IAS. Suspecta ne sint, longa colloquia amputa.
MED. Nunc summe toto Jupiter caelo tona!
Intende dextram! vindices flammās para,
Omnemque ruptis nubibus mundum quate!
Nec deligenti tela librentur manu 535
Vel me, vel istum: quisquis e nobis cadet,
Noceñs peribit; non potest in nos tuum
Errare fulmen. IAS. Sana meditari incipe,
Et placida fare. Si quid ex soceri domo
Potest fugam levare: solamen pete. 540
MED. Contemhere animus regias, ut scis, opes
Potest soletque; liberos tantum fugae

508. Sic Fabricianus, Delxii odd. et vet. odd. V.: *ajuro*, quae extinguitur *ἡσυχίαν*. 511. Ita Flor. V.: *Non veniat*, 518. Corrupta. Haud male Grön. legendum conjicit nos *confl.* inter nos *sine*. Par. latinorum unus et vet. quaedam edd.: *confugere*. An igitur hoc dederat Seneca: *Nos aufugere? Certemus sine*. *Exéx.* 521. Sic *Flor.* V.: *intra*, quod vix latinum. Cf. Herc. Oct. 45. 526. Flor.: *ingruant*, et 528. *adice et Aetern*, ubi vulgati libri: *adice Aetern*, cum *adice* in eadem orationis praecesserit. *Adice* utrobique etiam vet. odd. 535. *deligenti (Vel me, vel istum)* Ascens. Perperam legitur: *N. deligenti t. libr. manu. Vel me, vel istum: quisquis etc.*

MEDEA. ACT. III.

223

Habere comites liceat, in quorum sinu
Lacrimas profundam. Te novi gnati manent.
IAS. Parero precibus cupere me, fateor, tuis; 545
Pietas vetat: namque istud ut possim pati,
Non ipse memet cogat at rex et socer.
Haec causa vitae est, hoc perusti pectoris
Curis levamen; spiritu citius queam
Carere, membris, luce. MED. Sic natos amat? 550
Bene est: tenetur; vulneri patuit locus. —
Suprema certe liceat abeuntem loqui
Mandata; liceat ultimum amplexum dare:
Gratum est et illud. Voce jam extremâ peto,
Ne, si qua noster dubius effudit dolor, 555
Maneant in animo verba. Melioris tibi
Memoria nostri sedeat; haec irae data
Oblitterentur. IAS. Omnia ex animo expuli;
Precorque, et ipsa fervidam ut mentem regas,
Placideque tractes: miserias lenit quies, 560
MED. Discessit. Itan' est? vadis oblitus mei
Et tot meorum facinorum? excidimus tibi?
Nunquam excidemus. Hoc age! omnes advoca
Vireae et artes! Fructus est scelerum tibi,
Nullum scelus putare. Vix fraudi est locus: 565
Timemur. Hâc adgredere, quâ nemo potest
Quidquam timere! Perge! nunc aude, incipe,
Quidquid potest, Medea, quidquid non potest!
Tu, fida nutrix, socia moeroris mei
Variique casus, misera consilia adjuva! 570
Est palla nobis, munus aetheriae domus,
Decusque regni, pignus Aeetae datum
A Sole generis; est et aurô textili
Monile fulgens; quodque gemmarum nitor
Distinguit aurum, quo solent cingi comae,
Haec nostra nati dona nubenti ferant, 575
Sed ante diris inlita ac tincta artibus.
Vocetur Hecate. Sacra luctifica adpara:
Statuantur arae, flamma jam tectis sonet.

CHORUS.

*Canit Chorus, Rejectae uxori quot amara dolores polluto, notum
que furis quid femina posses, et cum ceteri Argonautae po-
nas dederint violati maris, Iasoni bene precatur.*

NULLA vis flammae tumidique venti sapph. et ad. 580

557. Sic Flor. V.: subeat, quod *σολαινοφάνης*. 568. Sic patiores
libri. Male tralaticii potes utroque loco.

Tanta, nec teli metuenda torti,
Quanta, cum conjux viduata taedis
Ardet et odit;

Non, ubi hibernos nebulosus imbres
Auster advexit; properatque torrens
Ister, et junctos vetat esse pontes,
Ac vagus errat;

686

Non, ubi impellit Rhodanus profundum;
Aut ubi in rivos nivibus solutis
Sole jam forti medioque vere
Tabuit Haemus.

599

Coevus est ignis stimulatus ira,
Nec regi curat, patiturve frenos:
Haud timet mortem: cupit ire in ipsos
Obvius enses.

595

Parcite, o divi! veniam precamur,
Vivat ut tutus, mare qui subegit.
Sed furit vinci dominus profundi
Regna secunda.

Ausus aeternos agitare currus
Immemor metae juvenis paternae,
Quos polo sparsit, furiosus ignes
Ipse recepit.

600

Constitit nulli via nota magno.
Vade, quâ tutum populo priori;
Rumpe nec sacro, violente, sancta
Foedera mundi!

605

Quisquis audacis tetigit carinae
Nobiles remos, nemorisque sacri
Pelion densâ spoliavit umbra;
Quisquis intravit scopulos vagantes,
Et tot emensus pelagi labores,
Barbarâ funem religavit ora,
Raptor externi rediturus auri:
Exitu diro temerata ponti
Jura piavit.

610

615

Exigit poenas mare provocatum.
Tiphs in primis demittor profundi
Liquit inducto regimen magistro:
Littore extremo procul a paternis
Occidens regnis, tumultoque vili

620

Tectus, ignotas jacet inter umbras.
Aulis amissi memor inde regis
Portubus lentis retinet carinas,
Stare querentes.

625

Ille vocali genitus Camoenâ,
Cujus ad chordas modulante plectro
Restitit torrens, siluere venti;
Cui suo cantu volucris relicto
Adfuit totâ comitante silvâ,
Thracios sparsus jacuit per agros;
At caput tristi fluitavit Hebro:
Contigit notam Styga Tartarumque,
Non rediturus.

630

Stravit Alcides Aquilone natos;
Patre Neptuno genitum necavit,
Sumere innumeras solitum figuras:
Ipse post terrae pelagique pacem,
Post feri Ditis patefacta regna,
Vivus ardenti recubans in Oeta,
Praebuit saevis sua membra flammis,
Tabè consumtus gemini cruoris,
Munere nuptae.

635

sapph. dact.
sapph. et ad.

640

Stravit Ancaëum, violentus ictu
Setiger. Fratres, Meleagre, matris
Impius mactas: morerisque dextrâ
Matris iratae. Meruere cuncti;
Morte quod crimen tener expiavit
Herculi magno puer inreperitus,
Raptus heu! tutas puer inter undas?
Ite nunc, fortes, perarate pontum,
Fonte timendo.

645

650

Idmonen, quamvis bene fata nosset,
Condidit; sepi Libycis arenis,
Omnibus verax, sibi falsus uni,
Concidit Mopsus, caruitque Thebis.
Ille si vere cecinit futura:
Exul errabit Thetidis maritus;
Igne fallaci nociturus Argis
Nauplios praeceps cadet in profundum;
Patrioque pendet crimine poenas

655

660

as. i. h. et ad.

650. V.: R. est t. p. l. u. Expressimus Florentinum. 651. Mo-
gunt.: peragrate. 653. Idmonen Fern. 654. Sic item Flor. V.: Cond.
serpens. 661. Fort.: Crimine et poenas patrio rependet Fulmine etc.,
ut hic quoque sit versus Sapphicus: Aeoena: Crimini pendens patrio
pependis. Crimine, ob crimen.

Fulmine et ponto moriens Otileus. saphh. et ad.
 Conjugis fatum redimens Pheraei,
 Uxor, impendes animam marito!
 Ipse, qui praedam spoliūque jussit 665
 Aureum primā revehi carinā,
 Ustus accenso Pelias ahenō
 Arsit angustas vagus inter undas.
 Jam satis, divi, mare vindicastis:
 Parcite jusso! 670

ACTUS QUARTUS.

NUTRIX.

Quid agat Medea, quid paret, narrat Nutrix.

PAVET animus, horret; magna perniciēs adest. i. 9.
 Immane quantum augescit et semet dolor
 Accendit ipse, vimque praeteritam integrat.
 Vidi furentem saepe, et adgressam deos
 Coelum trahentem; majus his, majus, parat 675
 Medea monstrum. Namque ut attonito gradu
 Evasit, et penetrāle funestum attigit:
 Totas opes effudit, et quidquid diu
 Etiam ipsa timuit, promit; atque omnem explicat
 Turbam malorum: arcana, secreta, abdita; 680
 Et, triste laevā compretans sacrum manu,
 Pestes vocat, quascunque ferventis creat
 Arena Libyae, quasque perpetuā nive
 Taurus coercet frigore Arctoo rigens,
 Et omne monstrum. Tracta magicis cantibus 685
 Squamifera latebris turba desertis adest.
 Hic saeva serpens corpus immensum trahit,
 Trifidamque linguam exertat, et, quaerens quibus
 Mortifera veniat, carmine audito stupet,
 Tumidumque nodis corpus adgestis plicat, 690
 Cogitque in orbem. „Parva sunt,“ inquit, „mala,
 Et vile telum est, ima quod tellus treat:
 Coelo petam venena. Jamjam tempus est
 Aliquid movere fraude vulgari altius.

687. Ita Flor. V.: *sera*, u et r litteris permixtis, ut alibi. Cf. Trösch. 150. 693. V.: *Jam nunc tempus est*. Flor. t. *Jam temp.* vsq., omisso *vimili*, ut vidit Gron.

MEDEA. ACT. IV.

227

Huc ille vasti more torrentis jacens
 Descendat anguis, cujus immensos duae,
 Major minorque, sentiunt nodos ferae,
 Major Pelasgis, apta Sidoniis minor!
 Pressasque tandem solvat Ophiuchus manus,
 Virusque fundat! Adsit ad cantus meos
 Laessere ausus gemina Python numina!
 Et hydra, et omnis redeat Herculeâ manu
 Succisa serpens, caede se reparans suâ!
 Tu quoque relictis pervigil Colchis ades,
 Sopite primum cantibus, serpens, meis!
 Postquam evocavit omne serpentum genus:
 Congerit in unum frugis infaustae mala:
 Quaecunque generat invius saxis Eryx;
 Quae fert opertis hieme perpetuâ jugis
 Sparsus cruore Caucasus Promethei,
 Et quis sagittas divites Arabes linunt,
 Pharetrâque pugnae Medus, aut Parthi leves;
 Aut quos sub axe frigido succos legunt
 Lucis Suevi nobiles Hercyniis.
 Quodcunque tellus vere nidifico treat;
 Aut, rigida cum jam bruma decussit decus
 Nemorum, et nivali cuncta constrinxit gelu;
 Quodcunque gramen flore mortifero viret,
 Dirusve tortis succus in radicibus
 Causas nocendi gignit: atrectat manu.
 Haemonius illas contulit pestes Athos;
 Has Pindus ingens; illa Pangaei jugis
 Teneram cruentâ falce deposuit comam;
 Has aluit altum gurgitem Tigris premens;
 Danubius illas; has per arentes plagas
 Tepidis Hydaspes gemmifer currens aquis,
 Nomenque terris qui dedit Baetis suis,
 Hesperia pulsans maria languenti vado.
 Haec passa ferrum est, dum parat Phoebus diem;
 Illius altâ nocte succisus frutex;
 At hujus ungui secta cantato seges.
 Mortifera carpit gramina, ac serpentium
 Saniem exprimit miscetque, et obstoenas aves,
 Moestique cor bubonis, et raucae strigis
 Exsecta vivae viscera. Haec scelerum artifex
 Discreta ponit: his rapax vis ignium,
 His gelida pigri frigoris glacies inest.

695

700

705

710

715

720

725

730

735

712, Sic Flor. V.: *Parthus levis*. 714. Suevi cum Charnacis et
 Ubiis in silva Hercynia. Vid. Tacit. A. 2, 44.

Addit venenis verba, non istis minus
Metuenda. Sonuit ecce! vesano gradu,
Canitque. Mundus vocibus primis tremit.

740

M E D E A.

Invocatis manibus et rite conceptis incantationibus, Medea beneficiis illitam pallam cum monili, aureoque crinali, dono mittit ad Crēusam per filios suos.

COMPRECOR vulgus silentum, vosque ferales deos, t. t. c.
Et Chaos coecum, atque opacam Ditis umbrosi domum,
Tartari ripis ligatos squalidae Mortis specus!
Supplicis animae remissis currite ad thalamos novos!
Rota resistat membra torquens; tangat Ixion humum. 745
Tantalus securus undas hauriat Pirenidæ.
Vos quoque, urnis quas foratis inritus ludit labor,
Danaïdes, coëte: vestras hic dies quaerit manus:
Gravior uni poena sedeat conjugis socero mei.
Lubricus per saxa retro Sisypthum volvat lapis. 750
Nunc meis vocata sacris noctūm sidus veni,
Pessimos induta vultus, fronte non unā minax!

Tibi more gentis vinculo solvens comam, i. a.
Secreta nudo nemora lustravi pede,
Et evocavi nubibus siccis aquas, 755
Egique ad imum maria, et Oceanus graves
Interior undas aestibus victis dedit;
Pariterque mundus lege confusā aetheris
Et solem et astra vidit; et vetitum mare
Tetigistis, Ursae. Temporum flexi vices: 760
Aestiva tellus floruit cantu meo,
Messem coacta vidit hibernam Ceres.
Violenta Phasis vertit in fontem vada;
Et Ister, in tot ora divisus, truces
Compressit undas, omnibus ripis piger. 765
Sonuere fluctus, tumuit insanum mare,
Tacente verito. Nemoris antiqui domus

747—750. Vulgo hoc ordine leguntur: *Gravior* — *Lubricus* — *Vos quoque* — *Danaïdes* —. Adesse sibi Medea vult Ixionem Tantalum et Danaïdes ad digne Creontem puniendum; abesse cupit Sisypthum, qui genere hunc attingebat. In verbo *sedeat* 749. ut intelligendum, sicut 889. et passim. Legitur autem in vulgatis libris: *Gravior poena sedeat* etc., sed in Florentino *Graviorum*, et in uno Palatinorum huic simile *Graviorum*. Scriptum *Graviorum*, *Graviororum*, *Graviorum*. horum (poenā), Ixionis et Tantalī. Eo modo et sententia illustratur, et versus defectu pedis laborans sarcitur. 751. post sequentem habetur in Fern. et Gajet.

Amisit umbram vocis imperio meae.
 Die relicto Phoebus in medio stetit;
 Hyadesque nostris cantibus motae labant. 770
 Adesse sacris tempus est, Phoebe, tuis!
 Tibi haec cruenta sarta texuntur manu, i. s. et i. d.
 Novena quae serpens ligat:
 Tibi haec, Typhoëus membra quae discors talit,
 Qui regna concussit Jovia. 775
 Vectoris istic perfidi sanguis inest,
 Quem Nessus expirans dedit.
 Oetaeus isto cinere defecit rogas,
 Qui virus Herculeum bibit.
 Piaae sororis, impiae matris, facem. 780
 Ultricies Althaeae vides.
 Reliquit istas invio plumas specu
 Harpyia, dum Zeten fugit.
 His adice pennas sauciae Stymphalidos,
 Lernaee passae spicula. 785
 Sonuistis, arae! Tripodas agnosco meos,
 Favente commotos dea!
 Videō Triviae currus agiles, a. d. et m.
 Non quos pleno lucida vultu
 Pernox agitat; 790
 Sed quos facie lurida moesta,
 Cum, Thessaliciis vexata minis,
 Coelum freno propiore legit.
 Sic face tristem pallida lucem
 Funde per auras! 795
 Horrore novo terre populos;
 Inque auxilium, Dictynna, tuum
 Pretiosa sonent aera Corinthi!
 Tibi sanguineo cespite sacrum
 Solemne damus! 800
 Tibi de medio rapta sepulcro
 Fax nocturnos sustulit ignes;
 Tibi mota caput
 Flexa voces cervice dedi;
 Tibi funereo de more jacens 805
 Passos cingit vitta capillos;
 Tibi jactatur
 Tristis Stygia ramus ab unda;

768. Flor.: *umbras*. 776. *sanguis* posteriore syllaba producta ante vocalem, ut etiam apud alios poetas: vide lexica. 786. Flor.: *Sen. d. d.*, unde Gron. fecit *Son.*, *al al*, quod nollem factum in latina tragoedia. Cf. 681, 799, Oedip. 548, 567 etc.

MEDEA. ACT. IV. V.

231

CHORUS.

Furorem Medae Chorus timet, malitiam ejus execratus.

QUONAM cruenta Maenas praeceps amore saevo as.: 2 an.
Rapitur? quod impotenti facinus parat furore?

Vultus citatus irâ riget, et caput feroci
Quatiens superba motu regi minatur ultro. 855

Quis credat exulem? an. c.
Flagrant genae rubentes; pallor fugat ruborem: as.: 2 an.

Nullum vagante formâ servat diu colorem.
Huc fert pedes et illuc, ut tigris orba natis

Cursu furente lustrat Gangeticum nemus. gall. 860

Frenare nescit iras Medea, non amores; as.: 2 an.

Nunc ira amorque causam junxere: quid sequetur?

Quando efferet Pelasgis nefanda Colchis arvis

Gressum, metuque solvet regnum, simulque reges?

Nunc, Phoebe, mitte currus nullo morante loro! 865

Nox condat alma lucem! mergat diem timendum

Dux noctis Hesperus! an. c.

ACTUS QUINTUS.

NUNCIUS, CHORUS, NUTRIX, MEDEA, IASON.

Narrat nuncius, Cræusam cum patre regiâque totâ conflagrasse
perniciosa Medae munere. Medea filios suos trucidat et au-
fugit.

NUNC. PERIRE cuncta! concidit regni status! i. s.

Gnata atque genitor cinere permixto jacent!

CHOR. Quâ fraude capti? NUNC. Quâ solent reges capi: 870

Donis. CHOR. In illis esse quis potuit dolus?

NUNC. Et ipse miror; vixquæjam facto malo

Potuisse fieri credo, CHOR. Quis cladis modus?

852. V.:

Quonam cruenta Maenas
Præceps amore saevo

et sic porro. Sed usurpandi potius in argumento gravi graves
illi versus asynarteti, quos etiam alibi reperimus. 856. Frustra
Ald. atque recentiores: exultantem et 860.: nemus. nunc, vel sic,
Frenare n. i. Medea, et 867. Hesperugo, cum nesciret, esse has
clausulas recte se habentes. 861. Conceinnior foret hæc scriptura:
Frenare non scit iras Medea, non amores. Non scis plus semel
Plautus. Cf. Laur. Vallæ Elegant. 6, 29. Similiter Agam. 150.
libri vulgares habent nequit pro non quis. 866. Fort.: tremendum.

nunc. Avidus per omnem regiae partim furit,
 Ut jussus, ignis: jam domus tota occidit; 875
 Urbi timetur. chaos. Unda flammās opprimat.
 nunc. Et hoc in istā clade mirandum accidit:
 Alit unda flammās; quōque prohibetur magis,
 Magis ardet ignis; ipsa praesidia occupat.
 nura. Effert citatum sede Pelopeā gradum, 880
 Medea! praecipis quaslibet terras pete!
 mep. Egon' ut recedam? Si profugissem prius:
 Ad hoc redirem. Nuptias specto novas!
 Quid, anime, cessas? Sequere felicem impetum!
 Pars ultionis ista, quā gaudes, quōta est? 885
 Amas adhuc, furiosa, si satis est tibi
 Coelebs Iason; quaere poenarum genus
 Haud usitatum, jamque sic temet para:
 Fas omne cedat, abeat expulsus pudor.
 Vindicta levis est, quam ferunt purae manus: 890
 Incumbe in iras, teque languentem excita,
 Penitusque veteres pectore ex imo impetus
 Violentus hauri! Quidquid admissum est adhuc,
 Pietas vocetur. Hoc age, et faxo sciant,
 Quam levia fuerint quamque vulgaris notae, 895
 Quae commodavi scelera. Prolusit dolor
 Per ista noster. Quid manus poterant rudes
 Audere magnum? quid puellaris furor?
 Medea nunc sum; crevit ingenium malis.
 Juvat, juvat rapuisse fratrum caput; 900
 Artus juvat secuisse, et arcano patrem
 Spoliasse sacro; juvat in exitium senis
 Armasse natus. Quaere materiam, dolor:
 Ad omne facinus non rudem dextram adferes.
 Que te igitur, ira, mittis, aut quae perfido 905
 Intendis hosti tela? Nescio quid ferox
 Decrevit animus intus, et nondum sibi
 Audet fateri. Stulta properavi nimis.
 Ex pellice utinam liberos hostis meus
 Aliquos haberet! — Quidquid ex illo tuum est, 910
 Crēsa peperit. Placuit hoc poenae genus,
 Meritoque placuit: ultimum agnosco scelus.
 Anime, patrandum est! Liberi quondam mei,
 Vos pro paternis sceleribus poenas date! —

875. *Ut jussus*, ut jussus est. Nihil mutandum. 880. Ita Ca-
 jet. V.: *Pelopeia*. Vid. not. ad Thyest. 22. 896. *Quae c. scel.*,
 „quae Iasoni, non mihi, feci.“ Cf. 276. 913. Ita Gron. V.: *pa-*
randum. Cf. 149.

•Cor pepulit horror, membra torpescunt gelu,
Pectusque tremuit. Ira discessit loco,
Materque totâ conjuge expulsâ redit.
Egon' ut meorum liberâ ac prolis meae
Fundam cruorem? Melius, ah, demens furor!
Incognitum istud facinus ac dirum nefas 920
A me quòque absit! Quod scelus miseri luent?
Scelus est Iason genitor, et majus scelus
Medea mater. — Occidant! non sunt mei. —
Pereant? Mei sunt; crimine et culpa carent. —
Sunt innocentes, fateor; et frater fuit. 925
Quid, anime, titubas? ora quid lacrimae rigant,
Variamquâ nunc huc ira, nunc illuc amor
Diducit, anceps aestus incertam rapit?
Ut saeva rapidi bella cum venti gerunt,
Utrinque fluctus maria discordes agunt, 930
Dubiumque pelagus fervet: haud aliter meum
Cor fluctuatur. Ira pietatem fugat,
Iramque pietas. Cede pietati, dolor!
Huc, cara proles, unicum adflictae domûs
Solamen, huc vos ferte, et infusus mihi 935
Conjungite artus! habeat incolumes pater,
Dum et mater habeat! — Urget exilium ac fuga.
Jamjam meo rapiuntur avulsi e sinu!
Flentes, gementes, oculis? — Pereant patri;
Periere matri. Rursus increscit dolor, 940
Et fervet odium. Repetit invitam manum
Antiqua Erinnyes. Ira, quâ ducis, sequor!
Utinam superbae turba Tantalidos meo
Exisset utero, bisque septenos parens
Gnatos tulissem! Sterilis in poenas fui. 945
Fratri patrique quod sat est, peperì duos.
Quonam ista tendit turba Furiarum impotens?
Quem quaerit, aut quo flammeos ictus parat?

918. Cajet.: *et prolis*. Delenda fortasse *cepula*. 939. *oculis* unus Palat., h. e. *ocules*, *occulere* vis potius quam *trucidare*? Cf. Troad. 979, et de verbo *occulere* Agam. 931, 980. Quod vero sic ipsa se compellat, vide Thyest. 412, 933 etc. Ceterum yett. fere libri: *oculis*; aliquot: *in oculis*; Ald.: *sed oculis*, quae sunt verum male fulgentium. V. legitur secundum Lipsianum librum et Ascensium: *Flentes, gementes. Oculis pereant patri;* *Per matris*. Makit Gron.: *F., gementes. O scelus! pereant patri:* *P. matri*, quorum verborum *patri* et *matri* legitur in Florentino, *matri* etiam in 5 Palat. et priscis quibusdam edd. 948. Quid? *flammeos*? Sequente versu dicitur de facibus. Fort.: *squameos*. Cf. 950.

Aut cui cruentas agmen infernum faces
 Intentat? Ingens anguis excusso sonat 950
 Tortus flagello. Quem trabe infestâ petit
 Megaera? cuius umbra dispersis venit
 Incerta membris? Frater est! poenas petit.
 Dabimus, sed omnes! Fige luminibus faces!
 Lania, perure, pectus! en, Furiis patet! — 955
 Discedere a me, frater, ultrices deas,
 Manesque ad imos ire securas jube:
 Mihi me relinque, et utere hâc, frater, manu,
 Quae strinxit ense. Victimâ manes tuos
 Placamus istâ. Quid repens adfert sonus? 960
 Parantur arma, meque in exitium petunt.
 Excelsa nostrae tecta conscendam domûs
 Caede inchoatâ. Perge tu mecum, comes!
 Tuum quoque ipsa corpus hinc mecum aveham.
 Nunc hoc age, anime! Non in occulto tibi est 965
 Perdenda virtus; adproba populo manum.
 IAS. Quicumque regum cladibus fidus doles,
 Concurre, ut ipsam sceleris auctorem horridi
 Capiamus! Huc, huc, fortis, armiferi cohors,
 Conferte tela! vertite ex imo domum! 970
 MEN. Jamjam recepi sceptrâ, germanum, patrem;
 Spoliumque Colchi pecudis auratae tenent!
 Rediere regna! rapta virginitas reddit!
 O placida tandem numina! o festum diem!
 O nuptialem! Vade: perfectum est scelus; 975
 Vindicta nondum. Perage, dum faciunt manus!
 Quid nunc moraris, anime? quid dubitas? Potes.
 Jam cecidit ira. Poenitet facti, pudet.
 Quid, misera, feci? Misera, poeniteat licet,
 Feci! — Voluptas magna me invitam subit, 980
 Et, ecce, crescit! Deerat hoc unum mihi,
 Spectator iste. Nihil adhuc factum reor:
 Quidquid sine isto fecimus sceleris, perit.
 IAS. En, ipsa tecti parte praecipiti imminet!
 Huc rapiat ignes aliquis, ut flammis cadat 985
 Suis perusta! MEN. Congere extremum tuis
 Gnatis, Iason, funus, ac tumultum strue:
 Conjux socerque justa jam functis habent,

954. *sed omnes*, et quidem *omnes*. Cf. Herc. Oct. 1485, Phae-
 dri Fab. 4, 17, 19 etc. V.: *Dabimus, sed omnes f. l. f.*: *Lania*,
 etc. 960. *Placamus*, quod fortius vulgato *Placemus*, Gruter. ar-
 cessivit e Palatinis et edd. veteribus. 968. MS. Eguian.: *aucri-*
cem. 982. Sic meliores codd. V.: *Sp. ipse*.

A me sepulti. Gnatus hic fatum tulit;

Hic te vidente dabitur excitio pari.

990

IAS. Per numen omne, perque communes fugas,

Torosque, quos non nostra violavit fides,

Jam parce nato! Si quod est crimen, meum est:

Me dedo morti; noxium macta caput!

MED. Hâc, quâ recusas, quâ doles; ferrum exigam! 995

I nunc, superbe, virginum thalamos pete!

Relinque matres! IAS. Unus est poenae satis.

MED. Si posset unâ caede satiari manus:

Nullam petisset. Ut duos perimam: tamen

Nimium est dolori numerus angustus meo.

1000

In matre si quod pignus etiamnum latet,

Scrutabor ense viscera, et ferro extraham.

IAS. Iam perage coeptum facinus (haud ultra precor),

Moramque saltem supplicis dona meis.

MED. Perfruere lento scelere; ne propera, dolor! 1005

Meus dies est: tempore accepto utimur.

IAS. Infesta, memet perime! MED. Misereri jubet.

Bene est: peractum est. Plura non habui, dolor,

Quae tibi litarem. Lumina huc tumida adleva,

Ingrate Iason! Conjugem agnoscis tuam?

1010

Sic fugere soleo: patuit in coelum via:

Squamosa gemini colla serpentes iuga

Submissa praebent. Recipe jam gnatos, parens;

Ego inter auras aliti curru vehar.

IAS. Per alta vades spatia sublime aetheris?

1015

Testare, nullos esse, quâ veheris, deos.

992. Fort.: *violabit*. 1004. *dona*, remitte; fac gratiam morae.
1015. V.: *P. a. vade sp. sublimi aeth.* Verum id jubere non decet
Iasonem, neque *Sublimus* est ex usu Senecae. 1016. *Testare*, te-
staris.



**L. ANNAEI SENECAE
A G A M E M N O N.**

DRAMATIS PERSONAE.

THYESTES.

GLYTAEMNESTRA.

NUTRIX.

AEGISTHUS.

CHORUS ARGIVARUM sive MYCENAEARUM.

ORESTES, muta persona.

AGAMEMNON.

CASSANDRA.

EURYBATES.

ELECTRA.

STROPHIUS.

CHORUS ILIADUM.

PYLADES, muta persona.

AGAMEMNON.

ARGUMENTUM.

Thyestis umbra, ulciscendi injurias (de quibus vide Thyestis argumentum) cupida, filiam Aegisthum in caedem Agamemnonis incitat. Ille itaque Agamemnonem victorem a Troja reducem in convivio impervia irretitum veste occidit, consilii caedisque particeps Clytaemnestra, quam absente marito Agamemnone corruerat. Cassandram deinde Agamemnoni amatam ab aris avulsam occidit. Electram, quod fratrem Orestem amandarat, carceri mancipari jubent.

ALIUD ARGUMENTUM

HIERONYMI BALBI.

Polluti dolor hospitii atque iniuria raptae
Tyndaridis bello geminos armarat Atridas,
Collectâque manu Danaum maria alta secabant.
Interea Aegisthi violento carpitur igni
Saeva Clytaemnestre, penitusque Agamemnona corde 5
Expulit, et thalamos violavit iniqua iugales.
At postquam, Phrygibus crudeli Marte subactis,
Atrides patrias victor remeavit in oras:
(O nulli sors fida diu!) qui mille carinas
Rexerat atque Asiam decimo deleverat anno, 10
Ante lares proprios exoptatosque penates
Coniugis incestae manibus concisus ab atro
Vulnere praecipitem fudit cum sanguine vitam.

ACTUS PRIMUS.

THYESTIS UMBRA.

Thyestis umbra ab Inferis adveniens Aegisthum ad vindictam sibi
ab oraculo promissam invitat.

OPACA linquens Ditis inferni loca, i. s.
Adsum profundo Tartari emissus specu,
Incertus, utras oderim sedes magis:
Fugio Thyestes Inferos, Superos fugo.
Inhorret animus et pavor membra excutit: 5
Video paternos, imo fraternos lares.
Hoc est vetustum Pelopiae limen domus.
Hinc auspicari regium capiti decus
Mos est Pelasgis; hinc sedent alti toro,
Quibus superba sceptrata gestantur manu. 10
Locus hic habendae curiae; hic epulis locus.
Libet reverti. Nonne vel tristes lacus
Adcolere satius? nonne custodem Stygis,
Tergemina nigris colla jactantem jubis,
Ubi ille celeri corpus evinctus rotae 15
In se refertur; ubi per adversum inritus
Redeunte toties luditur saxo labor;
Ubi tondet ales avida foecundum jecur;
Et inter undas fervidâ exustus siti
Aguas fugaces ore decepto adpetit, 20
Poenas daturus coelitem dapibus graves.
Sed ille nostrae pars quota est culpae senex?
Reputemus omnes, quos ob infandas manus
Quaesitor urnâ Gnossius versat reos:
Vincam Thyestes scelexibus cunctos meis; 25
A fratre vincar. Liberis plenus tribus
In me sepultis viscera exedi mea.
Neque hactenus Fortuna maculavit patrem;
Sed, majus aliud ausa commisso scelus
Gnatae nefandos petere concubitus jubet. 30

Vers. 6. ita Flor. V. : En, horret. 6. MS. Cruser. : V. p., vi-
deo f. l. 15. Ineptis libri: Incolere. 15. Flor. et unus Palat.: rota.

Non pavidus hausi dicta, sed cepi nefas.
 Ergo ut per omnes liberos irem parens,
 Coacta fati guata fert uterum gravem,
 Me patre dignum. Versa natura est retro:
 Avo parentem, proh nefas! patri virum, 35
 Gnatis nepotes miscui, nocti diem.
 Sed sera tandem respicit fessos malis
 Post fata demum sortis incertae fides:
 Rex ille regum, ductor Agamemnon ducum,
 Cujus secutae mille vexillum rates, 40
 Iliaca velis maria texerunt suis,
 Post decima Phoebi lustra devicto Ilio,
 Adest, daturus conjugi jugulum suae.
 Jamjam natabit sanguine alterno domus;
 Enses, secures, tela, divisum gravi 45
 Ictu bipennis regium video caput!
 Jam scelera prope sunt; jam dolus, caedes, cruor!
 Parantur epulae! Causa natalis tui,
 Aegisthe! venit! Quid pudor vultus gravat?
 Quid dextra dubio trepida consilio labat?, 50
 Quid ipse temet consulis, torques, rogas?
 An deceat hoc te? Respice ad matrem: decet.
 Sed cur repente noctis aestivae vices
 Hiberna longa spatia producunt morâ?
 Aut quid cadentes detinet stellas polo? 55
 Phoebum moramur. Reddo jam mundo diem.

CHORUS ARGIVARUM.

Chorus e mulieribus Argivis seu Mycenaeis excelsam fortunam
 queritur instabilem, anxiam, periculis obnoxiam; mediocrem
 itaque illi praefert.

O ænorum magnis fallax a. d. et m.
 Fortuna bonis, in praecipiti
 Dubioque locas excelsa nimis!
 Nunquam placidam sceptrâ quietem 60
 Certumve sui tenuere diem;
 Alia ex aliâ cura fatigat,
 Vexatque animos nova tempestas.
 Non sic Libycis Syrtibus aequor
 Furit alternos volvere fluctus; 65
 Non Euxini turgēt ab imis

58. *sortis incertae fides*, sortis (oraculi Delphici: vid. Hygin. fab. 87.) incerta fides, per hypallagen. Vid. Gron. 56. Ita Gron. V.: *Redde*, ambigue quidem, ut quo etiam Aegisthus compelli videri possit,

Commota vadis unda, nivali
 Vicina polo,
 Ubi, caeruleis immunis aquis,
 Lucida versat plaustra Bbotes,
 Ut praecipites regum casus
 Fortuna rotat.
 Metui cupiunt, metuique timent.
 Non nox illis alma recessus
 Praebet tutos; non curarum
 Somnus domitor pectora solvit.
 Quas non arces scelus alternum
 Dedit in praeceps? impia quas non
 Arma fatigant? Jura pudorque
 Et conjugii sacrata fides
 Fugiant aulas; sequitur tristis
 Sanguinolentâ Bellona manu,
 Quaeque superbos urit Erinnyes,
 Nimias semper comitata domos,
 Quas in planum quaelibet hora
 Tulit ex alto.
 Licet arma vacent, cessentque doli:
 Sidunt ipso pondere magna,
 Ceditque oneri Fortuna suo.
 Vela secundis inflata Notis
 Ventos nimium timuere suos;
 Nubibus ipsis inserta caput
 Turris pluvio vapulat Austro;
 Densasque nemus spargens umbras
 Annosa videt robora frangi;
 Feriunt celsos fulmina colles;
 Corpora morbis majora patent;
 Et cum in pastus armenta vagos
 Vilia currant, placet in vulnus
 Maxima cervix. Quidquid in altum
 Fortuna tulit, ruitura levat.
 Modicis rebus longius aevum est.
 Felix, mediae quisquis turbae
 Sorte quietus,
 Aurâ stringit littora tutâ,
 Timidusque mari credere cymbam
 Remo terras propiore legit!

70

75

80

85

90

95

100

105

ACTUS SECUNDUS.

CLYTAEMNESTRA, NUTRIX.

Sibi male conscia Clytaemnestra, atque adulterii poenas, redeunte jam marito, verita, *κακὰ κακῶς λίσσεται* statuit. Meditatur itaque Agamemnoni exitium; dissuadet nutrix.

CLYT. Quid segnis, anime, tuta consilia expetis? i. s.
 Quid fluctuaris? Clusa jam melior via est.
 Licuit pudicos conjugis quondam toros 110
 Et sceptrā castā vidua tutari fide;
 Periere mores, jus, decus, pietas, fides,
 Et, qui redire, cum perit, nescit, pudor:
 Da frena, et omnem prona nequitiam incita:
 Per scelera semper scelēribus tutum est iter. 115
 Tecum ipsa nunc evolve foemineos dolos,
 Quod ulla conjux perfida atque impos sui
 Amore coeco, quod novercales manus
 Ausae; quod ardens impiā virgo face,
 Phasiaca fugiens regna Thessalicā trabe: 120
 Ferrum, venena! vel Mycenseas domos,
 Conjuncta socio, profuge furtivā rate!
 Quid timida loqueris facta et exilium et fugas?
 Soror ista fecit; te decet majus nefas.
 NUTR. Regina Danaūm et inclitum Ledaē genus, 125
 Quid tacita versas, quidve, consilii impotens,
 Tumido feroces impetus animo geris?
 Licet ipsa sileas, totus in vultu est dolor.
 Proin quidquid est, da tempus ac spatium tibi.
 Quod ratio non quit, saepe sanavit mora. 130
 CLYT. Majora cruciant, quam ut moras possim pati.
 Flammæ medullas et cor exurunt meum;
 Mixtus dolori subdidit stimulos timor,
 Invidia pulsat pectus. Hinc animum jugo
 Premit Cupido turpis, et vinci vetat; 135
 Et inter istas mentis obsessae faces,
 Fessus quidem et dejectus et pessumdatus,
 Pudor rebellat. Fluctibus variis agor,
 Ut, cum hinc profundum ventus, hinc aestus rapit,
 Incerta dubitat unda, cui cedat malo. 140

115. V.: *peris*. Ascens.: *perit*. Cf. Herc. fur. 49. 130. Sic Flor. *Aeternus est, quod in aliis habetur, nequis*. Ascens.: *nequit*.
 137. Flor.: *devinctus*. Alii: *devictus*.

Proinde omisi regimen e manibus meis:
 Quocunque me ira, quo dolor, quo spes feret,
 Huc ire pergam; fluctibus dedimus ratem.
 Ubi animus errat, optimum est casum sequi.
 NUTR. Coeca est temeritas, quae petit casum ducem. 145
 CLYT. Cui ultima est fortuna, quis dubiam timet?
 NUTR. Tuta est latetque culpa, si pateris, tua.
 CLYT. Perlucet omne regiae vitium domus.
 NUTR. Piget prioris, et novum crimen struis?
 CLYT. Res est profecto stulta nequitiae modus. 150
 NUTR. Quod metuit, auget, qui scelus scelere obruit.
 CLYT. Et ferrum et ignis saepe medicinae loco est.
 NUTR. Extrema primo nemo tentavit loco.
 CLYT. Rapienda rebus in malis praeceps via est.
 NUTR. At te reflectat conjugis nomen sacrum. 155
 CLYT. Decem per annos vidua respiciam virum?
 NUTR. Meminisse debes sobolis ex illo tuae.
 CLYT. Equidem et jugales filiae memini faces,
 Et generum Achillem. Praestitit matri fidem!
 NUTR. Redemit illa classis immotae moras, 160
 Et maria pigro fixa languore impulit.
 CLYT. Piget doletque! Tyndaris, coeli genus,
 Lustrale classi Doricae peperit caput!
 Revolvit animus virginis thalamos meae,
 Quos ille dignos Pelopiâ fecit domo, 165
 Cum stetit ad aras ore sacrificio pater
 Quam nuptiales! Horruit Calchas suae
 Responsa vocis et recedentes focos.
 O scelera semper sceleribus vincens domus!
 Cruore ventos emimus, bellum nece. 170
 NUTR. Sed vela pariter mille fecerunt rates.
 CLYT. Non est soluta prospero classis deo:
 Ejecit Aulis impias portu rates.
 Sic auspicatus bella non melius gerit.
 Amore captae captus, immotus prece, 175
 Sminthêa tenuit spolia Phoebæi senis,
 Ardore sacrae virginis jam tum furens.
 Non illum Achilles flexit indomitus minis;
 Non ille, solus fata qui mundi videt,
 In nos fidelis augur, in captas levis; 180
 Non populus aeger, et relucentes rogi:

146. Perperam libri: *quid dub. tim.?* 155. Ita membranae Burdegalenses, merito probante Delrione. Vulgo obtinet glossa-
 ma conjugii. 162. Sic Flor. V.: *Pudet pigetque.* 168. *recedentes*
focos. Cf. Thyest. 769, Herc. Oet. 1729 seqq.

Inter ruentis Graeciae stragem ultimam
 Sine hoste victus marcet ac Veneri vacat,
 Reparatque amores; neve desertus foret
 A pellice unquam barbarâ coelebs torus, 185
 Ablatam Achilli diligit Lyrnessida,
 Nec rapere puduit e sinu avulsam viri.
 En Paridis hostem! Nunc, novum vulnus gerens,
 Amore Phrygiae vatis incensus furit;
 Et post tropaea Troia ac versum Ilium 190
 Captae maritus remeat et Priami gener.
 Adcingere, anime; bella non levia adparas.
 Scelus occupandum est! Pigra, quem expectas diem?
 Pelopia Phrygiae sceptrâ dum teneant nurus?
 An te morantur virgines viduae domi, 195
 Patrique Orestes similis? Horum te mala
 Ventura moveant, turbo quis rerum imminet.
 Quid, misera, cessas? En, adest gnatis tuis
 Furens noverca! per tuum, si aliter nequit,
 Latus exigatur ensis, et perimat duos! 200
 Misce cruorem! perde pereundo virum!
 Mors misera non est commori cum quo velia.
 nura. Regina, frena temet et siste impetum,
 Et, quanta tentes, cogita! Victor venit
 Asiae ferocis, ultor Europae; trahit 205
 Captiva Pergama et diu victos Phrygas.
 Hunc fraude nunc conaris et furto adgredi,
 Quem non Achilles ense violavit fero,
 Quamvis procacem torvus armasset manum;
 Non melior Ajax, morte decretâ furens; 210
 Non sola Danaïs Hector et bello mora;
 Non tela Paridis certa; non Memnon niger;
 Non Xanthus armis corpora immixtis gerens,
 Fluctusque Simois caede purpureos agens;
 Non nivea proles Cycnus aequorei dei; 215
 Non bellicoso Thressa cum Rheseo phalanx;
 Non picta pharetras et securigerâ manu
 Peltata Amazon? hunc domi reducem paras
 Mactare, et aras caede maculare impiâ?
 Ultrix inultum Graecia hoc facinus feret? 220
 Equos et arma classibusque horrens fretum
 Propone, et alto sanguine exundans solum,
 Et tota captae fata Dardaniae domus

190. Libri sono insuaviore; *Troica ac.* 205. Vett. edd.: *impet-*
us, ut 127. 207. *Friget nunc.* Malim; *H. f. tu con.* etc., tu,
 quam id minime decet. 220. Flor.: *Victris*, quod placet Gronovio.

AGAMEMNON. ACT. II.

247

Regesta Danaï! Comprime adfectus truces,
Mentemque tibimet ipsa pacifica tuam!

225

ÆGISTHUS, CLYTAEMNESTRA, NUTRIX.

Clytaemnestram nutricis consiliis cedere paratam, jamque dubiam,
supervenienti Ægisthus avertit rursus atque in præceps trahit.

ÆGISTH. Quod tempus animo semper ac mente horruj, i. s.

Adest profecto rebus extremum meis.

Quid terga vertis, anime? quid primo impetu

Deponis armâ? Crede, perniciem tibi

Et dira sævos fata moliri deos!

230

Oppone cunctis vile supplicii caput,
Ferrumque et ignes pectore adverso excipe!

CLYT. Ægisthe, non est poenâ sic nato mori.

ÆGISTH. Tu nos, pericli socia, tu, Leda sata,

Comitare tantum: sanguinem reddet tibi

235

Ignavus iste ductor ac fortis pater.

Sed quid trementes circuit pallor genas,

Jacensque vultus languido obtutu stupet?

CLYT. Amor jugalis vincit ac flectit retro.

Referamur illuc, unde non decuit prius

240

Abire! Vel nunc casta repetatur fides:

Nam vera nunquam est ad bonos mores via.

Quem poenitet peccasse, paene est innocens.

ÆGISTH. Quo râperis amens? credis aut speras tibi

Agamemnonis fidele conjugium? Ut nihil

245

Subesset animo, quod graves faceret metus:

Tamen superba et impotens flatu nimis

Fortuna magno spiritus tumidos daret.

Gravis ille sociis stante adhuc Troja fuit:

Quid rere ad animum suapte naturâ truce

250

Trojam addidisse? Rex Mycenarum fuit;

Veniet tyrannus: prospera animos efferunt.

Effusa circa pellicum quâto venit

Turba adparatu! solâ sed turbâ eminet,

Tenetque regem famula veridici dei.

253

Feresne thalami victa consortem tui?

At illa nolet. Ultimum est nuptae malum

Palam maritâ possident pellex domum.

224. Eguian.: Opprime. 250. Fort.: Quid reris ad suapte n. t.,
excluso vocabulo *animum*, tanquam glossemate. Cf. Herc. Oet.
229. sequ. 390, Octav. 124. *Suapte διαουλαβω* abhorret ab hoc
scriptore. 258. Sic Flor. V.: *mariti*. Cf. 1002, Heyn. et Wunder-
lich. ad Virg. Ecl. 8, 18.

Nec regna socium ferre nec taedae sciunt.
 CLYT. Aegisthe, quid me rursus in praeceps agis, 260
 Iramque flammis jam residentem incitas?
 Permisit aliquid victor in captas sibi?
 Non conjugem hoc respicere, non dominam decet.
 Lex alia solio est, alia privato in toro.
 Quid, quod severas ferre me leges viro 265
 Non patitur animus, turpis admissi memor?
 Det ille veniam facile, cui venia est opus.
 AEGISTH. Ita est? pacisci mutuam veniam licet?
 Ignota tibi sunt jura regnorum haud nova.
 Nobis maligni iudices, aequi sibi, 270
 Id esse regni maximum pignus putant,
 Si quidquid aliis non licet, solis licet.
 CLYT. Ignovit Helenae: juncta Menelao redit.
 Quae Europam et Asiam paribus afflixit malis.
 AEGISTH. Sed nulla Atriden venere furtiva abstulit, 275
 Nec cepit animum conjugi obstrictum suae.
 Jam crimen ille quaerit, et causas parat.
 Nil esse crede turpe commissum tibi:
 Quid honesta prodest vita, flagitio vacans,
 Ubi dominus odit? Fit nocens; non quaeritur. 280
 Spartamne repetes spreta et Eurotan tuum
 Patriasque sedes profuga? Non dant exitum
 Repudia regum. Spe metum falsa levas.
 CLYT. Delicta novit nemo nisi fidus mea.
 AEGISTH. Non intrat unquam regium limen fides. 285
 CLYT. Opibus merehor, ut fidem pretio obligem.
 AEGISTH. Pretio parata vincitur pretio fides.
 CLYT. Surgit residuus pristinae mentis pudor.
 Quid obstrepis? quid voce blandiloqua mala
 Consilia dictas? Scilicet nubam tibi 290
 Regum relicto rege generosa exuli?
 AEGISTH. Et cur Atrida videor inferior tibi,
 Gnatus Thyestae? CLYT. Si parum est, adde: „et nepos.“
 AEGISTH. Auctore Phoebo gignor: haud generis pudet.
 CLYT. Phoebum nefandae stirpis auctorem vocas, 295
 Quem nocte subita frena revocantem sua
 Coelo expulstis? Quid deos probro addimus?

260. Sic idem liber. V.: *raptis*, quod iusto fortius videtur. Cf. 497. 262. V.: — *sibi*: Nec c. h. r., nec d. d. Delriani habent non utroque loco. De signo interrogandi cf. Hert. fur. 579 etc. 263. Fern.: *haec*. 264. Ita Flor. V. in non legitur. 269. Libri ferē: *aut nova*. Recte haud praetulerō Gruter. Gron. 290. Ita Vossian., Grot. V.: *nubet*. 297. Sic Flor. V.: — *probre advocat*, *Subripere* — *vinum*?

AGAMEMNON.

ARGUMENTUM.

Thyestis umbra, ulciscendi injurias (de quibus vide Thyestis argumentum) cupida, filiam Aegisthum in caedem Agamemnonis incitat. Ille itaque Agamemnonem victorem a Troja reducem in convivio impervia irretitum veste occidit, consilii caedisque particeps Clytaemnestra, quam absente marito Agamemnone corruperat. Cassandram deinde Agamemnoni amatam ab aris avulsam occidit. Electram, quod fratrem Orestem amandarat, carceri mancipari jubent.

Pulsa citatâ vocale chelys!
 Nil acre velim magnumque modis
 Intonet altis; sed quale soles
 Leviores lyrâ flectere carmen
 Simplex, lusus cum docta tuos 330
 Musa recenset. Licet et chordâ
 Graviore sonas, quale canebas,
 Cum Titanas fulmine victos
 Videre dei; vel cum montes
 Montibus altis superimpositi 335
 Struxere gradus trucibus monastriis,
 Stetit impositâ Pelion Ossâ,
 Pinifer ambo pressit Olympus.
 Ades, o magni, soror et conjux,
 Consortes accepisti, regia Juno: 340
 Tua te colimus turba Mycenae.
 Tu sollicitum supplexque tui
 Numinis Argos sola tueris;
 Tu bella manu pacemque regis;
 Tu nunc lauros Agamemnonias 345
 Accipe victrix! Tibi multiformâ
 Tibia buxo solemne canit;
 Tibi fila movent docta puellae
 Carmine molli; tibi votivam
 Matres Graecae lampada jactant; 350
 Ad tua conjux candida tauri
 Delubra cadit, nescia aratri,
 Nullo collum signata iugo,
 Tuque, o magni gnata Tonantis,
 Inclita Pallas, quae Dardaniâs 355
 Saepe petisti cuspide turres!
 Te permixto matrona minor
 Majorque choro colit, et reserat
 Veniente deâ templâ sacerdos.
 Tibi nexilibus turba coronis 360
 Redimita venit;
 Tibi grandaevi lassique senes
 Compote voto reddunt grates,
 Libantque manu vina trementi
 Et te, Triviam, notâ memores 365
 Voce precamur.
 Tu maternam sistere Delon,
 Lucina, jubes, huc atque illuc

Prius errantem Cyclada ventis;
 Nunc jam stabilis fixâ terras 370
 Râdîcè tenet, respuit auras,
 Religatque rates, adsueta sequi.
 Tu Tantalidos funera matris
 Victrix numeras. Stat nunc Sipyli
 Vertice summo flebile saxum, 375
 Et adhuc lacrimas, moesta aeternum,
 Marmora manant antiqua novas.
 Colit impense femina virque
 Numen geminum.
 Tuque ante omnes, pater ac rector, 380
 Fulmine pollens, cujus nutu
 Simul extremi tremuere poli,
 Generis nostri, Jupiter, auctor,
 Cape dôna libens, abavusque tuam
 Non degenerem respice prolem! 385
 Sed, ecce, vasto concitus miles gradu i. s.
 Manifesta properat signa laetitiae ferens:
 Namque hasta summo lauream ferro gerit,
 Fidusque regi semper Eurybates adest.

ACTUS TERTIUS.

EURYBATES, CLYTAËMNESTRA.

Eurybates narrât, Agamemnona reducem advenire, tempestatem a Pallade immissam, Naupliique dolo aggravatam. Parantur diis victimae et convivium Agamemnoni; captivæ adducuntur.

EUR. **D**ELUBRA et aras coelitum et patrios lares i. s. 390
 Post longa fessus spatia, vix credens mihi,
 Supplex adoro. Vota Superis solvite:
 Telluris altum remeat Argolicae decus
 Tandem ad penates victor Agamemnon suos.
 CLYT. Felix ad aures puncius venit meas, 395
 Ubinam petitus per decem conjux mihi
 Annos moratur? pelagus, an terras premit?

374. Fern. Cajet. i. Num. victrix. 375. Ita Flor., Gruteriani 3, Gronovii membranaceus et Fern. V.;

FleBILE saxum,

Et adhuc lacrimas marmora fundunt

Antiqua novas.

manant active, ut apud Horatium Epist. 1, 10. 42:

xpr. Incolumis, auctus gloriâ, laude inclitus
 Reducem expetito littori impressit pedem.
 CLYT. Sacris colamus prosperum tandem diem, 400
 Et si propitios, attamen lentos, deos.
 Tu pande, vivat conjugis frater mei,
 Et pande, teneat quas soror sedes mea.
 xpr. Meliora votis posco et obtestor deos;
 Nam certa fari sors maris dubii vetat. 405
 Ut sparsa tumidum classis excepit mare;
 Ratis videre socia non potuit ratem.
 Quin ipse Atrides aequore immenso vaga
 Graviora pelago damna quam bello tulit,
 Remeatque victo similis, exiguas trahens 410
 Lacerasque victor classe de tantâ rates.
 CLYT. Effare: casus quis rates hausit meas,
 Aut quae maris fortuna dispulerat duces?
 xpr. Acerba fatu poscis, infaustum jubena
 Miscere laeto nuncium. Refugit loqui 415
 Mens aegra, tantis atque inhorrescit malis.
 CLYT. Exprome. Clades scire qui refugit suae,
 Gravât timorem: dubia plus torquent mala,
 xpr. Ut Pergamum omne Doricâ cecidit face;
 Divisa praeda est. Maria properantes petunt, 420
 Jamque ense fessum miles exonerat latus;
 Neglecta summas scuta per puppes jacent;
 Ad militares remus aptatur manus;
 Omnisque nimium longa properanti mora est.
 Signum recursus regiâ ut fulsit rate, 425
 Et clara lentum remigem monuit tuba:
 Aurata primas prora designat vias,
 Aperitque cursus, mille quos puppes secent.
 Hinc aura primo lenis impellit rates
 Adlapsa velis; unda vix actu levi 430
 Tranquilla Zephyri mollis afflatu tremitt;
 Splendetque classe pelagus et pariter latet.
 Juvat videre nuda Trojae littora,
 Juvat relictî sola Sigei loca.
 Properat juvenus omnis adductos simul 435
 Lentare remos; adjuvat ventos manu,
 Et valida nisu brachia alterno movet,

404. Meliora, bona, fausta. 412. Ita Flor. V.: Quis fare no-
 stras hauserit cas. r. 413. Soloece libri: dispulerit. 414. V.: ju-
 bes, asyndeto inepto. 430. actu Flor. Gron. V.: tactu. 431. Fort.:
 mollis a flatu tremitt, quemadmodum a sole calet et similia dicun-
 tur. Incommodi duplices ablativi.

Sulcata vibrant aequora et latera increpant,
 Dirimuntque canae caerulum spumae mare.
 Ut aura plenos fortior tendit sinus: 440
 Pospere tonsas, credita est vento ratis;
 Fususque transtris miles aut terras procul,
 Quantum recedunt vela, fugientes notat;
 Aut bella narrat: Hectoris fortis minas,
 Currusque, et emto redditum corpus rogo; 445
 Sparsum cruore regis Herceum Jovem.
 Tum, qui jacente reciprocos ludit salo,
 Turbidumque pando transilit dorso mare,
 Tyrrhenus omni piscis exultat freto,
 Agitatque gyros, et comes lateri adnatat, 450
 Anteire naves laetus et rursus sequi;
 Nunc prima tangens rostra lascivit chorus,
 Millesimam nunc ambit et lustrat ratem.
 Jam littus omne tegitur, et campi latent,
 Et dubia parent montis Idaei juga. 455
 Et jam, quod unum pervicax acies videt,
 Iliacus atrâ fumus adparet notâ.
 Jam lassa Titan colla relevabat jugo;
 In astra jam lux prona, jam praeceps dies;
 Exigua nubes sordido crescens globo 460
 Nitidum cadentis inquinat Phoebi jubar.
 Suspecta varius occidens fecit freta;
 Nox prima coelum sparserat stellis; jacent
 Deserta vento vela: tum murmur grave
 Majora minitans collibus summis cadit, 465
 Tractuque longo littus ac petrae gemunt.
 Agitata ventis unda venturis tumet:
 Cum subito luna conditur, stellae latent,
 In astra pontus tollitur, coelum perit;
 Nec una nox est: densa tenebras obruit 470
 Caligo, et omni luce subductâ fretum
 Coelumque miscet. Undique incumbunt simul,
 Rapiuntque pelagus infimo eversum solo
 Adversus Euro Zephyrus et Boreae Notus.
 Sua quisque mittunt tela, et infesti fretum 475
 Emoliantur (turbo convolvit mare):
 Strymonius altis Aquilo contorquet nives,
 Libycusque arenas Auster ad Syrtes agit.
 Nec manet in Austro: fit gravis nimbis Notus,
 Imbre auget undas; Eurus Orientem movet, 480
 Nabathaea quatiens regna et Egea sinus.
 Quid rapidus ora Corus Oceano exserens?

Mundum revelli sedibus totum suis,
 Ipsosque rupto crederes coelo deos
 Decidere, et atrum rebus induci chaos. 485
 Vento resistit aestus, et ventus retro
 Aestum revolvit. Non capit sese mare,
 Undasque miscent imber et fluctus suas.
 Nec hoc levamen denique aerumnis datur,
 Videre saltem et nosse, quo pereant malo: 490
 Premunt tenebrae lumina, et dirae Stygis
 Inferna nox est. Excidunt ignes tamen,
 Et nube dirum fulmen elisa micat;
 Miserisque lucis tanta dulcedo est: male
 Hoc lumen optant. Ipsa se classis premit, 495
 Et prora prorae nocuit, et lateri latus.
 Illam dehiscens pontus in praeceps rapit
 Hauritque, et alto redditam revomit mari;
 Haec onere sidit; illa convulsam latus
 Submittit undis; fluctus hanc decimus tegit; 500
 Haec lacera et omni decore populato levis
 Fluitat; nec illi vela, nec tonsae manent,
 Nec rectus altis malus antennis ferens,
 Sed trunca toto puppis Ionio natat.
 Nil ratio et usus audet: ars cessit malis. 505
 Tenet horror artus; omnis officio stupet
 Navita relicto; remus effugit manus.
 In vota miseros ultimus cogit timor,
 Eademque Superos Troës et Danaï rogant.
 Quid fata possunt! invidet Pyrrhus patri, 510
 Ajaci Ulysses, Hectori Atrides minor,
 Agamemno Priamo. Quisquis ad Trojam jacet,
 Felix vocatur, cadere qui meruit gradu,
 Quem fama servat, victa quem tellus tegit.
 „Nil nobile ausos pontus atque undae ferent? 515
 Ignava fortes fata consument viros?
 Perdenda mors est? Quisquis es nondum malis
 Satiare tantis coelitem, tandem tuum
 Numen serena! Cladibus nostris daret
 Vel Troja lacrimas. Odia si durant tua, 520
 Placetque mitti Doricum exitio genus:
 Quid hos simul perire nobiscum juvat,

494. V.: — dulcedo est malae, Hoc etc., quae scriptura longe
 insulsissima, Fern.: male (valde). 498. V.: mare. Gron. ingemo-
 se: et alio r. r. mari. 514. tegit quidam scripti et edd. vet. V.:
 premit. 517. Ita Mogunt. et Veneti. V.: Perd. m. est. Cf. Med.
 966.

AGAMEMNON. ACT. III.

255

Quibus perimus? Sistito infestum mare:
 Vehit ista Danaos classis? et Troas vehit.
 Nec plura possunt: occupat vocem mare. 255
 Ecce alia clades! fulmine irati Jovis
 Armata Pallas, quidquid aut hastâ minax,
 Aut aegide et furore Gorgoneo potest,
 Aut igne patrio, tentat: et coelo novae
 Spirant procellae. Solus invictus malis 530
 Luctatur Ajax, Vela cogentem hunc sua
 Tenso rudente flamma perstrinxit cadens.
 Libratur aliud fulmen; hoc toto impetu
 Certum reductâ Pallas excussit manu,
 Imitata patrem. Transit Ajacem et ratem, 535
 Ratisque partem secum et Ajacem tulit.
 Nil ille motus, ardua ut cautes, salo
 Ambustus extat, dirimit insanum mare,
 Fluctusque rumpit pectore, ac navem manu
 Complexus in se traxit, et coeco mari 540
 Conlucet Ajax; omne resplendet fretum.
 Tandem occupatâ rape furibundum intonat,
 Superasse nunc se pelagus atque ignes. „Juvat
 Vicisse coelum, Palladem, fulmen, mare!
 Non me fugavit bellici terror dei; 545
 Et Hectorem unâ solus et Martem tuli;
 Phœbéa nec me tela pepulerunt gradu:
 Cum Phrygibus istos vicimus, Tenē horream?
 Aliena inertī tela mittis dexterâ.
 Quid, si ipse mittat? Plura cum auderet furens: 550
 Tridente rupem subruit pulsam pater
 Neptunus, imis exerens undis caput,
 Solvitque montem; quem cadens secum tulit,
 Terrâque et igni victus et pelago jacet.
 Nos alia major naufragos pestis vocat. 555
 Est humilis unda, scrupulis mendax vadis,
 Ubi saxa rapidis clusa vorticibus tegit
 Fallax Caphareus; aestuat scopulis fretum,
 Fervetque semper fluctus alternâ vice;
 Arx imminet praerupta, quae spectat mare 560
 Utrinque geminum, Pelopis hinc oras tui,
 Et Isthmon, arcto qui recurvatus solo
 Ionia jungi maria Phrixëis vetat;

535. Libri: *Sistite*. 536. *Ajacem* Mogunt., Jov. Pontan. Fabric. Delr. Inepte legitur *Ajasis*. 554. *vocat*, invitat. Cf. 589. etc.

Hinc scelere Lemnon nobilem; hinc Chalcedona,
 Tardamque ratibus Aulin. Hanc arcem occupat 565
 Palamedis ille genitor, et clarum manu
 Lumen nefandâ vertice e summo efferens
 In saxa duxit perfidâ classem face.
 Haerent acutis rupibus fixae rates;
 Has inopis undae brevia comminuunt vada; 570
 Pars vehitur hujus prima, pars scopulo sedet;
 Hanc alia retro spatia relegendem ferit,
 Et fracta frangit. Jam timent terram rates,
 Et maria malunt. Cecidit in lucem furor.
 Postquam litatum est Illo: Phoebus redit, 575
 Et damna noctis tristis ostendit dies.
 CLYT. Utrumne doleam, laeter an reducem virum?
 Remeasse laetor; vulnus at regni grave
 Lugere cogor. Redde jam Grajis, pater,
 Altisona quatiens regna, placatos deos! 580
 Nunc omne laetâ fronde veletur caput;
 Sacrifica dulces tibia effundat modos;
 Et nivea magnas victima ante aras cadat.
 Sed ecce! turba tristis, incommatae comas
 Iliades adsunt, quas super celso gradu 585
 Effrena Phoebas entheas laurus quatit.

CHORUS ILIADUM, CASSANDRA.

Chorus Iliadum Trojae fata casumque luget, Cassandra furore Phoe-
 beo correpta, quae Agamemnoni imminet, vaticinatur.

CHOR. Hæu, quam dulce malum mortalibus additum Aeol.
 Vitae dirus amor, cum pateat malis asclep.
 Effugium, et miseros libera mora vocet asclep. dact.
 Portus aeternâ placidus quiete! sapph. 590
 Nullus hunc terror nec impotens tr. dim. hyp.

564. Libri vett. *Chalcedona*, vel *Calcedona*; Ald.: et hinc *Chalcida*. V.: hinc et *Chalcida*. Gronovio placebat *Anthedona*, quae urbs Boeotiae maritimae, sita e regione insulae Euboeae. Chalcedon urbs ejus insulae prope Chalcidem, teste Pausania pagg. 567. et 570, ipsaque Euboea *Χαλκιδωνίδων* patria dicitur Euripidi in Ione, ut monet Jacob. Gron. Plinio Hist. nat. 4. 18. med. audit Chalcedontis. 565. Libri; *Aulida*, eliso nomine in fine sententiae, quod invenustum; nec placent vicina similis terminationis verba *Chalcedona* et *Aulida*. 564 — 595. male digesti sunt in vulgatis libris, nec proba est haec interpunctio: — Tonantis. Pax alta, nullus etc. In hunc versu 591. intelligendus portus ille mortis; nam darissimum est, quod placet Gronovio, referri ad Qui versu 603, ibique incipere apodosia. Pax alta dicitur ejusdem portus, seu mortis.

Procella Fortunae movet,	i. dim.	
Aut iniqui flamma Tonantis;	glyc. pol. hyp.	
Pax alta nullos civium coetus timet,	i. sen.	
Aut minaces victoris iras;	as.: tr. i. hyp.	595
Non maria asperis insana Coris;	alc. invers.	
Non acies feras, pulvereamque nubem,	dochm. hyp.	
Motam barbaricis equitum catervis;		
Non urbe cum totâ populos cadentes,	alc. hyp.	
Hosticâ muros populante flammâ,	sapph.	600
Indomitumve bellum. Perrumpet omne	dochm. hyp.	
Servitium contemtor levium deorum,		
Qui vultus Acherontis atri,	glyc. hyp.	
Qui Styga tristem non tristis videt,	as.: ad. do.	
Addeatque vitae ponere finem.	as.: i. h. ad.	605
Par ille regi, par Superis erit.	alc.	
O quam miserum est nescire mori!	a. d.	
Vidimus patriam ruentem nocte funestâ,	t. tr. h. cl.	
Cum Dardana tecta Dorici raperetis ighes!	as.: t. h. t. d.	
Non illa bello victa, nec armis,	as.: i. h. ad.	610
Ut quondam Herculeâ cecidit pharetrâ!	sapph. dact.	
Quam non Pelei Thetidosque natus,	as.: do. i. h.	
Carusque Pelidae nimium feroci,	alc. h.	
Vicit, acceptis cum fulsit armis,	sapph. sp.	
Fuditque Troas falsus Achilles;	as.: i. hyp. ad.	615
Aut cum ipse Pelides animos feroces	alc. hyp.	
Sustulit luctu, celeremque saltu	sapph.	
Troades summis timuere muris,		
Perdidit in malis extremum decus,	dochm.	
Fortiter vinci:	tr. d. c.	620
Restitit annis Troja bis quinis,	as.: ad. cr. d. c.	
Unius noctis peritura furto.	sapph.	
Vidimus simulata dona molis immensae;	t. tr. hyp. cl.	
Danaumque fatale munus	as.: i. t.	
Duximus nostrâ creduli dextrâ;	as.: 2 cr. d. c.	625
Tremuitque saepe	i. hyp.	
Limine in primo sonipes, cavernis	sapph.	
Conditos reges bellumque gestans;	sapph. sp.	
Et licuit versare dolos, ut ipsi	dact. pent. log.	
Fraude suâ capti caderent Pelasgi.		630
Saepe commotae sonuere Parmae;	sapph.	
Tacitumque murmur percussit aures,	as.: 2 i. hyp.	

597. Flor.: Pulvereamve. 599. sequ. Ita Delrio ex suis, item veti. edd., in his Fern. Gruterus quoque: Non urbe. V.:

Hosticâ aut muros populante flamma,
Urbe cum tota populos cadentes.

Ut fremuit male subdolo parens Pyrrhus Ulyssi. - as.:

glyc. pher.

a. d. et m.

Secura metûs Troica pubes
Sacros gaudet tangere funes. 635

Hinc aequaeui gregis Astyanax,

Hinc Haemonio desponsa rogo,

Ducunt turmas; haec femineas,

Ille viriles. Festae matres

Votiva ferunt munera divis;

Festi patres adeunt aras. 640

Unus totâ vultus in urbe est;

Et, quod nunquam post Hectoreos

Vidimus ignes, laeta est Hecabe.

Quid nunc primum, dolor infelix,

Quidve extremum deflere paras? 645

Moenia, divûm fabricata manu,

Diruta nostra?

An templa deos super usta suos?

Non vacat istis lacrimare malis: 650

Te, magne parens, flent Iliades.

Vidi, vidi,

Senis in jugulo telum Pyrrhi

Vix exiguo sanguine tingi!

cass. Cohibete lacrimas, omne quas tempus petet, i. a. 655

Troades, et ipsae vestra lamentabili

Lugete gemitu funera: aerumnae meae

Socium recusant. Cladibus questus meis

Removete: nostris ipsa sufficiam malis.

chor. Lacrimas lacrimis miscere juvat: a. d. et m. 660

Magis exurunt,

Quos secretae lacerant curae.

Juvat in medium deflere suos;

Nec tu, quamvis dura virago

Patiensque mali,

Poteris tantas flere ruinas. 665

Non, quae verno nobile carmen

Ramo cantat, tristis aëdon,

Ityn in varios modulata sonos;

Non, quae tectis Bistonos ales

Residens summis

Impia diri furta mariti 670

633. Vulgo: Et fremuit. 644. V.: Hecuba. Cf. Troad. 846. 648. Cajet.: Dir. narra, pro narras, ut videtur. 655. petet Flor. V.: petit. 656. ipsae. Fort.: isto. 664. Ita Flor. V.: Nec enim quamvis. 667. Idem Liber: mobile.

Garrula deflet, lugere tuam
Poterit, digne conquesta, domum.
Licet ipse velit

675

Clarus niveos inter olores
Istrum cygnus Tanainque colens
Extrema loqui;

Licet alcyones Ceyca suum
Fluctu leviter plangente sonent,
Cum tranquillo, male confisae,
Credunt iterum pelago audaces,
Foetusque suos

680

Nido pavidæ titubante foveat;
Non, si, molles imitata viros,
Tristis laceret brachia tecum,

685

Quæ turritæ turba parenti,
Pectora rauco concita buxo,
Furit, ut Phrygium lugeat Attin,
Non est lacrimis, Cassandra, modus,
Quia quæ patimur vicere modum.

690

Sed cur sacratas deripis capiti infulas?

i. s.

Miseris colendos maxime Superos putem.
cass. Vicere nostra jam metus omnes mala.
Equidem nec ullâ coelites placo prece;
Nec, si velint sævire, quo noceant, habent.
Fortuna vires ipsa consumpsit suas.

695

Quæ patria restat, quis pater, quæ jam soror?
Bibere tumuli sanguinem atque aræ meum.
Quid illa felix turba fraterni gregis?

700

Exhausta nempel regiâ miseri senes
Vacuâ relictî totque per thalamos vident
Præter Lacaenam ceteras viduas nurus.
Tot illa regum mater et regimen Phrygum,
Foecunda in ignes Hecuba, factorum novas
Experta leges, induit vultus feros:

705

Circa ruinas rabida latravit suas,
Trojæ superstes, Hectori, Priamo, sibi.
chor. Silet repente Phœbas, et pallor genas,
Creberque totum possidet corpus tremor;
Stetere vittæ: mollis horrescit coma;
Anhela corda murmure incluso fremunt;

710

673. Flor. et Lipsian.: narrat. 693. Sic Flor. V.: *Superos reor*, frequentiore quidem littera canina. 701. Sic itidem Flor., quem sequitur etiam Gron. V.: *regiam miseri senis Vacuam relinqui*. Similis descriptio expugnatae a Galliæ Romæ apud Livium 5, 39

Incerta nutant lumina, et versi retro
 Torquentur oculi; rursus immites rigent.
 Nunc levat in auras altior solito caput,
 Graditurque celsa; nunc reluctantes parat 715
 Reserare fauces; verba nunc cluso male
 Custodit ore Maenas impatiens dei.
 CASS. Quid me furoris incitam stimulis novi,
 Quid mentis inopem, sacra Parnassi juga
 Raptis? Recede, Phoebe: jam non sum tua. 720
 Extingue flammas pectori infixas meo!
 Cui nunc vagor vesana? cui bacchor furens?
 Jam Troja cecidit falsa: quid vates ago?
 Ubi sum? Fugit lux alma, et obscurat genas 725
 Nox alta, et aether abditus tenebris latet.
 Sed ecce! gemino sole praefulget dies,
 Geminumque duplices Argos attollit domos.
 Idaea cerno nemora! fatalis sedet
 Inter potentes arbiter pastor deas. 730
 Timete reges, moneo, furtivum genus:
 Agrestis ille alumnus evertet domum.
 Quid ista vecors telæ femineâ manu
 Destructa praefert? quem petit dextrâ virum
 Lacaena cultu, ferrum Amazonium gerens? 735
 Quae versat oculos alia nunc facies meos?
 Victor ferarum, colla sublimis, jacet.
 Ignobili sub dente, Marmaricus leo,
 Morsus cruentos passus audacis leae.
 Quid me vocatis sospitem solam e meis, 740
 Umbræ meorum? Te sequor, totâ pater
 Trojâ sepulte! Frater, auxilium Phrygum,
 Terrorque Danaum, non ego antiquum decus
 Video, aut calentes ratibus exustis manus;
 Sed lacera membra, et saucios vinclo gravi 745
 Illos lacertos. Te sequor, nimium cito
 Congresses Achilli, Troile! Incertos geris,
 Deïphobe, vultus, conjugis munus novae!
 Juvat per ipsos ingredi Stygios lacus;
 Juvat videre Tartari saevum canem, 750
 Avidique regna Ditis! Haec hodie ratis
 Phlegethontis atri regias animas vehet,
 Victamque, victricemque. Vos, umbrae, precor;

724. Libri: Jam Tr. cecidit. falsa quid v. a. ? falsa, decepta.

735. ferr. Amaz., Amazoniam securim, ut ait Horat. Od. 4, 4, 20.

737. Libri vulgares ταυτολογικῆς: colla vexatus. Sequor Florentinum. Cf. 871.

Jurata Superis unda, te pariter precor,
Reserate paulum terga nigrantis poli: 755
Levis ut Mycenae turba prospiciat Phrygum!
Spectate miseri: fata se vertunt retro.

Instant sorores squalidae! Sanguinea jactant verbera; i. tetr.
Fert laeva semustas faces; turgentque pallentes genae,
Et vestis atri funeris exesa cingit ilia. 760

Strepuntque nocturni metus; et ossa vasti corporis,
Corrupta longinquo situ, palude limosa jacent.
Et ecce! defessus senex ad ora ludentes aquas
Non captat, oblitus sitis, moestus futuro funere;
Exultat et ponit gradus pater decoros Dardanus! 765

CHOR. Jam pervagatus ipse se fregit furor, i. s.
Caditque, flexo qualis ante aras genu
Cervice taurus vulnus incertum gerens.
Relevemus artus entheos. Tandem suos
Victrice lauru cinctus Agamemnon adit: 770
Et festa conjux obvios illi tulit
Gressus, reditque juncta concordia gradu.

ACTUS QUARTUS.

AGAMEMNON, CASSANDRA.

Agamemnoni reduci praedicat Cassandra fatum, nec creditur.
Troad. vers. 34.

AGAM. TANDEM revertor sospes ad patrios lares. i. s.

O cara, salve, terra! tibi tot barbarae
Dedere gentes spolia; tibi felix diu 775
Potentis Asiae Troja submisit manus.

Quid ista vates corpus effusa ac tremens
Dubia labat cervice? Famuli, attollite!
Refovet gelido latice! Jam recipit diem
Marcante visu. Suscita sensus tuos: 780
Optatus ille portus aerumnis adest.

758 — 765. Ita vet. edd. V.:

Instant sorores squalidae.

Sanguinea jactant verbera,

et sic porro. Cf. Med. 852 seqq. Non inusitata brevis syllaba in medio versu 760; siquidem ejusmodi iambici gaudent jure anapestorum. 768. incertum (non mortale) Flor., quod aptius vulgato incisae. 770. Sic idem codex, more suo in hoc verbo. V.: lauro.

Festus dies est. *CASS.* Festus et Trojae fuit.
 AGAM. Veneremur aras. *CASS.* Cecidit ante aras pater.
 AGAM. Jovem precemur pariter. *CASS.* Herceum Jovem? 785
 AGAM. Credis videre te Ilium? *CASS.* Et Priamum simul.
 AGAM. Hic Troja non est. *CASS.* Ubi Helena est, Trojam puto.
 AGAM. Ne metues dominam famula.... *CASS.* Libertas adest.
 AGAM. Secura vive. *CASS.* Mors mihi est securitas.
 AGAM. Nullum est periculum tibi met. *CASS.* At magnū tibi.
 AGAM. Victor timere quid potest? *CASS.* Quod non timet. 790
 AGAM. Hanc fida, famuli, turba, dum excutiat deum,
 Retinete, ne quid impotens peccet furor!
 At te, pater, qui saeva torques fulmina
 Pellisque nubes, sidera et terras regis,
 Ad quem triumphī spolia victores ferunt; 795
 Et te sororem cuncta pollentis viri,
 Argolica Juno, pecore votivo libens
 Arabumque donis, supplice et fibra volam.

CHORUS ARGIVARUM.

Chorus Argivarum Hercules laudes canit, nutriti scilicet Argis, ca-
 jusque sagittae fato poscebantur ad secundum Trojae excidium.

ARGOS nobilibus nobile civibus,	asclep.	
Argos iratae carum novercae,	sapph. sp.	800
Semper ingentes educas alumnos;	as.: cr. d. c. t. d. br.	
Imparem aequasti numerum deorum:	sapph.	
Tuus ille bisseño meruit labore	alc. hyp.	
Adlegi coelo magnus Alcides,	as.: 2 cr. d. c.	
Cui lege mundi Jupiter rupta	i. tr. brach. cl.	805
Roscidae noctis geminavit horas,	sapph.	
Jussitque Phoebum	i. h.	
Tardius celeres agitare currus,	sapph. dact.	
Et tuas lente remeare bigas,	sapph.	
Pallida Phoebe;	ad.	810
Retulitque pedem, nomen alternis	as.: a. et cr. d. c.	
Stella quae mutat, seque mirata est	as. 2 cr. d. c.	
Hesperum dici;	cr. d. c.	
Aurora movit ad solitas vices	alc.	
Caput, et relabens imposuit senis		815
Humero mariti.	i. hyp.	

788. Malim vines, ut haec jungantur verbis *Ne metues dom.*
 fam. 789. Libri eliso tibi, verbo gravissimo: tibi est. 811. Flor.
 Gron.: *Retulit.* 815. Flor.:

Imposuit seni collum marito.

Ceterum haec inde a versu 807, itidemque quae leguntur 820 —
 844, minus recte digesta sunt in vulgatis libris.

Sensit Ortus, sensit Occasus,	t. d. hyp. cl.	
Herculem nasci; violentus ille	sapph.	
Nocte non unâ poterat creari.		
Tibi concitatus substitit mundus,	i. h. et cr. d. c.	820
O puer magnum subiture coelum!	sapph.	
Te sensit Nemeaeus arcto	glyc. hyp.	
Pressus lacerto fulmineus leo,	alc.	
Cervaque Parrhasis;	do.	
Sensit Arcadii populator agri;	sapph. dact.	825
Gemitque taurus, Dictaea linquens	as.: 2 i. h.	
Horridus arva.	ad.	
Morte foecundum domuit draconem,	sapph.	
Vetuitque collo pereunte nasci;	as.: 2 i. h.	
Geminosque fratres	i. h.	830
Pectore ex uno, tria monstra, natos	sapph.	
Stipite incusso, fregit insultans;	as.: 2 cr. d. c.	
Duxitque ad ortus Hesperium pecus,	alc.	
Geryonae spoliū triformis.	archil.	
Egit Threicium gregem,	glyc.	835
Quem non Strymonii gramine fluminis,	asclap.	
Hebrive ripis pavit tyrannus:	as.: 2 i. h.	
Hospitum dirus stabulis cruorem	sapph.	
Praebuit saevis; tinxitque crudos	sapph. sp.	
Ultimus rictus sanguis aurigae.	as.: 2 cr. d. c.	840
Vidit Hippolyte ferox pectore in medio rapī	as.: 2 glyc.	
Spoliū; et sagittis nube percussā	i. tr. br. cl.	
Stymphalis alto decidit coelo;		
Arborque pomis fertilis aureis	alc.	
Extimuit manus, insueta carpi,	alc. invers.	845
Fugitque in auras levioꝛe ramo.	as.: 2 i. h.	
Audivit sonitum crepitante lamnā	dochm. hyp.	
Frigidus custos nescius somni,	as.: 2 cr. d. c.	
Linqueret cum jam nemo omne fulvo	sapph.	
Plenus Alcides vacuum metallo.		850
Tractus ad coelum canis Inferorum		
Triplici catenā tacuit, nec ullo	as.: 2 i. h.	
Latravit ore, lucis ignotae	i. tr. br. cl.	
Metuens colorem. Te duce succidit	alc.	
Mendax Dardaniae domus,	glyc.	855
Et sensit arcus iterum timendos;	as.: 2 i. h.	
Te duce concidit totidem diebus	alc. inv.	
Troja, quot annis.	ad.	

ACTUS QUINTUS.

CASSANDRA.

Cassandra caedem Agamemnonis mentis oculis videt enarratque.

Res agitur intus magna, par annis decem! i. s.
 Ehen, quid hoc est? Anime, consurge, et cape 860
 Pretium furoris: vicimus victi Phryges!
 Bene est! resurgis, Troja! traxisti jacens
 Pares Mycenae! terga dat victor tuus!
 Tam clara nunquam providae mentis furor
 Ostendit oculis: video et intersum et fruor. 865
 Imago visus dubia non fallit meos:
 Spectemus. Epulae regia instructae domo,
 Quales fuerunt ultimae Phrygibus dapes,
 Celebrantur. Ostro lectus Iliaco nitet,
 Merumque in auro veteris Assaraci trahunt; 870
 Et ipse picta veste sublimis jacet,
 Priami superbas corpore exuvias gerens.
 Detrahere cultus uxor hostiles jubet,
 Induere potius conjugis fidae manu
 Textos amictus. Horreo atque animo tremo. 875
 Regemne perimet exul, et adulter virum?
 Venere fata: sanguinem extremae dapes
 Domini videbunt, et cruor Baccho incidet.
 Mortifera vinctum perfida tradet neci
 Induta vestis: exitum manibus negat, 880
 Caputque laxi et invii cludunt sinus.
 Haurit trementi semivir dextra latus,
 Nec penitus adigit; vulnere in medio stupet.
 At ille, ut altis hispidus silvis aper,
 Cum casse vinctus tentat egressus tamen, 885
 Arctatque motu vincla, et incassum furit,
 Cupit fluentes undique et coecos sinus
 Dissicere, et hostem quaerit implicitus suum.
 Armat bipenni Tyndaris dextram furens;
 Qualisque ad aras colla taurorum pius 890
 Designat oculis, antequam ferro petat;

860. Fort.: *Heu heu, quid hoc est?* Fern. Cafet.: *Heu, neglecto*, ut videtur, simili. 867. Ita Gron. secundum Florentianum. Putide legitur *Spectamus*. 877. Fort.: *Vertère* (se) *fata*. Cf. 224, 757. 883. Flor., probante Gron.: *N. pen. egit*. 890. Sic Ascens. V.: *prius*, cum sequatur *antequam*. *pius* (sacerdos) opponitur impiae manui Clytaemnestrae.

Sic huc et illuc impiam librat manum.
Habet; peractum est! pendet exigua male
Caput amputatum parte; et hinc truncus oruor
Exundat, illinc ora cum fremitu jacent. 895
Nondum recedunt; ille jam exanimem petit,
Laceratque corpus; illa fodientem adjuvat.
Uterque tanto scelere respondet suis:
Est hic Thyeste natus, haec Helenae soror.
Stat, ecce! Titan dubius emerito die, 900
Suave currat, an Thyestae via.

ELECTRA, STROPHIUS, ORESTES ET PYLADES,
mutae personae.

Electra fratri suo Oresti subducto fugam suadet, eumque Strophio opportune occurrenti tradit abducendum; ipsa ad aram confugit.

EL. FUGE, o paternae mortis auxilium unicum, i. s.
Fuge et scelestas hostium evita manus!
Eversa domus est funditus, regna occidunt.
Hospes quis iste concitos currus agit? 905
Germane, vultus veste furabor tuos!
Quos, anime demens, refugis? Externos times;
Domus timenda est. Pone jam trepidos metus,
Oresta: amici fida praesidia intuo.
STROPH. Phocide relictâ Strophius, Eleâ inclitus 910
Palmâ revertor. Causa veniendi fuit
Gratari amico, cujus impulsum manu
Cecidit decenni Marte concussum Ilion.
Quaenam ista lacrimis lugubrem vultum rigat,
Pavetque moesta? Regium agnosco genus. 915
Electra, fletûs causa quae laetâ in domo est?
EL. Pater peremptus scelere materno jacet;
Comes paternae quaeritur gnatus neci;
Aegisthus arces venere quaesitas tenet.
STROPH. O nulla longi temporis felicitas! 920
EL. Per te parentis memoriam obtestor mei,
Per sceptrâ terris nota, per dubios deos:
Recipe hunc Oresten, ac pium furtum occule!
STROPH. Etsi timendum caesus Agamemnon docet:
Adgrediar, et te, Oresta, furabor libens. 925
Poscunt fidem secunda, at adversa exigunt.

899. Ita Flor., melius collato pronomine. V. i. Hic est. 906.
Quomodo furabor? Iuno tutabor. Illud sublectum 926. 907. times
Flor. Lipsian. V. i. fugis. 915. V. i. Ilium, invecro homiocolelento.

Cape hoc decorum ludicri certaminis,
 Insigne frontis! laeva victricem tenens
 Frondem virenti protegat ramo caput;
 Et ista donum palma Pisaei Jovis 930
 Velamen eadem praestet atque omen tibi.
 Tuque o, paternis adsidens frenis cornes,
 Condisce, Pylade, patris exemplo fidem!
 Vos, Graecia nunc teste veloces equi,
 Infida cursu fugite praecipiti loca! 935
 EL. Excessit, abiit; currus effreno impetu
 Effugit aciem. Tuta jam opperiar meos
 Hostes, et ultro vulneri opponam caput.
 Adest cruenta conjugis victrix sui,
 Et signa caedis veste maculata gerit. 940
 Manus recenti sanguine etiamnum madent,
 Vultusque prae se scelera truculenti ferunt.
 Concedam ad aras. Patere me vittis tuis,
 Cassandra, jungi paria metuentem tibi!

CLYTAEMNESTRA, ELECTRA, AEGISTHUS,
 CASSANDRA.

Electram ab ara detrahi et in carcerem conjici jubet Clytaemnestra. Cassandra jugulatur.

CLYT. Hostis parentis, impium atque audax caput, i. s. 945
 Quo more coetus publicos, virgo, petis?
 EL. Adulterorum virgo deserui domum.
 CLYT. Quis esse credat virginem? EL. Gnatam tuam.
 CLYT. Modestius cum matre! EL. Pietatem doces!
 CLYT. Animos viriles corde tumefacto geris; 950
 Sed agere domita feminam disces malo.
 EL. Nisi forte fallor, feminas ferrum decet.
 CLYT. Et esse demens te parem nobis putas?
 EL. Vobis? quis iste est alter Agamemnon tuus?
 Ut vidua loquere: vir caret vita tuus. 955
 CLYT. Indomita post haec virginis verba impiae
 Regina frangam; citius interea mihi
 Edissere, ubi sit gnatus, ubi frater tuus.
 EL. Exit Mycenae. CLYT. Redde nunc natum mihi!
 EL. Et tu parentem redde! CLYT. Quo latitat loco? 960
 EL. Tuto quietus; regna non metuens nova,
 Dixi parenti satis. CLYT. At iratae parum.

957. citius, cito, statim, quo modo etiam Ocius dicitur. Cf.
 Gron. 962. Ita Flor. Male, qui: Justae par. satis; nec recte verba
 At iratae parum Electrae assignantur.

- Morieris hodie! EL. Dummodo hâc moriar manu.
 Recedo ab aris. Sive te jugulo juvat
 Mersisse ferrum: praebeo jugulum volens; 965
 Seu more petudum colla resecari placet:
 Intenta cervix vulnus expectat tuum.
 Scelus peractum est: caede respersam viri
 Atque obsoletam sanguine hâc dextram ablue!
 CLYT. Consors pericli pariter ac regni mei, 970
 Aegisthe, gradere! Gnata genitricem impie
 Probris lacescit, abditum fratrem occulit.
 AEGISTH. Furibunda virgo, vocis infandae sonum,
 Et aure verba indigna maternâ opprime!
 EL. Etiam monebit sceleris infandi artifex, 975
 Per scelera natus, nomen ambiguum suis,
 Idem sororis gnatus et patris nepos?
 CLYT. Aegisthe, cessas impium ferro caput
 Demetere? Fratrem reddat, aut animam statim.
 AEGISTH. Abstrusa coeco carcere et saxo exigit 980
 Aevum. Per omnes torta poenarum modos,
 Referre, quem nunc occulit, forsân volet.
 Inops, egens, inclusa, paedore obruta,
 Vidua ante thalamos, exul, invisa omnibus,
 Aethere negato, sero succumbet malis, 985
 EL. Concede mortem! AEGISTH. Si recusares, darem.
 Rudis est tyrannus, morte qui poenam exigit.
 EL. Mortem aliquid ultra est? AEGISTH. Vita, si cupias mori.
 CLYT. Abripite, famuli, monstrum, et avertam procul
 Ultra Mycenâs ultimo in regni angulo 990
 Vincite septam nocte tenebrosi specûs:
 Ut inquietam virginem carcer domet.
 At ista poenas capite persolvat suo,
 Captiva conjux, regii pellex tori.
 Trahite, ut sequatur conjugem ereptum mihi! 995
 CASS. Ne trahite: vestros ipsa praecedam gradus.
 Perferre prima nuncium Phrygibus mea
 Propero: repletum ratibus eversis mare;
 Captas Mycenâs; mille ductorem ducum,
 Ut paria fata Troicis lueret malis, 1000
 Periisse dono feminae, stupro, dolo,
 Nihil moramur: rapite! quin grates ago.
 Tantum juvat vixisse post Trojam, juvat!
 CLYT. Furiosa, morere! CASS. Veniet et vobis furor.

[illegible][illegible]

Journal of Management Studies, 36(7), 809–826.

Journal of Management Education 30(6)p.789-804
© The Author(s) 2006

[illegible]

**L. ANNAEI SENECAE
HERCULES OETAEUS.**

DRAMATIS PERSONAE.

HERCULES.

HYLLUS.

ALCMENA.

CHORUS AETOLARUM MULIERUM.

NUTRIX.

DEIANIRA.

IOLE.

PHILOCTETES.

CHORUS OECHALIARUM VIRGINUM.

LICHAS, muta persona.

IOLE ET CHORUS OECHALIDUM sunt προ-
ταίνα πρόσωπα.

HERCULES OETAEUS.

ARGUMENTUM.

Deianira, indigne ferens sibi praeclatam Iolen Euryti regis Oechaliae filiam, Herculi tunicam mittit imbutam sanguine Centauri Nessi, sagittâ hydrae felle tinctâ olim ab Hercule vulnerati, efficacissimum credens philtrum, praesensque amoris remedium; quod illam monuerat moriens Nessus. Quam simul atque induit in Cenaeo Euboeae promontorio sacrificaturus Hercules: ignem concipit virus, vestisque corpori adhaerentis aestus carnem ossaque absunit. Nessi fraude intellectâ mortem sibi consciscit Deianira. Hercules, interfecto Lichâ, qui munus letale attulerat, mandat Philoctetae, cui moriens arcum et sagittas tradit, extrui sibi in monte Oetâ pyram, in qua se cum clavâ ac leonis pelle cremat. Alcmeneae denique matri apparet, ipsamque consolatur jam in coelitum numerum adscriptus.

ALIUD ARGUMENTUM

HIERONYMI BALBI.

Magnanimum Alciden, totum qui viribus orbem
Presserat, unde oritur Titan, quâque aurea condit
Lumina, major Amor juga sub sua misit ovantem:
Namque Iolen toto concepit pectore; solam
Ille Iolen poscit, Ioles quoque nomine gaudet. 5
At regina (suum quis enim celavit amorem?)
Deianira novos persensit conjugis ignes:
Fertur inops mentis, verique ignara marito
Infectam donat Nesseo sanguine vestem.
Ille ubi funestos quaesitum munus in usus 10
Induit: ecce! fluit virus, totosque per artus
Contrahitur macies, serpitque per ossa venenum.
Vincitur Alcides, properatque abrumpere lucem;
Ingentemque pyram, pereundi certus, in auras
Extollit, flammisque rogi condensat anhelis; 15
Tum sese medio iecit moriturus in ignes.
Solvitur in cineres corpus tenuesque favillas;
Ast anima aethereum scandit sublimis in arcem,
Unde hiemes ventosque et lucida sidera calcat.

ACTUS PRIMUS.

HERCULES.

Scena hæc prima cum choro sequente in Euboeâ statuitur, ubi Hercules, in Cenaeo promontorio sacrificaturus, vota de coelo, quod rebus gestis, meruisse se gloriatur, concipit. Reliquae Tragoediae scena est Trachinae.

SATOR deorum, cujus excussum manu
i. s.
Utraeque Phoebi sentiunt fulmen domus,
Secure regna: protuli pacem tibi.
Quâcunque Nereus porrigi terras vetat,
Non est tonandum: perfidi reges jacent,
5
Saevi tyranni; fregimus, quidquid fuit
Tibi fulminandum. Sed mihi coelum, parens,
Adhuc negatur? Parui certe Jove
Ubique dignus; teque testata est meum
Patrem noverca. Quid tamen nectis moras?
10
Numquid timemur? numquid impositum sibi
Non poterit Atlas ferre cum coelo Herculem?
Quid astra, genitor, quid negas? Mors me tibi
Certe remisit; omne concessit malum,
Quod terra genuit, pontus, aër, Inferi.
15
Nullus per urbes errat Argolicas leo;
Stymphalis icta est; Maenali nulla est fera;
Sparsit peremtus aureum serpens nemus.
Et hydra vires posuit; et notos Hebro
Cruore pingues hospitum fudi greges;
20
Hostisque traxi spolia Thermodontiae.

Vers. 3. Minus recte libri: — *pacem tibi, Quâcunque — vetat.* Non est ton. Quasi jam nusquam Jovi tonandum sit, cum de terra tantum dicat Hercules: *Secure, securus.* Cf. Pers. 3, 28, 29, etc. Frustra Jacob. Gron. tentat *Secura*. 7. Malim: *Si mihi c., p., A. n.: p. certe.* Saepè confusa *Si* et *Sed*. Vett. edd.: — *negatur: parui* etc. 16. V.: *Arcadias*, et in Palatinis aliisque nonnullis libris *Arcadicas*. Verum in Arcadia non leo caesus ab Hercule est, sed aper Erymanthius (981, 1537). Legendum *Argolicas*, sicut 57. et 1681, nisi cui placeat Jacobi Gronovii commentum hoc: *Non rus per urbes errat Arcadias; leo, Stymphalis icta est.* 20. Sic Ascens. Ald. *Κασιόπων* est aliorum lectio *fregi greges*.

Vidi silentum fata; nec tantum redi;
 Sed trepidus atrum Cerberum vidit dies,
 Et illę solem. Nullus Antaeus Libys
 Animam resumit; cecidit ante aras suas. 25
 Busiris; una est Geryon sparsus manu,
 Taurusque populis horridus centum pavor.
 Quodcunque tellus genuit infestum, occidit,
 Meaque fusum est dexterā. Iratis deis
 Non licuit esse. Si negat mundus feras, 30
 Animum noverca; redde nunc nato patrem,
 Vel astra forti! Nec peto, ut monstres iter;
 Permitte tantum, genitor: inveniam viam.
 Vel si times, ne terra concipiat feras:
 Properet malum quodcunque, dum terra Herculem 35
 Habet, videtque: nam quis invadet mala?
 Aut quis per urbes rursus Argolicas erit
 Junonis odio dignus? — In tutum meas
 Laudes redegi; nulla me tellus silet:
 Me sensit Ursae frigidum Scythicae gentis, 40
 Indusque Phoebo subditus, Canero Libys.
 Te, clare Titan, testor! occurri tibi,
 Quācunque fulges; nec meos lux prosequi
 Potuit triumphos; Solis excessi vices,
 Intraque nostras substitit metas dies. 45
 Natura cessit; Terra defecit gradum;
 Lassata prior est Nox, et extremum Chaos
 In me incurrit. Inde ad hunc orbem redt,
 Unde omne retro est. Tulimus Oceani minas;
 Nec ulla valuit quaterere tempestas ratem, 50
 Quamcunque pressi. Pars quota est, quam prosequor?
 Jam vacuus aether non potest odio tuae
 Sufficere nuptae; quasque devincam, feras
 Tellus timet concipere, nec monstra invenit.
 Ferae negantur. Hercules monstri loco 55
 Jam coepit esse: quanta enim fregi mala,

28. Vulgata lectio. Quod praestantes ostendunt codd., *infesta*, nimium est. Cf. 57. 31. *Animum*, iram, qua excitatus fuit Hercules ad maxima patranda, ut monet Gron. Cf. 288, 308 etc. 35. MS. Colon. apud Commelinum: *dum terram Hercules Habet* (habitat) *videtque*. 45. Ita Gron. V.: *Intraque*. Cf. Med. 521. 47. Sic Flor. V.: *Lassata per me Nox. Lassata*, dum me impugnat. 49. Sic idem codex, merito adstipulante Gron. V.: *Unde retro nemo. Unde ad Inde* referendum est. 51. Flor.: *P. qu. est Perseus mei?* Sed cf. 94. 55. Corruptus locus. Legendum, si quid video: *Feram; negantur* (vel *negentur*): *Hercules* etc. Patienter se ferre ait negari monstra propterea quod ipse sit pro monstro. 56. Vulgo: *quanta nunc f. m.*

Quot scelera, nudus! Quidquid immane obstitit,
 Solae manus stravere. Nec juvenis feras
 Timui, nec infans. Quidquid est jussum, leve est;
 Nec ulla nobis segnis inluxit dies. 60
 O quanta fudi monstra, quae nullus mihi
 Rex imperavit! Institit virtus mihi
 Junone pejor. Sed quid impavidum genus
 Fecisse prodest? non habent pacem dei:
 Purgata tellus omnis in coelo videt, 65
 Quodcunque timuit: transtulit Juno feras.
 Ambit peremptus Cancer ardentem plagam,
 Libyæque sidus fertur, et messes alit.
 Annum fugacem tradit Astræae leo;
 At ipse, jactans fervidam collo jubam, 70
 Austrum madentem siccatur, et nimbos rapit.
 Invasit omnis ecce! jam coelum fera,
 Meque antecessit. Victor e terris meos
 Specto labores. Astra portentis prius
 Ferisque Juno tribuit: ut coelum mihi 75
 Faceret timendum. Sparsit mundum licet,
 Coelumque terris pejus ac levius Styge
 Irata faciat: dabitur Alcidae locus.
 Si post feras, post bella, post Stygium canem,
 Nondum astrâ merui: Siculus Hesperium latus 80
 Tangat Pelorus; una jam tellus erit:
 Illinc fugabo maria. Si jungi jubes:
 Committat undas Isthmos, et juncto salo
 Novâ ferantur Atticae puppes viâ.
 Mutetur orbis: vallibus currat novis 85
 Ister, novasque Tanais accipiat vias.
 Da, da tuendos, Jupiter, saltem deos!
 Illâ licebit fulmen a parte auferas,
 Ego quam tuebor. Sive glaciale polum,
 Seu me tueri fervidam partem jubes: 90
 Hâc esse Superos parte securos puta.
 Cirrhaea Paean tēpla et aetheriam domum
 Serpente caeso meruit; at quoties jacet
 Python in hydra? Bacchus et Perseus deis
 Jam se intulere; sed quota est mundi plaga 95
 Oriens subactus, aut quota est Gorgon fera?
 Quis astra natus laudibus meruit suis
 Ex te et noverca? Quem tuli, mundum peto.
 Sed tu, comes laboris Herculei Licha,

70. sequi. Ita Flor. V.: At ille — et nimbos trahit. 77. Flor.:
 ac levius Styge. 80. Idem: Haud astra m., et 93.: o quoties.

Perfer triumphos, Euryti victos lares,
Stratumque regnum! vos pecus rapite ocius,
Quâ templa tollens ora. Cenaei Jovis
Austro timendum spectat Euboicum mare.

100

CHORUS OECHALIARUM VIRGINUM, IOLE.

Iole Choro Oechalidum mixta patriae exeidium, suorum interne-
cionem, suam denique servitutem plangit.

chor. PAR ille est Superis, cui pariter dies asclep.
Et fortuna fuit; mortis habet vices, 105
Lente cum trahitur vita gementibus.
Quisquis sub pedibus fata rapacia,
Et puppem posuit fluminis ultimi:
Non captiva dabit brachia vinculis,
Nec pompae veniet nobile ferculum. 110
Nunquam est ille miser, cui facile est mori.
Illum si medio decipiat ratis
Ponto, cum Borean expulit Africus,
Aut Eurus Zephyrum, qui mare dividunt:
Non puppis laceræ fragmina colligit, 115
Aut littus medio sperat in aequore.
Vitam qui poterit reddere protinus,
Solutus naufragium non poterit pati.
Nos turpis macies et lacrimae tenent,
Et crinis patrio pulvere sordidus. 120
Nos non flamma rapax, non fragor obruit:
Felices sequeris, Mors; miseros fugis:
Stamus. Nunc patriis messibus hic locus
Et silvis dabitur, lapsaque sordidae
Fient templa casae. Jam gelidus Dolops 125
Hâc ducet pecudes, quâ tepet obrutus
Stratae qui superest Oechaliae cinis.
Illo Thessalicus paster in oppido,
Indoctâ referens carmina fistulâ,
Cantu nostra canet tempora flebili; 130
Et dum pauca deus secula contrahet,
Quaeretur, patriae quis fuerit locus.
Felix incolui non steriles focos,
Nec jejuna soli jugera Thessali;

102. ora. Vulgo: ara. 114. Vulgo: Zeph., cum mare. 116. Vulgo: Et littus m. speret. sperat Mdgunt. 125. Vulgo: Stamus: nec patriae moenibus heu locus, At silvis etc. Nunc aliquot scripti et priscæ edd.; Flor.: patriis messibus; Et silvis omnes vet., cui lectione Scal. substituit At si. Hæc locus placebat Dan. Hein-
sio.

HERCULES OETAEUS. ACT. I. 277

Ad Trachina vocor, saxa rigentia, 135
 Et dumeta jugis horrida torridis,
 Vix gratum pecori montivago nemus.
 At si quas melior sors famulas vocat:
 Illas aut volucer transferet Inachus;
 Aut Dircaea colens moenia, quâ fugit 140
 Ismenos tenui flumine languidus.
 Hic mater tumidi nupserat Herculis.
 Quae cautes Scythiae, quis genuit lapis?
 Num Titana ferum te Rhodope tulit,
 Te praeruptus Athos, te fera Caspiae, 145
 Quae virgata tibi praebuit ubera?
 Falsa est de geminis fabula noctibus,
 Aether cum tenuit sidera longius,
 Commisitque vices Lucifer Hespero,
 Et solem vetuit Delia tardior: 150
 Nullis vulneribus pervia membra sunt;
 Ferrum sentit hebes, lentior est chalybs;
 In nudo gladius corpore frangitur.
 Et saxum resilit; fataque negligit,
 Et mortem indomito corpore provocat. 155
 Non illum poterant figere cuspides;
 Non arcus Scythica tensus arundine;
 Non quae tela gerit Sarmata frigidus,
 Aut qui soliferae suppositus plagae
 Vicino Nabathae vulnera dirigit 160
 Parthus Gnessiacis certior ictibus.
 Muros Oechaliae corpore propulit.
 Nil obstare valet; vincere quod parat,
 Jam victum est. Quota pars vulnere concidit?
 Pro fato potuit vultus iniquior; 165
 Et vidisse sat est Herculeas minas.
 Qui vastus Briareus, qui tumidus Gyas,
 Supra Thessalicum constitit aggerem,
 Ut coelo insereret vipereas manus,
 Hoc vultu riguit? Commoda cladibus 170
 Magnis magna patent: nil superest mali:
 Iratum miserae vidimus Herculem.
 1012. At ego infelix non templa suis a. d. et m.
 Collapsa deis, sparsosve focos,

140. Ita Flor. V.: *fluit*. 165. *Pro fato potuit*, potuit seu va-
 luit, quantum valet factum. Frustra Gron. secundum aliquot li-
 bros: *patuit*. 168. Flor.: *Thessalicum aggerem*; recte; nam unum
 illi aggerem, non plures, e montibus construxere, ex quo in coe-
 lum escenderent, ut monet Gron. V. tamen: *Thessalicos aggeres*.

Gnatis mixtos arsisse patres, Hominique deos, templa sepulcris; Nullum querimur commune malum: Alio nostras Fortuna vocat Lacrimas; alias flere ruinas Mea fata iubent. Quae prima querar?	175
Quae summa gemam? Pariter cuncta Deflere iuvat; nec plura dedit Pectora tellus, ut digna sonent Verbera fatis. Me vel Sipylum, Flebile saxum fingite, Superi, Vel in Eridani ponite ripis, Ubi moesta sonat Phaethontiadum silva sororum! Me vel Siculis addite saxis, Ubi fata gemam, Thessala Siren! Vel in Edonas tollite silvas, Qualis gnatum Daulias ales Solet Ismariâ flere sub umbrâ! Formam lacrimis aptate meis, Resonetque malis aspera Trachin! Cypria lacrimas Myrrha tuetur; Raptum conjux Ceyca gemit; Sibi Tantalus est facta superstes; Fugit vultus Philomela suos, Gnatumque sonat flebilis Atthis: Cur mea nondum capiunt volucres Brachia plumas? Felix, felix, Cum silva domus nostra feretur, Patrioque sedens ales in agro Referam querulo murmure casus, Volucremque Iolen fama loquetur! Vidi, vidi Miseranda mei fata parentis, Cum letifero stipite pulsus, Totâ jacuit sparsus in aula. Proh, si tumultum fata dedissent, Quoties genitor quaerendus eras! Potuine tuam spectare necem, Nondum teneras vestite genas, Necdum forti sanguine, Toxeu? Quid vestra queror fata parentes, Quos in tutum mors aequa tulit?	180 185 190 195 200 205

184. Sic itidem Flor. V.: *Sipyli*, quod minus elegans. 185. V.: *figat*, *Sup.* 216. *queror* Flor. V.: *querar*.

HERCULES OETAÆUS. ACT. I. II. 279

Mea me lacrimas fortuna rogat:
 Jamjam dominae, captiva colos
 Fusosque legam. Proh saeve decôr, 220
 Formaue mörtem paritura mihi,
 Tibi cuncta domus concidit uni,
 Dum me genitor negat Alcidae,
 Atque Herculeus söcer esse timet!
 Sed jam dominae tecta petantur. 225
 сноа. Quid regna tui clara parentis,
 Proavosque tuos respicis amens?
 Fugiat vultus fortuna prior,
 Felix, quisquis novit famulum
 Regemque pati, 230
 Vultusque potest variare suos!
 Rapuit vires pondusque malis,
 Casus animo qui tulit æquo.

ACTUS SECUNDUS.

NUTRIX, DEJANIRA, LICHAS, muta persona.

Furens zelotypiä Dejanira conspectä Iole vindictam meditatur
 vestemque vehenatam Herculi mittit.

NUTR. O QUAM cruentus feminas stimulat furor, i. s.
 Cum patuit una pellici et nuptae domus! 235
 Scylla et Charybdis, Sicula contorquens freta,
 Minus est timenda; nulla non melior fera est.
 Namque ut reluxit pellicis captae decus,
 Et fulsit Iole, qualis innubis dies,
 Purisve clarum noctibus sidus micat: 240
 Stetit furenti similis ac torvum intuens
 Herculea conjux, foeta ut Armeniä jacens
 Sub rupe tigris hoste conspecto exilit;
 Aut, jussa thyrsum quaterere, conceptum ferens
 Maenas Lyaeum, dubia, quo gressus agat. 245
 Haesit parumper; tum per Herculeos lares

229. Fort.: *Sapiens, quisquis etc. secundum Dan. Heinsium.*
 Palatt. alique: *Patiens, quisquis etc. quod nimis absurdum.* De-
 dimus Florentini et Gronovii lectionem, illa certe praestantio-
 rem. 231. V.: *V. suos var. potest.* 232. Ita Flor. V.: *Vires pepulit.* Re-
 cte Gron. *malis vel mala* legendum censuit pro vulgato *mali*.
 240. Sic item Flor. et Lipsian. Sibilat vulgata lectio haec: *Pu-
 rumve claris noctibus sid. m.*

Lymphata rapitur; tota vix satis est domus;
 Incurrit, errat, sistit. In vultus dolor
 Processit omnis; pectori paene intimo
 Nihil est relictum. Fletus insequitur minas; 250
 Nec unus habitus durat, aut uno furit
 Contenta vultu: nunc inardescunt genae;
 Pallor ruborem pellit, et formas dolor
 Errat per omnes: queritur, implorat, gemit.
 Sonuere postes: ecce! praecipiti gradu 255
 Secreta mentis ore confuso exerit.
 DEJAN. Quamcunque partem sedis aetheriae premis,
 Conjux Tonantis, mitte in Alciden feram,
 Quae mihi satis sit! Si qua foecundum caput
 Palude totâ vastior serpens movet, 260
 Ignara vinci; si quid excessit feras
 Immane, dirum, horribile, quo viso Hercules
 Avertat oculos: hoc sinu immenso exeat.
 Vel si ferae negantur: hanc animam precor
 Converte in aliquid! quodlibet possum malum 265
 Hâc mente fieri. Commoda effigiem mihi
 Parem dolori: non capit pectus minas.
 Quid excutis telluris extremae sinus,
 Orbemque versas? quid rogas Ditem mala?
 Omnes in isto pectore invenies feras, 270
 Quas timuit; odiis accipe hoc telum tuis:
 Ego sum noverca! Perdere Alciden potes:
 Profer manus quocunque. Quid cessas, dea?
 Utere furente! Quod jubes fieri nefas?
 Reperi! Quid haeres? Ipsa jam cesses licet, 275
 Haec ira satis est. NURA. Pectoris sani parum,
 Alumna, questus comprime et flammâs doma!
 Frena dolorem! conjugem ostende Herculis!
 DEJAN. Iole meis captiva germanos dabit
 Gnatis, Jovisque fiet e famulâ nurus? 280
 Num flamma cursus pariter et torrens ferent,
 Et Ursâ pontum sicca coeruleum bibet?
 Non ibo inulta! Gesseris coelum licet,
 Totusque pacem debeat mundus tibi:
 Est aliquid hydrâ potius, iratae dolor 285
 Nuptae. Quis ignis tantus in coelum furit
 Ardentis Aetnae? Quidquid est victum tibi,
 Hic vincet animus. Capta praeripiet toros?
 Adhuc timebam monstra; jam nullum est malum.

247. Flor.: Attonita fertur. 275. Leg.: Profer minus quodcum-
 que. Cf. 1185. 275. Reperi, excogita. Delr.

Cessere pestes; in locum venit ferae 290
 Invisa pellex. Summe proh rector deūm,
 Et clare Titan, Herculis tantum fui
 Conjux timentis. Vota quae Superis tuli,
 Cessere captae; pellici felix fui.
 Illi meas audistis, o Superi, preces! 295
 Incolumis illi remeat! O nullā dolor
 Contente poenā, quaere supplicia horrida,
 Incogitata, infanda! Junonem doce,
 Quid odia valeant: nescit irasci satis.
 Pro me gerebas bella; propter me vagas 300
 Achelous undas sanguine infecit suo,
 Cum lenta serpens fieret, in taurum trucem
 Nunc flecteret serpente depositā minas,
 Et mille in hoste vinceret uno feras.
 Jam displicemus, capta praelata est mihi. 305
 Non perferetur: qui dies thalami ultimus
 Nostri est futurus, hic erit vitae tuae.
 Quid hoc? recedit animus, et ponit minas?
 Jam cessit ira. Quid miser langues dolor?
 Perdis furorem; conjugis tacitae fidem 310
 Mihi reddis iterum. Quid vetas flammās ali?
 Quid frangis ignes? Hunc mihi serva impetum! —
 Pares eramus; non erat votis opus.
 Aderit noverca, quae manus nostras regat,
 Neo invocata. NUTR. Quod paras demens scelus? 315
 Perimes maritum, cujus extremus dies
 Primusque laudes novit, et coelo tenus
 Erecta terras fama suppositas habet?
 Rogos in istos terra consurget parens,
 Domusque soceri prima et Aetolum genus 320
 Sternetur omne; saxa jamdudum et faces
 In te ferentur; vindicem tellus suum
 Defendet omnis. Una quot poenas dabis?
 Effugere terras crede et humanum genus

306. *Non perferetur*, *Non patiar*. Cf. Thyest. 488 etc. V.: *N. praefereatur*. 308. Similibus *recedit* et *cessit* in versibus continuis
 offensus Anglus anonymus *Observ. miscell. nov. 1. p. 77.* vel le-
 gendum putat *Jam cecidit ira*, vel (quod lenius) *Jam cessat ira*.
 Nec male, nisi quod magis tamen placet E. F. Wüstemanni, Sa-
 xo-Gothani, mecum per litteras communicata conjectura haec *re-*
sedit animus, quo modo passim auctores. 313. *erat* vett. edd., et
 recte. V.: *erit*. Imperfecta posita loco praesentium, more graeco,
 sicut Horat. *Epist. 1, 4, 6*, Ovid. *Met. 1, 679*, Virg. *Ecl. 1, 80*,
 ubi vid. Wunderlich, in minore ed. Meyn. 314. novercalis et Ju-
 none dignus animus.

- Te posse: fulmen genitor Alcidae gerit. 325
 Jamjam minaces ire per coelum faces
 Specta, et tonantem fulmine excusso diem!
 Mortem quoque ipsam, quam putas tutam, time:
 Dominatur illic patruus Alcidae tui.
 Quocunque perges, misera, cognatos deos. 330
 Illi videbis. DEJAN. Maximum fieri scelus
 Et ipsa fateor; sed dolor fieri jubet.
 NUTR. Moriere. DEJAN. Moriar Herculis nempe incliti
 Conjux, nec ullus nocte discussâ dies
 Viduam notabit, nec meos pellex toros. 335
 Captiva capiet. Ante ab occasu dies
 Nascetur; Indos ante glacialis polus,
 Scythasve tepidâ Phoebus inficiet rotâ,
 Quam, me relictam Thessalae adspiciant nurus!
 Meo jugales sanguine extinguiam faces! 340
 Aut pereat, aut me perimat! elisis feris
 Et conjugem addat! inter Herculeos licet
 Me quoque labores numeret: Alcidae toros
 Moritura certe corpore amplectar meo.
 Ire, ire ad umbras Herculis nuptam libet; 345
 Sed non inultam. Si quid e nostro Hercule
 Concepit Iole: manibus evellam meis
 Ante, et per ipsas pellicem invadam faces!
 Me nuptiali victimam feriat die
 Infestus, Iolen dum supra exanimem ruam! 350
 Felix jacet, quicumque, quos odit, premit.
 NUTR. Quid ipsa flammâ pascis et vastum foves
 Ultra dolorem, misera? quid cassum times?
 Dilexit Iolen nempe, cum staret parens,
 Regisque natam peteret. In famulae locum. 355
 Regina cecidit: perdidit vires amor,
 Multumque ab illo traxit infelix status.
 Illicita amantur; excidit, quidquid licet.
 DEJAN. Fortuna amorem pejor inflamat magis.
 Amat vel ipsum, quod caret patrio lare, 360
 Quod nudus auro crinis et gemmâ jacet;
 Ipsas misericors forsân aerumnas amat.
 NUTR. Hoc usitatum est Herculi, captas amat.
 Dilecta Priami nempe Dardaniâ soror
 Concessa famulo est. Adice, quod nuptas prius, 365
 Quot virgines dilexit: erravit vagus.

331. Ita Gron. V.; *Illic*. 354. Sic Flor. V.: *cum starent la-*
res. Sic quoque distinguitur in vulgatis: *Dilexit Iolen; Nempe*
etc. Cf. 333, 364, 367 etc.

Arcadia nempe virgo, Palladios choros
 Dum nectit, Auge, vim stupri passa excidit,
 Nullamque amoris retinet Herculei notam.
 Referam quid alias? Nempe Thespiades vacant, 370
 Brevisque in illas arsit Alcides face.
 Hospes Timoli Lydiam fovit nurum,
 Et amore captus ad leves sedit colos,
 Udum feroci stamen intorquens manu.
 Nempe illa cervix spolia deposuit ferae, 375
 Crinemque mitrâ pressit, et famulus stetit,
 Hirtam Sabaeâ marcidus myrrha comam.
 Ubique caluit, sed levi caluit face;
 Haerere amantes post vagos ignes solent.
 Famulamne et hostis praeferet gnatam tibi? 380
 DEJAN. Ut alta silvas forma vernantes habet,
 Quas nemore nudo primus investit tepor;
 At cum solutos expulit Boreas Notos,
 Et saeva totas bruma decussit comas,
 Deforme solis adspicis truncis nemus: 385
 Sic nostra longum forma percurrens iter,
 Deperdit aliquid semper, et fulget minus,
 Nec illa venus est. Quidquid in nobis fuit
 Olim petatum, cecidit et partu labat;
 Materque multum rapuit ex illo mihi, 390
 Aetas citato senior eripuit gradu;
 Vides, ut altum famula non perdat decus?
 Cessere cultus penitus, et paedor sedet;
 Tamen per ipsas fulget aerumnas decor,
 Nihilque ab illâ casus et fatum grave 395
 Nisi regna traxit. Hic meum pectus timor,
 Altrix, lacessit; hic rapit somnos pavor.
 Praeclara totis gentibus conjux eram;
 Thalamosque nostros invido voto nurus
 Optabat omnis: quo nimis quisquis deos 400
 Orabat ullos. Nuribus Argolicis fui
 Mensura voti. Quem Jovi socerum parem,
 Altrix, habebis? quis sub hoc mundo mihi
 Dabitur maritus? Ipse, qui Alcidae imperat,
 Facibus suis me jungat Eurystheus licet, 405

371. Malebat Nic. Heinsius in illis. 381. Sic Flor. per hypallagen. V.: alit. 390. Fort.: eripuit, ut sequente versu. 395. Vulgo: Cess. vultus. Correxerit Dan. Heinsius. 400. Fort.: O. o.; cumque amans quidquam deos Orabat ullos nuribus Argolicis, fui Mensura voti. Flor.: O. o., quaeque (vel quaeve) mens quicquam deos Or. ullos.

Minus est. Toro caruisse regnantis leve est;
 Alte illa cecidit, quae viro caret Hercule.
 NUTR. Conciliat animos conjugum partus fere.
 DEJAN. Sic ipse forsan dividet partus toros.
 NUTR. Famula illa trahitur interim donum tibi. 410
 DEJAN. Hunc, quem per urbes ire praeclarum vides,
 Et viva tergo spolia gestantem ferae;
 Qui regna miseris donat et celsis rapit,
 Vastâ gravatus horridam clavâ manum;
 Cujus triumphos ultimi Seres canunt, 415
 Et quisquis alius orbe consepito jacet:
 Levis est, nec illum gloriae stimulat decor.
 Errât per orbem, non ut aequetur Jovi,
 Nec ut per urbes magnus Argolicas eat;
 Quod amet, requirit; virginum thalamos petit. 420
 Si qua est negata, rapitur; in populos furit;
 Nuptas ruinis quaerit; et vitium impotens
 Virtus vocatur. Cecidit Oechalia inclita,
 Unusque Titan vidit atque unus dies
 Stantem et cadentem. Causa bellandi est amor. 425
 Toties timebit, Herculi gnatham parens
 Quoties negabit; hostis est, quoties socer
 Fieri recusat; si gener non est, furit.
 Post haec quid istas innocens servo manus,
 Donec furem simulet, ac saevâ manu 430
 Intendat arcus, meque natumque opprimat?
 Sic conjuges expellit Alcides suas;
 Haec sunt repudia! Nec potest fieri nocens:
 Terris videri sceleribus causam suis
 Fecit novercam. Quid stupeas, segnis furor? 435
 Scelus occupandum est! perge, dum fervet manus!
 NUTR. Perimes maritum? DEJAN. Pellicis certe meae.
 NUTR. At Jove creatum. DEJAN. Næpe et Alcmenâ satum.
 NUTR. Ferrone? DEJAN. Ferro, NUTR. Sinequis? DEJAN. Peri-
 mam dolo.
 NUTR. Quis iste furor est? DEJAN. Quem meus conjux
 docet, 440
 NUTR. Quem nec noverca potuit, hunc perimes virum?
 DEJAN. Coelestis ira quos premit, miseros facit;
 Humana nullos. NUTR. Parce, miseranda, et time!
 DEJAN. Contempsit omnes ille, qui mortem prius.
 Libet ire in enses! NUTR. Major admissio tuus, 445

412. Fort.: Et fulva tergo etc. 444. dies, acta digl. De ira
 3, 56.: Totum diem meum scrutor. 445. Hum. nullas. „Id est: fa-
 cit ut non sint, sed pereant.“ Ascens.

Alumna, dolor est: culpa par odium exigit.
 Cur saeva modicis statuis? Ut laesa es, dole.
 DEJAN. Leve esse credis pellices nuptae malum?
 Quidquid dolorem pascit hunc, nimium puta.
 NUTR. Amorne clari fugit Alcidae tibi? 450
 DEJAN. Non fugit, altrix; remanet, et penitus sedet
 Fixus medullis (crede); sed magnus dolor
 Iratus amor est. NUTR. Artibus magicis fere
 Conjugia nuptae precibus admixtis ligant,
 Vernare jussi frigore in medio nemus, 455
 Missumque fulmen stare; concussi fretum
 Cessante vento; turbidum explicui mare,
 Et sicca tellus fontibus patuit novis;
 Habuere motum saxa. Discussi fores:
 Umbrae stetitistis; et mea jussi prece 460
 Manes loquuntur. Sonuit infernus canis;
 Nox media solem vidit, et noctem dies.
 Mare, terra, coelum et Tartarus servit mihi;
 Nihilque leges ad meos cantus tenent:
 Flectemus illum; carmina invenient iter. 465
 DEJAN. Quas Pontus herbas generat, aut quas Thessala
 Sub rupe Pindus, aut ubi inveniam malum,
 Cui cedat ille? Carmine in terras mago
 Descendat astris luna desertis licet,
 Et bruma messes videat, et cantu fugax 470
 Stet deprehensum fulmen, et versa vice
 Medius coactis ferbeat stellis dies:
 Non flectet unum. NUTR. Vicit et Superos amor.
 DEJAN. Vincetur uni forsam et spoliū dabit,
 Amorque summus fiet Alcidae labor. 475
 Sed te per omne coelitus numen precor,
 Per hunc timorem: quidquid arcani adparo,
 Penitus recondas, et fide tacitā premas!
 NUTR. Quid istud est, quod esse secretum petis?
 DEJAN. Non tela sunt, non arma, non ignis minax. 480
 NUTR. Praestare fateor posse me tacitam fidem,
 Si scelere careat: interim scelus est fides.

446. Flor.: culpa propius exigit. Fort.: — dolor est, culpa prope
 jus (juri vicina, sive similis). Exigat (Exigere potest). Cur etc.
 Cf. Agam. 256 seqq. 448. Ita Gron. Perperam libri: pellicis. 449.
 V.: Q. d. pascit, id nimium puta. Flor.: Q. d. p., hoc n. p. do-
 lorem hunc, terrorum. Cf. 452. 459. Fort.: Discussi inferas Um-
 bras, et estis, ut mea jussi prece, Manes, locuti; sonuit etc. 462.
 V. hic versus legitur post sequentem, quae nobis videtur esse an-
 tictimax. 468. Minus recte Ald. Gron.: cedet. 479. petis Flor.
 Gron. V.: jubes.

DEJAN. Circumspice, agedum, ne quis arcana aucupet;
 Partemque in omnem vultus inquirens eat.
 NUTA. En, locus ab omni tutus arbitrio vacat! 485
 DEJAN. Est in remoto regiae sedis loco
 Arcana tacitus nostra defendens specus.
 Non ille primos accipit soles locus,
 Non ille seros, cum ferens Titan diem
 Lassam rubenti mergit Oceano rotam; 490
 Illic amoris pignus Herculei latet.
 Altrix, fatebor: Nessus est auctor mali,
 Quem gravida Nephelē Thessalō genuit duci,
 Quā celsus astris inserit Pindus caput,
 Ultraque nubes Othrys eductus riget. 495
 Namque ut, subactus Herculis clavā horridi,
 Achelous, omnes facili in species dari,
 Tandem peractis omnibus patuit feris,
 Unoque turpe subdidit cornu caput:
 Me conjugem dum victor Alcides habet, 500
 Repetebat Argos. Forte per campos vagus
 Evenos, altum gurgitem in pontum ferens,
 Par paene summis turbidus silvis erat.
 Transire Nessus vorticem solitus vadis
 Pretium poposcit; meque jam dorso ferens, 505
 Quā jungit hominem spina deficiens equo,
 Frangebat ipsas fluminis tumidi minas.
 Jam totus undis Nessus exierat ferox,
 Medioque adhuc errabat Alcides vado,
 Vasto rapacem vorticem scindens gradu. 510
 Ast ille ut esse vidit Alciden procul:
 „Tu praeda nobis,” inquit, „et conjux eris!”
 Prohibetur undis; meque complexus ferens
 Gressum citabat. Non tenent undae Herculem:
 „Infide vector,” inquit, „immixti licet 515
 Ganges et Ister vallibus junctis eant,
 Vincemus ambo; consequar telo fugam!”
 Praecessit arcus verba. Cum longum ferens
 Arundo vulnus tenuit haerentem fugam,
 Mortemque fixit: ille, jam quaerens diem, 520
 Tabum fluentem vulneris dextra excipit,

485. Versus habetur etiam Hippol. 608. 494. Flor. Lipsian.:
Q. trepidus astris. 495. Flor.: *rubet*, a sole, ut monet Jacob. Gron.
 502. *malim gerens.* Cf. 505. 503. V.: *Jam paene s. t. ripis erat.*
 Flor.: *silvis.* Sequor Gronovium. 515. Fort.: *Proh ulnis* (mani-
 bus Dejanirae oppositis); *m. compl. ferus Gr. c.* Cf. Octav. 135.
 518. V.: *Tum longum etc.*

Traditque nobis ungulae insertum suae,
 Quam forte saevâ sciderat avulsam manu;
 Tum verba moriens addit. „Hoc,“ inquit, „magae
 Dixere amorem posse defigi malo. 525
 Hoc docta Mycale Thessalas decuit nurus,
 Unam inter omnes luna quam sequitur magas
 Astris relictis. Illitam vestem dabis
 Hâc, inquit, ipsâ tabe, si pellex tuos
 Invisa thalamos tulerit, et conjux levis 530
 Aliam parenti dederit altisono nurum.
 Hoc, nulla lux adspiciat, hoc tenebrae tegant
 Tantum remotae: sic potens vires suas
 Sanguis tenebit.“ Verba deprendit quies,
 Mortemque lassis intulit membris sopor. 535
 Tu, quam meis admittit arcanis fides,
 Perge, ut nitentes virus in vestes datum
 Mentem per artus adeat, et tacitum intimas
 Intret medullas. NURA. Ocius jussa exequar,
 Alumna; precibus tu deum invictum advoca, 540
 Qui certa tenerâ tela dimittit manu.
 DEJAN. Te, Te deprecor, quem mundus et Superi timent
 Et aequor, et, qui fulmen Aetnaeum quatit,
 Timende matri teliger saevae puer:
 Intende certâ spiculum velox manu, 545
 Non e sagittis levibus; e numero, precor,
 Graviore profer, quod tuae nondum manus
 Misere in aliquem: non levi telo est opus,
 Ut amare possit Hercules. Rigidas manus
 Intende, et arcum cornibus junctis para! 550
 Nunc, nunc sagittam prome, quâ quondam horridus
 Jovem petisti, fulmine abjecto deus
 Cum fronte subito tumuit, et rapidum mare
 Taurus puellae vector Assyriae scidit.
 Immitte amorem! vincat exempla omnia! 555
 Amare discat conjugem! Si quas decor
 Ioles inussit pectori Herculeo faces,
 Extingue totas: perbibat flammâs mei.
 Tu fulminantem saepe domuisti Jovem,
 Tu furva nigri scepra gestantem poli, 560

528. V.: *Illitas vestes*, 6 verbis continuis & littera finitis, id quod valde inelegans. 537. V.: *nitentem vestem*, frequentiore littera mugiente. 538. *tactu intimas* Lips., cum invenisset *tactus imas*. Flor.: *tactus mas*. Ceteri libri fere: *tactus sinus*. Fort.: *tectissimas*. Cf. 1261 seqq. 543. Soloece libri: *quatit*. 555. Sic Ascens. Absurde ceteri: *subita*. Flor.: *rabidum*.

Turbæ ducem majoris, et dominum Stygis:
 Tuque, o novercâ gravior iratâ deus,
 Cape hunc triumphum, solus et vince Herculem!
 NUTA. Prolata vis est, quæque Palladiâ colu-
 Lassavit omnem texta famularem manum. 565
 Nunc congeratur virus, ut vestis bibat
 Herculeâ pestem; precibus augebâ malum.
 In tempore ipso gnavus occurrit Lichas.
 Celanda vis est dira: nè pateant doli.
 DEJAN. O, quod superbæ non habent unquam domus, 570
 Fidele semper regibus nomen, Licha,
 Cape hōs amictus, nostra quos nevit mands,
 Dum vagus in orbem fertur, et victus mero
 Tenet feroci Lydiam gremio nurum,
 Nunc poscit Iolen. Sed jecur fors horridum 575
 Flectam merendo: merita vicerunt malos.
 Non ante vestes induat conjux; jube,
 Quam ture flammâs pascat et placet deos,
 Cana rigentem populo cinctus comam.
 Ipsa in penates regioâ gressus feram, 580
 Precibusque amoris horridi matrem colam.
 Vos, quas paternis extuli comites focis,
 Calydoniæ, deflete lugendam vicem!

CHORUS AETOLARUM MULIERUM.

Mulieres Calydoniæ Dejaniræ sortem deflent; ambitionem, avari-
 tiam, luxum, ceteraque mortalium; studia inania detestantur;
 privatam fortunam laudant.

FLEMUS casus, Oeneï, tuos, a. d. et m.
 Comitum primos turba per annos; 585
 Flemus dubios, veneranda, toros
 Nos Acheloi tecum solitæ
 Pulsare vadum, cum jam tumidas
 Vere peracto poneret undas,
 Gracilisque gradu serperet aequo, 590
 Nec præcipitem volveret amnem
 Flavus rupto fonte Lycormas;
 Nos Palladias ire per aras,

562. Sic eadem membranae. V.: Tu, qui noverca es g. i. d.
 563. Sic itidem Flor. V.: evince. 569. V.: C. v. est: illa ne pa-
 teant mala, Flor., quem sequitur Gron.: C. v. est dira, ne pa-
 teat, doli. Verbum magicum vis seorsim accipiendum est, ut
 564, Med. 846. 579. Sic Flor. et 583. lugendam vicem, V.: vinetus,
 lugendas vices. 592. Sic Flor.: nam vulgo legitur rapido fonte.
 Malum rupto ponte. Cf. Med. 585 sequ.

Et virgineos celebrare choros;	
Nos Cadmeis orgia ferre	595
Tecum solitae condita cistis,	
Cum jam pulso sidere brumae	
Tertia soles evocat aestas,	
Et spiciferae concessa deae	
Attica mystas claudit Eleusin.	600
Nunc quoque, casum quemcunque times,	
Fidas comites accipe fati:	
Nam rara fides,	
Ubi jam melior fortuna ruit.	
Tu quicumque es, qui sceptras tenes,	605
Licet omne tuâ vulgus in aula	
Centum pariter limina pulset:	
Cum tot populis stipatus eas,	
In tot populis vix una fides.	
Tenet auratum limen Erinny;	610
Et cum magnae patuere fores,	
Intrant Fraudes, cautique Doli,	
Ferrumque latens; cumque in populos	
Prodire parant, comes Invidia est.	
Noctem quoties summovet Eos,	615
Regem toties credite nasci.	
Pauci reges, non regna colunt;	
Plures fulgor concitat aulae.	
Cupit hic regi proximus ipsi	
Clarus latas ire per urbes:	620
Urit miserum gloria pectus.	
Cupit hic gazis implere famem;	
Nec tamen omnis plaga gemmiferi	
Sufficit Istri, nec tota sitim.	
Lydia vincit, nec, quae Zephyro	625
Subdita tellus stupet aurato	
Flumine clarum radiare Tagum;	
Nec, si totus serviat Hebrus,	
Ruraque dives jungat Hydaspes,	
Intraque suos currere fines	630
Spectet toto flumine Gangem.	
Avidis, avidis natura parum est.	
Colit hic reges regumque lares,	
Non ut presso vomere semper	
Nunquam cesset curvus arator;	635
Vel mille secent arva coloni:	

624. *Istri*. Non gemmifer iste fluvius, nec male Anonymus
Observ. misc. 1. p. 77. legendum putat *Indi*. 629. *Flor.*: *jungat*.

Ita mens adhuc vexatur excusso metu.
 Semel profecto premere felices deus
 Cum coepit, urget; hos habent magna exitus. 715
 CHOR. Quis tam impotens, o misera, te casus rotat?
 DEJAN. Ut missa palla est tabe Nesseâ illita,
 Thalamisque moerens intuli gressum meis:
 Nescio quid animus timuit, et fraudem struit.
 Libet experiri. Solibus virus ferum 720
 Flammisque Nessus sanguinem ostendi aruit.
 Hic ipse, fraudes esse, praemonuit dolus;
 Et forte nullâ nube respersus jubar
 Laxabat ardens fervidum Titan diem.
 Vix ora solvi patitur etiamnum timor: 725
 Medios in ignes solis et claram facem,
 Quo tincta fuerat palla vestisque inlita,
 Abiectus horret sanguis, et Phoebi coma
 Tepefactus ardet. Vix queo monstrum eloqui.
 Nives ut Eurus solvit, aut tepidus Notus, 730
 Quas vere primo lubricus perdit Mimas;
 Utque involutos frangit Ionio salo
 Opposita fluctus Leucas, et lassus tumor
 In littore ipso spumat; aut coelestibus
 Adpersa tepidis tura laxantur focus: 735
 Sic languet omne vellus, et perdit comam;
 Quin ipsa tellus spumeos motus agit,
 Et quidquid illâ tabe contactum est, labat.
 Dumque ista miror: causa mirandi perit,
 Timensque tacita sequitur, et quassat caput. 740
 Gnatum paventem cerno et ardenti pede
 Gressus ferentem, Prome, quid portes novi!

HYLLUS, DEJANIRA, NUTRIX.

Intellecto ex Hyllô funesti muneris malo, Dejanira sibi mortem consciscit.

HYL. I, PROFUGA! quaere, si quid ulterius patet i. s.

719. Fort.: *tim. in fraudem strui. Libet etc.* 722. *dolus Flor.*
 Alii: *deus.* 724. Fort.: *Lassabat.* 728. Fort.: *et Phoebi sonat Tep.*
astro. Vix etc. Flor. et unus Palat.: *comam Tep. astris. comam*
etiam vett. edd. 736. Flor. Lipsian.: *comas.* Male post hunc ver-
 sum 739. habetur in vulgatis libris, legiturque ibi: *Dumque ipsa*
miror. Saepe haec pronomina confusa. 740. *Timensque.* Fort.:
Timasque, nomen nutricis consciae, quae heram ad thalamum co-
 mitata erat. *Timensque* Mogunt. et Ven. V.: *Timensque* secun-
 dum Florentinam, in quo codice verba sequitur et desiderantur.

HERCULES OETAeus. ACT. III. 293

Terris, freto, sideribus, Oceano, Inferis!
 Ultra labores, mater, Alcidae fuge! 745
 DEJAN. Nescio quod animus grande praesagit malum.
 HYL. Regna, triumphas, templa Junonis pete:
 Haec tibi patent; delubra praeclosa omnia.
 DEJAN. Effare, qui me casus insontem premat.
 HYL. Decus illud orbis atque praesidium unicum, 750
 Quem fata terris in locum dederant Jovis,
 O mater, abiit. Membra et Herculeos toros
 Urit lues nescio qua: Qui domuit feras,
 Ille, ille victor vincitur, moeret, dolet.
 Quid quaeris ultra? DEJAN. Miseras properant suas 755
 Audire miseri. Fare: quo posita in statu
 Jam nostra domus est? O lares, miseri lares,
 Nunc vidua, nunc expulsa, nunc feror obruta!
 HYL. Non sola moeres Herculem; toti jacet
 Mundo gemendus. Fata me, mater, tua 760
 Privata credas: jam genus totum obstrepit;
 Hunc ejulatum, quem gemis, cuncti gemunt;
 Commune terris omnibus patris malum.
 Luctum occupasti: prima, non sola, Herculem,
 Miseranda, moeres. DEJAN. Quam prope a leto tamen, 765
 Ede, ede, quaeso, jaceat Alcides meus.
 HYL. Mors refugit illum, victa quae in regno suo
 Semel est; nec audent fata tam vastum nefas
 Admittere. Ipsas forsitan trepidas colas
 Clotho manu projecit, et fatum Herculis 770
 Timet peragere. Proh diem! infandum diem!
 Hocne ille summo magnus Alcides erit?
 DEJAN. Ad fata et umbras atque pejorem polum
 Praecedere illum dicis, an possum prior
 Mortem occupare? Fare, si nondum occidit! 775
 HYL. Euboica tellus vertice immenso tumens
 Pulsatur omni latere; Phrixéum mare
 Scindit Caphareus; servit hoc Austro latus;
 At quâ nivosi patitur Aquilonis minas,
 Euripus undas flectit instabilis vagas, 780

744. freto, maribus internis, seu mediterraneis. Oceano, mari terram circumfluente. Cf. 1367. 748. Haec pugnancia. Legendum videtur sic: — pete. Haec nisi patent, delubra praeclosa omnia. 753. nescio qua Flor. Rapheleng. Male Ald. etc.: Nessae, quasi de Nesso sciret Hyllus. 759. Sic item Flor., nisi quod habet toto, cui substituimus Ascensianum toti. V.: Non sola moeres, Hercules toto jacet M. g. 762. Sic Ascens. V.: ejulatu. 764. Ita distinguitur: L. occ. prima. non sola etc. Correzit Jacob. Grq. 769. Sic Flor. V.: ipsa — colos.

Septemque cursus volvit, et totidem refert, Dum lassa Titan mergat oceano iuga. Hic rupe celsâ, nulla quam nubes ferit, Annosa fulgent templa Cenaei Jovis. Ut stetit ad aras omne votivum pecus,	785
Totumque tauris gemuit auratis nemus: Spolium leonis sordidum tabo exuit, Posuitque clavae pondus, et pharetrâ graves Laxavit humeros. Veste tum fulgens tuâ, Canâ revinctus populo horrentem comam,	790
Succendit aras. „Accipe has,“ inquit, „focis, Non false, messes, genitor; et largo sacer Splendescat ignis ture, quod Phoebum colens Dives Sabaeis colligit truncis Arabs! — Pacata tellus,“ inquit, „et coelum, et freta:	795
Feris subactis omnibus victor redi: Depone fulmen.“ Gemitus in medias preces, Stupente et ipso, cecidit; hinc coelum horrido Clamore complet. Qualis impressâ fugax Taurus bipenni vulnus et telum ferens,	800
Delubra vasto trepida mugitu replet; Aut quale mundo fulmen emissum tonat: Sic ille gemitus sidera et pontum ferit, Et vasta Chalcis sonuit, et voces Cyclas Excepit omnis; hinc petrae Capharides,	805
Hinc omne voces reddit Herculeas nemus. Flentem videmus. Vulgus antiquam putat Rabiem redisse: tum fugam famuli petunt. At ille vultus igneâ torquens face, Unum inter omnes quaerit et sequitur Lichan.	810
Complexus aras ille tremebundâ manu, Mortem metu consumsit, et parvum sui Poenae reliquit. Dumque tremebundum manu Tenuit cadaver: „Hac manu, hac,“ inquit, „ferar, O fata, victus? Herculem perimit Lichas?	815
Ecce alia clades: Hercules perimit Lichan. Facta inquinentur: fiat hic summus labor.“ In astra missus fertur, et nubes vago Spargit cruore. Talis in coelum exilit Arundo Geticâ visa dimitti manu,	820
Aut quam Cydon excussit; inferius tamen	

804. Fort.: et Cyclas vices E. o., vices vocum repercussarum.
Cf. 806. 812. Sic Flor. Liber quidam Delrii: Paulum. Ceteri so-
loecâ; parum sub. 815. Flor.: Herc. vices Lichas.

Et tela fugient. Truncus in pontum cadit,
 In saxa cervix; funus ambobus jacet.
 „Resistite,” inquit: „non furor mentem abstulit;
 Furore gravius istud atque irâ malum est. 825
 In me juvat saevire.” Vix pestem indicat,
 Et saevit: artus ipse dilacerat suos,
 Et membra vastâ carpit avellens manu:
 Exuere amictus quaerit. Hoc solum Herculem
 Non posse vidi; trahere conatus tamen 830
 Et membra traxit: corporis palla horridi
 Pars est, et ipsam vestis immiscet cutem.
 Nec causa dirae cladis in medio patet;
 Sed causa tamen est. Vixque sufficiens malo
 Nunc ore terram languidus prono premit, 835
 Nunc poscit undas; unda non vineit malum.
 Fluctisona quaerit littora, et pontum occupat:
 Famularis illum retinet errantem manus.
 O sortem acerbam! fuimus Alcidae pares.
 Nunc puppis illum littore Euboïco refert, 840
 Austerque lenis pondus Herculeum rapit.
 Destituit animus membra, nox oculos premit.
 DESJAN. Quid, anime, cessas? quid stupefactum scelus?
 Gnatum reposcit Jupiter, Juno aemulum:
 Reddendus orbi est. Quod poteat reddi, exhibe: 845
 Eat per artus ensis exactus meos.
 Sic, sic agendum est! — Tam levis poenas manus
 Tantas reposcit? Tolle fulminibus, socer,
 Nurum scelestam! nec levi telo manus
 Armetur: illud fulmen exiliat polo, 850
 Quo, ni fuisset genitus Alcides tibi,
 Hydram cremasses. Pestem ut insolitam feri,
 Et ut novercâ pejus iratâ malum!
 Emitte telum, quale in errantem prius
 Phaëthonta missum est: perdidisti in solo Hercule 855
 Et ipsa populos. — Quid rogas telum deos?
 Jam parce socero; conjugem Alcidae necem
 Optare pudeat. Haec erit voto manus:
 A me petatur. Occupa ferrum ocus! —
 Cur deinde ferrum? Quidquid ad mortem trahit, 860
 Telum est abunde; rupe ab aetheriâ ferar.
 Haec, haec renatum prima quae poscit diem,

822. Malim: Et illa (arundo) fugiet. 823. Flor.: In s. versus.
 826. Fort.: — saevire: vis pestem incitat. Et etc. vis, vis ma-
 gica. Cf. 569. 855. Flor. Lipsian.: perdidisti sola Herculem. V.:
 perd. erepto Hercule Et i. p.

Oeta eligatur; corpus hinc mitti placet.
 Abrupta cautes scindat, et partem mei
 Ferat omne saxum; pendeant lacerae manus, 865
 Totumque rubeat asperi montis latus!
 Levis una mors est; levis; at extendi potest.
 Eligere nescis, anime, cui telo incubes?
 Utinam esset, utinam fixus in thalamis meis
 Hercules ensis! huic decet ferro immori. — 870
 Unâ perire dexterâ nobis sat est?
 Coite gentes! saxa et incensas faces
 Jaculetur orbis; nulla nunc cesset manus.
 Corripite tela: vindicem vestrum abstuli.
 Impune saevi sceptra jam reges gerent; 875
 Impune jam nasceetur indomitum malum;
 Redduntur arae cernere adusetae hostiam
 Similem colenti. Sceleribus feci viam;
 Ego vos tyrannis, regibus, monstris, fenis,
 Saevisque raptò vindice opposui deis. 880
 Cessas, Tonantis socia? non spargis facem,
 Imitata fratrem, et mittis ereptam Jovi,
 Meque ipsa perdis? Laus tibi erepta inclita est,
 Ingens triumphus: aemuli, Juno, tui
 Mortem occupavi. NUTR. Quid domum impulsam trahis? 885
 Erroris est hoc omne, quodcunque est, nefas.
 Haud est nocens, quicumque non sponte est nocens.
 DEJAN. Quicumque facto ignoscit et parcat sibi,
 Errare meruit: morte damari placet.
 NUTR. Nocens videri, qui mori quaerit, cupit. 890
 DEJAN. Mors innocentes sola deceptos facit.
 NUTR. Titana fugies? DEJAN. Ipse me Titan fugit.
 NUTR. Vitam relinques? DEJAN. Miseram, ut Alciden sequar.
 NUTR. Superest, et auras ille coelestes trahit.
 DEJAN. Vinci Hercules cum potuit, hinc coepit mori. 895
 NUTR. Gnatum relinques, fataque abrumpes tua?
 DEJAN. Quamcunque natus sepelit, haec vixit dñu.
 NUTR. Virum sequeris. DEJAN. Praegredi castae solent.
 NUTR. Si te ipsa damnas: scelere te, misera, arguis.
 DEJAN. Nemo nocens sibi ipse poenas irroget. 900
 NUTR. Multis remissa est vita, quorum error nocens,
 Non dextra, fuerat. Fata quis damnat sua?

868. Ita Fern. V.: — incubes. 888. et p. sibi. Cf. 907. sequi.
 893. V.: V. r. misera? D. At A. s. Flor.: — miseram? D. Ut Alc.
 s. Ut etiam Delriani. Secutus sum Gronovium. 898. sequeris, se-
 quere. V.: sequeris? Castae, velut Alcestis. 900. Gron. ex Flo-
 rentino; abrogat, minus quidem probabili sententia.

DEJAN. Quicumque fata iniqua sortitus, fugit.

NUTR. Hic ipse Megaren nempe confixam suis

Stravit sagittis atque natorum indolem,

Lernaëa figens tela furibundâ manu,

Tex parricida factus ignovit tamen

Sibi: nam furoris fonte Cinyphio scelus

Sub axe Libyco tersit, et dextram abluit.

Quo; misera, pergis? quid tuas damnas manus?

DEJAN. Damnat meas devictus Alcides manus:

Placet scelus punire. NUTR. Si novi Herculem;

Aderit cruenti forsitan victor mali,

Dolorque fractus cedit Alcidae suo.

DEJAN. Exedit artus virus, ut fama est, hydrae;

Immensa pestis conjugis membra abstulit.

NUTR. Serpentis illi virus enectae autumas

Haud posse vinci, qui malum et vivum tulit?

Elisit hydram, dente cum infixio stetit

Mediâ palude, victor, effuso obrutus

Artus veneno. Sanguis hunc Nessi opprimet,

Quâ vicit ipsas horridas Nessi manus?

DEJAN. Frustra tenetur ille, qui statuit mori.

Proinde lucem fugere decretum est mihi.

Vixit satis, quicumque cum Alcide occidit.

NUTR. Per has aniles ecce! te supplex comas,

Atque ubera ista paene materna obsecro:

Depone tumidas pectoris laesi minas,

Mortisque dirae expelle decretum horridum!

DEJAN. Quicumque misero forte dissuadet mori,

Crudelis ille est. Interim poena est mori,

Sed saepe donum: pluribus venia obfuit.

NUTR. Defende saltem dexteram, infelix, tuam;

Fraudisque facinus esse, non nuptae, sciant.

DEJAN. Defendar illic: Inferi absolvant ream;

A me ipsa damnor. Purget has Pluton manus,

Stabo ante ripas; immemor Lethe, tuas,

Et umbra tristis conjugem excipiam meum.

Sed tu, nigrantis regna qui torques poli,

Para laborem! Scelera quae quisque ausus est,

Hic vicit error; Juno non ausa Herculem est

Eripere terris. Horridam poenam para!

Sisyphia cervix cesset, et nostros lapis

Impellat humeros, Me vagus fugiat latex,

Meamque fallax unda deludat sitim.

932. Sic Hugo Grot. Gron. V. S. s. d. in pluribus venias fuit, quae sensu cassa. A Florentino aberat praepositio.

905

910

915

920

925

930

935

940

945

Merui manus praebere turbinibus tuis,
 Quaecunque regem Thessalum torques, rota!
 Effodiat avidus hinc et hinc vultur fibras.
 Vacet una Danaïs: has ego expleho vices:
 Laxate manes! Recipe me comitem tibi, 930
 Phasiaca conjux! peior haec, peior tuo
 Utroque dextra est scelere, seu mater nocens,
 Seu dira soror es. Adde me comitem tuis,
 Threïcia conjux, sceleribus! Gnatam tuam,
 Althaea mater, recipe! nunc veram tuam 955
 Agnosce prolem! Quid tamen tantum manus
 Vestrae abstulerunt? Claudite Elysium mihi,
 Quaecunque fidæ conjuges nemoris sacri
 Lucos tenetis! Si qua respersit manus
 Viri cruore, nec memor castae facis 960
 Stricto cruenta Belias ferro stetit:
 In me suas agnoscat et laudet manus.
 In hanc abire conjugum turbam libet;
 Sed et illa fugiet turba tam diras manus.
 Invicte conjux, innocens animus mihi, 965
 Scelesta manus est. Proh nimis mens credula!
 Proh Nesse fallax, atque semiferi doli!
 Auferre cupiens pellici, eripui mihi.
 Recede, Titan, tuque, quae blandâ tenes
 In luce miseros, vita: cariturae Hercule 970
 Lux vilis ista est. Exigam poenas tibi,
 Reddamque vitam! Fata an extendo mea,
 Mortemque, conjux, ad tuas servo manus?
 Virtusne superest aliqua, et armatae manus
 Intendere arcum tela missurum valent; 975
 An arma cessant, teque languenti manu
 Non audit arcus? Si potest letum dare:
 Animosa, conjux, dexteram expecto tuam:
 Mors differatur. Frange, ut insonem Lichan;
 Alias in urbes sparge, et ignotum tibi 980
 Emitte in orbem! perde, ut Artadiae nefas,
 Et quidquid aliud restitit! Ab illis tamen,
 Conjux, redisti. HYL. Parce jam, mater, precor!
 Ignosce fati! Error a culpâ vacat.
 DEJAN. Si vera pietas, Hylle, quaerenda est tibi: 985

949. Sic libri vet. Male secundum Raphaelengium legitur
Vacat. 961. Flor.: *bella cum ferro.* Gron. haud ineléganter: *Be-*
llis in ferro. st. 976. Fort.: *teque languentem manu N. a. a.* 982.
 Fort.: *Et q. a. cessit!* A bellis tamen, C., r. nam Flor.: *Et q. a.*
cessit. ab illis t. Cf. Herc. fur. 211, 638, etc.

Jam perime matrem! Pavida quid renuit manus?
 Quid ora flectis? Hoc erit pietas scelus.
 Ignave, dubitas? Herculem eripui tibi;
 Haec, haec peremit dextra, cui debes patri
 Avum Tonantem. Majus eripui decus, 990
 Quam luce tribui. Si tibi ignotum est nefas:
 A matre disce. Seu tibi jugulo placeat
 Mersisse ferrum, sive maternum libet
 Invadere uterum: mater intrepidum tibi
 Praebuit animum. Non erit totum scelus 995
 A te peractum: dexterâ sterner tuâ,
 Sed mente nostrâ. Gnatus Alcidae times?
 Ita nulla peragas jussa, nec frangens mala
 Erres per orbem; si qua nascetur fera:
 Referas parentem. Dexteram intrepidam para! 1000
 Patet ecce! plenum pectus aerumnis: feri!
 Scelus remitto. Dexteræ parcent tuae
 Eumenides ipsae. Verberum crepuit sonus!
 Quenam ista, torquens ungue vipeream comam,
 Temporibus atras squalidis pinnae quatit? 1005
 Quid dira me flagrante persequeris face.
 Megaera? Poenas pascis Alcidae? Dabo,
 Jamne Inferorum, diva, sedere arbitri?
 Sed, ecce, diras carceris video fores!
 Quis iste saxum immane detritis gerit 1010
 Jam senior humeris? Ecce, jam vectus lapis
 Quaerit relabi! Membra quis praebet rotæ?
 Hic, ecce, pallens dira Tisiphone stetit,
 Causam poposcit! Parce verberibus, precor,
 Megaera, parce! sustine Stygias faces: 1015
 Scelus est amoris. Sed quid hoc? Tellus labat,
 Et aula tectis crepuit excussis! Minax
 Unde iste coetus? Totus in vultus meos
 Decurrit orbis, hinc et hinc populi fremunt,
 Totusque poscit vindicem mundus suum. 1020
 Jam parcite, urbes! — Quo fugam praeceps agam?
 Mors sola portus dabitur aerumnis meis,
 Testor nitentis flammeam Phoebi rotam,
 Superosque testor: Herculem in terris adhuc
 Moritura linquo. *MYL.* Fugit attonita. Hei mihi! 1025
 Peracta jam para matris est: statuit mori;

1007, Sic Flor. V. *parcit Alcides, dabo.* 1009, Fort.; *Sed en!*
reclusas Tartari video f. 1012, Fort.; *Membra quis queritur rotæ?*
secundum Flor. 1015, Fort.; *Tis, adsistit.* Hic, prope me. 1014,
 Flor.; *reposcit.* 1024, Sic idem cadex. Alibi in non legitur.

Nunc nostra superest, mortis auferre impetum
 O misera pietas! si mori matrem vetas:
 Patri es scelestus; si mori pateris: tamen
 In matre peccas. Surgit hinc illinc nefas. 1030
 Inhibenda tamen est, verum et eripiam scelus.

C H O R U S.

Sumtā ab Herculis robore labefactato occasione, Chorus omnia
 interitui obnoxia, nihil natum aeternum canit; quam sen-
 tentiam ab auctore Orpheo commendat, ejusque artem obiter
 celebrat.

VERUM est, quod cecinit sacer glyc. et pher.
 Thressae sub Rhodopes jugis,
 Aptans Pieriam chelyn,
 Orpheus, Calliopae genus: 1035
 Aeternum fieri nihil.
 Illius stetit ad modos
 Torrentis rapidi fragor;
 Oblitusque sequi fugax
 Amisit liquor impetum; 1040
 Et dum fluminibus mora est,
 Defecisse putant Geten
 Hebrum Bistones ultimi.
 Advexit volucrem nemus,
 Et silvā residents venit; 1045
 Aut si quae aëra pervolat,
 Auditis vaga cantibus
 Ales deficiens cadit.
 Abrupit scopulos Athos,
 Centauros obiter ferens, 1050
 Et juxta Rhodopen stetit
 Laxatam nivē candidus.
 Et quercum fugiens suam,
 Ad vatē properat Dryas;
 Ad cantus veniunt suis 1055
 Ipsae cum latebris ferae;
 Juxtaque impavidum pecus

1029. Male libri: si m. p. tamen, In m. p. 1031. Sic Flor.
 V.: I. t. est: pergam et cr. sc. 1039. fugax a Lipsio est, cum an-
 tea legeretur fugas. Flor.: fugam; sed frustra. Ταυροκτοίας vitio
 ut medearis, scribes Obl. sui fugax etc. 1062. Inepte legitur:
 Laxata nive cantibus. candidus aliquot Palatt. Laxatam, requie-
 scentem, delectatam. 1055. Fort.: Ad carmen v. s., ne frequen-
 tius hic legatur vocabulum cantus. Cf. 1047, 1065, 1072, 1089,
 1091 (1095).

Sedit Marmaricus leo;	
Nec damae trepidant lupos;	
Et serpens latebras fugit,	1060
Tunc oblita veneni.	
Quin per Taenarias fores	
Manes cum tacitos adit:	
Moerentem feriens chelyn,	
Cantu Tartara flebili	1065
Et tristes Erebi deos	
Vicit, nec timuit Stygis	
Juratos Superis lacus.	
Haesit non stabilis rota	
Victo languida turbine;	1070
Increvit Tityi jecur.	
Dum cantus volucres tenet;	
Aurito quoque navita	
Inferni ratis aequoris	
Nullo remigio venit.	1075
Tum primum Phrygius senex	
Undis stantibus immemor	
Excussit rabidam sitim,	
Nec pomis adhibet manus;	
Sed cum linqueret Inferos	1080
Orpheus carmina fundens:	
Et vinci lapis improbus,	
Et vatem potuit sequi.	
Consumtas iterum deae	
Supplent Eurydices colos;	1085
Sed dum respicit immemor,	
Nec credens sibi redditam	
Orpheus Eurydicen sequi:	
Cantus praemia perdidit;	
Quae nata est iterum, perit.	1090
Tum solamina cantibus	
Quaerens, flebilibus modis	
Haec Orpheus cecinit Getis:	
Leges in Superos datas,	
Et qui tempora digerens	1095
Quatuor praecipitis deus	

1067. Flor.: *Vidit, quod frustra tventur.* V.: *Movit.* Cf. 1070, 1072, Herc. fur. 582, 591 sequ. 1073. *navita.* Vox importuna. Legendum puto *nablio*. 1082. *improbus,* magnus, *κακῶπις*, ut ait Homerus. Virg. Aen. 12, 687.: *Fertur in abruptum magno mons improbus actu.* 1095. *Legam Ex quo t.* 1096. *Quatuor nusquam διευλάβου* apud hunc scriptorem. *Ascens.: Certas praesc. d.*

Anni disposuit vices.
 Nulli non avidi coltus
 Parcas stamina nectere.
 Quod natum est, poterit mori. 1109
 Vati credere Thracio
 Devictus jubet Hercules.
 Jamjam legibus obrutis
 Mundo cum veniet dies:
 Australis polus obruet, 1105
 Quidquid per Libyam jacet,
 Et sparsus Garamas tenet;
 Arctous polus obruet,
 Quidquid subjacet axibus,
 Et siccus Boreas ferit, 1110
 Amisso trepidus polo
 Titan excutiet diem;
 Coeli regia concidens
 Ortus atque obitus trahet;
 Atque omnes pariter deos 1115
 Perdet Mors aliquâ et Chaos;
 Et Mors fata novissima
 Ipsi constituet sibi.
 Quis mundum capiet locus?
 Discedet via Tartari, 1120
 Fractis ut pateat polis?
 An quod dividit aethera
 A terris spatium, sat est
 Et mundi nimium malis?
 Quis tantum capiat nefas 1125
 Fati, quis superest locus?
 Pontum, sidera, Tartara,
 Regna unus capiet tria?
 Sed quis non modicus fragor
 Aures attonitas movet? 1130
 Est, est Hercules sonus!

1099. Ita Flor. V.: *avidas colo.* 1103. *obrutis suspectum est*
cum sententiae causa, tum quia in proximis habetur obruet. Le-
gendum censeo ab ratis, propter ratas teges. Liv. 3, 61. *extrem.: Sabini feroces ab re priore anno bene gesta etc.* 1116. *Eleganter Nicol. Heinsius: nox alia, alia ac naturalis. Nam de Morte dic-
 tatur in sequentibus.* 1118. *Si in se, cur et sibi?* Legendum pro-
 cul dubio: *Ipsi const. sibi.* 1126. Fort.

*Qui tantum capiat nefas
 Fati, quis superest locus?*

ACTUS QUARTUS.

HERCULES, CHORUS.

Ejulans Hercules conqueritur, indigne ferens, se indigna morte
perire, femineis scilicet dolis.

HERC. CONVERTE, Titan clare, anhelantes equos! i. s.

Emitte noctem: pereat hic mundo dies,

Quo morior; atrâ nube inhorrescat polus!

Obsta novercae! Nunc, pater, coecum thaeo 1135

Reddi decebat; hinc et hinc compagibus

Ruptis uterque debuit frangi polus.

Quid parcis astris? Herculem anctis, pater.

Nunc partem in omnem, Jupiter, specta poti,

Ne quis gigas Thessalica jaculetur juga, 1140

Et fiat Othrys pondus Encelado leve!

Laxabit atri carceris jamjam fores

Pluton superbus; vincula excutiet patri,

Coelumque reddet. Ille, qui pro fulmine

Tuisque facibus natus in terris eram, 1145

Ad Styga revertor. Surget Enceladus ferox,

Mitteque, quo nunc premitur, in Superos onus.

Regnum omne, genitor, aetheris dubium tibi

Mors nostra faciet. Antequam spoliū tui

Coelum omne fiat, conde me totā, pater, 1150

Mundi ruinā! frange, quem perdis, polum!

chor. Non vana times, gnate Tonantis: a. d.

Jam Thessalicam Pelion Ossam

Premet, et Pindo congestus Athos

Nemus aethereis inseret astris, 1155

Vincet scopulos inde Typhoeus,

Et Tyrrhenam feret Inarimen;

Feret Aetnaeos inde caminos

Scindetque latus montis aperti,

Nondum Enceladus fulmine victus, 1160

Jam te coeli signa sequentur.

HERC. Ego, qui relictā morte, contemptā Styga, i. s.

Per media Lethes stagna cum spolio redi,

Cum paene trepidis excidit Titan equis;

Ego, quem deorum regna senserunt tria, 1165

Morior; nec ullus per meum stridet latus

Transmissus ensis; haud meae telum necis

Saxum est, nec instat montis abrupti latus,
 Aut totus Othrys; non truci rictu gigas
 Pindo cadaver obruit toto meum: 1170
 Sine hoste vincor; quodque me torquet magis,
 O misera virtus! summus Alcidae dies
 Nullum malum prosternit; impendo, hei mihi,
 In nulla vitam facta! Proh mundi arbiter,
 Superique, quondam dexteræ testes meae, 1175
 Proh cuncta tellus, Herculis vestri placet
 Mortem perire? Dirus o nobis pudor!
 O turpe fatum! femina Herculeæ necia
 Auctor feretur; auctor Alcides quibus?
 Invicta si me cadere feminâ manu 1180
 Voluere fata, perque tam turpes colos
 Mea mors cucurrit: cadere potuissem, hei mihi,
 Junonis odio: feminae caderem minis,
 Sed coelum habentis. Si nimis, Superi, fuit:
 Scythico sub axe genita domuiisset meae 1185
 Vires Amazon. Feminae cujus manu
 Junonis hostis vincor? Hinc gravior tui,
 Noverca, pudor est! Quid diem hunc lætum vocas?
 Quid tale tellus genuit iratae tibi?
 Mortalis edia femina excessit tæa. 1190
 Adhuc ferebas esse te Alcidae imparem;
 Victa es duobus: pudeat irarum deos.
 Utinam meo cruore satiasset suos
 Nemeæa rictus pestis, aut centum anguibas
 Vallatus hydram tabe pavissem mea! 1195
 Utinam fuisset præda Centauris datus,
 Aut inter umbras, victus, aeterno miser
 Saxe sederem, spolia cum traxi ultima
 Fato stupente! Nunc ab infernâ Styge
 Lucem recepi, Ditis evici moras; 1200
 Ubique me mors fugit, ut telo inclito
 Mortis carerem. Proh feri victi et feræ!
 Non me triformis sole conspecto canis

1168. Perperam libri; instat. instat, velut hostis. Malim quoque abruptum. 1169. gigas fere vet. "Αὐτοπὺς est, quod vulgatur, Gygēs. Flor.: nec truci rictu gigans. 1183. minis. Fort.: manu. (vide 273.) Quanquam confer 1463. 1184. Gruter.: Sin nimis. 1187. Fort.: Hic gr. tuo (pudore, quod me nunquam superaveris), N., p. est. 1191. Minime male Gruter.: ferebas. Cf. Herc. fur. 107. seqq. 1201. Ita Gron. Flor et Lipsian.: inclitæ. V.: ut leo inclito Fortis car. 1202. Putide legitur et hiantē versu: O feræ victæ, o feræ. Proh Delr. dedit ex edd. veteribus. feri, tyranni vel latrones, quos sævos alibi vocat. Cf. 1296. sequ.

Ad Styga reduxit; non sub Hesperio polo
 Ibera vicit turba pastoris feri; 1205
 Non gemina serpens; perdidit mortem, hei mihi,
 Toties honestam; titulus extremus quis est?
 CHOR. Viden', ut laudis conscia virtus a. d.
 Non Lethaeos horreat amnes?
 Pudet auctoris, non morte dolet. 1210
 Cupis extremum finire diem
 Vastâ tumidi mole gigantis,
 Et montiferum Titana pati,
 Rabidaeque necem debere feræ;
 Sed tua causa est miseranda magis, 1215
 Quod nulla fera est, nullusque gigas:
 Jam quis dignus necis Herculeæ
 Superest auctor, nisi dextra tui?
 HERC. Heu! qualis intus scorpions, quis fervida i. a.
 Plagâ revulsus cancer infixus meas 1220
 Urit medullas? Sanguinis quondam capax
 Tumidi jecur pulmonis arentes fibras
 Distendit; ardet felle siccato jecur,
 Totumque lentus sanguinem avexit vapor.
 Primam cutem consumsit; hinc aditum nefas 1225
 In membra fecit, abstulit costis latus,
 Exedit artus penitus, et totas malum
 Hausit medullas: ossibus vacuis sedet.
 Nec ossa durant ipsa, sed compagibus
 Discussa ruptis mole conlapsâ fluent. 1230
 Defecit ingens corpus, et pesti satis
 Herculeæ non sunt membra. Proh, quantum est malum,
 Quod esse vastum fateor! o dirum nefas!
 En cernite, urbes, cernite ex illo Hercule
 Quid jam supersit! Herculem agnoscis, pater? 1235
 Hisne ego lacertis spolia Nemeæi mali
 Elisa pressi? tensus hâc arcus manu
 Astris ab ipsis detulit Stymphalidas?
 His ego citatam gressibus vici feram,
 Radiante clarum fronte gestantem caput? 1240

1204. Non pro re est *reduxit*. Legam potius *retraxit*, quod illi non dissimile. 1211. Non recte libri; *Cupis*: cf. sequentia. 1212. Sic Flor. V.: *V. pressus mole gigantum*. 1213. Fort.: *Vel m. T. p., Rabidaeæ etc.* 1215. V.: *Si t. c. e. m. necis. Flor.* Sed t. c. e. m. *major*. 1218. Sic Ascens. Alii *soloecæ tui*. 1222. Fort.:

Tumidi, ecce! cor p. a. f.
Destituit; a. f. s. j.
T. l. s. affecit v.

1225. Sic Flor. V.: *aditus*.

His fracta Calpe manibus emisit fretum?
 His tot ferae, tot scelera, tot reges jacent?
 His mundus humeris sedit? haec moles mei est?
 Haecne illa cervix? has ego opposui mbras
 Coelo ruenti? quis mea custos manu 1245
 Trahetur ultra Stygius? ubi vires prius
 In me sepultae! Quid patrem adpello Jovem?
 Quid per Tonantem vindico coelum miser?
 Jamjam meus credetur Amphitryon pater.
 Quaecunque pestis viscere in nostro lates, 1250
 Procede: quid me vulnere occulto petis?
 Quis te sub axe frigido pontus Scythes,
 Quae pigra Tethys genuit, aut Maurum premens
 Ibera Calpe litus? O dirum malum,
 Utrumne serpens squalidum cristâ caput. 1255
 Vibrans, an aliquod es mihi ignotum malum?
 Numquid cruore es genita Lernaee ferae,
 An te reliquit Stygius in terris canis?
 Omne es malum nullumque. Quis vultus tibi est?
 Concede saltem scire, quo peream malo. 1260
 Quaecunque pestis, sive quaecunque es fera:
 Palam timeres. Quis tibi in medias locum
 Fecit medullas? Ecce, dereptâ cute
 Viscera inanum detexit; ulterior tamen
 Inventa latebra est. O malum simile Herculi! 1265
 Unde iste fletus? unde in has lacrimae genas?
 Invictus olim vultus et nunquam malis
 Lacrimas suis praebere consuetus (pudet!)
 Jam flere didicit. Quis dies fletum Herculis,
 Quae terra vidit? Siccus aerumnas tuli. 1270
 Tibi illa virtus, quae tot elisit mala,
 Tibi cessit uni! primo et ante omnes mihi
 Fletum abstulisti! dubior saxo horrido
 Et chalybe vultus et vaga Symplegade
 Ritus meos infregit et lacrimam expulit! 1275
 Flentem, gementem, summe proh rector poli,
 Me terra vidit; quodque me torquet magis,
 Noverca vidit. Urit ecce! iterum fibras;
 Invaluit ardor. Unde nunc fulmen mihi?

1241. Ita Gron. V.: *elisit*. 1245. Sic Flor. V.: *C. r. ? cujus* o
 cust. m. 1246. Fort.: *Stygius? ubi vires patris In me sep.?* Cf.
 sequentia. Ceterum Flor. et Lipsian.: *ubi vires*. V.: *o vires*. 1256.
 Sic Ascens. V.: *est*. 1272. Fort.: *T. c. u.; praemium (praedam)*
ante omnes (palam; cf. 1517, 18.) mihi F. a. 1275. Quidam Del-
 riani; *estudis*.

HERCULES OETAEUS. ACT. IV. 307

CHOR. Quid non possit superare dolor? a. d. 1280
 Quondam Getico durior Haemo,
 Nec Parrhasio lentior axe,
 Saevo cessit membra dolori;
 Fessumque movens per colla caput
 Latus alterno pondere flectit; 1285
 Fletum virtus saepe resorbet.
 Sic Arctoas laxare nives
 Quamvis tepido sidere Titan
 Non tamen audet, vincitque faces
 Solis adulti glaciale jubar. 1290

HERCULES, ALCMENA.

Lamentantem Herculem solatur Alcmena.

HERC. CONVERTE vultus ad meas clades, pater! i. s.
 Nunquam ad tuas confugit Alcides manus;
 Non, cum per artus hydra foecundum meos
 Caput explicaret. Inter infernos lacus
 Possessus atrâ nocte cum Fato steti, 1295
 Nec invocavi, Tot feras vici horridas,
 Reges, tyrannos; non tamen vultus meos
 In astra torsi: semper haec nobis manus
 Votum spopondit. Nulla me propter sacre
 Micuere coelo fulmina; hic aliquid dies 1300
 Optare jussit. Primus audierit preces,
 Idemque summus. Unicum fulmen peto.
 Giganta crede: non minus coelum mihi
 Adserere potui; dum patrem verum puto,
 Coelo peperci. Sive crudelis, pater, 1305
 Sive es misericors: commoda gnato manum!
 Properante Morte hanc occupa laudem tibi;
 Vel, si piget, manusque detrectat nefas:
 Emitte Siculo vertice arduentes, pater,
 Titanas in me, qui manu Pindum ferant, 1310
 Aut te, Ossa, qui me monte projecto opprimant!
 Abrumpat Erebi claustra, me stricto petat
 Bellona ferro. Mitte Gradivum truncem!
 Armetur in me dirus: est frater quidem,
 Sed ex noverca. Tu quoque Alcidae soror 1315
 Tantum ex parente, cuspidem in fratrem tuum

1296. Malim *Nec te invoc.*, ne invocationem Fati intelligamus. 1299. Libri et minus eleganter et deteriore numero: *propter me.* 1307. V.: *Propera ante Mortem et occ. hanc l. t. Flor.*: *Properante morte.*

Jaculare, Pallas! Supplices tendo manus
 Ad te, noverca: sparge tu saltem, precor,
 Telum! perire feminae possum manu.
 Jam fracta, jam satiata, quid pascis minas? 1320
 Quid quaeris ultra? Supplicem Alciden vides.
 Et nulla tellus, nulla me vidit fera
 Te deprecantem; nunc mihi iratâ quidem
 Opus est novercâ. Nunc tuus cessat dolor?
 Nunc odia ponis? parcis, ubi votum est mori? 1325
 O terra et urbes, non facem quisquam Herculi,
 Non arma tradet? tela subtrahitis mihi?
 Ita nulla saevas terra concipiat feras
 Post me sepultum, nec meas unquam manus
 Imploret orbis; si qua nascentur mala, 1330
 Nascatur otio. Undique infelix caput
 Mactate saxis; vincite aerumnas meas!
 Ingrate cessas orbis? excidimus tibi?
 Adhuc malis ferisque suppositus fores,
 Nisi me tulisses. Vindicem vestrum malis 1335
 Eripite, populi! Tempus hoc vobis datur
 Pensare merita! mors erit pretium omnium.
 ALCM. Quas misera terras mater Alcidae petam?
 Ubi natus, ubinam est? Certa si visus notat,
 Reclinis ecce! corde anhelanti aestuat; 1340
 Gemit: peractum est. Membra complecti ultimum,
 O gnate, liceat! spiritus fugiens meo
 Legatur ore! brachia amplexu cape!
 Ubi membra sunt? ubi illa, quae mundum tulit,
 Stelligera cervix? quis tibi exiguum tui 1345
 Partem reliquit? HERC. Herculem spectas quidem,
 Mater; sed umbram et vile nescio quid mei
 Agnosce! Mater, ora quid flectis retro
 Vultumque mergis? Herculem dici tuum
 Partum erubescis? ALCM. Quis feram mundus novam, 1350
 Quae terra genuit, quodve tam dirum nefas
 De te triumphat? Herculis victor quis est?

1322. Fort.: *Heu, nulla tellus, quod placuit Grutero.* 1323. Flor.: *irata pater.* Fort.: *irato patre, cum pater iratus mihi sit, qui me non extinguat.* 1326. Sic Flor. V.: *terrae.* 1330. Sic idem liber. V.: *nascetur fera.* 1331. Flor.: *Nascetur odium undique.* Legendum puto *Nascentur otio*, per otium et ipsam pacem. 1337. Sic Flor. per hellenismum. V.: — *datur: Pensate m.* 1341. *Perferam libri: ultima.* 1343. Ita Grot. V.: *br. in amplexus cape.* Flor.: *br. et amplexus c.* 1347. Haec scriptura Lipsiani atque Florentini. V.: *sed umbrae simile nescio etc.* 1349. *mergis* Flor. Alii: *moerens.*

HERC. Nuptae jacentem cernis Alciden dolis.
 ALCM. Quis tantus est, qui vincat Alciden, dolus?
 HERC. Quicumque, mater, feminae iratae sat est. 1355
 ALCM. Et unde in artus pestis aut ossa incidit?
 HERC. Aditum veniens palla femineis dedit.
 ALCM. Ubinam ista palla est? membra nudata intuo.
 HERC. Consumta mecum est. ALCM. Tantane inventa est lues?
 HERC. O mater, hydram et mille cum Lernaeferas 1360
 Errare mediis crede visceribus meis.
 Quae tanta nubes flamma Sicaniæ bibit,
 Quae Lemnos ardens, quae plaga igniferi poli,
 Vetaas flagranti currere in zonâ diem?
 In ipsa me jactate, prohi comites, freta,
 Mediosve in amnes! — Qui sat est Ister mihi? 1365
 Non ipse terris major Oceanus meos
 Franget vapores; omnis in nostris malis
 Deshoiet humor, omnis arescet latex.
 Quid, rector Erebi, me remittebas Jovi?
 Decuit tenere. Redde me tenebris suis! 1370
 Talem subactis Herculem ostende Inferis!
 Nil inde ducam; quid times iterum Herculem?
 Invade, Mors, non trepida: jam possum mori.
 ALCM. Compesce facinras saltem, et aerumnas domas, 1375
 Malisque tantis Herculem indomitum refer,
 Mortemque vince, quod soles; vince Inferos!
 HERC. Si me catenis horridus vinctum suis
 Praeberet avidae Caucasus volucri dapem:
 Scythiâ gemente febilis gemitus mihi 1380
 Non exstitisset. Si vagae Symplegades
 Utrâque premerent rupe: redeuntis minas
 Ferrem ruinae. Pfundus incumbat mihi.
 Atque Haemus et qui Thracios fluctus Athos
 Frangit, Jovisque fulmen excutiens Mimas! 1385
 Non ipse si in me, mater, hic mundus ruat,
 Superque nostros flagret incensus torq:
 Phoebeus axis, degener mentem Herculis.

1355. *ita. Codd.: ipsa, errore translativo.* 1360. Male itidem libri: *Lerna: Lernaë, Lernaë fera, hydra.* 1366. V.: *Mediosque,* et statim *Frangit*, ubi Deltiani et veti. edd.: *Franget*, sicut *Desficiet, arescet.* 1376. *indomitum* non placet, cum praecesserit *doma.* Legendum fortasse *indubium*, non *dubium redditum* apud homines, sed verum se Herculem probantem in ipsis malis. Scriptum fuerit *induvium, indovium, indomitum.* 1377. Flor.: *Mort.* differ (crucis). 1378. *suis.* Legendum videtur *senis* (Promethei), vel potius *feris.* Passim confusa *ferus* et *suus.* 1385. Ita Flor. et 1387. *toros.* V.: *exciptiens, rogos.*

Clamor domaret. Mille decurrant mala,
 Pariterque lacerent; hinc feris clangoribus 1390
 Aetheria me Stymphalis, hinc taurus minax
 Cervice totâ pulset; et quidquid fuit
 Solum quoque ingens, surgat hinc illinc simul!
 Artusque nostros dirus immittat Sinis;
 Sparsus silebo. Non ferae excutient mihi, 1395
 Non arma gemitus; nil, quod impelli potest.
 ALCM. Non virus artus, gnate, femineum coquit;
 Sed dura series operis et longus tibi
 Pavit cruentos forsitan morbos labor.
 HERC. Ubi morbus? ubinam pestis? estne aliquid mali 1400
 Adhuc in orbe? Veniat huc aliquis mihi!
 Nitendat arcus, nuda sufficiet manus.
 Procedat, agedum, huc! ALCM. Hei mihi, sensum quoque
 Excussit illi nimius impulsus dolor.
 Removete, quaeso, tela, et infestas, precor, 1405
 Rapite hinc sagittas; igne suffusae genae
 Scelus minantur. Quas petam latebras anus?
 Dolor iste furor est: Herculem solus domat. —
 Cur deinde latebras aut fugam vecors petam?
 Obire forti meruit Alcmena manu. 1410
 Vel scelere pereat, antequam letum mihi
 Ignavus aliquis mandet, ac turpis manus
 De me triumphet. Ecce, lassatus malis
 Sopore fessas adligat venas dolor,
 Gravique anhelum pectus impulsu quatit. 1415
 Favete, Superi! si mihi gnatum inclitum
 Miserae negatis: vindicem saltem, precor,
 Servate terris! abeat excusatus dolor,
 Corpusque vires reparet, Herculeum suas!

HYLLUS, ALCMENA, HERCULES,
 PHILOCTETES, muta persona.

Reversus Hyllus nunciat Herculi, Dejaniram, postquam se Nessi dolo deceptam comperit, sibi mortem conscivisse.

HYL. PROH lux acerba, proh capax scelerum dies! i. s. 1420

1389. Fort.: Clam. notaret. 1393. Ita Gron. Flor.: S. q. magis
 urgent hinc et illinc nemus. V.: S. q. ingens, surgat hinc illum
 fremens. 1394. Fort.: emittat, jaculetur. 1400. V.: Ubi mors?
 ubi illa? testis est al. m.? Intendat arcus, nuda suff. m. In orbe me-
 cum veniat huc aliquis mihi. Flor.: Ubi morbus? ubinam est de-
 sine adhuc al. m. In orbe. Gron. meliore conjectura: Ubi mor-
 bus? ubinam pestis? estne al. m. Adhuc in orbe? veniat huc etc.
 Huc, in me. 1420. Ita Flor. Rapheleng. V.: scel. dolor.

Nurus Tonantis occidit; gnatus jacet;
 Nepos supersum. Scelere materno hic perit;
 Fraude illa capta est. Quis per annorum vices,
 Totoque in aevo poterit aerumnas senex
 Referre tantas? Unus eripuit dies. 1435
 Parentem utrumque! Cetera ut sileam mala,
 Parcamque fatis: Herculem amitto patrem.
 ALCM. Compesce voces, inclitum Alcidae genus,
 Miseraeque fato similis Alcmenae nepos:
 Longus dolorem forsitan vincet sopor. 1430
 Sed ecce! lassam deserit mentem quies,
 Redditque morbo corpus, et luctus mihi.
 HERC. Quid hoc? rigenti cernitur Trachin jugo,
 An inter astra positus evasi genus
 Mortale tandem? Quis mihi coelum parat?
 Te, te, pater, jam video! placatam quoque 1435
 Specto novercam. Qui sonus nostras ferit
 Coelestis aures? Juno me generum vocat!
 Video nitentem regiam clari aetheris,
 Phoebeque tritam flammeâ zonam rotâ! — 1440
 Cubile video noctis hinc; tenebrae vocant.
 Quid hoc? quis axem cludit et ab ipsis, pater,
 Deducit astris? Ora Phoebus modo
 Afflabat axis: tam prope a coelo fui;
 Trachina video. Quis mihi terras dedit?
 Oete modo infra steterat, ac totus fuit 1445
 Suppositus orbis: tam bene excideras, dolor.
 Cogis fateri . . . Parce, et hanc vocem occupa!
 Naec, Hylle, dona matris; hoc munus parat.
 Utinam liceret stipite ingesto impiam. 1450
 Effringere animam, qualem Amazonium malum
 Circa nivalis Caucasi domui latus!
 O cara Megare, tunc, cum furerem, mihi
 Conjux fuisti? Stipitem atque arcus date!
 Dextra inquinetur; laudibus maculam imprimam: 1455
 Summus legatur femina Herculeus labor.
 HYL. Compesce diras, genitor, irarum minas:
 Habet; peractum est; quas petis poenas, dedit:
 Suâ perempta dexterâ mater jacet.
 HERC. Recte dolori est: manibus irati Herculis 1460

1434. An. Vitiose libri Et, At, Aut. 1441. Sic Flor. V.: tenebras vocat. 1446. Hic quoque expressi Florentinum. V.: Modo nempe me infra etc. 1453. V.: clara. Saepius haec vocabula confusa. Cf. 1499, 1876. 1460. Flor.: Recte dolores. V.: Cotci dolores. Recte, merito, justa de causa.

Occidere meruit; perdidit comitem Lichas.
 Saevire in ipsum corpus exanime impetus
 Atque ira cogit. Cur minis nostris caret?
 Ipsum cadaver pabulum accipiant ferae!
 XXX. Plus misera laeso doluit; hinc aliquid quoque 1465
 Detrahare velles. Occidit dextrâ suâ,
 Tuo dolore. Plura, quam poscis, tulit.
 Sed non cruentae sceleribus nuptae jaces,
 Nec fraude matris; Nessus hos struxit dolos,
 Ictus sagittis qui tuis vitam expuit. 1470
 Cruore tincta est palla semiferi, pater,
 Nessusque nunc has exigit poenas sibi.
 XXXI. Habet; peractum est; fata se nostra explicant.
 Lux ista summa est: quercus hanc sortem mihi
 Fatidica quondam dederat, et Parnassio 1475
 Cirrhaea quatiens templa mugitu nemus:
 „Dextrâ peremti, victor Alcide, viri
 „Olim jacebis; hic tibi emenso freta
 „Terrasque et umbras finis extremus datur.“
 Nil querimur ultra: decuit hunc finem dari, 1480
 Ne quis superstes Herculis victor foret.
 Nunc mors legatur clara, memoranda, inclita,
 Me digna prorsus: nobilem hunc faciam diem.
 Caedatur omnis silva, et Oetaeum nemus
 Concipiat ignes; Herculem accipiat rogos, 1485
 Sed ante mortem. Tu genus Poeantium,
 Hoc triste nobis, juvenis, officium adpara!
 Herculeâ totum flamma succendat diem.
 Ad te preces nunc, Hylle, supremas fero.
 Est clara captas inter, in vultu genus 1490
 Regnumque referens, Euryto virgo edita,
 Iole; tuis hanc facibus et thalamis para.
 Victor cruentus abstuli patriam, lares,
 Nihilque miserae praeter Alciden dedi;
 Et iste rapitur. Penset aerumnas suas: 1495
 Jovis nepotem foveat et gnatum Herculis.
 Tibi illa pariat, quidquid ex nobis habet.
 Tuque ipsa plactus pone funereos, precor,
 O cara genitrix; vivit Alcides tibi:
 Virtute nostrâ pellicem feci tuam 1500

1485. V.: *Suscipiat ignis*. Flor. Gron.: *Concipiat*. Recte Gruter.: *ignes*. 1490. Antiquissimae edd.: *E. c. c. inter incultum* (Ald.: *incultas*) *genus* etc.; unde Scal. non male: *E. c. c. i. Oechalias*; *genus Regemque ref.* 1499. Hic quoque libri *clara*, cum claritudine sua, non illius, matrem Hercules consoletur. Cf. 1453.

HERCULES OETAÆUS. ACT. IV. 513

Credi novercam. Sive nascente Hercule
 Nox illa certa est, sive mortalia meus
 Pater est; licet sit falsa progenies mihi:
 Materna culpa cesset et crimen Jovia:
 Merui parentem: contuli coelo decus. 1505
 Natura me concepit in laudes Jovis.
 Quin ipse, quanquam Jupiter, credi meus
 Pater esse gaudet. Parce jam lacrimis, parens:
 Superba matres inter Argolicas eris.
 Quid tale Juno genuit, aetherium gerens 1510
 Sceptrum, et Tonanti nupta? Mortali tamen
 Coelum tenens invidit: Alciden suum
 Dici, esse voluit. Perage nunc, Titan, vices
 Solus relictus: ille, qui vester comes
 Ubique fueram, Tartara et Manes peto. 1515
 Hanc tamen ad imos perferam laudem inclitam,
 Quod nulla pestis fudit Alciden palam,
 Omnesque pestes vicit Alcides palam.

CHORUS.

Solem orat, ut toti mundo Herculis mortem nunciet. Herculis
 apotheosin praedicat, Jovemque precatur, ut vel nulli produ-
 cantur tyranni, ferae, monstra, vel redeat Hercules malo-
 rum vindex.

O DECUS mundi, radiate Titan, sapph. 1520
 Cujus ad primos Hecate vapores
 Lassa nocturnae levat ora bigae,
 Dic sub Aurora positis Sabaeis,
 Dic sub Occasu positis Iberis,
 Quique ferventi quatiuntur axe,
 Quique sub plastro patiuntur Ursae, 1525
 Dic, ad aeternos properare Manes
 Herculem et regnum canis inquieti,
 Unde non unquam remeavit ullus!
 Sume, quos nubes radios sequantur;
 Pallidus moestas speculari terras, 1530
 Et caput turpes nebulae pererrent.
 Quando, proha Titan, ubi, quo sub axe

1505. Fort.: *N. bina (geminata) c. est. Cf. Agam. 803. sequ.*
 1512. Vulgatur haec interpunctio: *C. t. invidit? A. s. D. c. v.*
Dici, esse, Dici et esse. Asyndeton, quod hic noster amat. Fru-
stra Gron.: Mort. patri C. t. i.: Alc. s. Dici ipse vol. 1514. *Le-*
gendum puto; qui dexter comes U. f., dexter, propitius, boni
ominis, αλεξίμαχος. 1517. *fudit Flor. V.: vicit, ut sequente versu.*
 1518. Sic vet. edd. *Vulgatae et Flor.: Omnemque pestem.*

Herculem in terris alium sequeris?
 Quas manus, orbis miser, invocabis,
 Si qua sub Lernâ numerosa pestis
 1555 Sparget in centum rabiem dracones;
 Arcadum si quis populis vetustis
 Fecerit silvas aper inquietas;
 Thraciae si quis Rhodopes alumnus
 Durior terris Helices nyosae
 1560 Pascet humano stabulum cruore?
 Quis dabit pacem populo timenti,
 Si quid irati Superi per urbes
 Jusserint nasci? facit omnibus par,
 Quem parem tellus genuit Tonanti.
 1565 Planctus immensas resonet per urbes,
 Et, comas nullo cohibente nodo,
 Feminae exertos feriant lacertos;
 Solaque, obductis foribus deorum,
 1570 Tempa securae pateant novercae.
 Vadis ad Lethen Stygiumque littus,
 Unde te nullae referent carinae;
 Vadis ad Mænes miserandus, unde
 Morte devictâ tuleras triumphum?
 1575 Umbra nudatis venies lacertis,
 Languido vultu, tenuique collo;
 Teque non solum feret illa puppis.
 Non tamen viles eris inter umbras;
 Aeaeconque inter geminosque Cretas
 1580 Facta discernes, feries tyrannos.
 Parcite! audaces inhibete dextras!
 Laudis est, purum tenuisse ferrum;
 Dumque regnabas, minimum procellis
 In tuas urbes licuisse Fati.
 1585 Sin locum virtus habet inter astra:
 Sedis Arctoe spatium tenebis,
 An, gravis Titan ubi promit aestus?
 An sub Occasu tepido nitebis,
 Unde commisso resonare ponto
 1590 Audies Calpen? Loca quae sereni
 Deprimes coeli? quis erit recepto
 Tutus Alcida locus inter astra?

1557. Ita Flor. V.: *populi vetusti*. 1561. V.: *Sparget*. Correx. Gron. 1518. Lectio Medicea. V.: *Femina e. feriat l.* 1551—1554. V. haec affirmantur. Sed cf. 1565. seqq. 1561. Leg.: *Parcite, audaces; inhib. d.*, ex sententia Jacobi Gron. Flor.: *P.*, o *duces*. 1565. V.: *min. cruentis In t. u. l. fatis*. Flor.: *minus in procellis*.

Horrido tantum procul a Leone
 Det pater sedes calidoque Cancro:
 Ne tuo vultu tremefacta leges 1575
 Astra conturbent, trepidetque Titan.
 Vère dum flores venient tepenti,
 Et comam silvis hiemes recident,
 Vel comam ailvis revocabit aestas,
 Pomaque autumnno fugiente cedent, 1580
 Nulla te terris rapiet vetustas.
 Tu comès Phoebo, comes ibis astris!
 Ante nascetur seges in profundo,
 Vel fretum dulci resonabit unda;
 Ante descendet glacialis Ursae 1585
 Sidus, et Ponto vetito fruetur,
 Quam tuas laudes populi quiescant.
 Te, pater rerum, miseri precamur:
 Nulla nascatur fera, nulla pestis;
 Non duces saevos miseranda tellus 1590
 Horreat; nullâ dominetur aulâ
 Qui putet solum decus esse regni,
 Semper intensum tenuisse ferrum.
 Si quid in terris iterum timetur,
 Vindicem terrae petimus relictæ. 1595
 Hem, quid hoc? mundus tonat! Ecce, moeret,
 Moeret Alciden pater. An deorum
 Clamor, an vox est timidæ novercae?
 Hercule an viso fugit astra Juno?
 Passus an pondus titubavit Atlas? 1600
 An magis diri tremuere Manes
 Herculem, et visum canis Inferorum
 Fugit abruptis trepidus catenis?
 Fallimur: laeto venit, ecce, vultu,
 Quem tulit Poëas, humerisque tela 1605
 Gestat et notas populis pharetras,
 Herculis heres! ad.

1593. Sic Ald., probante Scal. Major pars librorum: *impen-*
sium, fortasse pro *imphenisum* (infensum). *Infensam hastam* dixit
 Virg. A. 10, 521. 1597. Sic plures Palatt. et edd. vett. 1600. *Pat-*
rus (quod *aspictus* accipiendum) Fernand. V.: *Lassus*, quod fru-
 stra tuentur.

ACTUS QUINTUS.

CHORUS, PHILOCTETES.

Philoctetes Herculis mortem atque funus nunciat.

CHOR. EFFARE casus, juvenis, Herculeus, precor. i. s.
Vultuque quonam tulerit Alcides necem.

PHIL. Quo nemo vitam. CHOR. Laetus adeone ultimos 1610
Invasit ignes? PHIL. Esse jam flammam nihil
Ostendit ille, qui sub hoc mundo, Hercules,
Virtute vinci docuit indomitâ omnia.

CHOR. Inter vapores quis fuit forti locus?

PHIL. Quod unum in orbe vicerat nondum malum, 1615
Et flamma victa est; haec quoque accessit feris;
Inter labores ignis Herculeos abst.

CHOR. Edissere, agedum! flamma quo victa est modo?

PHIL. Ut omnis Oeten moesta corripuit manus:

Huic fagus umbras perdit, et toto jacet 1620

Succisa trunco; flectit hic pinum ferox
Astris minantem, et nube de mediâ vocat;

Ruitura cautes movit, et silvam trahit
Secum minorem. Chaonis quondam loquax

Stat vasta late quercus et Phoebum vetat, 1625

Ultraque totos porrigit ramos nemus;

Gemit illa multo vulnere impresso minax,

Frangitque cuneos; resilit incussus chalybs,

Vulnusque ferrum patitur, et rigidum est parum.

Commota tandem est; tum cadens latam sui 1630

Duxit ruinam. Proptinus radios locus

Admisit omnes: sedibus pulsae suis

Volucres pererrant nemore succiso diem,

Quaeruntque lassae garrulae pennae domos.

Jamque omnis arbor sonuit, et sacrae quoque 1635

Sensere quercus horridam ferro manum,

Nullique priscum profuit lupo nemus.

1612. V.: qui sub occasu Herc. etc. Flor.: q. s. hoc mundo H. Immune vinci liquit en domita o. Gron.: q. s. hoc m. Herc. Immane nil reliquit. en domita o. 1623. Flor.: caute, et mox incussus chalybs, ubi vulgo legitur excussus. 1629. Flor.: patitur frigidus parum Gron.: pat., ut rigidum p. 1633. diem, aërem. Cf., monente Gron., Herc. fur. 245, Phoeniss. 422, etc. Legitur autem vulgo domus, et sequente versu pennae domos. Delrioni placuerat V. p. n. succ. nemus, Q. l. g. p. domos. Sequor Gronovium. Cf. 1626, 1637, 1642 sequ. 1637. lupo Flor. Gron. V.: ligno. Tentat Gron.: N. priscus pr. l. deus.

Adgeritur omnis silva, et alternæ trabes
 In astra tollunt Herculi angustum rogam,
 Raptura flammæ pinus et robur tenax, 1640
 Et brevior ilex; alba sed complet rogos
 Populea, salvæ frontis Herculeæ decus,
 At ille, ut ingens nemore sub Nasamonio
 Aeger reclini pectore immugit leo,
 Fertur. Quis illum credat ad flammæ rapi? 1645
 Vultus potentis astra, non ignes, erat.
 Ut pressit Oeten, ac suis oculis rogam
 Lustravit omnem: fregit impositus trabes,
 Arcumque poscit. „Accipe hæc,” inquit, „sate
 Poeante; dono: munus Alcidae cape! 1650
 Has hydra sensit; his jacent Stympthalides,
 Et quidquid aliud eminus vici malum,
 Virtute felix juvenis, has nunquam irritas
 Mittes in hostem; sive de mediâ voles
 Auferre volucres nubes: descendunt aves, 1655
 Et certa prædæ tela de coelo fluent.
 Nec fallet unquam dexteram hic arcus tuam:
 Librare telum didicit, et certam dare
 Fugam sagittis; ipsa non fallunt iter
 Emisso nervo tela. Tu tantum, precor, 1660
 Adcommoda ignes et facem extremam mihi! —
 Hic nodus,” inquit, „nulla quem capiet manus,
 Mecum per ignes flagret. Hoc telum Herculem
 Tantum sequatur. Hoc quoque acciperes,” ait,
 „Si ferre posses. Adjuvet domini rogam.” 1665
 Tum rigida secum spolia Nemeæi mali
 Arsura poscit. Latuit in spolio rogam.
 Ingemuit omnis turba, nec lacrimas dolor
 Cuiquam remisit. Mater in luctum furens
 Diduxit avidum pectus, atque utero tenuis 1670
 Exerta vastos ubera in plancus ferit;
 Superosque et ipsum vocibus pulsans Jovem
 Implevit ompem voce femineâ locum.

1639. V.: angustum. Flor.: anguste. Cf. 1648, 1667. 1641. V.:
 — ilex silva. contexit pyram Pop. silva, frontis (vel frondis) Herc.
 nemus. Flor.: silva se complet rogo Pop. Gron.: S. se confort
 rogo Pop. Pessime hic quoque librarii inculcarunt suum nemus:
 1646. Sic Flor. V.: erant. 1650. Tavoralsk. Fort.: Acc. hæc, inqu.,
 s. P.; clarum m. A. c. 1663. ignes vett. edd. V., in littera fre-
 quentiore, ignem. 1671. Flor.: vasto verberare in plancus furit.
 Fort.: vasto verberum plancu ferit (pectus). Certe ubera non us-
 que ad uterum pertinent, nisi forte in anu simili Horatianæ isti
 Epod. 8, 7. sequ.

- „Deforme letum, mater, Herculeum facis:
Compesce lacrimas,“ inquit. „Introrsus dolor 1675
Femineus abeat. Juno cur laetum diem
Te flente ducat? Pellicis gaudet suae
Spectare lacrimas. Contine infirmum jecur,
Mater: nefas est ubera atque uterum tibi
Laniare, qui me genuit.“ Et divum fremens, 1680
Qualis per urbes duxit Argolicas canem,
Cum victor Erebi Dite contempto redit,
Tremente Fato, talis incubuit rogo.
Quis sic triumphans laetus in curru stetit
Victor, quis illo gentibus vultu dedit 1685
Leges tyrannus, quanta pax obitus tulit?
Haesere lacrimae; cecidit impulsus dolor
Nobis quoque ipsis; nemo morituro ingemit;
Jam flere pudor est. Ipsa, quam sexus jubet
Moerere, siccis haesit Alcmena genis; 1690
Stetitque nato paene jam similis parens.
χρον. Nullasne in astra misit ad Superos preces
Arsurus, aut in vota respexit Jovem?
PHIL. Jacuit sui securus, et, coelum intuens,
Quaesivit oculis, arce an ex aliquâ pater 1695
Despiceret illum. Tum manus tendens ait:
„Quâcunque parte prospicis gnatum, pater,
Te, te, pater, quem nocte commissâ dies
Quaesivit unus, si meas laudes canit
Utrumque Phoebi littus, et Scythiae genus, 1700
Et, omnis, ardens ora, quam torret dies;
Si pace tellus plena, si nullae gemunt
Urbes, nec aras impias quisquam inquinat;
Si scelera desunt: spiritum admitte hunc, precor,
In astra! Nec me mortis infernae locus, 1705
Nec moesta nigri regna conturbant Jovis;
Sed ire ad illos umbra, quos vici, deos,
Pater, erubesco. Nube discussâ diem
Pande, ut deorum vultus ardentem Herculem
Spectet. Licet tu sidera et mundum neges 1710
Ultero, pater: cogere. Si voces dolor
Abstulerit ullas: pande tum Stygios lacus,
Et redde Fatis! adproba gnatum prius!
Ut dignus astris videar, hic faciet dies.
Deve est, quod actum est; Herculem hic, genitor, dies 1715

1686. Quid hoc est sermonis? Legam equidem: qu. pax obi-
ras fuit? 1706. Ita Mogunt. V. & conterrunt. Illud lectius sonan-
tiusque.

Inveniet, aut damnabit." Haec postquam edidit:
 Flammās poposcit. „Hoc age, Alcidae comes,
 Non segnis," inquit: „corripe Oetaeam facem.
 Noverca cernat, quo feram flammās modo.
 Quid dextra tremuit? num manus pavidā impium 1730
 Scelus refugit? Redde jam phāetras mihi,
 Ignave, iners, inermis! En nostros manus
 Quae tendat arcus! Qui sedet pallor genis?
 Animo facies invade, quo Alciden vides
 Vultu jacere! respice arsurum, miser! 1735
 Vocat ecce! jam me genitor, et pandit polos.
 Venio, pater!" Vultusque non idem fuit.
 Tremēte pinum dexterā ardentem impuli.
 Refugit ignis, et reluctantur facies,
 Et membra vitant; sed recedentem Hercules 1750
 Insequitur ignem. Caucasum, aut Pindum, aut Athon
 Ardere credas: nullus erumpit sonus;
 Tantum ingemiscit ignis. O durum jecur!
 Typhon in illo positus immanis rogo
 Gemuisset ipse, quique convulsam solo 1755
 Imposuit humeris Ossan Enceladus ferox;
 At ille medias inter exurgens facies
 Semiustus ac leniatus, intrepidus, rubens:
 „Nunc (es parens Herculeā): sic stare ad rogam
 Te, mater," inquit, „sic decet fieri Herculem." 1740
 Inter vapores positus et flammāe minas,
 Immotus, inconcussus, in neutrum latus
 Correpta torquens membra, adhortatur, monet,
 Gerit aliquid ardens. Omnibus fortem addidit
 Animum ministris; urere ardentem putes. 1745
 Stupet omne vulgus; vix habent flammāe fidem:
 Tam placida frons est, tanta majestas viro.
 Nec properat uri; cumque jam forti datum
 Leto satis persavit: igniferas trabes
 Hinc inde traxit, minima quas flammā occupat, 1750
 Totasque in ignem vertit, et quā plurimus

1716. Flor.: haec postqu. edidit, Fl. poposcit, plane ut hic
 excusum est secundum Gronovium. V.: hoc postque addidit: No-
 verca — modo. Flammās — comes, Non segnis etc. Versus No-
 verca etc. non legitur in Florentino. 1720. Lega: num manus pa-
 vidae pium Sc. refugiant? pium, officiosum. Cf. Agam. 925. 1759.
 Ita Gron. in praefatione. Flor.: N. est par. V.: Nunc, o par.,
 quod τρωτοειδὲς. 1745. Flor.: torrens (torrens). Verum divinavit
 Gron. V.: flectens. 1750. Libri: nimis. Correxerunt Lips. et
 Gron.

Exundat ignis, recipit intrepidus, ferox.
 Nunc ora flammis implet (ast illi graves
 Luxere barbae); cumque jam vultum minax
 Adpeteret ignis, lamberent flammae caput: 1755
 Non pressit oculos. Sed quid hanc moestam intueor
 Sinu gerentem? Reliquias magni Herculis
 Cineremque jactans squalida Alcmene gemit.

ALCMENA, PHILOCTETES.

Suam ex Herculis morte cladem Alcmena dolet.

ALCM. TIMEŢE, Superi, fata: tam parvus cinis i. s.
 Hercules est; huc ille decrevit gigas. 1760
 O quanta, Titan, in nihil moles abſt!
 Anilis, heu me, recipit Alciden sinus!
 Hic tumulus illi est. Ecce, vix totam Hercules
 Complevit urnam! quam leve est pondus mihi,
 Cui totus aether pondus incubuit leve! 1765
 Ad Tartara olim regnaque, o gnate, ultima
 Rediturus ibas; quando ab inferna Styge
 Remeabis iterum? non ut et spoliū trahas,
 Rursumque Theseus debeat lucem tibi;
 Sed quando solus? Mundus impositus tuas 1770
 Compescet umbras, teque Tartareus canis
 Inhibere poterit? Quando Taenareas fores
 Pulsabis, aut quas mater ad fauces agar,
 Quā mors aditur? — Vadis ad Manes, iter
 Habiturus unum. Quid diem questu tero? 1775
 Quid misera duras vita? quid lucem hanc tenes?
 Quem parere rursus Herculem possum Jovi?
 Quisnam parentem gnatus Alcmenen suam
 Tantus vocabit? O nimis felix, nimis,
 Thebane conjux, Tartari intrasti loca 1780
 Florente nato; teque venientem Inferi
 Timuere forsan, quod pater tantum Herculis
 Vel falsus aderas. Quas petam terras anus,
 Invisa saevis regibus, si quis tamen
 Rex est relictus saevus? Hei miserae mihi! 1785

1752. Vox ignis frequentior hoc loco, Fort.: *Ex.*, ictus r. i. feros, quemadmodum *fervidos ictus solis* dixit Horat. 2, 15, 9, et *Naso Phoebeos ictus* Metam. 5, 389, ubi similiter vulgus librorum habet *ignes*. Cf. Metam. 6, 49. 1753. Fort.: *Cineremque tractans*. Cf. Thyest. 757, Troad. 1070. 1762. Ita Flor. V.: *cepit Alc. s.* 1773. Sic itidem illae membranae, V.: *P. ? ah, quas etc.* 1775. *unum, perpetuum, unde nunquam redibis.* 1778. Libri: *Quis me parentem*. Correx. Gron.

Quicumque caesos ingemunt: gnati patres,
 A me petent: supplicia; me cuncti obruent.
 Si quis minor Busiris, aut si quis minor
 Antaeus urbes fervidae terret plagae:
 Ego praeda ducar. Si quis Ismarius greges 1799
 Thracis cruenti vindicat: carpent greges
 Mea membra diri. Forsitan poenas petet
 Irata Juno: totus uretur dolor.
 Secura victo tandem ab Alcide vacat;
 Pellex superum, supplicia de qua exigit. 1795
 Ne parere possem, fecit hic natus mihi
 Utero timendo. Quae petam Alcmenae loca?
 Quis me locus, quae regio, quae mundi plaga
 Defendet, aut quas mater in latebras agar
 Ubique per te nota? Si patriam petam 1800
 Laresque miseros: Argos Eurystheus tenet.
 Marita Thebes regna et Ismenon petam,
 Thalamosque nostros, in quibus quondam Jovem
 Dilecta vidi, proh nimis felix, nimis,
 Si fulminantem et ipsa sensissem Jovem? 1805
 Utinam meis visceribus Alcides foret
 Exemptus infans! Nunc datum est miserae, datum,
 Videre natum laude certantem Jovi:
 Ut et hoc daretur scire, quid fatum mihi
 Eripere posset! Quis memor vivet tui, 1810
 O gnate, populus? Omne jam ingratum est genus.
 Petam Cleonas? Arcadum populos petam,
 Meritisque terras nobiles quaeram tuis?
 Hic dira serpens cecidit; hic ales fera;
 Hic rex cruentus; hic tuâ fractus manu, 1815
 Qui te sepulto possidet coelum, leo.
 Si grata terra est: populus Alcmenen tuam
 Defendat omnis. Thracias gentes petam,
 Hebrique populos? Haec quoque est meritis tuis
 Defensa tellus: stabula cum regno jacent; 1820

1799. Sic Flor. V.: *Ismarios*. 1795. Prævus accentus verbi *supp-*
plicia. Vett. edd.: *de qua suppl. ex.*, unde facias *digna suppl.*
exigit, vel *expetat* cum Florentino. Quamquam praecessit *petet*.
digna uxore, digna pellice, supplicia. 1796. Gron.: *Si per. p.*
 1798. Modo legimus *loca*. Fort.: *locus*. Cf. Horat. Epist. 1, 14, 2.
 1808. V.: *Orbata Thebas regnum et Ismenum petam*. Flor.: *Marita*
Thebe regnat Ismenon p. 1807. Ita Gron. Flor.: *Exceptus. V.*:
Exsectus. Deinde idem codex: *N. datum est* (imo in vel ad tem-
 pus, datum, etc. 1809. Sic Flor. V.: *Et hoc dar. Gruter.: Ut*
hoc dar. sc., quid (vulgo: quod) *f. m. Er. p.* 1812. Sic item Flor.
 V.: *Arc. an pop. p.* 1820. Fort.: *stab. cum regno ut jacent, Huic*
paz etc.

Hic pax cruento rege prostrato data est:
 Ubi enim negata est? Quod tibi infelix anus
 Quaeram sepulcrum? De tuis totus rogis
 Contendat orbis. Reliquias magni Herculis
 Quis populus, aut quae templa, quae gentes colent? 1835
 Quis jam petet, quis poscet Alcmenes unus?
 Quae tibi sepulcra, gnate, quis tumulus sat est?
 Hic totus orbis; fama erit titulus tibi.
 Quid, anime, trepidas? Herculis cineras tenes.
 Complectar ossa: reliquiae auxilium dabunt; 1830
 Erunt sat haec praesidia: terrebunt tuae
 Reges vel umbrae. *par.* Debitos gnato quidem
 Compesce fletus, mater Alcidae incliti!
 Non est gemendus; nec gravi urgendus nece,
 Virtute quisquis abstulit satis iter. 1835
 Aeterna virtus Herculem fletu vetat.
 Fortes vetant moerere, degeneres jubent.
atcm. Sedabo questus? Vindicem amisi parens
 Terrae atque pelagi, quaque purpureus dies
 Utrumque clara spectat Oceanum rota. 1840
 Quot misera in uno condidi gnatos parens?
 Regno carebam, regna sed poteram dare.
 Una inter omnes terra quas matres gerit,
 Votis peperci; nil ego a superis peti
 Incolumem nato: quid dare Hercules mihi 1845
 Non poterat ardor? quis deus quidquam mihi
 Negare poterat? vota in hac fuerant manu:
 Quidquid negaret Jupiter, daret Hercules.
 Quid tale genitrix ulla mortalis tulit?
 Defflevit aliqua mater, et toto stetit 1850
 Succisa foetu, bisque septenos greges
 Deplanxit una; gregibus aequari meus
 Quot ille poterat? Matribus miseris adhuc
 Exemplat ingens deerat; Alcmena dabo.
 Cessate matres, pertinax si quas dolor 1855
 Adhuc jubet lugere, quas luctus gravius
 In saxa vertit! cedite his cunctae malis!
 Agedum, senile pectus, o miserde manus,
 Pulsate! Et una funeri tanto sat est

1830. sequ. V.: Complectere — Erunt satis pr. 1837. Sic Flor.
 V.: vetat, jubet. Gron.: veta, jube. 1838. Flor.: vindice amisso
 p. Terra atque pelagus quaeque, dein Oceano. Fort.: Vindicem
 amisit parens Terra atque pelagus, quique etc. 1850. Fort.: Deffle-
 vit aliquid (rem non condemnandam) mater, ut toto etc. 1859.
 Et, etiam.

HERCULES OETAEUS. ACT. V. 523

Grandæva anus defecta, quod totus brevi 1860
Jam quaeret orbis. Expedi in plangtus tamen
Defessa quamquam brachia! Invidiam ut deis
Lugendo facias, advoca in plangtum genus!

ALCMENA.

Tristis Alcmena naeniam canit.

FLETZ Alcmenen, a. d. et m. 1865
Magnique Jovis plangite natum,
Cui concepto lux una perfit,
Noctesque duas contulit Eos:
Ipsâ quiddam plus luct perfit.
Totae pariter plangite gentes,
Quarum saevos ille tyrannos 1870
Jussit Stygias penetrare domos,
Populisque madens ponere ferrum!
Fletum meritis reddite tantis!
Totus, totus personet orbis!
Fleat Alciden coerulea Crete, 1875
Magno tellus cara Tonanti!
Centum populi brachia pulsant!
Nunc, Curetes, nunc, Corybantes,
Arma Idaea quassate manu:
Armis illum lugere decet. 1880
Nunc nunc funus plangite verum:
Jacet Alcides non minor ipso,
Creta, Tonante.
Flete Herculeos, Arcades, obitus,
Nondum Phoebe nascente genus! 1885
Juga Parthenii Nemeaeque sonent,
Feriantque graves Maenala planctus!
Magno Alciden poscite gemitu:
Stratus vestris setiger agris;
Alesque sequi jussa sagittas, 1890
Totum pennis velata diem.
Flete, Argolicae, flete, Cleonae:
Hic terrentem moenia quondam
Vestra leonem
Fregit nostri dextera nati. 1895
Date Sithoniae verbera matres,

1861. Fort.: *Anquiret orbis secundum Gronovium.* 1876. Ita
Flor. V.: *M. t. clara Ton. Cf. 1453.* 1885. *Phoebe* Dan. Heinsius. V.:
Phoebe nascente, nata, per hellenismum. 1891. *Soloecismus.*
Legendum arbitror venata, quae velut captavit sive auferre cu-
puit ingentibus suis pennis diem seu lucem. 1896. Flor.: *Eutoniae.*

Gelidusque sonet plactibus Hebras!
 Flete Alciden,
 Quod non stabulis nascitur infans,
 Nec vestra greges viscera carpunt! 1900
 Fleat Antaeo libera tellus,
 Et rapta fero plaga Geryonae!
 Mecum miserae plangite gentes!
 Audiat ictus utraque Tethys!
 Vos quoque, mundi turba citati, 1905
 Flete Herculeos, numina, casus:
 Vestrum Alcides cervice meus
 Mundum, Superi, coelumque tulit,
 Cum stelligeri vector Olympi
 Pondere liber spiravit Atlas. 1910
 Ubi nunc vestrae, Jupiter, arces?
 Ubi promissi regia mundi?
 Nempe Alcides mortalis obit,
 Nempe sepultus. Quoties tellis
 Facibusque tuis ille pepercit! 1915
 Quoties ignis spargendus erat!
 In me saltem jaculare facem,
 Semelenque puta! Jamne Elysias,
 O gnate, domus, jam lictus habes,
 Ad quod populos Natura vocat; 1920
 An post raptum Styx atra canem
 Praeclusit iter; teque in primo
 Limine Ditis fata morantur?
 Quis nunc Umbras, gnate, tumultus
 Manesque tenet? 1925
 Fugit abducta navita cymba,
 Et Centauris Thessala motis
 Ferit attonitos ungula Manes,
 Anguesque suos hydra sub undis
 Territa mersit, 1930
 Teque labores, o gnate, fiment?
 Fallor, fallor, vesena parens,
 Nec te Manes Umbraeque timent:
 Non Argolico rapta leoni
 Fulva Pellis contexta iuba 1935
 Laevos operit dura lacertos,
 Vallantque feri tempora dehtes;
 Donum pharetrae cessere tuae,
 Telaque mittet jam dextra minor:

HERCULES OETAEUS. ACT. V. 325

Vadis inermis, gnate, per umbras, 1940
Ad quas semper mansurus eris!

ALCMENA, HERCULES.

Solatur lugentem matrem Hercules in deorum collegium trans-
latus.

HERC. Quid me tenentem regna siderei poli, i. s
Coeloque tandem redditum; planctu jubes
Sentire fatum? Parce: nam virtus mihi
In astra et ipsos fecit ad Superos iter. 1945

ALCM. Unde sonus trepidas aures ferit? dact. tetr.
Unda meas inhibet lacrimas fragor?

Agnosco, agnosco: victum est Chaos!
A Styge, nate, redis iterum mihi,
Fractaque non semel est Mors horrida! 1950
Vicisti rursum Noctis loca,

Puppis et infernae vadâ tristia;
Pervius est Acheron jam languidus,
Et remeare licet soli tibi,
Nec te Fata tenent post funera! 1955

An tibi praeclusit Pluton iter,
Et pavidus regni metuit sibi?
Certe ego te vidi flagrantibus
Impositum silvis, cum plurimus
In coelum fureret flammæ metus. 1960

Arsisti certe; cur ultima
Non tenuere tuas umbras loca?
Quid timere tui manes, precor?
Umbra quoque es Diti nimis horrida?

HERC. Non me gementis stagna Cocyti tenent, i. s. 1965

Non puppis umbras furva transvexit meas:
Jam parce, mater, questibus! Manes semel
Umbrasque vidi; quidquid in nobis tui
Mortale fuerat, ignis invitus tulit;

Paterna coelo pars data est, flammis tua,
Proinde planctus pone, quos gnato paret
Genitrix inerti; luctus in turpes eat.

Virtus in astra tendit, in mortem timor.
Praesens ab astris, mater, Alcides cano:
Poenas cruentus jam tibi Eurystheus dabit: 1975

1957. Fort.: Et pavidum regnum m. s. ? Pavidi Manes audiunt
Herc. iur. 765, Oedip. 603. 1961. V.: A. c.: verum ult. Flor.: A.
cur te cur u. 1964. es Gron. V.: est. 1969. Ita Grot. V.: ignis
injectus. Flor. Gron.: i. evictus. Cf. 1729.

326 L. A. SENECAE HERCULES OETAËUS.

Curru superbum vecta transcendes caput.
 Me jam decet subire coelestem plagam:
 Inferna vici rursus Alcides loca.
 ALCM. Mane parumper! — Cessit; ex oculis abijt,
 In astra fertur. Fallor, an vultus putat 1980
 Vidiſſe natum? Miſera mens incredula eſt.
 Es numen, et te mundus aeternus tenet:
 Credo triumphis. Regna Thebarum petam,
 Novumque templis additum numen canam.

CHORUS.

Herculi inter deos relato adſpirat Chorus, novumque numen adorat.
 NUNQUAM Stygias fertur ad umbras a. d. et m. 1985
 Inclita virtus. Vivite, fortes!
 Vos Lethaeos ſaeva per amnes
 Nec fata trahent; ſed cum ſummas
 Exiget horas conſumpta dies:
 Iter ad Superos gloria pandet. 1990
 Sed tu, domitor magne ferarum,
 Orbisque ſimul pacator, ades!
 Nunc quoque noſtras reſpice terras;
 Et ſi qua novo bellua vultu
 Quatiet populos terrore gravi: 1995
 Tu fulminibus frange triſulcis!
 Fortius ipſo genitore tuo
 Fulmina mittere.

1980. Fort.: puto Vid. nati? puto, putabo. Cf. Troad. 979 etc.

INCERTI SCRIPTORIS

OCTAVIA.

DRAMATIS PERSONAE.

OCTAVIA.

NUTRIX OCTAVIAE.

CHORUS ROMANORUM.

SENECA.

PRAEFECTUS.

POPPAEA.

AGRIPPINA.

NERO.

NUNCIUS.

INCERTI SCRIPTORIS
O C T A V I A.

ARGUMENTUM.

Claudius Drusus Caesar Messalinae, quae illi Britannicum et Octaviam pepererat, quod Silio fupsisset, mori iussae Agrippinam filiam fratris sui Germanici, viduam Cn. Dom. Aenobarbi Neronis, superinduxit; cujus filio Neroni Octaviam suam in matrimonium dedit. Claudio et Britannico veneno sublatis, Nero Imp. Octaviam, quam oderat, repudiat, Poppaeam Sabinae ducit. Cujus divortii causa commoti populi tumultum multa caede reprimit et Octaviam in Pandatariam ablegatam interfici jubet.

ALIUD ARGUMENTUM

HIERONYMI BALBI.

Impia sors, vario versans mortalia cursu,
Proh pudor! indignum ad fastigia celsa Neronem
Vexerat, et rerum latas donarat habenas.
Huic sata Dardaniâ generosa Octavia stirpe
Iuncta fuit diris avibus thalamoque sinistro: 5
Ille etenim, infami Poppaeae raptus amore,
Connubium antiquum spreuit tedasque iugales.
Hoc facinus crebris soboles Romana querelis
Increpat, infestâque Neronem voce lacescit.
Heu, nihil est saevi violentius aure tyranni: 10
Ille ardet stimulis, totusque immersus in iras
Uxorem egregiam morti devovit acerbae.
Tum vero exoritur questus juvenumque senumque,
Ore madent lacrimis, totam dolor occupat urbem.

ACTUS PRIMUS.

OCTAVIA.

Vitae pertaesa miserias suas deflet Octavia.

JAM vaga coelo sidera fulgens a. d. et m.

Aurora fugat ;

**Surgit Titan radiante comâ,
Mundoque diem reddit clarum.**

Age, tot tantis onerata malis,

Repete adsuetos jam tibi questus,

Atque aequoreas vince Halcyonas,

Vince et volucres Pandionias:

Gravior namque his fortuna tua est.

Semper genitrix deflenda mihi,

Prima meorum causa malorum,

Tristes questus natae exaudi,

Si quis remanet sensus in Umbris!

Utinam ante manu grandaeva suá

Mea rupisset stamina Clotho,

Tua quam moerens vulnera vidi,

Oraque foedo sparsa cruore!

O lux semper funesta mihi,

Tempore ab illo

Nox es tenebris invisibilis magis!

Tulimus saevae jussa novercae.

Hostilem animum, vultusque truces.

Illa illa meis, tristis Erinny's.

Thalamis Stygios praetulit ignes;

Teque extinxit, miserande pater,

Modo cui totus paruit orbis

Ultra Oceanum.

Cuique Britannii terga dedere,

Ducibus nostris ante ignoti,

Jurisque sui. Conjagis, heu me!

Pater, insidiis oppressa jaces,

Servitque domus cum prole tuâ

Captà tyranno!

NUTRIX OCTAVIAE.

Propter alumnae suae Octaviae calanditatem sublimis et aulicae
vifae conditioneque exsecratur.

Fulgoræ primo captus et fragili bono	i. s.
Fallacis aulae quisquis attonitus stupet:	35
Subito labantis ecce! Fortunæ impetu,	
Modo præpotentem, cernat eversam domum	
Stirpemque Claudî, cujus imperio fuit	
Subjectus orbis, paruit liber diu	
Oceanus, et recepit invitus rates.	40
En, qui Britannis primus imposuit jugum,	
Ignota et ante classibus texit freta,	
Interque gentes barbaras tutus fuit	
Et saeva maria, conjugis scelere occidit,	
Mox illa nati; cujus extinctus jacet	45
Frater venenis; moeret infelix soror,	
Eademque conjux; nec graves luctus valet	
Irà coactâ tegere. Crudelis viri	
Secreta refugit semper; atque odio pari	
Amens maritus mutuâ flagrat face.	50
Animum dolentis nostra solatur fides	
Pietasque frustra; mutat immitis dolor	
Consilia nostra; nec regi mentis potest	
Generosus ardor, sed malis vires capit.	
Heu, quam nefandum prospicit noster timor	55
Scelus, quod utinam numen avertat deum!	

OCTAVIA, NUTRIX.

Lugentem Octaviam nutrix consolatur, et a vindicta, quam co-
gitat, dehortatur.

ocr. O mea nullis aequanda malis	a. d. et m.
Fortuna! Licet repetam luctus,	
Electra, tuos! Tibi mœrenti,	
Caesum licuit flere parentem;	60
Scelus ulcisci vindice fratre,	
Tua quem pietas hosti rapuit,	
Texitque fides;	
Me crudeli sorte parentes	
Raptos prohibet lugere timor,	65

49. MS. Ultraj. et edd. aliquot vett.: *Quam, vel Quem, se-
creta.* Sequentē versu Ultraj.: *Amens mar. V.: Ardens mar. Fort.:
I. c. tegere, crudelis viri Quae scelera refugit semper; atque odii
paris Amens mar. m. f. f.* 52. Libri quidam: *inmittit, vel mittit.*
Fort.: admittit i. d. C. noxae. 53. Fort.: *Libens repetam etc.*

Fratrisque necem deflere vetat,
In quo fuerat spes una mihi,
Totque malorum breve solamen.
Nunc, in luctus servata meros,
Magni resto nominis umbra.

70

NUTR. Vox, heu, nostras perculit aures
Tristis alumnae! Cessas thalamis
Inferre gradus, tarda senectus?

OCT. Excipe nostras lacrimas, nutrix,
Testis nostri fida doloris!

75

NUTR. Quis te tantis solvet curis,
Misseranda, dies?

OCT. Qui me Stygias mittet ad umbras.

NUTR. Omina, quaeso, sint ista procul!

OCT. Non vota meos tua nunc casus,
Sed fata regunt. NUTR. Dabit adflictae
Meliora deus tempora mitis.

80

Tu modo blando vince obsequio
Placata virum. OCT. Vincam saevos

Ante leones tigresque truces,
Fera quam saevi corda tyranni.

85

Odit genitos sanguine claro,
Spernit Superos hominesque simul;

Nec fortunam capit ipse suam,
Quam dedit illi per scelus ingens

90

Infanda parent. Licet ingratum
Dirae pudeat munere matris

Hoc imperium cepisse; licet
Tantum munus mortē rependat:

Feret hunc titulum post fata tamen
Femina longo semper in aevo.

95

NUTR. Animi retine verba furentis!
Temera emissam comprime vocem!

OCT. Toleranda quam? vis patiar: haud unquam queant i. s.
Nisi morte tristi nostra finiri mala.

100

Genitrice caesa, per scelus rapto patre,
Orbata fratre, miseris, luctu obruta,

Moerore pressa, conjugī invisa, ac meae
Subjecta famulae, luce non gratā frubr,

Trepidante semper corde, non mortis metu,
Sed sceleris. Absit crimen a fatis meis,

105

Mori juvabit: poena nam gravior nece est
Videre tumidos et truces miseræ mihi

69. Ita Gron. V.: meos. Cf. 386. 99. V.: Tol. quamvis. Emendavit Lipsius.

Vultus tyranni, jungere atque hosti oscula;
 Timere nutus, cuius obsequium meus 110
 Haud ferre posset fata post fratris dolor,
 Scelere interemti, cuius imperium tenet
 Et morte gaudet auctor infandae necis.
 Quam saepe tristis umbra germani meis
 Offertur oculis, membra cum solvit quies, 115
 Et fessa fletu lumina oppressit sopor!
 Modo facibus atris armat infirmas manus,
 Oculosque et ora fratris infestus petit;
 Modo trepidus idem refugit in thalamos meos;
 Persequitur hostis, atque inhaerenti mihi 120
 Violentus ense per latus nostrum rapit.
 Tunc tremor et ingens excutit somnos pavor,
 Renovatque luctus et metus miserae mihi.
 Adice his superbam pellicem, nostrae domus
 Spoliis nitentem; cuius in munus suam 125
 Stygiae parentem natus imposuit rati,
 Quam dira post naufragia superato mari
 Fervo interemit, saevior pelagi fretis.
 Quae spes salutis post nefas tantum mihi?
 Inimica victrix imminet thalamis meis; 130
 Odioque nostri flagrat, et pretium stupri
 Justae maritum conjugis captat caput.
 Emerge te Umbris, et fer auxilium tuae
 Natae invocanti, genitor; aut Stygios sinus
 Tellure rupta pande, quo praeceps ferar! 135
 NURA. Frustra parentis invocas manes tui,
 Miseranda, frustra, nulla cui prolis suae
 Manet inter umbras cura; qui nato suo
 Praeferre potuit sanguine alieno satum,
 Genitamque fratre conjugem captus sibi 140
 Toris nefandis flebili junxit face.
 Hinc orta series facinorum, caedes, doli,
 Regni cupido, sanguinis diri sitis:
 Mactata socii comidit thalamis gener
 Victima, tuis ne fieret hymenaeis potens. 145
 Proh facinus ingens! feminae est munus datus
 Silanus, et cruore foedavit suo

113. Malebat idem sorte, parte Britannici, quae Neroni cessit. 125. Malim, numero meliore, neque ineleganter: *Renovant-que* (se) *luctus* (pluraliter, ut etiam *metus*) etc. 132. *maritum* est adjectivum. Cf. Herc. Oet. 1802. 133. V.: *Emergere undis*. Gron.: *Emerge ab Umbris*. Non semel depravatum *undis*. Cf. Herc. Oet. 513. 140. V.: *fratris*. Correxerit Gron.

Patrios penatēs, criminis ficti reus.
 Intravit hostis hei mihi! captam domum
 Dolis novercae, Principis factus gener, 150
 Idemque natus, juvenis infandi ingent
 Capaxque scelerum, dira cui genitrix facem
 Accendit, et te junxit invitam metu;
 Tantoque victrix facta successu ferox,
 Ausa imminere est orbis imperio sacri. 155
 Quis tot referre facinorum formas potest,
 Et spes nefandas feminae, et blandos dolos
 Regnum petentis per gradus scelerum omnium?
 Tum sancta Pietas extulit trepidos gradus,
 Vacuamque Erinny's saeva funesto pede 160
 Intravit aulam, polluit Stygiā face
 Sacros penates, jura Naturae furens
 Fasque omne rupit: miscuit conjux viro
 Venena saeva; cecidit atque eadem sui
 Mox scelere nati. Tu quoque extinctus jaces, 165
 Deffende nobis semper infelix puer,
 Modo sidus orbis, columen Augustae domus,
 Brittanice, heu me! nunc levis tantum cinis
 Et tristis Umbra; saeva cui lacrimas tulit
 Etiam noverca, cum rogis artus tuos 170
 Dedit cremandos, membraque et vultus deo
 Similes volanti flamma fervens abstulit.
 OCT. Extinguat et me, ne inanē nostra cadat.
 NUTR. Natura vires non dedit tantas tibi.
 OCT. Dolor, ira, moeror, miseriae, luctus dabunt. 175
 NUTR. Vince obsequendo potius immitem virum.
 OCT. Ut fratrem ademptum scelere restituat mihi?
 NUTR. Incolumis ut sis ipsa, labentem ut domum
 Genitoris olim sobole restituas tua.
 OCT. Expectat aliam Principis sobolem domus; 180
 Me dira miseri fata germani trahunt.
 NUTR. Confirmet animum civium tantus favor.
 OCT. Solatur iste nostra, non relevat, mala.
 NUTR. Vis magna populi est. OCT. Principis major tamen.
 NUTR. Respiciet ipse conjugem. OCT. Pellex vetat. 185
 NUTR. Invisa cunctis nempe. OCT. Sed cara est viro.
 NUTR. Nondum uxor est. OCT. Jam fiet, et genitrix simul.
 NUTR. Juyenilis ardor impetu primo furit;
 Languescit idem facile, nec durat diu
 In venere turpi, ceu levis flammae vapores; 190
 158. gradus Palatinorum unus, ad stipulante Grutero. V.: gra-
 dum. 164. Fort.: ecc. aut eadem.

Amor perennis conjugis castae manet. Violare prima quae toros ausa est tuos, Animumque domini famula possedit diu, Jam metuit eadem. ocr. Nempe praelatam sibi Subjecta et humilis; atque monumenta extruit,	195
Quibus timorem fassa testatur suum. NUTR. Et hanc levis fallaxque destituet deus Volucer Cupido. Sit licet forma eminens, Opibus superba: gaudium capiet breve. Passa est similes ipsa dolores	a. d. et m. 200
Regina deum, Cum se formas vertit in omnes Dominus coeli divumque pater, Et modo pennas sumpsit oloris, Modo Sidonji cornua tauri,	205
Aureus idem fluxit in imbri. Fulgent coelo sidera Ladae; Patrio residet Bacchus Olympo; Deus Alcides possidet Heben, Nec Junonis jam timet iras,	210
Cujus gener est, qui fuit hostis. Vicit sapiens tamen obsequium Conjugis altae pressusque dolor: Sola Tonantem tenet aethereo Secura toro maxima Juno;	215
Nec mortali captus forma Deserit altam Jupiter aulam. Tu quoque, terris altera Juno, Soror Augusti conjuxque, graves Vince dolores!	220
ocr. Jungentur ante saeva sideribus freta, Et ignis undae, Tartaro tristi polus, Lux alma tenebris, roscidae nocti dies, Quam cum scelesti conjugis mente impiâ Mens nostra, semper fratris extincti memor.	i. s. 225
Utinam nefandi Principis dirum caput Obruere flammis Coelitum rector paret, Qui saepe terras fulmine infesto quatit, Mentesque nostras ignibus terret sacris, Novisque monstis! Vidimus coelo jubar	230
Ardens cometam pandere, infaustam facem,	

194. metuit Fern. Gruter. V.: metuet. Intelligitur Apte concubina Neronis; de qua vidd. Tacit. A. 13, 12, 46; 14, 2, et Dio Cass. lib. 41. Verba *Nempe* — suum vulgo nutrici tribuuntur, cui respondet hisce Octavia *σιμωνιδος*. 197. MS. Ultraj.: At hanc.

Quâ plaustra tardus noctis aeternâ vice
 Regit Bootes, frigido Arctoo rigens.
 En! ipse diro spiritu saevi ducis
 Polluitur aether; gentibus clades novas 235
 Minantur astra, quas regit dux impius.
 Non tam ferum Typhona neglecto Jove
 Irata tellus edidit quondam parens;
 Haec gravior illo pectis: hic, hostis deum
 Hominumque, templis expulit Superos suis, 240
 Civesque patriâ; spiritum fratri abstulit;
 Hausit cruorem matris; et lucem videt,
 Fruiturque vitâ, noxiamque animam trahit!
 Proh summe genitor, tela cur frustra jacies
 Invicta toties temere regali manu? 245
 In tam nocentem dextra cui cessat tua?
 Utinam suorum facinorum poenas luat.
 Nero, ipse divo Domitio genitus patre,
 Orbis tyrannus, quem premit turpi iugo,
 Morumque vitiis nomem Augustum inquinat. 250
 nura. Indignus ille, fateor, est thalamis tuis;
 Sed cede fati atque fortunae tuae,
 Alumna, quaeso; neve violenti move
 Iram mariti. Forsitan vindex deus
 Existet aliquis, laetus et veniet dies. 255
 oct. Gravi deorum nostra jam pridem domus
 Urgetur irâ, prima quam pressit Venus,
 Furore miserae dira genitricis meae:
 Quae nupta demens nupsit incestâ face,
 Oblita nostri, conjugis, legum immemor. 260
 Illo solutâ crine, succinctâ anguibûs,
 Ultrix Erinnyis venit ad Stygios toros,
 Raptasque thalamis sanguine extinxit faces;
 Incendit irâ Principis pectus truci
 Caedem in nefandam. Cecidit infelix parens 265
 Heu! nostra ferro, meque perpetuo obruit
 Extincta luctu. Conjugem traxit suum
 Natumque ad umbras; prodidit lapsam domum.
 nura. Renovare luctus parce cum fletu pios,
 Manes parentis neve sollicita tuae, 270
 Graves furoris quae sui poenas dedit.

233. Fort.: frigore. 244. Fort.: tela cur si facis I. t. tremere
 r. m.? Cf. Phoen. 468, Ovid. Met. 8, 375. 247. Fort.: luat Iste
 insitius, Domitius g. p., secundum Gron. 261. Fort.: Illi, Mes-
 salinae.

CHORUS:

Poppaeae nuptias detestatur Chorus Octavias favens. Degenerem, lentam nimis et servilem Romanorum arguit patientiam, et in scelera Nerondis invehitur.

Quae fama modo venit ad aures,	a. d. et m.
Utinam falso credita perdat	
Frustra toties jactata fidem,	
Nec nova nostri conjux thalamos	275
Principis intret, teneatque suos	
Nupta penates Claudia proles!	
Edat partu pignora pacis,	
Quâ tranquillius gaudeat orbis,	
Servetque decus Roma aeternum!	280
Fratri thalamos sortita tenet	
Maxima Juno;	
Soror Augusti sociata toris	
Cur a patriâ pellitur aulâ?	
Sancta quid illi prodest pietas,	285
Divusque pater?	
Quid virginitas castusque pudor?	
Nos quoque nostri sumus inmemores	
Post fata ducis, cujus stirpem	
Prodimus, aevi suadente metu.	290
Vera priorum, virtus quondam	
Romana fui; verumque genus	
Martis in illis sanguisque viris,	
Illi reges hâc expulerunt	
Urbe superbos;	295
Ultique tuos sunt bene manes,	
Virgo, dextrâ caesa parentis,	
Ne servitium paterere grave, et	
Improba ferret praemia victrix	
Dira libido.	300
Te quoque bellum triste secutum est,	
Mactatâ tuâ miseranda manu,	
Nata Lucreti,	
Stuprum saevi passa tyranni!	
Dedit infandi sceleris poenas	305
Cum Tarquinio Tullia conjux,	
Quae per caesi membra parentis	
Egit saevos impia currus,	

290. MSS. et edd. vet.: *Prod. aevo* (vel *saevo*) s. m. *aevi*, *vi-*
tae. Cf. 687 seqq. 298. Sic libri, non *aut impr.*, sicut vulgo.
 Plura mutarunt in hac fabula ob non perspectam metri rationem.

OCTAVIA. ACT. I.

339

Laceroque seni violenta rogos,

Nata, negavit.

310

Haec quoque nati videre nefas

Secula magnum, cum Tyrrhenum

Rale ferali Princeps captam

Fraude parentem misit in aequor.

Properant placidos linquere portus

315

Jussi nautae; resonant remis

Pulsata freta:

Fertur in altum provecta ratis,

Quae resoluto robore labens

Pressa dehiscit, sorbetque mare.

320

Tollitur ingens clamor ad astra,

Cum femineo mixtus planctu.

Mors ante oculos dira vagatur;

Quaerit leti sibi quisque fugam:

Alii lacerae puppis tabulis

325

Haerent nudi, fluctusque secant;

Repetunt alii littora nantes;

Multos mergunt fata profundo.

Scindit vestes Augusta suas,

Laceratque comas,

330

Rigat et moestis fletibus ora.

Postquam spes est nulla salutis:

Ardens irā jam victa malis:

„Haec,” exclamat, „mihi pro tanto

Munere reddis praemia, nato?

335

Hāc sum, fateor, digna carina,

Quae te genui, quae tibi lucem

Atque imperium nomenque dedi

Caesaris, amens.

Exere vultus Acheronte tuos,

340

Poenisque meis pascere, conjux:

Ego causa tuae, miserande, necis,

Natoque tuo funeris auctor.

En, ut merui,

Ferar ad manes inhumata tuos,

345

Obruta saevis aequoris undis!”

Feriunt fluctus ora loquentis;

Ruit in pelagus,

Rursumque salo pressa resurgit;

Pellit palmis cogente metu

350

310. Ita vet. et Gron. V. secundum Aldum: *hac. q. nostra*
v. n., quod ἀπορροή. 312. *majus* Grot. Gron. V.: *magnum.*

Fata, et cedit fessa labori.
 Mansit tacitis in pectoribus
 Spretâ tristi jam morte fides:
 Multi dominae ferre auxilium
 Pelago fractis viribus audent, 555
 Brachia quamvis lenta trahentem
 Voce hortantur, manibusque levant.
 Quid tibi saevi fugisse maris
 Profuit undas?
 Ferro es nati moritura tui, 560
 Cujus facinus vix posteritas,
 Tarde semper credula, credet.
 Furit, ereptam pelagoque dolet.
 Vivere matrem
 Impius, ingens geminatque nefas: 565
 Ruit in miserae fata parentis,
 Patiturque moram sceleris nullam.
 Missus peragit jussa satelles:
 Reserat dominae pectora ferro.
 Caedis moriens illa ministrum 570
 Rogat infelix,
 Utero dirum condat ut ensem.
 „Hic est, hic est fodiendus,” ait,
 „Ferro, monstrum qui tale tulit!”
 Post hanc vocem, 575
 Cum supremo mixtam gemitu,
 Animam tandem per fera tristam.
 Vulnera reddit.

ACTUS SECUNDUS.

SENECA.

Philosophus, seculi sui vitia detestatus, prisci aevi simplicitatem laudat, utque omnia in dies in deteriora ruerint commemorat.

Quid me, potens Fortuna, fallaci mihi i. s.
 Blandita vultu, sorte contentum meâ 380
 Alte extulisti, gravius ut ruerem editâ
 Receptus arce, totque prospicerem metus?
 Melius latebam procul ab invidiae malis

352. tacitis. Grot.: *femulis*. 379. Fort.: *fall. nimis Bl. v.*, ut voluit Gruterus. Cf. 647.

Remotus inter Corsici rupes maris,	
Ubi liber animus et sui juris mihi	385
Semper vacabat, studia recolenti mea.	
O quam juvabat, quo nihil majus parens	
Natura genuit, operis immensi artifex,	
Coelum intueri, solis et cursus sacros,	390
Mundique motus, salis et alternas vices,	
Orbemque Phœbes, astra quem cingunt vaga,	
Lateque fulgens ætheris magni decus!	
Qui si senescit, tantus in coecum chaos	
Casurus iterum: nunc adest mundo dies	
Supremus ille, qui premat genus impium	395
Coeli ruinâ: rursus ut stirpem novam	
Generet renascens melior; ut quondam tulit	
Juvenis, tenente regna Saturno poli.	
Tunc illa virgo, numinis magni dea,	
Justitia, coelo missa cum sanctâ Fide	400
Terris, regebat mitis humanum genus.	
Non bella norant, non tubae fremitus truces;	
Non arma gentes cingere assuerant fera,	
Muris nec urbes. Pervium cunctis iter,	
Communis usus omnium rerum, fuit;	405
Et ipsa tellus laeta foecundos sinus	
Pandebat ultro, tam piis felix parens	
Et tuta alumnis. Alia sed soboles minus	
Conspecta mitis. Tertium sollers genus	
Novas ad artes extitit, sanctum tamen;	410
Mox inquietum, quod sequi cursu feras	
Auderet acres; fluctibus tectos gravi	
Extrahere pisces rete, vel calamo levi;	
Decipere volucres; premere subjectos jugo	
Tauros feroces; vomere immunem prius	415
Sulcare terram; laesa quae fruges suas	

386. Leg.: *mera*. Cf. 69. Solis ibi studiis operam se dedisse dicit. 390. V.: *M. m.*, *solis alt. v.*, cum de sole modo dictum sit. *salis alt. v.*, accessum et recessum maris. 401. Vett. praeter Aldum: *Terra* et sequente versu *norant*. V.: — *Fide*, *Terras r. mitis. hum. g. N. b. norat*; non *t. fr. t. f.* Non *a. g. c. ass.*, *suas M. n. urb.* Non semel permixta *ferus* et *suus*. Vid. not. ad Phoen. 23. 412 — 415. Sic MS. *Ultraj.*, nisi quod habet *graves*. Ceteri antiqui: *Decip. vol. crate*, aut *levi Tenere laqueo*; subj. *prem. jugo* etc. Ascens.: *crate cervos*, aut *levi* etc. Gron.: *fl. t. gravi Extr. p. rete, vel cal.*, aut *brevi Dec. vol. crate, cervos* aut *leves Ten. laqueo*; *premere subjectos* etc. Agnoscere spuria Fabric. et Gruterus. 416. sequ. Fort.: *laesa quo* (ut) *frug. s. Interius altrix conderet sacro sinu. altrix, terra*, ut apud Ciceronem, Virgilium etc.

Interius alte comdidit sacro sinu.
 Sed in parentis viscera intravit suae
 Deterior aetas: eruit ferrum grave
 Aurumque; saevos mox et armavit manus; 420
 Partita fines regna constituit, novas
 Extruxit urbes; tecta defendit suis
 Aliena telis, aut petiti praedae imminens.
 Neglecta terras fugit et mores feros
 Hominum, et cruenta caede pollutas manus, 425
 Astraea virgo, siderum magnum decus.
 Cupido belli crevit atque auri fames.
 Totum per orbem maximum exortum est malum,
 Luxuria, pestis blanda; cui vires dedit
 Roburque longum tempus atque error gravis. 430
 Collecta vitia per tot aetates diu
 In nos redundant; seculo premimur gravi,
 Quo scelera regnant, saevit impietas furens,
 Turpi libido venere dominatur potens,
 Luxuria victrix orbis immensas opes 435
 Jampridem avaris manibus, ut perdat, rapit.
 Sed ecce! gressu fertur attonito Nero,
 Trucique vultu. Quid ferat, mente horreo.

NERO, PRAEFECTUS, SENECA.

Incassum monet suum Neronem philosophus, qui tyrannicis institutis pertinaciter insistit, proximumque diem nuptiis cum Poppaeâ destinat.

NERO. PERAGE imperata: mitte, qui Plauti mihi i. s.
 Sullaëque caesi referat abscissum caput. 440
 PRAEF. Jussa haud morabor: castra confestim petam.
 SEN. Nihil in propinquos temere constitui decet.
 NERO. Justo esse facile est, cui vacat pectus metu.
 SEN. Magnum timoris remedium clementia est.
 NERO. Extinguere hostem maxima est virtus ducis. 445
 SEN. Servare cives major est patriae patri.
 NERO. Praecipere mitem convenit pueris senem.
 SEN. Regenda magis est fervida adolescentia.
 NERO. Aetate in hac satis esse consilii reor.
 SEN. Ut facta Superi comprobent semper tua! 450
 NERO. Stulte verebor, ipse cum faciam, deos.
 SEN. Hoc plus verere, quod licet tantum tibi.
 NERO. Fortuna nostra cuncta permittit mihi.
 SEN. Crede obsequenti parcius: levis est dea.

NERO. Inertis est nescire, quid liceat sibi. 455
 SEN. Id facere, laus est, quod decet; non, quod licet.
 NERO. Calcat jacentem vulgus. SEN. Invisum opprimit.
 NERO. Ferrum tuetur principem. SEN. Melius fides.
 NERO. Decet timeri Caesarem. SEN. At plus diligi.
 NERO. Metuant necesse est... SEN. Quidquid exprimitur,
 grave est. 460
 NERO. Jussisque nostris pareant. SEN. Justa impera.
 NERO. Statuam ipse. SEN. Quae consensus efficiat rata.
 NERO. Despectus ensis faciet. SEN. Hoc absit nefas.
 NERO. An patiar ultra, sanguinem nostrum peti,
 Inultus et contemptus ut subito opprimar? 465
 Exilia non fregere summos procul
 Plautum atque Sullam; pertinax quorum furor
 Armat ministros sceleris in caedem meam.
 Absentium cum maneat etiam ingens favor
 In urbe nostrâ, qui fovet spes exulum;
 Tollantur hostes ense suspecti mihi. 470
 Invisa conjux pereat, et carum sibi
 Fratrem sequatur. Quidquid excelsum est, cadat.
 SEN. Pulchrum eminere est inter illustres viros,
 Consulere patriae, parcere afflictis, ferâ
 Caede abstinere, tempus atque irae dare, 475
 Orbi quietem, seculo pacem suo.
 Haec summa virtus; petitur hâc coelum viâ.
 Sic ille patriae primus Augustus parens
 Complexus astra est, colitur et templis deus. 480
 Illum tamen Fortuna jactavit diu
 Terrâ marique per graves belli vices,
 Hostes parentis donec oppressit sui.
 Tibi numen incruenta summisit suum,
 Et dedit habenas impert facili manu, 485
 Nutuque terras, maria, subjecit tuo:
 Invidia tristis victa consensu pio

457. Sic itidem Ultraj. et edd. vett. V.: *opprimet.* 465. De-
 spectusne iste consensus patrum, quem tu factas? Imo ensis
 rata faciet, quaecunque statuero. V.: *Despectus ensis faciet*; quod
 varie tentarunt. Scribas quoque licet: — *rata Despectus.* NERO.
Ensis faciet. 466. Ita Raphael. V.: *Invictus.* Ald.: *Inuitus.* 484.
 Sic vett. edd. V.: *summisit.* 487. Fort.: — *pio Cessit; senatus,*
eq., acc. favor Plebisque vorum est; adque judicium patris Tu pa-
cis auctor, g. h. arbitet, Electus orkem jam sacra etc. Consensus
pius dicitur Praetorianorum et ceterorum exercituum, qui primi
Caesarem Neroneum agnoverunt. Patris, imperatoris Claudii, qui
adoptavit eum, et privignum filio praetulit. Votum Ultraj.; vo-
tum est Ald. Fabric. Multi codd.: orbem sacra.

Cessit. Senatus equitis accensus favor,
 Plebisque votis atque iudicio patrum
 Tu pacis auctor, generis humani arbiter, 490
 Electus; orbem tu sacrâ specie regis,
 Patriae parens; quod nomen ut serves petit,
 Suosque cives Roma commendat tibi.
 NERO. Munus deorum est, ipsa quod servit mihi
 Roma et Senatus; quodque ab invitis preces 495
 Humilesque voces exprimit nostri metus.
 Servare cives principi et patriae graves,
 Claro tumentes genere, quae dementia est,
 Cum liceat unâ voce suspectos sibi
 Mori jubere? Brutus in caedem ducis, 500
 A quo salutem tulerat, armavit manus.
 Invictus acie, gentium domitor, Jovi
 Aequatus altos saepe per honorum gradus,
 Caesar nefando civium scelere occidit.
 Quantum cruoris Roma tunc vidit sui, 505
 Lacerata toties! Ille, qui meruit piâ
 Virtute coelum, divus Augustus, viros
 Quot interemit nobiles, juvenes, senes,
 Sparsos per orbem, cum suos mortis metu
 Fugerent penates et trium ferrum ducum, 510
 Tabulâ notante deditos tristi neci?
 Exposita rostris capita caesorum patres
 Videre moesti; flere nec licuit suos,
 Non gemere, dirâ tabe polluto foro,
 Stillante sanie per putres vultus gravi. 515
 Nec finis hic cruoris aut caedis stetit:
 Pavere volucres et feras saevas diu
 Tristes. Philippi; hausit et Siculum mare
 Classes, virosque saepe cedentes suis
 Concussus orbis viribus magnis ducum. 520
 Superatus acie, puppibus Nilum petit
 Fugae paratis, ipse periturus brevi.
 Hausit cruorem incesta Romanî ducis
 Aegyptus iterum, nunc leves umbras tegit.

499. Fort.: Cui licent etc. 501. A quo s. r., in pugna Pharsa-
 rica. 518. Fort.: — exhaust et S. m. C., virosque s. c. feros. C.
 o. v. magnis ducum. S. a. p. N. petit F. p. iste, p. b.: Hausit
 etc. Exhaust praebet Ascens. Intelligitur proelium illud ad Si-
 ciliam, in quo fusus Sext. Pompejus in Asiam aufugit, ibique in-
 terfectus est. Viros feros, Pompejum ejusque filios et Pompeja-
 nos, terra marique non semel victos. Quod feros scripsimus, vid.
 not. ad Phoen. 23. Cf. 504. Iste (contemptus) M. Antonius, trium-
 vir.

OCTAVIA. ACT. II.

345

Illic sepultum est impie gestum diu 525

Civile bellum; condidit tandem suos

Jam fessus enses victor, hebetatos feris

Vulneribus, et continuit imperium metu.

Armis fideque militis tutus fuit,

Pietate nati factus eximiâ deus,

530

Post fata consecratus et templis datus.

Nos quoque manebunt astra, si saevo prior

Ense occupâro, quidquid infestum est mihi,

Dignâque nostram sobole fundâro domum.

SEN. Implebit aulam stirps coelesti, tuam

535

Generata divo, Claudiae gentis decus,

Sortita fratris, more Junonis, toros.

NERO. Incesta genitrix detrahit generi fidem,

Animusque nunquam conjugis junctus mihi.

SEN. Teneris in annis haud satis clara est fides,

540

Pudore victus cum tegit flammâs amor.

NERO. Hoc equidem et ipse credidi frustrâ diu,

Manifestâ quamvis pectore insociabili

Vultuque signa proderent odium mei;

545

Tandem quod ardens statuit ulcisci dolor,

Dignamque thalamis conjugem invenit meis

Genere atque formâ, victa cui cedat Venus,

Jovisque conjux, et ferox armis dea.

SEN. Probitas fidesque conjugis, mores, pudor,

550

Placeant marito: sola perpetuo manent,

Subjecta nulli, mentis atque animi bona;

Florem decoris singuli carpunt dies.

NERO. Omnes in unam contulit laudes deus,

Talemque nasci fata voluerunt mihi.

SEN. Recedat a te, temere ne credas, amor.

555

NERO. Quem submovere fulminis dominus nequit,

Coeli tyrannum, saeva qui penetrat freta

Ditisque regna, detrahit Superos polo?

SEN. Volucrem esse amorem fingit immitem deum

560

Mortalis error, armat et telis manus,

Arcusque sacros miscuit saevâ face;

Genitumque credit Venere, Vulcano satum.

Vis magna mentis, blandus atque animi calor

Amor est; juventâ gignitur; luxu, otio

Nutritur inter laeta Fortunae bona.

565

546. Sic Ascens. Lugdun. V.: inveni. 547. Ultraj.: cedit. 555. Malim Recedet. 561. miscuit. Ultraj. et vett. edd.: instruit. Fort., usurpato hyperbato: Arcusque sacro (detestando) et instruit saeva face.

Quem si fovere atque alere desistas, cadit,
 Brevisque vires perdit extinctus suas.
 NERO. Hanc esse vitae maximam causam reor,
 Per quam voluptas oritur. Interitu caret,
 Cum procreetur semper humanum genus 570
 Amore grato, qui truces mulcet feras.
 Hic mihi jugales praeferat taedas deus,
 Jungatque nostris ipse Poppaeam toris.
 AEN. Vix sustinere posset hos thalamos dolor
 Videre populi; sancta nec Pietas sinat! 575
 NERO. Prohibebor unus facere, quod cunctis licet?
 AEN. Majora populus semper a summo exigit.
 NERO. Libet experiri, viribus fractus meis
 An cedat animis temere conceptus favor.
 AEN. Obsequere potius civibus placidus tuis! 580
 NERO. Male imperatur, cum regit vulgus duces.
 AEN. Nil impetrare cum valet, juste dolet.
 NERO. Exprimere jus est, ferre quod nequeunt preces?
 AEN. Negare durum est. NERO. Principem cogi nefas.
 AEN. Remittat ipse. NERO. Fama sed victum feret. 585
 SEN. Levis atque vana scilicet. NERO. Multos notat.
 AEN. Excelsa metuit. NERO. Non minus carpit tamen.
 SEN. Facile opprimetur. Merita te divi patris,
 Aetasque frangat conjugis, probitas, pudor!
 NERO. Desiste tandem, jam gravis nimium mihi, 590
 Instare! Liceat facere, quod Seneca improbat.
 Et ipse populi vota jam pridem moror,
 Cum portet utero pignus et partem mei.
 Quin destinamus proximum thalamis diem?

572. sequ. Jungatque aliquot Delrii, Ultraj. et vett. edd. praeter Aldi. V.: *Lugetque nostris*. Fort.: — *praeferet t. d.*, *Ducetque nostris ipse P. toris*, ad toros. 583. Affirmate haec in libris; sed male. 586. Sic plures libri scripti, edd. vett., Gron. V.: *Si licet*. Haud nolim: *Levis atque vana scilicet*. NERO. *Multos notat*. 592. Fort.: *Et ipsa eto*. 593. Fort.: *C. p. ut dignior* (Poppaea quam Octavia) *p. m.* D littera forte versa pro dignior scriptum *pignior*, *pignor*, *pignos*, *pignus*. 594. Sic Ultraj. V.: *proximam*.

ACTUS TERTIUS.

A G R I P P I N A.

Ab Inferis prodit Agrippina, faces exitiales praeferens nuptiis Poppaeae et Nerontis, cujus mortem praedicat.

TELLURE ruptâ Tartaro gressum extuli, i. s. 595
 Stygiam cruentâ praeferens dextrâ facem
 Thalamis scelestis: Nubat his flammis meo
 Poppaea nato juncta, quas vindex manus
 Dolorque matris vertet ad tristes rogos.
 Manet inter umbras impiae caedis mihi. 600
 Semper memoria, Manibus nostris gravis
 Adhuc inultis, reddita et meritis meis
 Fumesta merces puppis, et pretium impert
 Nox illa, quâ naufragia deflevi mea.
 Comitum necem, natiq; crudelis nefas, 605
 Deflere votum fuerat; haud tempus datum est
 Lacrimis; sed ingens scelere geminavit nefas.
 Peremta ferro, foeda vulneribus, sacros
 Intra penates spiritum effudi gravem,
 Erepta pelago, sanguine extinxi meo 610
 Nec odia nati, saevit in nomen ferus
 Matris tyrannus: obrui meritum cupit;
 Simulacra, titulos destruit mortis metu
 Totum per orbem, quem dedit poenam in meam
 Puero regendum noster infelix amor. 615
 Extinctus umbras agitat infestus meas,
 Flammisque vultus noxios conjux petit,
 Instat, minatur, imputat fatum mihi,
 Tumulumque nati poscit auctorem necis.
 Jam parce: dabitur. Tempus haud longum peto: 620
 Ultrix Erinnyis impio dignum parat
 Letum tyranno, verbera, et turpem fugam,
 Poenasque, quis et Tantalus vincat sitim,
 Dirum laborem Sisyphi, Tityi alitem,
 Ixionisque membra rapientem rotam. 625
 Licet extruat marmoribus atque auro tegat
 Superbus aulam; limen armatae ducis
 Servent cohortes; mittat immensas opes
 Exhaustus orbis; supplices dextram petant

610. Leg.: *— gravem. Nec odia nati sang. extinxi mea. Erepta pelago: saevit etc.* 613. *mortis metu. Grot.: memores mei.*
 Fort.: *moro impetu, vel more improbo.*

Parthi cruentam; regna, divitias, ferant: 630
 Veniet dies tempusque, quo reddat suis
 Animam nocentem sceleribus, jugulum hostibus,
 Desertus et destructus et cunctis egens.
 Heu, quo labor, quo vota ceciderunt mea?
 Quo te furor provexit attonitum tuus 635
 Et fata, nate, cedat ut tantis malis
 Genitricis ira, quae tuo scelere occidit?
 Utinam, antequam te parvulum in lucem edidi
 Aluique, saevae postra lacerassent ferae
 Viscera! sine ullo scelere, sine sensu, innocens, 640
 Meus, occidisses; junctus atque haerens mihi
 Semper quietam cerneres sedem Inferum,
 Proavos, patremque; nominis magni viros;
 Quos nunc pudor luctusque perpetuus manet
 Ex te, nefande, meque, quae talem tuli. 645
 Quid tegere cesso Tartaro vultus meos,
 Noverca, conjux, mater infelix meis?

OCTAVIA, CHORUS.

Octavia dissimulata tristitia faventem sibi populum orat, ne divortium sui lugeat. Chorus tamen ipsius vicem dolet.

OCT. PARCITE lacrimis urbis festo. a. d. et m.
 Laetoque die:
 Ne tantus amor nostrique favor 650
 Principis acres suscitet iras,
 Vobisque ego sim causa malorum!
 Non hoc primum pectora vulnus
 Mea senserunt; graviora tuli.
 Dabit hic nostris finem curis 655
 Vel morte dies. Non ego saevi
 Cernere cogar conjugis ora,
 Non invisos intrare mihi
 Thalamos famulae;
 Soror Augusti, non uxor, ero. 660
 Absint tantum tristes poenae,
 Letique metus. —
 Scelerum diri, miseranda, viri,
 Potes haec, demens, sperare memor?
 Hos ad thalamos servata diu, 665
 Victima tandem funesta cades.

645. Homœoteleuton et numeri debiliores. Fort.: *Ex te nefando, meque etc.* 647. Fort.: *inf. nimis.* Cf. 379. 664. Fort.: *Potes hoc elemens sper. etc.*

Sed quid patrios saepe penates
 Respicis udis confusa genis?
 Propera tectis efferre gradus!
 Linque cruentam principis aulam! 670
 сноа. En illuxit suspecta diu
 Famâ toties jactata dies!
 Cessit thalamis
 Claudia diri pulsa Neronis,
 Quos jam victrix Poppaea tenet, 675
 Cessat pietas dum nostra, gravi
 Compressa metu, segnisque dolor,
 Ubi Romani vis est populi,
 Fregit claros quae saepe duces,
 Dedit invictae leges patriae, 680
 Fasces dignis civibus olim,
 Jussit bellum pacemque, feras
 Gentes domuit,
 Captos reges carcere clausit?
 Gravis, en, oculis undique nostra 685
 Jam Poppaeae fulget imago,
 Juncta Neroni!
 Affligat humo violenta manus
 Similes nimium vultus dominae,
 Ipsamque toris detrahat altis; 690
 Petat infelix mox et flammis
 Telisque feri Principis aulam!

ACTUS QUARTUS.

NUTRIX, POPPAEA.

Territa Poppaea nutrici narrat somnium; quam illa vanâ interpretatione solatur.

NUTR. Quo trepida gressum conjugis thalamis tui i. s.
 Effers, alumna, quodve secretum petis
 Turbata vultu? cur genae fletu madent? 695
 Certè petitus precibus et votis dies
 Nostris refulsit. Cæsari juncta es tuo
 Taedâ jugali, quem tuus cepit decor,

Nec culta Senecae tradidit vinctum tibi Genitrix amoris, maximum numen, Venus.	700
O qualis altos, quanta, pressisti toros, Residens in aula! Vidit attonitus tuam Formam Senatus, tura cum Superis dares, Sacrasque grato spargeris aras mero, Velata summum flammeo tenui caput;	705
Et ipse lateri junctus atque haerens tuo Sublimis inter civium laeta omnia Incessit, habitu atque ore laetitiam gerens Princeps superbo. Taliq; emersam freto Spumante Peleus conjugem accepit Thetin,	710
Quorum toros celebrasse Coelestes ferunt, Pelagique numen omne consensu pari. Quae subita vultus causa mutavit tuos? Quid pallor iste, quid ferant lacrimae, doce.	715
ror. Confusa tristi proximae noctis metu Visuque, nutrix, mente turbata feror, Defecta sensu. Laeta nam postquam dies Sideribus atris cessit, et nocti polus:	720
Inter Neronis juncta complexus mei Somno resolvor; nec diu placida frui Quiete licuit: visa nam thalamis meos Celebrare turba est moesta; resolutis comis Matres Latinae flebiles planetas dabant;	725
Inter tubarum saepe terribilem sonum Sparsam cruore conjugis genitrix mei Vultu minaci saeva quatiebat facem.	730
Quam dum sequor, coacta praesenti metu: Diducta subito patuit ingenti mihi Tellus hiatu; lata quo praecipit, toros Cerno jugales pariter et miror meos,	735
In quibus resedi fessa. Venientem intuo Comitante turbam conjugem quondam meum, Natumque; properat petere complexus meos Crispinus, intermissa libare oscula: Irrupit intra tecta cum trepidus mea,	735
Ensemque jugulo condidit aevum Neró. Tandem quietem magnus excussit timor;	

699. Fort.: — *decor*, *Nec culta Sen. trad.*, h. e.: et quem non culta a Seneca (vide 558. seqq.) Venus tibi vinctum tradidit. Longe durius est Gronovii commentum hoc. *Et culpa nuptiae.* 714. Fernand.: *Quis pallor.* 718. *Quid? atris?* An *actis*, h. e. motis, lapsis per coelum? 735. *Irrupit* (ut *condidit*) meliores libri. V.: *Irrumpit*.

OCTAVIA. ACT. IV.

351

Quatit ora et artus horridus nostros tremor,
 Pulsatque pectus; continet vocem timor,
 Quam nunc fides pietasque produxit tua, 740
 Heu, quid minantur Inferum manes mihi,
 Aut quem cruorem conjugis vidi mei?
 nura. Quaecunque mentis agitat infestus vigor,
 Ea per quietem sacer et arcanus refert
 Veloxque sensus. Conjugem, thalamos, rogos 745
 Vidisse te miraris, amplexu novi
 Haerens mariti? Sed movent laeto die
 Pulsata palmis pectora, et fusae comae.
 Octaviae discidia planxerunt sacros
 Intra penates fratris, et patrium larem. 750
 Fax illa, quam secuta es, Augustae manu
 Praelata, clarum nomen invidia tibi
 Partum ominatur: Inferum sedes toros
 Stabiles futuros spondet aeternae domus.
 Jugulo quod ense condidit Princeps tuus: 755
 Bella haud movebit, pace sed ferium teget.
 Recollige animum; recipe laetitiam, precor,
 Timore pulso! redde te thalamis tuis!
 ror. Delubra et aras petere constitui sacras,
 Caesis litare victimis numen deum, 760
 Ut expientur noctis et somni minae,
 Terrorque in hostes redeat attonitus meos.
 Et vota pro me suscipe, et precibus plis
 Superos adora, manet ut praesens metus.

CHORUS.

Laudat Chorus Poppaeae formam.

Si vera loquax fama Tonantis a. d. 765
 Furta et gratos narrat amores,
 Quem modo Ladae pressisse sinum
 Tectum plumis pennisque ferunt;
 Modo per fluctus raptam Europen
 Taurum tergo portasse truce[m] 770
 Quae regit, et nunc deseret astra;
 Petet amplexus, Poppaea, tuos,
 Quos et Ladae praeferre potest,
 Et tibi, quondam cui miranti
 Fulvo, Danaë, fluxit in auro. 775

739. Fort.: cont. voc. super. 743. Fort.: intentus vig. sequa-
 dum Gronovium. 763. sequ. Fort.: Tu vota — monuit ut p. m.,
 vel: Sup. adorato, abeat ut p. m. Illud placuit Gronovio.

Formam Sparte jactet alumnae
 Licet, et Phrygius praemia pastor:
 Vincet vultus haec Tyndaridos,
 Qui moverunt horrida bella,
 Phrygiaeque solo regna dedere.
 Sed quis gressu ruit attonito,
 Aut quid pectore portat anhelio?

780

NUNCIUS, CHORUS.

Motum populi nunciat ob repudiatam Octaviam nuptiasque Poppaeae.

NUNC. QUICUNQUE tectis miles exultat ducis, i. s.
 Defendat aulam, cui furor populi imminet!

Trepidi cohortes, ecce! Praefecti trahunt
 Praesidia ad urbis; victa nec cedit metu
 Concepta rabies temere, sed vires capit. 785

CHOR. Quis iste mentes agitat attonitas furor?

NUNC. Octaviae favore perculsae agmina
 Nunc efferata per nefas ingens ruunt. 790

CHOR. Quid ausa facere, quove consilio, doce.

NUNC. Reddere penates Claudia (di!) vi parant,
 Torosque fratris, debitam partem imperi.

CHOR. Quos jam tenet Poppaea concordii fide?

NUNC. Hic urit animos pertinax nimium favor,
 Et in furorem temere praecipites agit. 795

Quaecunque claro marmore effigies stetit

Aut aere fulgens, ora Poppaeae gerens,

Afflicta vulgi manibus, et saevo jacet

Eversa ferro; membra per partes trahunt 800

Deducta laqueis; obruunt turpi diu

Calcata coepo. Verba conveniunt feris

Immixta factis, quae tumor recipit merus,

Sepire flammis Principis sedem parant

Populi, nisi irae conjugem dedat novam, 805

Reddat penates Claudia victus suos.

Ut noscat ipse civium motus, mea

Vocē haud morabor jussa Praefecti exequi.

785. Fort.: Q. t. excubat miles ductis, ut legi jussit Raphaeleng. 788. Sic Ultraj. et Ascens. V.: attonitus. 789. sequ. V.: O. furore perculsa-agmina Et efferata etc. furore est a Gronovio, Nunc habetur in Ultrajectino, perculsae ipsi dedimus. Nunc, post celebratas Neronis cum Poppaeae nuptias. 792. Fort.: R. p. Cl. (di!) vi parant. Sic Thyest. 1071. ante Gronovium legebatur: diffugientis. Ovid. Met. 15, 545: Ille quidem majora fide (di!) gessit, etc. 805. Delr., non improbante Gronovio, retinet. 805. Ita Gron. V.: reddat.

CHOR. Quid fera frustra bella movetis?	a. d.
Invicta gerit tela Cupido.	810
Flammis vestros obruet ignes,	
Quibus extinxit fulmina saepe,	
Captumque Jovem coelo traxit.	
Laesi tristes dabit poenas	
Sanguine vestro: non est patiens	815
Fervidus irae facilisque regi.	
Ille ferocem jussit Achillem	
Pulsare lyram; fregit Danaos,	
Fregit Atridem; regna evertit	
Priami; claras diruit urbes;	820
Et nunc animus, quid ferat, horret,	
Vis immitis violenta dei.	

ACTUS QUINTUS.

NERO, PRAEFECTUS.

Aestuans ira Nero propter tumultum populi in ipsum saeviri jubet et Octaviam, veluti motus causam, deportatam in Pandatariam, interfici.

NERO. O LENTA nimium militis nostri manus, i. s.	
Et ira patiens pest nefas tantum mea,	
Quod non cruor civilis accensas faces	825
Extinguit in nos, caede nec populi madet	
Funerea Roma, quae viros tales tulit!	
Admissa sed jam morte puniri parum est:	
Graviora meruit impium plebis scelus;	
At illa, cui me civium subicit furor,	830
Suspecta conjux et soror semper mihi,	
Tandem dolori spiritum reddat meo,	
Iramque nostram sanguine extinguat suo;	
Mox tecta flammis concidant urbis meis;	
Ignes, ruinae, noxium populum premant,	835
Turpisque egestas, saeva cum luctu fames.	
Exsultat ingens seculi nostri bonis	
Corrupta turba, nec capit clementiam	
Ingrata nostram, ferre nec pacem potest;	
Sed inquietâ rapitur hinc audaciâ,	840

814. Imo *Laeso*, Cupidini. Non placet *Commellini* hellenismus, cum praesertim ambiguitate laboret verbum *Laesi*. Intelligit autem *Commelinus gratia* (*Evna*). Cf. *Hippol.* 187. 830. V.: *Et illa*. 831. Fort.: *semper nimis*. Cf. 379.

Hinc temeritate fertur in praeceps sua.
 Malis domanda est, et gravi semper iugo
 Premenda: ne quid simile tentare audeat,
 Contraque sanctos conjugis vultus meae
 Attollere oculos. Fracta per poenas metu
 Parere discet Principis nutu sui. 845
 Sed adesse cerno, rara quem pietas virum
 Fidesque castris nota praeposuit meis.
 PRAEF. Populi furorem caede paucorum, diu
 Qui restiterunt temere, compressum affero. 850
 NERO. Et hoc sat est? sic miles audisti ducem?
 Compescit? haec vindicta debetur mihi?
 PRAEF. Cecidere motus impii ferro duces.
 NERO. Quid illa turba, petere quae flammis meos
 Ausa est penates; Principi legem dare; 855
 Abstrahere nostris conjugem caram toris;
 Violare, quantum licuit, incesta manu
 Et voce dira? debita poena vacat?
 PRAEF. Poenam dolor constituet in cives tuos?
 NERO. Constituet, aetas nulla quam famae eximat. 860
 PRAEF. Quam temperet non ira, non noster timor?
 NERO. Iram expiabit prima quae meruit meam.
 PRAEF. Quam poscat, ede, nostra ne parcat manus.
 NERO. Caedem sororis poscit et dirum caput.
 PRAEF. Horrore victum trepidus adstrinxit rigor. 865
 NERO. Parere dubitas. PRAEF. Cur meam damnas fidem?
 NERO. Quod parcis hosti, PRAEF. Femina hoc nomen capit?
 NERO. Si scelera coepit. PRAEF. Estne, qui sentem arguat?
 NERO. Populi furor. PRAEF. Quis regere dementes valet?
 NERO. Qui concitare potuit, PRAEF. Haud quenquam reor. 870
 NERO. Mulier, dedit natura cui pronum malo
 Animum, ad nocendum pectus instruxit dolis;
 Sed vim negavit: ut ne inexpugnabilis
 Esset, sed acgras frangeret vires timor,
 Vel poena; quae jam sera damnatam premit, 875
 Diu nocentem. Tolle consilium ac preces,
 Et imperata perage: devectam rate
 Procul in remotum littus interimi jube:
 Tandem ut residat pectoris nostri tumor,

846. Ultraj.: *discat*. 851. Ald.: *Et hoc satis est?* Fort.: *Et satis hoc est?* 852. Fort.: *Cur parcis?* Cf. 863. 856. *caram*. Lipsian.: *tantam*. 865. *vinctum* malebat Rapheleng. 866. *Parere dubitas* Cajet. Male hoc interrogatur. 870. *potuit*, ausus est. 875. V.: *quae tam sera* etc. Rectius quoque videtur *premet*, vel *premas*.

OCTAVIA. ACT. V.

355

CHORUS, OCTAVIA.

Chorus perniciosum multis favorem populi fuisse canit; mox dura fata mulierum domus Caesareae commemorat.

CHOR. O FUNESTUS multis populi a. d. et m. 880

Dirusque favor, qui cum flatu

Vela secundo ratis implevit,

Vexitque procul, languidus idem

Deserit alto saevoque mari!

Flevit Gracchos miseranda parens,

885

Perdedit ingens quos plebis amor

Nimiusque favor genere illustres,

Pietate, fide, linguâ claros,

Pectore fortes, legibus aëres.

Te quoque, Livi, simili leto

890

Fortuna dedit,

Quem neque fasces texere sui,

Nec tecta domûs. Plura referre

Prohibet praesens exempla dolor.

Modo cui patriam reddere cives

895

Aulam et fratris voluere toros,

Nunc ad poenam letumque trahi

Flentem, miseram, cernere possunt.

Bene paupertas humili tecto

Contenta latet:

900

Quatiunt altas saepe procellae,

Aut evertit Fortuna domos.

OCT. Quo me trahitis? quodve tyrannus

Aut exilium regina jubet,

Si mihi vitam fracta remittit

905

Tot jam nostris et victa malis?

Si caede meâ cumulare parat

Luctus nostros: invidet etiam

Cur in patriâ mihi saeva mori?

Sed jam spes est nulla salutis:

910

Fratris cerno miserandâ ratem.

Haec est, cujus vecta carinâ

Quondam genitrix, nunc et thalamis

Expulsa soror miseranda vehar.

Nullum Pietas nunc numen habet,

915

Nec sunt Superi;

Regnat mundo tristis Erinnyes.

Quis mea digne deflere potest

Mala? quae lacrimis nostris questus

902. Fort.: Atque evertit.

Reddet aëdon? cujus pennas	930
Utinam miserae mihi Fata darent!	
Fugerem luctus ablata meos	
Pennâ volucris, procul et coetus	
Hominum tristes, caedemque feram.	
Sola in vacuo nemore, et tenui	935
Ramo pendens, querulo possem	
Gutturæ moestum fundere murmur.	
choræ. Regitur fatis mortale genus.	
Nec sibi quidquam spondere potest	
Firmum et stabile:	930
Per quæ casus volvit varios	
Semper nobis metuenda dies.	
Animum firment exempla tuum,	
Jam multa domus quæ vestra tulit.	
Quid? saevior est Fortuna tibi?	935
Tu mihi primum	
Tot natorum memoranda parens,	
Nata Agrippæ, nurus Augusti,	
Caesaris uxor, cujus nomen	
Clarum toto fulsit in orbe,	940
Utero toties enixa gravi	
Pignora pacis; mox exilium,	
Verbera, sævas passa catenas,	
Funera, luctus, tandem letum,	
Cruciata diu.	945
Felix thalamis Livia Drusi	
Natisque ferum ruit in facinus,	
Poenamque suam.	
Julia, matris fata secuta,	
Post longa tamen tempora ferro	950
Caesa est, quamvis crimine nulla.	
Quid non potuit quondam genitrix	
Tua, quæ rexit Principis aulam,	
Cara marito, partuque potens?	
Eadem, famulo subjecta suo,	955

930. Fort.: *Reddat, ἀντιφώνῳ* Æv. 939. *quisquam* Veneti et Albert. Elibius in Margarita poetica. 930 sequ. Ald. alique: *Perquam casus*. Fort.:

Firmam et stabilem Parcam; casus
Voluit varios
Semper etc.

Horat. Od. 2, 16, 39.: *Parca non mendax dedit etc.* 935. Fort.: *Qui saevior etc.* *Qui, quomodo, qua in re.* 938. *Nata Agr.*, Agrippina, uxor Germanici. Cf. Sueton. Tiber. 55. 944. Fort.: *Vulnera, luctus etc.* 949. Sic Ascens. V.: *secuta est.*

Cecidit diri militis ense.
 Quid, cui licuit regnum in coelum
 Sperare, parens tanta Neronis?
 Non funesta violata manu
 Remigis ante,
 Mox et ferro lacerata diu,
 Saevi jacuit victima nati?
 OCT. Me quoque tristes mittit ad Umbras
 Ferus et Manes, ecce, tyrannus!
 Quid jam frustra miseranda moror?
 Rapite ad letum,
 Quibus in nos jus Fortuna dedit!
 Testor Superos — Quid agis, demens?
 Parce precari, quibus invisa es,
 Numina divum! Tartara testor,
 Erebiq; deas scelerum ultrices,
 Et te, genitor, dignum tali
 Morte et poena,
 Non invisa est mors ista mihi.
 Armate ratem, date vela fretis,
 Ventisque petat puppis rector
 Pandatariae littora terrae!
 OCT. Lenes aerae, zephyrique leves,
 Tectam quondam nube aethera
 Qui vexistis raptam saevae
 Virginis aris Iphigeniam,
 Hanc quoque tristi procul a poena
 Portate, precor, templa ad Triviae!
 Urbe est nostra mitior Aulis,
 Et Taurorum barbara tellus;
 Hospitis illic caede litatur
 Numen Superum;
 Civis gaudet Roma cruore.

960

965

970

975

980

985

963. Ea lectio veterum editionum praeter Aldi. V.: *mitter.*
 97. Sic Ultraj. V.: *quis jus in nos.* 977. Recte Lipsius *Panda-*
tariae. Libri vett.: *tandem variae, tandem phae, tandem phariae.*

1. The first part of the document discusses the importance of maintaining accurate records of all transactions and activities. It emphasizes that proper record-keeping is essential for transparency and accountability, particularly in financial matters. The text outlines various methods for organizing and storing data, including digital databases and physical filing systems. It also mentions the need for regular audits and reviews to ensure the integrity of the information.

2. The second section focuses on the role of communication in the organization. It highlights that effective communication is crucial for coordinating efforts and ensuring that all team members are aligned with the organization's goals. The text provides guidelines for both internal and external communication, including the use of meetings, reports, and public relations. It stresses the importance of clear, concise, and timely communication to avoid misunderstandings and delays.

3. The third part of the document addresses the issue of resource management. It discusses how to allocate resources efficiently to maximize the organization's impact. This includes identifying the most critical areas of need and prioritizing the allocation of funds, personnel, and materials. The text also touches upon the importance of monitoring resource usage and making adjustments as needed to stay within budget and meet objectives.

4. The final section discusses the importance of evaluation and feedback. It explains that regular assessment of the organization's performance is necessary to identify strengths and weaknesses. The text suggests implementing a system of feedback loops where stakeholders can provide input on the organization's operations. This process is used to make informed decisions and implement improvements, ensuring the organization remains effective and responsive to its environment.

I N D E X.

- A** et i confusa H. O. 275. a et o Oed. 941, H. O. 102, 1323, Oct. 390. a domo, ante domum, H. f. 1145.
- accentus pravus H. O. 1795.
- Acharneus Hipp. 22.
- Achilles. vid. Statius.
- activa significatione passivorum Hipp. 767, Oed. 450, Oct. 123.
- adicere pro adjicere et similia Ph. 426.
- aevum, vita, Oct. 290.
- Amazonium ferrum Ag. 735.
- aubo pro ambos Ag. 338.
- animus, ira, H. O. 31.
- asyndeton, quod amat Seneca, H. O. 1513. ineptum Ag. 414.
- auctrix Med. 968. not.
- Bacchen, si forte, Oed. 113.
- C et g litterae permixtae Hipp. 679, Oed. 13. c et s H. O. 508. c et t Oed. 50.
- Chalcodon urbs Ag. 564.
- commodare scelera Med. 896.
- comparativus pro positivo (citius) Ag. 957.
- conjecturae. vide verba *edisoris* etc.
- consona duplex antecedenti vocalem brevem producent Hipp. 1027.
- copula intelligenda Med. 875.
- perperam intrusa Oed. 1038, Med. 849.
- Deorum domus, coelum, Th. 3.
- dies, acta diei, H. O. 424. aer ibidem 1633.
- δεοτροπία Tr. 209, Med. 314, 600, Ag. 162, 375, 514, 673, 693, 1004, H. O. 35, 247, 354, 479, 652, 702, 1563, 1706, 1743.
- divisum corpus, cui caput amputatum est, Th. 760.
- donare, condonare, Ph. 233, Med. 1004.
- ducere, adducere, H. O. 646.
- e pro ei H. f. 180.
- eat, ibo, Th. 550. Cf. H. O. 306.
- editoris conjecturae quaedam H. f. 500 (nunc ruenti pro n. cruentae), 524 (tonuit pro sonuit), 743 (gerit p. regit), 795 (utique p. uterque), 827 (Favemque pro Aciemque), 1200 (iusta p. iuxta), 1345 (Restituit p. Restituet). Th. 70 (mei p. mihi), 139 (ad commune nefas p. aut c. n.), 196 (Ecquid pro Et quid. Contra Et quis pro Equis recte Flor. Oed. 221.), 606 (Nobiles p. Mobiles), 661 (Junctaeque pro Victaeque; cf. Ph. 78.), 956 (hei pro ei). Ph. 2 (Fratris p. Patris), 3 (parum pro patrem), 186 (haud p. aut), 342 (iunctum p. cuncta), 358 (Dante arma patre p. Date a. patri), 364 (cessavit pro gestavit), 580 (Utrunque p. Utrumque), 504 (Te amara p. Te maria). Hipp. 126 (feri p. sui), 262 (Pro castitatis vindice; cum libri hoc ostendebant Proh casti vindicem.), 418 (currus p. vultus), 510 (Rhamnique p. Ramique), 658 (Est p. Et), 679 (luci p. lucem, vel luge), 851 (perituro p. Pirithoo), 882 (opus p. anus), 1040 (oribus p. orbibus, vel cornibus), 1097 (pulvere p. vulnere), 1201 (Squalidi p. Pallidi), 1206 (capite p. rapite). Oed.

56 (*Planctusque p. Fletusque*), 72 (*precor p. prior*), 78 (*lacrimans p. lacrimas*), 285 (*Eridani p. Elldis, vel Elet*), 429 (*tardo p. turpi*), 534 (*fissa p. fessa*), 622 (*oblitus p. horridus*), 734 (*auram p. ora*), 862 (*quaerentur p. quaerenti*), 877 (*pares p. parens*), 1019 (*parco p. parce*). Tr. a. (*levis p. lever*), 13 (*teris p. feris*), 150 (*ridet p. videt*), 308 (*veneres novas, hoc est renovas, p. veneris novae*), 555 (*nostros p. nos hoc*), 814 (*merus p. meus. Cf. Octav. 69, 386.*), 973 (*non occubans, nos, Hecuba, pro inepto, quod legitur in libris, isto Nos, Hecuba, nos, Hecuba*). Med. 19 (*In pejus p. Mihi pejus*), 129 (*parandum p. parandum; cf. Med. 913.*), 278 (*novus p. novas*), 293 (*Parumne pro Parumne; cf. H. O. 812.*), 345 (*Rupesque p. Nubesque*), 518 (*Nos aufugere pro auspicatque inepto Nos configere*), 749 (*Gravior horum p. Graviorum vel Grajorum*), 866 (*tremendum p. timendum*). Ag. 13. (*accollere p. incolere*), 250 (*suapte natura trucem p. animum s. nat. trucem*), 413 (*dispulerat p. dispulerit*), 414 (*jubens p. jubes*), 461 (*a flatu p. afflatu*), 523 (*sistita p. sistite*), 656 (*isto p. ipsae*), 788 (*vives p. vive*), 877 (*Vertere p. Venere*), 906 (*tutabor p. furador*). H. O. 7 (*Si p. Sed*), 16 (*Argolicas p. Arcadicas; vel Arcadias*), 55 (*Feram; negantur p. Ferae negantur*), 102 (*ora p. ara*), 116 (*Aut p. Ut*), 273 (*minus quodcumque p. manus quocumque*), 400 (*cumque amans p. quaeque mens etc.*), 412 (*fulva p. viva*), 446 (*prope jus, ubi Medicus codex habet propius*), 459 (*Discussi inferas p. D. fores*), 513 (*ulnis — ferus p. undis — ferens*), 538 (*tectissimas p. tactus imas etc.*), 592 (*ponte p. fonte*), 719 (*in fraudem pro et fr.*), 728 (*sonat p. coma*), 740 (*Ti-*

masque p. Timensque), 748 (*nisi pro tibi*), 804 (*vices p. voces*), 822 (*et illa fugiet p. et tela fugiens*), 826 (*vix pestem incitat pro vix p. indicat*), 855 (*perdidi in solo Hercule p. perd. sola Herculem*), 982 (*a bellis p. ab illis*), 1009 (*en reclusas Tartari p. ecce diras carceris*), 1067 (*Vicit p. Vidit*), 1073 (*nablio pro navita*), 1095 (*Ex quo p. Et qui*), 1103 (*ab ratis p. obrutis*), 1118 (*Ipsi p. In se*), 1126 (*superest pro superis*), 1168 (*instat p. instar*), 1227 (*Tumidi ecce cor p. Tumidi jecur*), 1246 (*patris avri tou prius*), 1272 (*praemium ante pro primo et ante*), 1331 (*otio pro odium*), 1376 (*indubium p. indomitum*), 1389 (*notaret p. domaret*), 1394 (*emittat p. imittat*), 1502 (*bi-na p. illa*), 1514 (*dexter p. vester*), 1642 (*decus p. nemus*), 1650 (*clarum p. dona*), 1671 (*vario verberum planctu p. v. verberare in planctus*), 1752 (*ictus pro ignis*), 1838 (*patens p. parens*), 1891 (*venata p. velata*), 1980 (*puto p. putat*). Oct. 53 (*noxae p. nostra*), 58 (*libens p. licet*), 133 (*Emerge te p. Emergere*), 244 (*facis p. jacies*), 245 (*tremere p. temere*), 390 (*salis p. solis*), 417 (*alitriz p. alte*), 489 (*adque p. atque*), 573 (*Ducetque p. Lugetque*), 588 (*scilicet p. sit licet, vel si licet*), 593 (*dignior p. pignus et*), 613 (*moro impetu p. mortis metu*), 664 (*hoc clemens p. haec demens*), 699 (*Nec culta p. Et culpa*), 718 (*actis p. atris*), 792 (*di, vi p. divi*), 931 (*Parcam p. Perquam*).

Albertus Eib Th. 504. not. elisto nominis vel verbi gravioris in fine sententiae minius grata, Ag. 565, 789. enallage Ph. 575. temporum verbalium Oed. 786.

Erasinus fluvius Ag. 515.

Falsa, decepta, Ag. 724. foci. vide verba recedentes fuci.

- fretum et Oceanus opposita H. O. 744.
 frigit Oed. 39.
 fuga, velox itio, Th. 1043.
 futurum pro imperativo H. O. 898.
 Geminanda neglecta Th. 416.
 glossemata Th. 688, 771, Hipp. 783, Tr. 107, Med. 313, Ag. 155, 250, etc.
 Gyrtone, urbs Thessaliae, Tr. 825.
 Hecube Tr. 863, Ag. 644 in notis.
 hellenismus H. O. 1537, Oct. 814.
 Hercynia silva Med. 714.
 hoc, propter hoc, Tr. 622.
 homoeoteleuta fugiuntur Th. 783, Ph. 271, Ag. 913, H. O. 645.
 hypallage Ag. 38, H. O. 381.
 hyperbaton Tr. 474.
 Imperativus pro casu recto H. O. 3.
 imperfecta loco praesentium H. O. 313.
 improbus, magnus, sed in malam partem, H. O. 1082.
 in raptum, ut videtur, ab m littera praegressa Ph. 363.
 infelix, scelestus, Th. 1047.
 interpunctio emendata Th. 90, 237, Ph. 82, 350, 654, Hipp. 1195, Oed. 362, Oed. 861 seqq., Tr. 46, 367, 611, 619 seqq., 1175, Med. 535, 954, 1015, Ag. 70, 494, 591 seqq., 724, H. O. 3, 764, 1029, Oct. 463 etc.
 Ismenus fluvius Ag. 317 etc.
 iste, contentus, Oct. 522.
 Κάκιστος H. O. 20.
 L et f confusa Ph. 561.
 lauru Ag. 770.
 laxari, requiescere, H. O. 1052.
 limina, limites, Th. 818.
 litterae forte versae H. O. 637, Oct. 593. initials syllabarum inter se commutatae H. f. 743, H. O. 1201. initials versuum neglectae H. f. 847, H. O. 116.
 luna. vid. Statius.
 lurent H. f. 769.
 M frequentius vitatur H. O. 537, 1663. male, cum damno, Th. 3.
 manare active Ag. 377.
 maritus adjectiv. Oct. 152.
 mater virgae, arbor, Tr. 546.
 mei, monosyllabum Tr. 195.
 meliora, fausta, Ag. 404.
 mensum, mensium, Ph. 535.
 metricorum peccata Med. 856, 959, Oct. 298, etc.
 morus, stultus, Oct. 613. in nota.
 moventes cuncta (dei) Th. 604.
 mundus moriens ex sententia Stoicorum Th. 885.
 mutant, mutantur, Oed. 450.
 -ne (in Eritne) transpositum Tr. 474.
 non scit, non quit, Med. 861, Ag. 130.
 numerus pluralis eleganter usurpatus Tr. 537. numeri versuum languentes Hipp. 466, Oed. 115, Oct. 645. pravi Med. 267.
 Oceanus. vide verba fretum etc.
 Παρόντων Med. 508.
 participium praesentis pro praeteriti H. f. 1184.
 passus ἀόριστος H. O. 1600.
 pati, κατὰ κράτος, H. f. 355, Th. 470.
 pax alta mortis Ag. 594.
 Pelopéus, Pelopius, Th. 22, 641, Med. 880.
 Peparethus insula Tr. 846.
 perfectum ἀόριστος Hipp. 88, 511.
 perfectum cum plusquamperfecto confusum Hipp. 540.
 perferre, nuntiare, Hipp. 735.
 periturus, qui mori decrevit, Hipp. 265.
 personae colloquentes perperam distinctae Th. 517, 505, 1047, Ph. 419, Hipp. 719, Tr. 454 seqq., Med. 1015, Ag. 962, Oct. 194 etc.
 pes, ἐπιπαιδον, H. f. 161.
 poculum gentile Th. 986.
 posse, audere, Oct. 870. valere, H. O. 165.
 praecipitare significatu passivo Hipp. 767.
 praesens loco perfecti Oed. 786, H. O. 1885. pro futuro H. O. 1980.
 Probalinthos vius Atticae Tr. 846.

Quid ille? Hipp. 150.
quisquam, ὁ τυχων, Hipp. 265.

R frequentius vitatur Ag. 693.
radii per se dicti Oed. 539.
recedentes foci Ag. 168.
retro trahi, αὐτὴν ἐπιστῆσαι, Oed. 555.
rutilare neutraliter H. f. 950.

S et x confusa H. f. 1200, Hipp.
450, H. O. 47, 1039. Cf. L.
sacer, detestandus, Oct. 561.
sanguis posteriore syllaba pro-
ducta ante vocalem Med. 776.
satias Th. 974. Achilles Statius
de luna H. f. 83.
scriptura continua fons vitiorum
Hipp. 82, Tr. 236, Med. 749.
sed, et quidem, Med. 954, 1015.
M. Ann. Seneca graecissans Th.
783, Ph. 602, Med. 246.
sibilus crebrior vitatur Oed. 757,
Ag. 338, H. O. 240, 528.
Sigeum Tr. 936.
simile neglectum Med. 693. si-
milis ingrata Ag. 565.
soloeca Th. 771, Med. 295, 557,
Ag. 413, H. O. 543, 1218, 1891.
sonus vastus Tr. 992, Ag. 190.
species, dignitas, Ph. 184.
spuria Oct. 412 seqq.
stridit Th. 770.

Styx Sidonia dicta μεταφορικῶς
Oed. 163. in nota.
sublimus Med. 1015.
Suevi Med. 714.
sui, secundi, Ag. 91.
superbus, magnificus, Oed. 803.
syllaba brevis in medio versu
iambico tetrametro Ag. 760.
synaeresis H. f. 49, Ph. 625, Hipp.
1023 (*Epidauri* pro *Epidauri*),
Ag. 113.

T male additum in fine (*potuit*
pro *potui*) Th. 1041.
Thriasus, vicus Atticae, Hipp. 5.
Ut intelligendum Med. 749. omis-
sum forte, ut videtur, H. O.
1520.

Valva, si forte, H. f. 1001.
verba confusa; ab- et ad- H. f.
755, Th. 995; ac, an, at, aut,
haut, ut, et, sed, Th. 139, Ph.
245, 347, 354, 651, Hipp. 497,

972, H. O. 1434; aciem et fa-
ciem H. f. 387; adulas et adu-
stas Ph. 561; Amphioniaque et
Ophioniaque Oed. 483; Auspi-
cia et Hospitia Hipp. 853; Bri-
tannis et oritanais Oct. 41; ca-
rus et clarus Ph. 354, H. O.
1453, 1876. Chalcedona et Chal-
cedona Ag. 664; cibus et scy-
phus Hipp. 209; cultus ei cul-
tus H. O. 593; decenti et re-
centi Th. 946; diligenti et di-
ligenti Med. 535; discors et dis-
sors H. f. 713; ecquid et et quid
Th. 196; excubat et exultat
Oct. 785; ferus et suus Ph. 23,
Oct. 14, 401, 518 etc.; fugas
et fugas H. O. 1039; furebas
et ferebas H. O. 1191; gigas
et Gyges H. O. 1169; Honestas
et Non ista Hipp. 141; Hunc
et Nunc Th. 101; jacet et latet
Ph. 438; Indi et Isiri H. O.
624; infra et intra Med. 521,
H. O. 45; ingruant et ingruant
Med. 526; Ionius et pontus
Hipp. 1013; iste et ipse Ag. 301,
H. O. 1358; labores et dolores
H. f. 1323; laborum et malo-
rum H. f. 1068; Lassata et La-
zata H. O. 47 (cf. 724); Le-
thaea et lucata, ut videtur,
Oed. 230; libeat et liceat Oed.
673; luxus et lusus Hipp. 450;
Montem, Mortem, Noctem, H.
f. 1079, Ph. 30, Hipp. 445;
Mortifera et Monstrifera Oed.
1057; Mortis et morbi Oed. 1058;
Mortis et Fortis H. O. 1561;
Ne, Nec, Neu, Hipp. 753;
nova et mala Hipp. 306; ocul-
lis et oculis Med. 939; o du-
ces, vel o dices, et audaces H.
O. 1561; Passus et Lassus H.
O. 1600; patriis et parvis Hipp.
899 (cf. Tr. 594, 792); Persis
et Persis Hipp. 326; potes et
potest Th. 15, Med. 568; Po-
tensque et Potensque Hipp.
186; prius et pius Ag. 890;
prospice et perspice Hipp. 820;
recedit et resedit H. O. 308;
regia et regi ac Ag. 301; Sa-
piens et Patiens H. O. 229; se-
ra et saeva Med. 687; Solven-
da et Solvendo Oed. 941; tan-

- dem variae*, vel *t. phariae*, et *Pandatariae* Oct. 977; *telo et leto* H. O. 1201; *tepidus et tepido* Hipp. 818; *tremat et cremat* Oed. 50; *tumidum et timidum* Oed. 449; *vacans et vagans* Oed. 13; *ve et que* Ph. 439, Hipp. 98; *veniae fuit et venia obfuit* H. O. 932; *visas et vivas*.
Versus his usurpatus H. O. 485.
versus graves in gravi argumento Med. 852 seqq. Ag. 758 seqq.; *imperfecti* Th. 100 etc.
- male distincti* Oed. 723 seqq. Ag. 591, 807 etc. *trajecti* Hipp. 1188 sequ. Med. 747 seqq., 751, H. O. 462, 736. *versuum continuorum hemistichia inter se commutata* Oct. 610.
Virtus, quem etc. H. f. 1159.
vis, verbum magicum, H. O. 569 etc.
vocare μεταφορικῶς Ag. 555.
X. Vide S.
Zalaci Oed. 471.
zmaragdus Hipp. 320.
-



APPENDIX,

CONTINENS.

NOTATU DIGNIORA IN EDITIONE SENECAE
TRAGOEDIARUM, QUAM PUBLICAVIT
TORKILLUS BADEN.

NOTATU DIGNIORA IN EDITIONIS BADENIANAE,

parte priore (nam posterior adhuc desideratur), sero
ad nos perlata, cum nostris animadversionibus.

Doctissimus Torkillus Baden *) in praefatione operis, cujus pars prior, anno 1819. excusa Havniae typis elegantissimis Schulzianis, nunc prostat Lipsiae apud Gerhardum Fleischerum: „Consilium,“ inquit, „scis mihi fuisse, spicilegium de messibus superiorum agere Criticorum, et aliis vel intacta vel infeliciter tentata pro viribus expedire. Quod consilium, praeter septendecim illos a me ipso Vindobonae, Romae atque Neapoli consultos libros manu scriptos, plurimum adjuvabant excerpta variantium lectionum ex codice Pulaviensi, quae mihi benivole supeditavit vir clarissimus Godof. Ern. Groddeck**), eundem codicem, nomine Varsoviensis, adcuratissime describens in Bibliothek der alten Litteratur und Kunst St. X.

„Omnes et singulas lectionum varietates recenseat, qui volet. Mihi satis est, potiores indicare, mendis librorum etiam nihil lectorem instruentibus.

„Ubi codices deficerent, conjecturis, nunc meis, nunc alienis, maxime Nic. Heinsii, dispersis per omnes Adversariorum ejus libros, rem gessi. — Veteres in utraque lingua scriptores perlegi tantum non omnes, indeque mihi notavi, quidquid vel dubiis confirmandis, vel affectis mendis videretur. Sed minor notandi quam notatis utendi labor fuit, cum ex sexcentis, quod in rem esset, fere de-

*) Mag. art. lib. et D. Philos., professor emeritus,arci reg. Charlottenburgensi praefectus, Academiae reg., artium elegantiorum et Societatis litterarum elegant., quae Havniae vigant, sodalis et secretarius, nec non Societati reg. scientiarum Gottingensi litterarum commercio conjunctus.

**) Professor Universitatis litterarum Vilmensis.

ligere debuerim. — Profuit (autem), tot evolvisse libros MSS., unde si non alium, certe hunc fructum cepi, quod Senecam edidici.

„Major hujus operae pars in defensione lectionum, a Criticis oppugnatarum, versatur; eaque pars vel plurimum sudoris habuit, quia mihi hic fere cum Heinsio res erat, adversario, si quis alius, forti et valenti. Quem refutare dum studeo, lucem videor mihi permultis affudisse locis. —

„Integras virorum doctorum notas tunc addidi, cum, quod dicendum erat, melius quam ipsorum verbis dicere non habebam. —

„Interpretationi denique tantum tribuimus, quam propositi ratio pateretur. Vicarios interpretationis accipe similes poetarum et aliorum locos, quorum qui ex prosaici Senecae operibus passim laudantur, simul ad *ῥησιδ-
τητα* harum Tragoediarum confirmandam valent.“ —

Sic ille, cujus jam editionem et ad singulos Annaei locos notata perlustrabimus.

HERCULIS igitur EURENTIS versu 12. vir optimus in ordinem recepit lectionem hanc: Fera coma hinc exterret O. d., sub qua hoc latere putavit Nic. Heinsius: Ferro comanti hinc terret O. d. Comam Bad. interpretatur radios, quaeritque, saevus fulgor Orionis cui non dictus sit? Magnifice, inquit, Virg. A. 3, 517:

Armatumque auro circumspicit Oriona etc.
Non persuadet.

34. Iraque nostra fruitur) id est delectatur et gaudet. Jam alii compararunt illud Juvenalis 1, 49: et fruitur dis Iratis.

37. quaque deponens diem) Lege ex scriptis reponens, i. e. condens, cum deponere sit relinquere et abjicere, quod non nisi supremo mundi diei convenit. Quinctil. Declam. 3, 9: deponet arma, an reponet? Metro qui metuebant, reponens fecerunt. Sed nihil est opus. vide Burm. ad T. 1. Anthol. Lat. p. 67. (Valeant illi scripti, quicunque sunt. Deponere diem dicitur, ut fessum latus deponere Horat. Od. 2, 7, 19, caput terrae dep. Ovid. Am. 3, 5, 20, mentum in gremio mimae dep. Cic. Phil. 13, 1, etc.)

39. apposite confert inter alia Iliad. 24, 258. (*ὃς [ἔκρωρ]* *Σεδς ἔσχε μετ' ἀνδράσιν*, h. e. praestantissimus,) et ipsius Senecae haec de Vit. beat. 25: me hominem esse tum

maxime cogitabo, cum Deus undique consalutabor.

52. frustra posuit Cur non vinctum et oppressum trahit Ipsum catenis, quod *ταυτολογικόν*.

62. terna pro tria. Cf. 796, quomodo et Ovidius non semel. Vjd. Heins. ad Heroid. 9, 38.

72. Mediusque. Heins.: Imo Meliusque. Tale illud Claudiani:

Firmior Herculea mundus cervice pependit. Id arripiens Bad., tanquam certissimum, etiam ista Claudiani laudat 21, 43: Sic, Hercule quondam

Sustentante polum, melius librata pependit

Machina, nec dubiis titubavit signifer astris etc.

Sed longe *γραφικώτερον* Mediusque, ut quo significetur, non in neutram partem inclinatum fuisse coelum, ab Hercule sustentatum, sed in ejus collo sedisse medium firmumque.

85. Sic etiam Oedip. 237: Tecum bella gerēs.

92. Revocabo, tanquam a te praetermissam et relictam. Plin. Hist. nat. 18, 8, 3: praetermissa frustra revocari.

100. Praefert ponitque in fabula τὸ incita, tanquam multo acrius quam citae.

103. In rogo flagrante subaudi ab, et cf. de hac ellipsi Burmannum ad Claudian. 23, 11. (Haerebat doctus lateri, castrisque solebat Omnibus in medias Ennius ire tubas.)

104. Florent. vitiatae, quod mendum scriptoris videtur esse Badenio, nobis *διπτογραφία*, de qua cogitandum.

107. Animum captus. Poëtis familiarem hellenismum merito tuens Bad. laudat Benth. ad Hor. Od. 3, 10, 18.

119. Meliss., Florent., Nic. Heins.: librabo manu, ut Juno dicat, se suapte manu directuram tela Herculis in corpora liberorum, quemadmodum fortium virorum sagittas arbitrio suo des moderentur apud Homerum Iliad. 4, 132, Nonnum p. 724. v. 9. et p. 744. v. 26, Statium Theb. 6, 754, alios. Ovid. Met. 13, 606:

Certaque letifera direxit spicula dextra, ut monet Bad., qui posuit manu. Sed vix differunt librabo manu (tela) et, quod sequitur, Regam furentis arma; differunt librare manum et regere arma. Ergo potior habenda est lectio vulgata.

128. Imitatur Ovidium Met. 2, 115: diffugiunt stellae, quarum agmina cogit Lucifer etc.

131. Vocant, provocant, venturam significant. Vid. Burm. ad Virg. Georg. 3, 193.
132. Bad. quoque in ordine: aquis.
133. De ortu solis ab Oeta cf. Heyn. ad Virg. Ecl. 8, 30.
149. Ascens. edidit circum, credo, ut Grammaticis gratificaretur, statuentibus, circum esse loci, circa autem temporis. Verum istam legem passim migrant poëtae, docente Broutkhusio ad Propert. 4, 6, 6, cujus exemplis adde Oedip. 3 2. (Sed vide ibi notata.)
156. pressa, demissa, etc.
- (159. Haec, Haec agunt. F. H. B.)
161. Bad. secundum Heinsium: res et in agris. Vocabula res et spes etiam apud Ovidium misceri monet Met. 3, 417. Nondum poenitet nostrae conjecturae pes et in agris.
166. Bad. quoque: beatas.
179. volucrique die. Debetur epitheton Horatio Od. 3, 28, 6: ac veluti stet volucris dies.
192. Frustra, iudice Bad., Cl. Jacobsius Animadv. in Eurip. Tragoed. p. 326.; *ταυτολογικῶς* componi existimans vocabula terris et urbes: Al. m. gloria seclis Trada t.
212. vacat. Vid. Heins. ad Ovid. Trist. 4, 3, 77.
213. a primo, a principio. Cf. Ernest. ad Cic. de Fin. 3. §. 32.
219. remissolumine, vultu hilari atque laeto. Ovid. ex pont. 2, 2, 65:
- Cumque serenus erit, vultusque remiserit illos.
225. Bad. quoque praetulit elegantiorē, ut ait, verborum ordinem codicis Flor.
233. Bad., vett. secutus edd.: Peremptus. acta est. etc. Sed est ad Peremptus quoque pertinet. Rectius Wilhofium reprehendit, item et pro est poni iubentem, cum asyndetis Seneca delectetur, quod probat Phoen. versu 405, Hippol. 428, Oed. 153, et hujus trag. 238. Neque ipsi placet, quod Heinsio ad Ovid. Met. 14, 416, Carpesii. Nam sequitur, inquit, ab occasu ultimo, et Tartessii nomen poëtis extremi occidentis plagam significat. Vid. Ovid. l. c., Sil. 3, 299; 6, 1. etc.
248. Stabuli fugavit turpis Augiae labor. Nic. Heinsius: „Augei,” inquit, „in scriptis et probe omnino, sive adiectivum est seu substantivum: etsi adiectivum hic loci malo, nam Augaei in Florentino mendosum haberi par est. Augeas etiam, non Augias, in membranis constanter, quotiescunque nomen id occurrit. Gracis est *Αὔγεια*. Sic Hygino fab. 13., ubi Argonautas

recenset: Augeas Solis — filius. — Plin. 17, 9. de laetificando agro: Augeas rex excogitasse dicitur.“ Dein de forma genitivi Augei (a recto Augeus) item laudat Hyginum fab. 30. (Augei regis stercus bovine uno die purgavit etc.), Ausonium de laboribus Herculis (Septimaque Augei stabulis impensa laboris), et carmen illud in Catalectis Pithoeanis:

Septimus Augei stabulis labor egerit undis.
Hic inductus rationibus Torkillus noster posuit Stabuli fugavit turpis Augei labor, nec dubitat Augei accipere pro substantivo propterea quod frequentissimus sit ille duorum genitivorum concursus; quam in rem laudat Perizon. ad Sanct. II, 3, 15. et Burm. ad Lucan. 9, 8. Qui concursus ut sit frequens, inelegans tamen semper est nec Seneca dignus. Sed ferendum hoc; plane autem ferendum non est, quod inconsulte addit, qui Stabuli cum Stabulis mutant, eos simplicem genitivum vitioso sermone redimere. Legendum sane videtur, manu scriptis in id conspirantibus praeter Cruserianum: Stabuli Augei, sed ita ut Augei pro adjectivo habeatur, quoniam admodum Romula gens, heroas sensus et similia dicuntur poetis.

255. regni vindices. Bene Gronov.: futuros, si daretur. Non dissimile illud Justini 8, 2: victoris (h. e. victoris futuri, si victor fuisset) potentiam non ferre. ubi vid. Vorst. Cf. Burm. ad Anthol. lat. 1. p. 296.

266. et quae fecit) i. e., genetrix deorum fuit, quomodo Rutilius de Roma loquitur 1. Itinerar. 49. Cf. Octav. 449.

269. Quo decidistis. Sic passim Seneca, velut Epist. 92.: non potest sapiens ex beato in miserum decidere. Cf. Epist. 95, Quaest. nat. 4. praef. Claudian. 15, 45:

Hei mihi, quo Latiae vires, Urbisque potestas
Decidit?

De verbi potestate cf. Ernest. ad Suet. Claud. 9.

290. Rerum terminus idem est ac rerum finis et extremitas. Cf. Epist. 94, 110, Benti. ad Hor. Carm. sec. 26.

300. frugum potens. Ovidio subiectum monet Am. 3, 10, 35. (Diva potens frugum silvis cessabat in altis.)

328. Quaest. nat. 6, 1: Circuit fatum et, si quid diu praeterit, repetit.

352. opulenta) *Θήβην ἀφνειήν* vocat Nonn. p. 1234. v. 9.

341. Rapta sed trepida manu) Dubitatio (?) est, digna, ut quae maxime, tyranno. Conjecerat Heins. intrepida, vel intrepide. Utrumque male. Nam, ut ait Cic. in Laelio §. 52: haec est tyrannorum vita, in qua nimirum nulla fides, nulla caritas, nulla stabilis benevolentiae potest esse fiducia; omnia semper suspecta atque sollicita; nullus locus amicitiae.

353. MS. Pulav.: Hos prima, unde aliquando legendum putabat Bad.: Dos prima. Nunc servavit veterem scripturam Ars p. r., posse te inv. p.

354. locum, opportunitatem tentandae reginae. Plant. Poen. 4, 2, 69: Loquere (locus occasioque est) libere: hic soli sumus. Heins. malebat: f. dedit votis locum.

362. Bad.: agant, ut vulgo.

365. Comparatur Virgilianum G. 1, 506: squalent abductis arva colonis.

368. Sabinus apud Tacit. H. 3, 70: Pacem et concordiam victis utilia, victoribus tantum pulcra esse.

383. Pars quota ex illo mea est? Quasi diceret: minima ex tanto. Nam, ut notat Serv. ad Virg. A. 10, 677, antiqui ille vel magnitudini vel nobilitati assignabant.

390. Bad. secundum Grotium: superbo. Quod, inquit, Statius, qui Senecam ob oculos habuit, planissime confirmat Theb. 4, 575:

Ecce autem magna subit invidiosa caterva

Tantalus, et tumido percenset funera luctu.

393. Bad. quoque: Illyria. Cato ap. Gell. 11, 3: urbis insulasque omnis agro pro Illyrio esse. ubi vide criticos.

430. Codd. Palatt. cum editis vetustis tantum non omnibus (?): Sceptroque, quod vividius sit altero. Agam. 961: Et esse demenste parem nobis putas? Plant. Mil. glor. 2, 2, 30: et quemadmodum? ubi plura Gron. Dedit itaque Bad.: Sceptroque.

454. Bad.: Num — feras? ut varietur oratio.

456. parvus, puer. Vid. Burm. ad Ovid. Fast. 2, 385.

457. ejectus. Eurip. Bacch. 91: τὸν Βρόμιον — καὶ δόος ἐκβολὸν μάτηρ ἔτασε κ. τ. λ. Ejicere, sicut ἐκβάλλειν, de immaturo partu dici, ostendit Muncker. ad Ovid. Met. 10. fab. 10. Argum.

467. Sidonia, purpurea, ut recte Broukhuss. ad Propert. 2, 22, 15.

474. Bad. quoque: Vibrare. Similiter Rupisse et Errare Oedip. 173 seqq.

477. Eos cum Ovidio Heroid. 9, 51. sequitur auctores, qui Thespium sive Thespin (Imo Thespian; vid. Eustath. ad Iliad. 2, 498.) faciunt Teuthrantis filium, Pandionis nepotem.

485. obuius, adversus, contrarius, reluctans, ut obvia fatis Roma Claudian. 24, 140, ubi vid. Burm. integer, invulneratus; cf. Tacit. H. 5, 15, Flor. 3, 1, 13 etc. Frustra Heins.: invius.

498. Bad. tentabat: Adeste. multo s. infectis, vel: Adeste. m. s. infectae manus (turbæ, ut Virg. A. 10, 499.) etc.

513. Miserum veta perire. Apposita vox Claudiani 3, 237: Proh, saevior ense.

Parcendi rābies, concessaque vita dolori! ubi. plura in eam rem veterum dicta collegit Gesnerus.

523. Bad. quoque: est, est son: H. g. Neque enim, inquit, sonitus manu demonstrari patitur. Et confert Herc. Oet. 1132.

536. mutis tacitum. Cf. Gron. ad 302. Temere Wakef. ad Lucret. 3, 1045: placidum.

571. Exprimit repetere graecum ἀνάγειν, quod solenne poetis et aliis, talia celebrantibus, ut docuit Heyn. ad Apollodor. I. 3. s. 2. §. 2.

577. Putide Bad.: „Threiciae nominantur, tanquam populares et familiares defunctae.“ Quasi hoc quidquam ad rem faceret.

590. Bad.: carmine, quod egregie confirmari putat Horatiano illo Od. 3, 11, 25: dum grato Danaï puellas Carmine mulces.

604. quae iussit. Cf. 62. seqq.

615. Etiam Bad.: quae vinci jubes?

620. silentem. Cf. Hippol. 221; Heins. ad Claudian. 3, 126. Non opus poni silentum.

634. Nic. Heins. et Bad. verba Hanc — feror Herculi tribuunt, Mediceo codici obtemperantes. Quod ταντολογικὸν minusque δραματικόν.

641. ex oculis. E. conspectu, inquit Bad., quasi e conspectu Megaram abire jubeat Theseus, de quo minime ille cogitat.

644. Eodem hic noster acumine Epist. 78: Inter haec tamen aliquis non gemit; parum est.

non rogavit; parum est. non respondit; parum est. risit. Cf. Apul. Met. 1. p. 9.

658. Fas omne mundi. Quidquid in coelo religiose colendum est. Oppian. de Venat. 2, 571:

Αἰδόμενος μακάρων τε Δέμων etc.

660. Quidam Aethra, quod nihili esse dicit Bad. Et recte. Venët. anni 1532: Enna.

677. Bad.: agger, i. e. via. Virg. A. 5, 273: viae deprensus in aggere serpens, ubi vid. Serv. Incertus Anthol. graec. 3, p. 245:

Πάρτοσεν εἰς ὃ φέρων εἰς αἶθρην ἀνεμος.

684. Sic ante dixisse Ovidium Met. 8, 162: Non secus ac liquidus Phrygiis Maeandros in arvis Ludit etc. Ludit vindicari etiam a Burmanno ad Ovid. Heroid. 9, 55.

687. luctifer bubo. Conferuntur Naso Met. 5, 549. Stat. Theb. 3, 511.

703. Spurius iudicat hunc versum Wakef. ad Lucret. 6, 1267. „Perperam,” inquit Bad., „rerum finis et mundi ultima sunt, quos rerum terminos ante dixerat v. 290.” Sed hoc nihil pertinet ad refellendum Wakefieldium. Sane vel delendus versus *ταυτολόγος*, cum praesertim 705. legatur Nox atra mundo. cuncta moerore horrida, quae tam hisce similia intra spatium trium versiculorum abhorrent ab elegantia Senecae; vel cogitandum de hac nostra conjectura; et in unda ultima Immotus aër haeret, ad quam faciem est, quod undas aërias dixit Lucret. 2, 151. Quae ratio si cui placebit, is statim ponet cuncta paedore horrida, ut iubent legi Wakef. ad Lucret. 6, 1267. et Clar. Jacobs. Animadv. in Euripidis Tragedias p. 326. Quos eo refelli putans Bad., quod similiter Attius in Telepho dixerit luctum horrificalem, profecto nihil agit.

709. Bad.: „Mog,” inquit, „et 4 nostri recessu. Minus recte. Claudian. 5, 525: infraque recessus Tartareos: Plut. de Superstit. 4: *δικασταὶ δὲ καὶ κολασταὶ, καὶ χάσματα καὶ μυχοὶ, κακῶν ὑπὲρ ὧν γέμοντες.*” (Secessu ipso metro falsum esse arguitur, siquidem primam syllabam porrectam habet.)

711. Similiter, monente Nic. Heinsio ad Ovid. Epist. Sabini 1, 35. Mela 3, 1, 40: Baetis quasi ex uno fonte geminus exoritur, et Sallust. apud Nostrum Nat. Quaest. 7, 8: asserit, Tigrim et Euphratem uno fonte manare in Armenia, qui per diversa euntes longe dividuntur.

716. Ἀνέροδον Ἀχίρονα dixit Theocrit. 12, 19, irremediabilem Virg. Aen. 6, 425, ubi vid. Heyn.

722. Flor. dei. Alterum exquisitius: vid. Burm. ad Ovid. Met. 6, 659.

726. Bad.: „Vett. editi cum scriptis: aspectus, id quod gravius (?) est.“ — Posuit itaque: Est ipse dominus, cujus aspectus timet.

735. Epist. 39: quae fecere, patiuntur.

739. Sallust. Jug. 41: ante Carthaginem deletam populus et senatus Rom. placide modesteque inter se remp. tractabant.

Posuerat Heins. quoque (id quod me fugit) imperium gerit. Sed Bad.: imperium, inquit, regit splendidius (?) est, et confert illud Lucretii 2, 1094: Quis regere immensi summam — potis est —?

753. Bad. quoque alluit, secundum Heinsium; Abr. Gronov. ad Mel. 1, 4, 25. et Burm. ad Anthol. lat. 1. p.

506. Confert Hippol. 1239, Homer. Od. 11, 582:
Καὶ μὴν Τάνταλον εἰσεῖδον χαλεπ' ἄλγε' ἔχοντα,
Ἔσταδ' ἐν λίμνῃ· ἣ δὲ προσέειπε (? Wolf. alii-
que προσέπλαζε) γένειο,

Bentlejo notata ad Manil. 4, 600.

767. Nic. Heins.: Flor. squalent. sed squalidus jam praecesserat. olim reponebam pallent, ut apud Papinium Theb. 2. de Sphinge:

*Pallentes erecta genas suffusaque tabo
Lumina.*

nunc fortius aliquid opinor desiderari: aut furent, unde luridus; sed quia insolentius verbum, praestat livent, quod alii jam voluere. Sic Lucano rubor igneus inficit ora Liventesque genas etc. Bad. genas interpretatur oculos, et lucent, inquit, ab Ovidio adscivit, Met. 1, 239: Idem oculi lucent, eadem feritatis imago, ad variandum illud Virgilii Aen. 6, 300. de Charonte: stant lumina flamma.

776. Parum referre, utrum sedit an sidit scribatur, censet Bad. cum Burmanno ad Propert. 3, 7, 37. Imitatum haec esse Statium Theb. 5, 401 seqq. Utrique praevissae Apollonium Argon. 1, 553: καὶ οἱ ἐνερθε Πλοσσίῳ ἐπεκλίσθη νηὶς τρώπις.

792. sedit. Theocrit. 25, 84. de canibus, Augias stabulum servantibus: ἐσσημένως ποτὶ ταῖλιον ἔξον ἰόντες.

794. Edit. Scriber. tortos, operarum haud dubie vitio. Claudian. 35, 511. de leone: rabiem totos exegit in armos.

797. feros. Cf. Thyest. 77.

804. Virg. Aen. 6, 423: toto ingens extenditur antro. antro cessit, in antrum se recepit. (? Hoccine latinum est? Imo prae metu Cerberus antro exiit, tanquam aufugiturus.)

805., Frustra Heins. educi, ab Inferis. Nepos Datam. 3: Vinctum ante se Thyum agebat, ut si feram bestiam captam, duceret.

814. Legitur secundum Rutgersium: — ignotae, bonos Res. animos etc. Lipsius quoque malebat lucis ignotae bono, quem scripturam commendat Zinnerling. loco Senecae epist. 79: adhuc nondum frui tur bono lucis, et Statii 8. Theb.: jucundaque offensus luce profatur. Heins. tentabat ignoto bono, nec nolebat ignotum bonum, per ~~ἐκ τῆς~~ *ἐκ τῆς* ~~ἀγνοίας~~. Cf. Gronov. Bad. nimis confidenter: Haec, inquit, inficeta (?) sunt omnia prae venustissima (?) verissimaque Wakefieldi ad Lucret. 2, 418. correctione et nitor Percussit oculos lucis ignotae bonus, i. e. pulcher, jucundus. vide ipsum et compara Agam, 862. (Tractus ad coelum canis Inferorum Triplici catena tacuit, nec ullo Latravit ore, lucis ignotae Metuens colorem. Nihil frigidius isto nitore bono. Perstandum in lectione ignotae bono.)

826. Bad. ex Florentino: Herculeas umbras. Vulgo, inquit; sub Herculeo caput abscondit umbra, minus poetice. Virg. Aen. 8, 538: quam multa sub undas Scuta virum galeasque et fortia corpora volves. ubi vid. Heyn. et Burm. ad Ovid. Met. 6, 370.

842. nocti Gron. praefert ex Florentino, vultuque dictum esse per hypallagen pro cum longa redit hora nocti. Quod mihi durum videtur et ~~ἀσχηματιστόν~~ *ἀσχηματιστόν* horam noctis pro nocte dixit ad exemplum Ovidii Heroid. 19, 33. redit ea, cum longiores fiunt etc.

846. Mallet Heins. Exciti, laudans Virg. Aen. 3, 301 (qualis commotis excita sacris Thyias etc.) Sed Eleusinia non, ut Trieterica, cum furore peragebantur. — Stat. Silv. 8, 50:

Tuque, Actaea Ceres, cursu cui semper anhelō
Votivam taciti quassamus lampada mystae.

859. longa satiata vita. Longae vitae Broukhuisius maluisse fertur. Sed ablativi ratio est, quod vastus (?) literae a sonus rei, de qua agitur, melius convenit. Tale (?) et illud Propertii 4, 10, 20. de Romulo:

Et galea hirsuta comta lupina iuba.

874. Primum quae vitam dedit hora, carpit. Epist. 120. de morte. Carpit nos illa, non corripit. Cf. Consolat. ad Marp. 20, ubi haec inter alia similis argumenti: In hoc omnes errore versamur, ut non putemus ad mortem nisi senes inclinatosque jam vergere, cum illo infantia statim et iuventa omnisque aetas ferat. Agunt opus suum fata; nobis sensum nostrae necis auferunt; quoque facilius obrepit mors, sub ipso vitae nomine latet. Plut. Consolat. ad Apollon. 15: ἡ πρώτη οὖν αἰτία ἡ δεῖξασα ἡμῖν τὸ τοῦ ἡλίου φῶς; ἡ αὐτὴ καὶ τὸν ζοφερόν ἀδὴν ἀγει.

874. sol medium tenens, meridianus. —

885. Umbras corporibus negat. Heliodor. Aethiopic. 9, 22: τῆς ἡλιακῆς ἀκτίνος κατὰ τροπὰς δεινὰς ἐν τοῖς περὶ Σούην εἰς ἀκρίβειαν κατὰ κορυφὴν ἰσταμένης καὶ τῷ πανταχόθεν περιφωτισμῷ τὴν παραπρωτοῖν τῆς σκιάς ἀπελαινύσσης.

895. Flor. Victrix. Nostram lectionem flagitat, (?) sequens poenae comes.

910. arboribus. Has nominatim persequitur Avien. Descript. orb. terr. 1111 seqq.

916. nobilis. Divcen aquae. Eurip. Iphig. in Taur. 401. βρέματα σέμνα Δίρκας.

928. aether hic est, ut saepius, aer. Nat. Quaest. 2, 1. omnis de universo quaestio in coelestia, sublimia et terrena dividitur. Prima pars naturam siderum scrutatur. — Secunda pars tractat inter coelum terramque versantia. Haec sunt nubila, imbres, nives etc. Tertia illa pars de agris, terris, arbustis, satis, quaerit, et (ut jurisconsultorum verbouit) de omnibus, quae solo continentur. Frustra Heins.: Tellusque et aequor.

948. Bad. quoque et rutilat j. C. jactans. Rutilare, inquit, comas non est crispare, quod videbatur Gronovio, sed colorem rutilum inducere, ut docuit Joh. Arntzenius libelli de colore et tinctura comarum p. 117. Cf. Herc. Oet. 71. (Imo rutilat significat splendet, micat (ex schimmert, blitzt), cujus causa splendoris ποιητικῶς esse fingitur jactata juba.)

991. impiegit furor. Verbum Annaeo frequentatum. De ira 1, 3. Iraisci dicit, incitari, impingi. Cf. 3, 24. Epist. 95.

996. Omnesque latebras. Exempla, quibus duo

nomina uni verbo junguntur, et diversam ejus significationem faciunt, plura collegit Perizon, ad Sanctium 4. 8. 4., ne cum Gronovio legas: etiam Omnem e latebris.

997. Recte Bad.: Legendum Cyclopiæ, non Cyclopea, quod penultimam producit. vid. Heins. ad Virg. Aen. 1, 201. Mycenarum regiae (ubi se versari putat Hercules) moenia a Cyclopibus structa. Thyest, 407, 8. Eurip. Herc. fur. 963.: *δεινὰ δ' ἑδούσα δὲ βρέμων ἦν ἐν Μυκῆναις τῷ λόγῳ.*

999. Huc eat et illuc valva dejecto objice, haec sunt nihili. Scrib: H. e. et i. valva dejecto o., Rumpatque postes. dejecto ex Florentino; i. e. subverso. Tacit. A. 13, 39.: objices portarum subversi. Eurip. Herc. fur. 999.:

Ὁ δ', ὥς ἐπ' αὐτοῖς δὴ Κυκλωπίουσιν ὄν'

Σκάπτει, μοχλεῖται δόρυτρα.

quae confirmant correctionem valva. Obex ζύγωδρον, μοχλός. valva postes trahit. Valva singulari numero Pomponius et Petron. Vide lexica.

1001. Perlucet omnis regia. Plaut. Rud. 1, 9, 15.: Nam nunc perlucet ea (villa) quam cribrum crebrius.

1005. Dextra precante) Dictio Maroniana. Aen. 12, 930.:

Ille humilis supplexque oculos dextramque precantem Protendens etc.

1006. Bis ter rotatum misit. Cf. Ovid. Met. 4, 517. seqq.

1013. Hercule infenso.) Flor. alique complures infesto, quod usitativus est. Sed infensus eadem analogia dicitur, ut ostendit Ernestius ad Tacit. A. 6, 34.

1030. Nondum litasti. Similiter Demonax apud Lucianum in ejus vita: *ἄνδρες γὰρ, ἔφη, Ἀθηναῖοι, ἐμὲ μὲν ὀρῶντες ἰστέφανωμένον, ὑμεῖς ἤδη καὶ καταδύσατε· τὸ γὰρ πρότερον οὐκ ἐκαλλιερώσατε.*

1046. ad terram ruit. Frustra Heins.: fluit. Virg. A. 9, 708.: conlapsa ruunt immania membra.

1051. somno gravi) Quinctil. Declamat. 2, 34.: gravior est quies, quibus ex lassitudine calamitatum venit. Eurip. Herc. fur. 1034.:

Ἐδδοντας ἔπνον δεινὸν ἐκποδὼν φόρον.

1066. Servavit Bad. laborum, sed ita ut maluisse videatur malorum, quod explicat in nota. Alexis:

Ἵππος βροτείων, ὃ κέρη, πανσὴρ πόνων.

Cf. Plut. de Superstit. 3, Coluth. 309.

1070. Orpheus hymno in Somnum:

Ἀγγελε μελλόντων, θνητοῖς χρησμευδὲ μέγιστε.

1072. Pater o rerum) Valer. Flacc. 8, 70.: *Somne pater, Somne, omnipotens!* Homer. Iliad. 14, 233:

Ἦπνε, ἀναξ πάντων τε θεῶν πάντων τ' ἀνθρώπων

1074. Bad. ex Florentino:

Qui par — venit,

Pavidum —

Cogis — mortem;

Placidus fessum lenisque fove:

Preme devinctum etc.

Asyndeta, inquit, precationem faciunt ardentiorē. — Suet. Octav. 16: tam arcto repente somno devinctus. — Janus Douša fil. ad Catull. 5, 6, 6, probante Burm. ad Propert. 2, 10, 17. et 12, 24: longam noctem. Atqui et Stat. dixit Theb. 1, 49: longa quae animam sub morte tenebat. Plut. Consolat. ad Appollon. 17: οὐκ ἀμούσως δ' ἔδοξεν ἀποσφηνάσθαι οὐδ' ὁ εἰπὼν τὸν ὕπνον τὰ μικρὰ τοῦ θανάτου μυστήρια. πρὸ μύσης γὰρ οὕτως ἐστὶ τοῦ θανάτου ὁ ὕπνος etc. (Rectum per se longa mors, ut ταπληγὴς θάνατος apud Homerum. Sed qui modo dixit Pavidum leti genus humanum, eum nullis interjectis addere Cogis longam discere mortem,) cuinam placeat? Rectissime Douza, nec semel confusa inter se noctem et mortem.

1091. et jam vento cessant et met. Gell. 2, 50.: Austro vel Africo — jam nihil spirantibus, unda et ament factae diutius tument, et a vento quidem jam dudum tranquillae sunt, sed mare est etiam atque etiam undabundum.

1103. Victrice manu. Heins. malit Ultrice. (Quod profecto aptius, nec raro cum illo commutatum.) Sed victoria dicitur, quae hosti non parcat (?), nec verberibus temperat (?). — sicque (?) Junonis votum impletur v. 116: Me pariter et se vincat.

gemitus vastos. Ut Virg. Georg. 3, 222. vasto Cum gemitu.

1105. Male Bad. secundum Withofium: Regia populi, cujus scripturae ne numeri quidem probi sunt. Istud plurimorum librorum Regia ortum haud dubie ex compendio Regia. Ater polus coelum Inferorum, ad quos quidquid pertinet, atrum dicitur poëta. Virg. A. 6, 638.:

Largior hic campos (Elysios) aether et lumine vestit Purpureo; solemque suum, sua sidera norunt.

Stat Theb. 4, 478, laudante ipso Badenio: imi famulatur regia mundi, etc.

1109. Frustra Bad.: ex Florentino, Vossiano, Trajectino et 7 epis, item editionibus aliquot antiquis: Latique patens unda profundum. Profundum, seu mare, quod latum dixeris, ejusdem undam dicere patentem, *ταυτολογικόν* est. Sed patere dicitur, quidquid non est obstructum: ergo rectum est late, latius, latissime, patens, usuque scriptorum probatissimorum tritissimum. Saepius e et i litterae commutatae inter se deprehenduntur in codicibus. Quod Homerus *εὐρεία νῆα Σαλαάσης* (Iliad. 2, 159.), Stat. Theb. 5, 283, et Valer. Flaccus 1, 588. dixere latum profundum, nihil ad rem.

1123. Servat Bad. vulgatum saevo, sine quo frigere ipsi videtur vox vulnere. Quod non est. Recte Farnab. quoque: saevos.

1127. Bad. quoque: Scythicis corytis.

1134 — 1137. Male idem, vulgatam horum versuum distinctionem servans, tribrachum et trochaicum non extremos habentium, id quod usitatum, sed medios, quod a ratione anapaesticorum abhorret, auctorem ejusmodi erroris laudat G. Fabricium libello De generibus carminum apud L. Ann. Senecam. Non is est G. Fabricius, qui in re metrica et nunc, et apud Germanos, audiatur. Vid. Seidler. de versibus dochmiacis p. 80.

1130. iratos Visite reges) i. e. Plutonem et Proserpinam. Hippol. 947.:

Adeatque manes juvenis iratos patri.
ubi vid. Gron.

1156. Recte Bad. quoque: virtus.

1157. Differt fletus. Flor.: Defer tellus, unde variae conjecturae natae, sed leves et inanes.

1180. Quid est pudendum? Quasi malis obrutos non deceat pudor. Cf. Stat. Th. 4, 758, Valer. Flacc. 525, Noster Oedip. 661.

1182. Bene Bad. quoque: Pereuntis est, qui periit. Valer. Max. 5, 2, 8: Duas enim Camertium cohortes, mira virtute vim Cimbrorum sustinentes, in ipsa acie — civitate donavit. Id est, quae sustinuerunt. Cf. Voss. de Analogia 4, 14.

Frustra MS. Pulav.: clade vos t. o. Dicendo nos socium se ostendit cladis.

1193. Infra 1319.: dextra contactus pios Scelerata refugit. Cf. Sophocl. Oedip. Col. 1130. seqq. Thyestes Ennianus:

Nolite, hospites, ad me adire! iRico istim!

Ne contagio mea bonis umbrave obsit:

— tanta vis sceleris in corpore haeret.

1198. nervum vix recedentem mihi. Haec vera (?) lectio, quidquid turbant libri veti: recedentem eo pertinet, quod in emittenda sagitta retro trahitur nervus. Cf. Homer. Iliad. 8, 325 seqq.

1205. Etiam Badenii codd. 6: Flammisque, et sic ipse, ut nos.

1231. Conf. Stat. Theb 6, 81 seqq.

1235. Nihil mutat Bad.; sed telis accipit pro eo, quod est cum telis, de qua ellipsi frequentissima adiri iubet Sanctii Minervam p. 689. ibique Perizonium. Sed friget telis, cum significanter taedas suas Hercules dicat arma sua, h. e. taedas sibi proprias, neque ab alio facile adhibendas.

1250. lapsae domus. Quaerit Heins.: Quomodo firmamen, si domus jam lapsa? putatque rectius legi quassae d. Nulla (?) ratione. lapsa d. est (?) lapsura etc. Cf. not. ad Ph. 72.

1251. unum lumen. Eurip. Herc. fur. 531:

ὃ φίλτατ' ἀνδρῶν, ὃ πάρος μολὼν πατρί.

Ennius Alexandro:

O lux Trojae, germane Hector.

1282. excindam. Bad. ex Flor. Pulav. et 4 aliis: excidam, quod rectius existimat, eaque de re laudat Ernestium ad Tac. Agric. 19.

1283. Male servat Ignave, neque v. 1287. adscivit aut. Sed 1295. etiam ipse recte Reddo, Lessingio Theatr. Bibl. 2. p. 58 male propugnante pro scriptorum lectione Redde.

1309. Bad. ex Flor.: nec minus fessam malis. eadem, inquit, repetitionis gratia, qua dixit Ovid. Amor. 2, 8, 13:

*Non ego Tantalide major, nec major
Achille.*

Talibus idem plenus. vid. Heins. ad Heroid. 6, 29.

1310. In primis labris animam habere dicit Nat. Quaest. 3, 1, i. e. morti paratum esse.

1317. Vivamus. Aliquando enim et vivere est fortiter facere, ait Epist. 78. et 104.

1323. Persica, originis Persicae. vid. Lucan. 3, 257 seqq.

1325. Wakefield. ad Lucret. 6, 1075.: turbidum. Sed vide de duplicibus epithetis Observv. miscell. Vol. 1. tom. 1. p. 10. Sil. 16, 561.:

Qua Tagus auriferis pallet turbatus arenis.

1341. De Martis iudicio classica loca sunt Eurip. Electr. 1260. et Iphig. in Taur. 945.

1343. Ed. Scriver. Restituet, typothetae errore, quem propagarunt reliqui. (Sed ita jam Delrius aliique ante Scriverium.)

THYESTAE.

Vers. 7. Venire proprium de accidentibus verbum est. Ovid. Fast. 5, 648:

Et tandem Caco debita poena venit.
ubi vide Heinsium.

15. Minus recte Bad.: adde, si quid ad poenas potest, Quod etc.

26. Princeps codicum: Stringatur ensis, quod magis poëticum (?) est. vid. Burm. ad Propert. 1, 2, 3.

47. Male Bad. servat veterem horum distinctionem, quam primus emendavit Commelinus; peius etiam 49. Grotii perspicue verum cur repudiat. Non sit, inquit, a vestris — caelum, cum micant — Nox alia fiat, explica: deficiat sol; et, cum deficit, nox alia fiat. Nat. Quaest. 1, 12. Haec dicitur perfecta defectio (solis), quae stellas quoque ostendit etc. Nam alia arcessiit ex Florentino cum Nic. Heinsio, fontemque huius elegantiae dicit Apollonium 4, 1699, ubi tamen non *ἡ τις ἀλλ᾽*, sed legitur nunc, ad optimorum librorum fidem, *ἡ τις ἀλδὲν ἢ Ὀβόρου σκοτία κ. τ. λ.* Sed sane non malum alia, quamvis etiam atra bene se habeat, siquidem ea nox verissime atra dicitur, qua stellae non conspiciuntur. Ista vero cum micant etc. plane non ferenda. Nocte, ut decet, Thyestae umbra ad superiores ascendit cum furia, stellis lucentibus. Quas adspiciens; Cur, inquit, hae micant? Fiat nox atra! excidat coelo dies, sive sol, cum nocte peracta ortus fuerit! *Ἀστροδότης* haec, more Senecae.

59, 60. Bad. quoque; Ecquando tollet? ignibus jam a Spument athena.

82. Amate poenas, patienter sustinete, ne infligantur vobis maiores, ut bene Gesnerus in Thea. L. L. v. Amo.

83. superos, homines viventes. Vid. Ruhnken. ad Velleji 2, 48, 2. haec; quam apud superos habuerat magnitudinem, inlibatam detulisset ad inferos.

98. sacra est caedes, per quam auctor, sancta necessitudinis et cognationis iura violans, grave sibi et posteris suis piaculum contrahit. Fraternus Aemi cruor sacer nepotibus audit Flacco Epod. 7, 20, ubi vid. Mitsch.

100. Praecisi versus etiam alibi leguntur, Phoen. 318, Hipp. 605, Tro. 1103. Antiqui clausulas appellarunt, ut Isidorus tradidit Orig. 1, 38. Vis earum, ut graviolem faciant sensum, observante Viscontio Iconograph. graec. 1, p. 285. not. 1. et Iconograph. Rom. 1, p. 22. not. 1. (Cf. Bentleji Schediasma de metris Terent., G. Hermannii scripta metrica passim, etc.)

113. Lucan. 1, 110: undas Qui secat et geminum gracilis mare separat Isthmos.

114. Bad. secundum Gronovium, qui in Flor. invenerat litus:

Longe remotis litus exaudit sonis.

Nihil, inquit, verius (?) hac emendatione. Stat. nostrum locum imitatus (?) Th. 1, 335: mitemque Corinthon

Linqvit, et in mediis audit tuo litora campis. i. e. maria: nam ubi litus, ibi mare, ut scite (?) monuit Heynius ad Virgilii Aen. 3, 419. (Facile se tuetur vulgatum latus, i. e. latus repente factus, quod longe ὄραται τινάσσειν. Cf. Gruter.)

115. Lerna. Flor. terra. Perperam.

116. sacer, ut Med. 81.

133. Bad. quoque: arceat, Alternae etc.

135. Respicitur ad Horat. Od. 3, 6, 46, ubi vid. Mitsch.

141. Vectus) in praeceptis delatus. Cf. interpp. ad Ovid. Ibin. v. 367.

154. avibus. Heins.: dapibus. Frustra. Cf. Ovid. Fast. 6, 243.

161. Frustra item Heins. Inlusisque, Inlisisque, Incussisque, Inclusamque, Inclusis, praeclusis, ut 3. de ira 19: os inserta spongia includi. Cf. infra 781. (Inclusis ab effectu, quod os Tantalus compresserit.)

172. vocans. Flor. Lips.: petens. Elegantius alterum recte praefert Burm. ad Anthol. lat. 1, p. 139.

180. Iratus Atreus. Atreus (loco pronominis) cum pondere. Cf. 282, Crebillon. Thyest. 1, 1. (Virg. Aen. 5, 194, 554; 10, 677; 11, 537. Liv. 1, 20: Sed quia in civitate bellicosa plures Romuli quam Numae similes reges (Numa) putabat fore etc.)

201. Flor.: Proinde antequam se firmat, aut vires parat, quod ex indocta (?) fluxit interpolatione (?).

220. in illo, in fratre, ubi Ascens.: in illum,

in fratrem. Cf. 310, Burm. ad Quinctil. Declam. 15, 6; et Ovid. Met. 4, 272.

229. Tantalici. Ood. Meliss.: Tantalici. Scribendum de Lipsii conjectura Tantalei. Nam sic Poetae. vid. Heins. ad Claudian. 35, 336. (Dedit itaque Bad. Tantalei. Sed eo metrum corrumpitur. Graeca sunt *Ἠλόπιος*; *Καλώπιος* etc. itemque *Ἠλόπιος* [Agam. 7], *Καλώπιος* [vid. Bad. ad Herc. fur. 997] et similia. Sic etiam *Ταντάλειος* dicitur et *Ταντάλιος*, quae Latinis sunt Tantalus penultima longa, et Tantalius, extrita e littera, id quod et alibi facere consueverunt Graeci. Ergo vel relinquendum hoc loco Tantalici (nam ea quoque forma ferri potest), vel scribendum Tantalii, idque haud dubie voluit librarius Melisseus, geminatam litteram semel ponens, more ejus nationis.)

237. Male Gronovio Bad. obtemperans dedit Per regna trepidus exul erravi mea, nec melius sequente versu servavit antiquam lectionem Pars nulla nostrituta etc.

245. De ira 3, 43: Jam ipsum spiritum expuimus, interim dum trahimus.

248. Mors impetratur. Cf. Herc. fur. 511, Suet. Tiber. 62.

249. Bad. quoque ex Flor. et suis MSS. omnibus, item Paris. a. 1514: si modo in nostra domo. Posteriorem, inquit, in modo produxit quidem Cic. 2. de Nat. d. §. 107. (Huic non una modo caput ornans stella relucet.) Sed unum exemplum, idque mediocris poetae, legem non facit. (Morem antiquiorum Tullius sequitur: vide Wasii Senar. cap. 16, nos ad Plaut. Amph. 475. in ed. majore.)

259. Bad., ut nos: Majus hoc ira est malum. Sonat, inquit, melius quam quod alias legitur: M. est ira hoc m. Malum ira malum est insania etc.

260. Naevius incerta tragoedia:

Magni metus tumultus pectora possidet.

270. Gronov.: hoc, anime, occupa. Quasi dicat, ne ille faciat prior. Supra (204): in medio est scelus Positum occupanti. Bad. praeterea confert Agam. 195, Herc. Oet. 436.

282. ingesta. Cf. (731.) Med. 133. Epist. 29: Hos mihi circulatores — in faciem ingeret. Ingerendi verbo Seneca videtur delectatus. (Cf. not. ad 731.)

289. Bene Bad. servavit veterem scripturam Nisi capere vellet, monetque, non insolitum eo loco esse proceleusmaticum.

309 Heins.: *ed ejus non placet, sine quo manifestum fit abunde, de cujus liberis hic agatur. Emendabam igitur Liberos aevi rudes. Auson. Epist. 21:*

Quodsi rogabit, quid super scriptis novis

Maturus aevi nec rudis, dijudicem.

(Sed ibi conjungenda, *Maturus aevi*, ut apud Virg. A. 5, 73.) Ambrosius posteriore libello adversus Symmachum: Nos quoque aevi rudes sensus habemus infantium. Possis et rerum rudes, nisi quod id recedit longius a vulgata scriptura. (Nec placent tot litterae caninae, continue positae.) Valer. Flacc. 1, 771:

Est etiam ante oculos rerum rudis altera proles.

rudes anni infra apud nostrum et Claudianum occurrunt

Bad.: Fatendum, aevi melius scriptum fuisse a poeta quam ejus, quod in bono carmine rarum, ut ostendit Bentl. ad Horat. Od. 3, 11, 18. Sed tamen vide Burmannum ad Ovid. Met. 8, 16.

302. Gron. conjicit: tunc vetus regni furor, quod pedestre videtur. (Nihil itaque mutat Bad.) regni furor, quia, ut ait Tacit. A. 15, 53, cupido dominandi omnibus affectibus flagrantior est.

319. Tacere multis discitur vitae malis) quod sexcentis exemplis confirmat Plut. in (libello) de Garrulitate c. 8. seqq.

(Male Gron. et Bad. verba Tacita — vitae malis Atreo tribuunt, cui stat mandata dare filiis suis ad fratrem; cf 296. Sic quidem Flor., sed is quoque nonnunquam peccat.)

333. Bad. quoque: occules, quod commodius, inquit, atque mollius est altero, decetque magis praecipientem intimo consiliis regiis. Cf. Virg. Aen. 2, 547, Horat. Epist. 1, 18, 96 etc. Perizon. ad Sanct. p. 95.

366. Infra se videt) hoc est despicit. Sic etiam Vellej. 2, 76, 4, ubi Nostrum laudat Ruhnkenius.

372. Heins. et Bad. ex Florentino lucidis, quod probari putant ille Ovid. Epist. 15, 74. (Nec premit articulos lucida gemma meos), hic Herc. Oet. 659 sequ.

396. Quiritibus: Per prolepsin, Senecae familiarum. Exempla praecepit vir doctus Miscell. Observ. vol. 1. tom. 1. p. 71.

407. Si sunt tamen dii) Tragicus incertus:

Si quidem sit quisquam deus, cui ego sum curae.

416. Ovid. 4. Ponticorum 9, 68: majestatem res data dantis habet.

437. Bene collocatas, quæstuosas, fructuosas, metaphora a pecunia desumpta. Malorum autem fructus est nihil timere, idemque omnis sapientiae fastigium. Cf. Troad. 432. Epist. 110.

442. 3. Bad. secundum Gronovium et Heinsium: τῆ. Cum possim mori? Summa est potestas nulla, si cupias nihil. Seneca de Benef. 3, 37: Hoc est regnum, nolle regnare, cum possis etc.

449. Ferrum lateris) h. e. (?) satellitum ad istus.

454. licet. Si cum Heinsio scribas libet, impetus est, non iudicium experti.

467. Bacchoque nox jungenda. Diem noctemque continuare potando dixit Tac. Germ. 22. Vulgatum olim ducenda præfert Bentl. ad Horat. Epist. 1, 2, 51. Sed inani, inquit Bad., loquacitate diceretur nox ducenda dari pro duci, vel dari, quomodo Liv. ait 5, 28: vacuam noctem operi dedere. (Locus non similis. Dies datur ducenda somno, Baccho, nihil aliud significat quam hoc: licet diem ducere somno, Baccho, in quo ne vestigium quidem loquacitatis.)

468. Sed non timemur. Similia sunt ipsius alibi Senecæ et Claudiani, quæ profert Gron. Cf. etiam Salustium de Rep. ord. 5.

489. Respiciet deus. Fidenter dictum. Pistocletas apud Plautum Bacch. 4, 3, 25: Deus respiciet nos aliquis.

501 fuit ex aoristo pro est. Hippol. 249: Pars sanitatis velle sanari fuit. Cf. Med. 200, atque ita poetæ frequenter. Vid. Hoogeveen. ad Viger. 5, 3, 11.

504. Spirare bellum dixit Lucret. 5, 393. tegi, se tegere, potestate vocis mediae, ut ibi monet Wakef., merito ille rejiciens a Gronovio arreptum sperat.

507. Bad. quoque Praestetur.

518. pedibus intactae manus. Cf. Tro. 694. sequ.

523. tot, tres. Cf. 916. Alia ejus generis notant Gronov. ad h. l. et Burm. ad Ovid. Eleg. in Drus. 339.

536. influentis dona fortunæ. Epist. 50: illud desperandum est, posse nobis casu tantum bonum influere. Lucian. Timone p. 95: Ἰλλοῦ. Ἐκεῖνος γὰρ πόνοι παύσονται ὥσπερ ἐν κοφίνῳ, τετραπημένον, πρὶν ὅλως εἰς πόνον αἰετῶν αἰετῶν. Heins. malebat affluentis, quemadmodum dixit Valer. Max. 6, 9, Ext. 7: Adfluunt subito, repente dilabuntur.

537. effluant. Lucret. 3, 951:

Et non omnia, pertusum congesta quasi in vas,

Commoda perfluxere.

Cf. Ovid. — Ibidis 414, quem respiciens fortasse Heins. ponebat effluat. (Melius quoque effluens fortuna respondet influenti, quam influenti dona ejus effluentia.)

553. cecinitque bellum. Cic. Philipp. 7, 3: bellicum me cecinisse dicunt. Et ad Fam. 6, 13, 8. de Ampio: quem illi appellant tubam belli civilis. Perperam unus codex genuitque.

557. recentem. Quidam libri nocentem, solita aberratione, de qua Burm. ad Lucan. 6, 543.

589. Mitius stagno. Mitis stagni est Virg. Aen. 8, 89.

598. Cf. Horat. Od. 1, 34, 13.

606. Mobiles. Sallust. Jug. 104: ignari rerum humanarum, quae fluxae et mobiles semper in adversa mutantur.

616. lapsis. Vid. Heins. ad Ovid. Trist. 1, 5, 35.

623. Quis me per auras turbo) Soph. Philoct. 1092:

αἶθ' αἰθέρος ἀνω

πλωάδες δ' ἐντόνον διὰ πνεύματος

ἔλασ' μ'· ὅθ' γὰρ ἐτ' ἰσχω.

629. Corinthos) quam cognomine mitis insignivit Stat. Theb. 1, 335.

633. quodcunque est malum. Heins. mali scribendo malum elevat, genitivo contemptum exprimente. vid. Charis. 1. p. 84, Donat. ad Terent. Eun. 2, 2, 10.

641. Recte Bad. quoque Pelopiae. Vid. not. ad 229.

647. columnae. Numidicae, ut observat Mitsch. ad Horat. Od. 2, 18, 3. (Cf. ibidem Fea.)

650. regia secessu patet. Bad. confert descriptionem regiae Pici Virg. Aen. 7, 170. seqq.

661. Victaeque. Heins. vel Junctaeque, vel secundum illud vitaeque, quod habet Flor., fultaeque. Bad.: Victae, inquit, falsis axibus rotae, i. e. per falsos axes. Claudian. 29, 168: nam perfidus objice regis Prodidit Oenomai deceptum Myrtilus, axem. (Insolitum loquendi genus. Scribendum videtur Vectaeque. E et i litterae confundi solent in MSS.)

668. coeca nox. Oedip. 1049, Cic. pro Mil. §. 50.

673. Majora notis. Cf. Oedip. 175 sequ.

Quin tota etc. Comparat Heins. Lucan. 3, 420:

Et non ardentis fulgere incendia silvae.

729. murmure incerto. Incertum stridorem in simili causa dixit Apul. Miles. 1. p. 10.

731. scelus sceleris ingerit. Frustra Hein.: aggerit. Ovid. Amor. 2, 1, 15: ingestaque Olympo Ardua de vexum Pelion Ossa tulit. ubi vid. Burm. (Cf. not. ad 282.)

739. in quem) puerulum, non tanto impetu conficiendum. Flor. 2, 7, 9: vulnerum ad spectu, quae ultra mortem patebant. ubi vid. Duker.

741. exstitit princeps liber. Alii: exiit, Probat et illustrat Heins. ad Sil. 1, 527.

744. Bad. secundum Heinsium ad Sil. 2, 639: Hactenus si stat nefas, pius est. Sistat requirere pius sit. Scriptor Octaviae 514:

Nec finis hic cruoris aut caedis stetit.

Tac. Hist. 4, 45: nec finem injuriae hic stetisse. Cf. Stat. Theb. 3, 97. (Ferri tamen potest vulgatum sistat, in quo si intelligendum, ut passim.)

747. abjecit feris) abjecit constanter libri vett., et recte. Cf. Cic. Vers. 5, 45, Quinctil. Declam. 12, 14. (Neque sic omnes libri vett., neque praefendum abjecit, utpote altero debilius: nam minus curat, qui abjicit corpora, ut laniari a feris possint, quam qui his ea abjicit.)

761. amputat, abscindit, ut Stat. Theb. 9, 269. (Cf. sequentem notam.)

763. dirus. Bad.: MSS. consensu (?) durus. Idque dedit. Passim confusa haec vocabula. Dirus fortius.

amputat, circumcidit. De hac significatione verbi cf. Duker. ad Flor. 2, 18, 10.

767. Querente servat Bad., et ahenum interpretatur viscera, quae in aheno coquuntur; ad quam sententiam efficiendam abutitur Homeri loco (Iliad. 21, 363), ubi *μειλόμενος* valet *μειλδων*.

771. Nihil opus, ut cum Gronovio rescribamus corpora an flammis magis gemuisse, Terent. Adelph. 4, 5, 33:

Qui infelix haud scio an illum misere nunc amat.

Et 2, 1, 41, simili constructione:

Nunc vide, utrum vis, argentum accipere, an (scil. vis) causam meditari tuam.

772. male Bad. servat vulgatum piceus. Si piceus est ipse ignis, quid fumo fiet? Ignis picei apud Lucanum 6, 155. sunt ignes, qui in fumum abeunt. Neque oneratus dicendus est fumus epithetis. Nam primum piceum dedit Tragicus; deinde addit, ne sic quidem eum

rectum exisse, sed tristem et velut nebula pressum subsedisse et penates texisse.

777. ruptum, abruptum. Sic Rumpat iter dixit Horat. Od. 3, 27, 5; ubi vid. Mitsch.

783. Comparatur Terent. Hec. 5, 1, 7.

789. parens. Heins.: potens, inquit, scribendum: non enim Sol terrarum ac superum pater, sed Iupiter. Quid? isne parens, quem *θεῶν πανήριστον* invocat Proclus hymni in Solem 33. et 34. *εἰκόνα παγγενέας θεοῦ* (Sed quid hæc ad parentis nomen?), Orpheus autem hymni in eundem 15. *ἁθάνατον Δία*? Etiam hoc amplius dicit Plut. Quaest. Rom. 77: *θεὸς δὲ μὴ νομίζεν ἀπλῶς εἰκόνας ἐκείνων τούτους (τούς ἁστέρας); ἀλλ' αὐτὸν ἐν ἑλῇ Δία τὸν ἡλιόν, καὶ αὐτὴν τὴν Ἥραν ἐν ἑλῇ τὴν σελήνην.* (Cic. de Nat. d. 3, 14: Omnia Stoici solent ad igneam vim referre, Heraclitum, ut opinor, sequentes. ubi vidd. interpp., imprimis eruditissimus Creuzerus, uti. et in notis ad ejusdem libri 2, 26 et 28. Epiphanius apud Frid. Gedikium [M. Tull. Ciceronis Hist. philosophiae ant. pag. 295.]: *Μερίζουσι δὲ οἱ ἀπτοὶ (Stoici) τὴν μίαν θεότητα εἰς πολλὰς μερίδας οὐσίας, εἰς ἥλιον καὶ σελήνην καὶ ἀστέρας, εἰς ψυχὴν καὶ αἶρα καὶ τὰ ἄλλα.* Cf. not. ad 836.)

792. perdis. Cf. 88. Infra 1085: vindicā amissum diem. Et similiter Herc. Oet. 1140 sequ.

807. Pectore fesso. Claudian. 35, 341: laterisque piger sulcator spaci Invitus trahitur lasso de pectore vultur. Frustra Gron.: fesso.

818. Recte Bad. quoque: Limina secundum Flor. Vemet. a. 1522; et N. Heinsium. Sil. 16, 230:

Jamque novum terris pariebat limine (h. e. termino, fine,) primo

Egrediens Aurora diem.

ubi plura Drakenborehus.

nescit fessos tingere currus. Non recte Bad. secundum Schroederum: „Aurora,“ inquit, „nescit Deum Phoebum tingere currus, cum modo fessos.“ Imo nescit Aurora tingere fessos currus suos; nescit, quid rei sit ponto mergere sudantes equos, ut quæ soleat integros currus et refectos nocte equos tradere orienti Phoebo, hunc vero deum conventura necesse habeat, eum sequi ad occasum, quo vix ortus aufugit, pæe terrore, et una cum ipso occidere.

809. Bad.: Percussa, quod tanquam fortius et tempestivius (?) recte tueatur Wakef. ad Lucret. 1, 15. contra Delrium, qui substituit Percussa.

835. ignes et sidera, siderum ignes, quomodo loquitur Virg. A. 5, 585. et 8, 590., i. e. stellas. Figura (dicta *ἐν διαδοχῇ*) est Senecae familiaris: vide Hipp. 509. (Rami veteresque fagi, i. e. rami veterum fagorum), 640 (vapor amorque, i. e. incendium amoris), 657 (decor et genitor, i. e. (?) decor genitoris), 1179 (per undas perque Tartareos lacus, i. e. per undas Tartarei lacus), Oedip. 339 (vultum solis et radios pro eo, quod est vultum radiantem solis), Herc. Oet. 1490 (in vultu genus Regnumque referens, i. e. genus regium).

836. Dux astrorum, sol, quem *ἀστρον ἐπέρτατον* vocat Pindarus carm. in defectionem solis v. 3. (789. idem audit deorum parens, quod eodem ferme vadit: nam astra Stoicis partes *τῆς δεξιᾶς*. Vid. ibi Epiphanius, et cf. Cic. de Nat. d. 2, 21. Diog. Laërt. 7, 139: *Τὸ ἡγεμονικὸν τοῦ κόσμου Κλεάνδης φησὶ τὸν ἥλιον*. Cic. Acad. Quaest. 2, 41: Cleanthes, qui quasi majorum est gentium Stoicus, Zenonis auditor, solem dominari et rerum potiri putat.)

846. longos annos. Virg. Aen. 3, 284:

Interea magnum sol circumvolvitur annum.

ubi vid. Heyn.

864. Bene Bad. frangesque, secundum Wakefieldium ad Lucret. 5, 614. Nam Aquarii superioris urnam nullo modo frangere potest Aegoceros sive Capricornus inferior. Hygin. Poët. astron. 27: Capricornus — suppositus Aquarii manui sinistrae. Cf. 28: et Manil. 1, 271 sequ.

867. Monstraque. Arcti, quae sic vocantur ob miraculum verae figurae. Vid. Ovid. Met. 2, 481 sequ.

877. Senecam ob oculos habuit Octaviae scriptor 392 seqq.

882. Vita est aviens. Similiter Lucan. 2, 289:

*Sidera quis mundumque velit spectare cadentem,
Expers ipse metus?*

886. polium. Pars librorum Jovem, quod ex interpretatione (?) provenit. (*Δεσπογροπία* potius haec putanda est. Ceterum cf. interpp. ad Horat. Od. 1, 1, 56.

891. ne quid — recessit. Ovid. Amor. 1, 6, 61: Illa (nox) pudore vacat.

909. Flor. purpuræ, quod correctoris (?) est, non Senecae, qui verbum incubare cum accusativo potius quam dativo construxisset, pro constetudine poetarum istius aevi, de qua cf. Gronov. ad Phoeniss. 499. et Heinsium Adversar. p. 44. (Sed dativo utuntur Livius, Virgilius, et vetera hic noster amat.)

945. Quis me etc. Affinis est illud Herculis Oet. 835:

Nec causa dirae cladis in medio patet;

Sed causa tamen est;

flore recentis. Legitur et de gente, sed peperam. vid. Heins. ad Ovid. Fast. 5, 123.

957. Mittit. Pro dat. (Imo pro emit tit, simplex pro composito.) Sic et Hipp. 82: signum angusti misere canes.

968. habet, in se continet. Petron. Trojae Halos. 17: fletibus manant genae.

Mentisque pavidae gaudium lacrimas habet,

Quas metus abegit.

Τροβόλη γὰρ ἡδονῆς καὶ θρήνων ποτὶ ἀποτίκτειν φιλεῖ, ait Heliiodorus Aethiop. 10, 16.

973. Alii Sates. Minus recta; vid. Drakenborch. ad Sil. 4, 119.

985. Bad. quoque nolunt, numeri, inquit, variatione poetis admodum familiari. vid. Voss. ad Valer. Flacc. 1, 9.

1011. Sequitur etiam Bad. Florentinum.

si quid infra Tartarus eat. Claudian. 2. in Rufinum v. 64:

Infra Titanum latebras, infraque recessus

Tartareos, etc.

demitte vallem, dehisce. Cf. Virg. Aen. 12, 883. sinus vallis est recessus, cavitās, ut apud Florum 1, 17, 7.

1018. Male Bad. tortas, nec recte dicit: „tortas MSS. consensu.“ Imo totas habebant omnes Delrii, suspicor etiam alii, et ab isto monacho profectum tortas. Recte Gruterus, quem negligere solet Bad.: totas praetium pro cunctas, omnes. Quid ad hoc frigida pictura et παντολόγος arenas tortas agentis Phlegethontis?

Ceterum antecedente versu legendum procul dubio amenti fretis, non ardenti, quod languet, cum sequatur Phlegethon igneus. Ea ipsa vi fluminis ignea fretum aret. Virg. Aen. 3, 550:

Pergama et arentem Xanthi cognomine rivum

Agnosco.

1031. Ovid. Met. 655. Procas: Intus habes, quod poscis.

1040. potuit. Inaeolium non est, ut de se loquentes tertia persona utantur. Exempla suppeditat Burm. ad Lucan. 7, 232.

1046. Bad. quoque Contusa, quod firmat Heins. ad Claudian. 15, 35.

1053. repenas, rependas. De ira 1, 3: iram esse cupiditatem doloris reponendam. et 2, 28: Cogitemus, alios non facere injuriam, sed repenere.

1055. Recte Bad. De fundere secundum Flor.: vid. Heins. ad Ovid. Her. 8, 61. Nam diffusus cruor aegre bibitur. Bene haec vocabula distinguit Wakef. ad Lucret. 4, 88.

1059. Bad. secundum meliores, ut ait, et numero plures codd.: corpora exanima amputans, i. e. circumcidens, ut 763.

1063. Viventibus, palpitantibus. Cf. 755.

1064. vidi, sensi, ut Terent. Eun. 3, 2, 1, ubi vid. Donat.

1070. Quocunque, dii, fugistis. Cf. 1021.

1081. Manuque — Telo minore —. Ferendi duo ablativi: vid. Burm. ad Ovid. Met. 13, 216. Imitatus Badenio Seneca videtur Lucretium 2, 1103 seqq. Cf. Phoen. 17, 18.

1085. Bad. servat vulgatum haec. Minus quidem recte.

1097. perdidideram, perdidissem, frustra admisissem. Consolat. ad Helv. 3: perdidisti enim tot mala, si nondum misera esse didicisti. Cf. de ira 3, 23: (nec perdididerat dicta, h. e. frustra jecerat.)

1103. Male Bad., ex Heinsii Gronovique iudicio: Quin conjugales. Ita distinguendum: Quid? conjugales? quod scitantis est cum ironia. Cf. Herc. fur. 1194 etc.

1104. praerepta. Cf. Tac. A. 13, 9. Hist. 1, 35. Minus acre est Heinsii praecepto.

1105. Recte Bad. quoque: angit. Ultima syllaba in hauseris et similibus communis est, id quod docuit Heins. ad Ovid. Her. 7, 53.

1112. Te puniendum: Bad. satis habet referre haec ad Thyestis curam et angorem ex dapibus nefandis.

PHOENISSARUM

Versu 1. Coeci parentis regimen. Tiresias ad Mantonem Stat. Theb. 4, 536: o nostrae regimem viresque senectas.

2. Bad., secundum Gronovium, Lateris levamen, quod probavit etiam Valch. ad Eurip. Phoen. 88.

10. hinc. a meo corpore. Cf. 51, 52.

17. Heins.: mali. Sed vid. not. ad Thyest. 1081. Certum sane elegans mali.

23. Bad. ex Vossiano, quia scelus fugiens sui, i. e. viri, quod ipsum placuit Gronovio. Ovid. Remed. amor. 492:

Frigidior glacie fac videre tuas.

Sil. 8, 122:

Terque suam Dido, ter cum clamore vocarat:
ubi vid. critica.

Retinuit quoque Gronovii scripturam In o a rupes, ubi vulgati libri: In o quē praeceps, Flor. autem Minor rupes.

30. Minus recte Bad., ut vulgo: quid moror sedes meas? Legendum ut in ed. Fernandi: Quid moror? Sedes meas Montem etc. Ceterum ille quoque: Montem, et apposite cofferet Soph. Oedip. tyr. 1451:

Ἄλλ' ἐὰν με παύειν ὄρεσιν, ἐνθα κλέψεται

Ὁ ὕμνος. Κιθαιρών οὗτος κ. τ. λ.

Item Stat. Theb. 1. 332. (lassumque inclinat [Cithaeron] ad aequora montem, Priscian. Perieges. 74, et de hac presopopoeia Burm. ad Lucan. 2, 403.

45. Bad. ex omnibus (ut ait, sed confidentius quam verius,) scriptis et olim cisis: Desertor anime, quod per se minime malum (vid. inprimis Bent), ad Horat. Od. 4, 9, 39.), et defensum ab Heinsio et Burm. ad Anthol. lat. 1. p. 80, hic tamen displicet propterea quod mōdo animum suum Oedipus laudavit, ut qui antiqua supplicia exsequi gestiat (37). Ergo desertor h. l. non est animus, sed ipse, senex debilis corpore, Lucian. Tyrannicid. cap. extremo, ut monet Bad.: καὶ ταῦθ' εἶμα λέγων, ἐπήγε τὴν σφαγὴν τρέμων, οὐ δυνάμενος, ἐπισυμῶν μὲν, ἀσθενῶν δὲ πρὸς τὴν ὑπηρεσίαν τοῦ τολμήματος. Et Heliodor. Aethiop. 4, 21: εἶδες ἂν καὶ προσηβέτον πρὸς τὸ γῆρας μάχην; καὶ ὥσπερ ἔλκουσαν τὸ σῶμα τὴν διάνοιαν, καὶ ὀνειδιζομένην τὴν ἀσθενείαν ὅπρ' τῆς προθυμίας.

47. Male Bad.: Mortemque totam recipe. Aliquot codd.: ad mitte, quod est glossema. Ipse Flor.: recipe ad mitte, τῷ ad mitte addito, tanquam lectione, emendata, more librariorum. Cf. 504.

48. Recte Bad. quoque secundum Gron.: Quid se-
gnis traho, quod vivo?

55. Magnus vocatur Oedipus a victa Sphinge. Stat. Theb. 12, 260.: Oedipodia magni venio nurus.

58. Actuose dicit hunc, i. e. tantum et talem.

62. Haud malum est, quod Badenio in mentem venit, Tegam abnudentem, h. e. comitabor. Cf. Virg. Aen. 11, 12, Horat. Serm. 2, 5, 18 etc. Nam sequitur dirigam et Herc. Oet. 307, legendum procul dubio resedit. Non raro haec vocabula inter se commutari docet Burm. ad Anthol. lat. 1. p. 685.

63. Bad. quoque: appetis, quod caecam, inquit, caeci temeritatem magis exprimit. Inter appetere et expetere quid intersit, vide Ernest. Lat. Synonym. p. 1. p. 98.

65. eligitur valet. eligetur. Vide Drakenberch.

ad Liv. 3, 56. Hoogeveen. ad Viger, p. 207. Heins. tentabat eligitor.

72. Male hic quoque Bad. lapsi accipit pro lapsuri. Vid. not. ad Herc. fur. 1250. Codd. quidam lassi montis, probante Heinsio Syllog. epist. 4, 73.

108. opus, quod ejus est, quod facere eum decet.

112. Flor.: Haerebo ad ignes. funebre[m] escendam struem Vulgatam lectionem Bad. servans, monet, ad finem notare etc.

116. Recte etiam Bad.: curva.

ducat. Minime male Heins.: sulcat, cum duc et praecesserit et sequatur. Non eo certius est ducat, quod 604. legitur trahens opulenta Pactolus vada.

137. Bad. ex Flor.: Sibi et nepotes, id est, sibi etiam nepotes, non tantum liberos, ut viro.

150. Perperam Bad.: Pars (?), inquit, codicum perficiet; solenni errore (?). perficiet pro efficiet ponitur. Tac. Hist. 3, 60.: victoriam consiliis et ratione perfici, ubi vide criticos.

164. Heins. malebat tabo. Non multum interesse putat Bad., quia Stat. dixit Theb. 8, 761: effracti perfusum tabe cerebri, et rursus 9, 19: dulcique nefandus Immeritur tabo.

170. membratim tibi volui perire. Epist. 101: Invenitur aliquis, qui malit inter supplicia tabescere et perire membratim etc.

181. Bad.: qua coepit mori (i. e. mors), ut pars scriptorum, non omnes, quod putat. Sed in hac scriptura frigidum aliquid habet mori, cum mors facile intelligatur ἀποκρίνω.

194. abcidit praestantiores (?) libri, non abscidit. Vidd. Gron. ad h. l. et Drakenb. ad Sil. 15, 473.

197. nemo contempsit mori, qui concupivit. Nam perfecte sapienti indifferens debet esse mors. Vid. Gesner. Thes. L. L. v. Contemno P. Syrus:

*Rebus in adversis facile est contemnere mortem;
Fortius ille facit, qui miser esse potest.*

210. Negligenter Bad. periit, et 625. exsiliis, et 661. imperii, ut vulgo. Versus requirit perit. Edd. vet.: perit pro eodem.

213. Bad. secundum Avantium haec (talis, tam misera) vita. Cic. Tusc. Disp. 1, 75: Nam haec quidem vita mors est.

226. rescindere has quirem meas. N. Heinsius: Non est, inquit, de nihilo, sed plenum elegantiae, quod in Florentino exhibetur, has quirem meas, aures vi-

delicet, quibus admovebat manum haec profatus Oedipus. Et sequentia satis evincunt, quorsum spectet oratio, quae ex gestu actoris plenius intelligenda venit. Sic apud Plautum Mostell. 2, 2. (v. 23.) Theuropides senex: Pultando pedibus paene confregi hasce ambas; subintelliguntur fores: dum enim haec Theur. eloquitur, digitum intendit in valvas aedium suarum. Ajax apud Nasonem, ense arrepto, Met. 13, 387: Et meus hic certe est etc.

Similia Bad. laudat Nostri Troad. 707, Plauti Mostell. 4, 2, 72, Phaedri fab. 1, 1, 6, Suetonii Calig. 49. (Veniam, inquit, et hic mecum, capulum gladii crebro verberans, quo cinctus erat.) vias hic inculcatum esse ex illo Lucretii 2, 406:

Proptereaue solere vias rescindere nostris
Sensibus.

In his autem optandis ante oculos poëtae fuisse Sophoclem Oedip. tyr. 1386 seqq.

253. Donastis. Praeter Gron. ad h. l. vid. Heins. ad Ovid. Art. am. 3, 85.

261. Male Bad., ut vulgo: Hoc alia pietas redimet.

271. Bad. quoque: sceleris, quod sit magis poëticum, quae de re adire jubet Broukhousium ad Propert. 1, 11, 9. Commode Gronovium comparare Ovid. Met. 2, 471 sequ.

277. Flor. vitio calami: efferet.

290. furentes (mire Flor.: ferentes), bellico ardore. Cf. 484, Troad. 185. Sil. 10, 67: Quippe furit Poenus etc., ubi plura Drakenb. De permutatione vocum furens et ferens vid. idem ad 12, 267.

297. meis. Stat. Theb. 11, 611: Crudeles nimiumque mei (Oedipi, filii).

315. volvens. Pindar. Pyth. 1, 45. de Aetna: πέτρας φοίνισσα κυλινδούμενα φλόξ κ. τ. λ., quem expressit Virg. G. 1, 471 sequ.

320. Exemplum in ingens. Eurip. Phoen. 878:

Αἱ δ' αἰματώποι δερμάτων διαφθοραὶ
Θεῶν σφίσιμα καὶ πῖδεϊς Ἑλλάδι

341. Frugemque flamma metite. Heins.: pe-tite. Badenio metere frugem dictum videtur, ut κείρειν τὴν γῆν Thucyd. 1, 64. pro vastare etc. Sed hoc sane alienum.

343. Recte Bad. quoque: Disjicite. Vid. Gron. ad h. l. et Burm. ad Ovid. Met. 12, 109.

354. casus, fortuna, fatum. Respicit ad 277 seqq. Cf. Herc. fur. 328.

355. ruat, feratur in fratrem, adoriatur eum, ut 550.

356. quod debet, quod debet fieri. Epist. 58:

Quidni oporteat educere animum laborantem? Et fortasse paulo ante, quam debet, faciendum est, ne, cum fieri debeat, facere non possis. Cic. de Orat. 1. §. 196: si nos, id quod maxime debet, nostra patria delectat.

358. Nihil hic sentiens Bad. conferendis illis Statii Theb. 11, 627: paulatim sumserat iras Mortis, et occulte telum, ni nata vetaret, Quaerebat etc. defungitur, quae profecto nihil ad rhombum, quod ajunt.

363 — 367. Siccio pede corruptum locum transit Bad., et 366. ponit Heinsianum non ultre suo Sceleris occucurrit, quam equidem dicere non possum cum eo felicem et palmarem emendationem, sed in vulgata ibi lectione persto. — Feci nocentes. Cf. 451 sequ.

368. Stat. Theb. 7, 514: Nupsi equidem, peperique nefas.

375. Vulgatum Isthmon Bad. defendit hoc Pindari Isthm. 1, 10: τὰν ἀλερπία Ἰσθμοῦ δειράδ', et illis Nonni Dionys. p. 926. v. 22. et p. 1248. v. 29:

Εἰ καί τις βλάστησεν ἀλίζωνοιο Κορίνθου.

*Ἄλλος ἀλίζωνοιο διαβρήξας βάχεν Ἰσθμοῦ.

385. semper infirmo favens. Similia laudat Bad., quae sunt epist. 66., Consolat. ad Helv. sub finem, et apud Statium Theb. 8, 614 sequ.

395. in coelum erigat Nebulas. Comparat Bad. Iliad. 3, 13. (Κορίσσαλος ὄρνει ἀέλλης), et Virg. Aen. 9, 240: atterque ad sidera fumus Erigitur.

402. Temere Bad.: „Codd. Gruteri (imo etiam Comelini, et Fabricii, et Florentis Christiani vetus liber, et edd. vett., in his Fernandi princeps)“ matris oppositu. Nugatorium hoc (! vide lexica!) ignorantia (!!) peperit librarii, qui nesciret, quoties participium loco substantivi poneretur.“ Rejiciendum opposita vel propter ambiguitatem, ut monet Florens.

437. Bene Bad. pro vulgato Librata dedit, quod placuit Marklando ad Stat. Silv. 5, 2, 102., Librata, quia sequitur vibrat. Confert Danus 467 sequq., Lucan. 469 sequq., Stat. Theb. 7, 505. Sil. 4, 471 sequq.

473. quo vultus refert. Cf. Stat. Theb. 8, 508 sequq.

481. Bad. inserat secundum Florentinum. Confert Virg. Aen. 2, 672 sequ.

495. Mallet Heinsius a tuis.

499. Reclinis hastae. Iliad. 22, 225:

Στῇ δ' ὄρ' ἐπὶ μέλλης χαλκογλῶχινος ἱεροσθεῖς.
Virg. Aen. 9, 229:

Stant longis admixti hastis, et scuta tenentes.
defixa, solo. Cf. Virg. Aen. 12, 130, Stat. 7, 801.

504. Flor.: maria tot tam diversa. (Voluisse itaque videtur librarius Mediceus: maria tam diversa. Cf. 47. Nihil hic quoque vidit Bad.)

505. non se duxit in thalamos parens. Similiter Agave apud Nonnum Dionys. p. 1198. v. 4. Praevit Eurip. Phoen. 346 seqq.

508. Recte Bad. quoque: auro graves Gazas. Flor., referente Heinsio, non auro graves galeas. Valer. Max. 1, 6. ext. 2: onustis auro atque argento gazis etc.

dona, nuptialia, dotem. Cf. Iliad. 9, 147.

525. sed matri placet Imitator Senecae Papinius Theb. 7, 515. itidem dicere facit locastam:

sed diligo tales,

At dolor, et vestros etiamnum excuso furores.

535. *Ἀνέτρος* Bad. ex nescio quibus libris, dudum ex plosso errore: mensium. Vidd. Fabric., Delrinus etc.

570. Per se ipse turres venit in summas lapia. Cf. Sil. 11, 445 seqq.

587. sequar, expetam.

600. Flor.: possint, idque malit Heins.

607. Bad., perscripta nota Gronovii: Scilicet, inquit, hoc (Hermus) Senecam decebat, sed erat doctius (?) quam pro persona Jecastae; qualia plura in his tragoediis, ipso observante Gronovio ad Hipp. 70. Rapidum vero dicens fluvium natura placidum ac lenem, poetico (?) jure defenditur. vid. Barm. ad Valer. Flacc. 5, 180. (Virg. tamen Aen. 1, 317: volucremque fuga praevertitur Hebrum.)

608. Gargara. Virg. G. 1, 103.

610. qua relinquit nomen. Et Hellespontus dicitur, in cujus faucibus Abydus a latere Asiatico opposita est Sesto a latere Europaeo. Gron.

611. Recte etiam Bad.: Abydo Sestos opposita, et sequente versu propius, secundum Gronovium.

614. Haec, e multis nominata: cf. 600.

630. exaequat duos. Iliad. 18, 309: *Ἐνδὲς Ἐνδάλιας* etc. Liv. 28, 19: ubi Mars communis et victum saepe erigeret, et affligeret victorem.

632. Fors coeca versat. Bad. secundum Heinsium: Fors c. v. Virg. Ecl. 9, 5: quoniam Fors omnia versat, ubi vid. Heyn.

638. Frangenda palma est. Similiter Claudian.

28, 401 sequi. Aristænet. epist. 2, 6. sub finem: πάντερόν γάρ, ὅς ἐν πενήταις ἀμύλλαις ἀδελιότερος ὁ νικησας.

650. Recte Bad. ex Flor. tenebit pro vulgato tenebat: nam ad Etæclem foedifragum spectat oratio; perjurique poena divina, exitium. vid. Cic. de Legib. 2. §. 22.

657. Isidem bene Bad. ex eodem libro: Odia ipsa (pro ista), quibus obsistere difficillimum est. Cf. Cic. de Off. 2. §. 23. 25.

660. Perperam haec, uti et illa 652. Te turbæ etc., Iocastæ tribuit Bad. Sallust. de Rep. ord. 5: cuncta imperia crudelia magis acerba quam diuturna. Male quoque sequentia Polynici adscribit, a cujus mitiore ingenio abhorrent.

HIPPOLYTI.

Versu 5. codd. fere habent Thyasis. Verum nomen, Thriasis, restituit Joan. Scoppa Collectaneorum c. 35. Bad., ut vulgo:

Subiecta jacent; et quas Thriasis.

Saltem dedisset Thriasis. Sed vide notata ad Phoen. 210.

11. aura. anima ex nescio qua vetere membrana praefert Zinzerling. in Criticorum juvenilium Promulsæ.

13. Bad.:

Ubi par glacie lenis Ilissos

Uti Maeander per inaequales

Labitur agros piger etc.

par glacie, quas non unius conjectura est, ut Iliad. 22, 152. de fontē:

* Ἡ δ' ἐτέρη δέρεϊ προρέει εἰκνία χαλὰζῃ,

* Ἡ χιόνι ψυχρῇ, ἥ ἐξ ὕδατος προστάλλῃ.

et Quinti Smyrn. 5, 477: ψυχρὸν δὲ διὰ σπέος ἔρχεται ὕδωρ ἐρυστάλλῳ ἀτάλαντον.

par cum ablativo construi, docet Burm. ad Ovid. Fast. 4, 306. (Et accipi potest etiam glacie pro glaciē, quemadmodum fide pro fidei et ejusmodi alia leguntur. Pro Uti, quod posteriorem syllabam producit, scribendum Ut. Ceterum Flor.: super inaequales; inaequales etiam a codd. Raphelengii, totidem Pontani et plerique Badeni. Sed quis ita composita ferat adjectiva par, lenis, piger? Certe hoc modo distinguendum erat:

Ubi par glacie, lenis, Ilissos,

Ut Maeander, per inaequales

Labitur agros piger.

i. e. Ubi Ilissus par glaciē, ut lenis Maeander, pigre la-

bitur per in. agros. Sed duriusculi aliquid habet trajectum lenis, neque ista correctio (par glacie), quamvis speciosa, commendatur a facilitate. FLOR.: per glacies. Ceteri libri: per glacies. Sequenti versu alii aequales, alii inaequales, in quibus si quis dissensum librariorum, Maeandri cursum pro suo quisque captu describentium, agnoscere se dicat, ei non magnopere refrager, sed legam, abjecto panno molestissimo:

Ubi per graciles lenis Ilissus,

Ut Maeander,

Labitur agros etc.

Graciles, h. e. sicci et macri sterilesque fuerunt agri Attici. Lenis, si quis alius fluvijs, Maeander. De utroque vid. Gron., qui et recte: „Ilissum,“ inquit, „confert, cum Maeandro, quia prae ceteris fluminibus, ut ait Statius, amfractu riparum incurvus Ilissus. Quid, quod et errantes ejus aquas dicit in Oedipo, ut alibi Maeandri?“ Non ferendus Bad., qui non Ilissum, sed Maeandrum, perfluere facit inaequales agros. Attica τραχέα καὶ δύσπιπτος, ut eam vocat Plut. in Sulla, momentè Gronovio: sed Maeander ferebatur δὲ ὁμαλοῦ πρῶτος καὶ μάλαδος, ut ait Strabo lib. 12.)

15. piger audit ob flexuosas et in se remeabiles aquas. Claudian. 1, 257: tardatusque suis erroribus Ufens, maligno, non limum inferente, sed arenas volvente steriles, ut bene Gron. In Maeandro contra est: vid. Plin. Hist. nat. 5, 29, 10, Phoeniss. 605. (Cf. etiam Nat. Quaest. 4. locum, Delrio laudatum, de Nilo.)

22. Bad. quoque: Acharneus.

23. Bad. secundum Dan. Heinsium: patrias Aphidnas; ab Aphidna indigena conditas. Patrius et parvus frequenter commutari, ostendit Burm. ad Anthol. lat. 1. p. 497. De Aphidnis vide Meursii Populos Atticae.

30. canibus tacitis. τοῖς ἡσυχέτοις. Oppian Κυνήγετ. 1, 449: ἐπεὶ μάλα ἡσυχέτοις Σιγὴ τέλειός ἐστι, πανέροχα δ' ἡσυχέτοις.

33. Bad. quoque: Cretes.

40. Captent auras, ducant, olfaciant, quod venatici canes etiam in somnis faciunt;

Ut vestigia si teneant inventa ferarum,
cum Lucretio ut loquar 4, 996.

41. dum lux dubia est. Cf. Apollon. 4, 111 seqq.

46. Bad. pinna secundum edd. principes.

55. Cujus. tanquam dominae, saltuum reconditorum, ut ait Catull. 34, 11.

60. Crethaeas cervas. Erravit cum Virgilio Aen.

4. 70 seqq., ut Hayn. monet, agrum Creticum silvestrium caprarum copiosum fuisse, qervo caruisse, auctore Solino c. 17. Adde Plin. 8, 58; 1, 83.

76. Rupere pedes. Horat. Od. 1, 1, 28:

Seu rupit teretes Marsus aper plagas.

77. gementi, stridenti. Cf. Virg. Aen. Georg. 3, 183. et Aen. 6, 138.

88. Bad. ex Flor.: pervius.

secat. Priscian. Perioges. 34. de Ponto:

Qui secat Aegypti terras aequorque Sabaeum.

et 54. de Oceano: Persecat Hesperiam primus. Seneca Consolat. ad Marc. 18: vinculum terrarum Oceanus, continuationem gentium triplici sinu scindens.

121. Mopsopia, Attica, quia Daedalus Atheniensis. vid. Gron. ad Phoeniss. 119.

133. fuit. Vid. not. ad Thyest. 501.

135. Sero recusat ferre. Lucret. 4, 1140 seqq.

136. veri insolens. Sallust. apud Donatum: insolens vera accipiundi. Tacit. A. 15, 67. de Nerone: audiendi, quae faceret, insolens erat.

139. libertas, mors, quam servitutis fugam appellat Consolat. ad Marc. 1. Cf. Cic. Caton. §. 75, Valer. Max. 6, 2, 12. de A. Cascellio, etc.

140. Bad. secundum Flor.: Non ista primum est velle, quae vel ambiguo ex transpositione verborum offendunt. Sic idem codex errat etiam 599.

142. domum infamem. Danae genus infame dixit Horat. Od. 2, 14 19, ubi cf. Mitsch.

143. monstrum, matris amore belluino. Cf. Valer. Max. 1, 8. ext. 3; 4, 3, 6.

161. Quintilian. 4, 3, 6: difficillima est enim gravissimi cujusque sceleris fides. Cf. Ovid. Her. 17, 130.

162. Male Bad. ex Flor. (Delrianis et edd. primis): conscius mentis pavor, cum sequatur Animusque culpa plenus. Dormiens dormientem traxit Gronovius, neque Gruterus dignus habebatur, qui audiretur.

164. Kedem acumine epist. 97: tuta scelera esse possunt, segura non possunt. et 105: tutum aliqua res in mala conscientia praestat, nulla securum.

167. Bad., ut vulgo, non variata oratione: non vagus campis Geta. Florentini, Vossiani et Ultrajectini codicum scriptura haec non vagi c. Getae durius viro videtur, cum contra sit.

184. Recte Bad. quoque: Quid ratio possit? vicit

ac regredi faror. Ita locum laudat Vales, sed Eurip.
Hippol. 386.

186. Bād., ut nos: Hic vol. o. pollet in t. p. Fa-
tendum tamen, nimis hoc loco esse o. litteratum.

187. Versiani et Mediceae lectionem Laesumque cor-
rectorem redolere centet optimus, itaque et h. l. et 192.
servas vulgatum Ipsumque, quod nohem factum.

195. Bād. ex Flor. aliaque: vitio furoris, quemad-
modum scelere furiosa dixerit Cic. pro Cluent. §. 182.

197. Titulum furoris numinis falsi addidit
Eurip. Antig. VII.: το μαινεσθαι δ' ἀπ' ἡν' ἔργος σφόδρως.
Phocylides poem. admonit. 177:

Ὁ δ' ἡδ' ἔργος δόξ' ἐστὶν, καὶ δόξ' ὁ δόξαν ἀνέκταν.

208. aut vilis cibus. Mitsch. quoque ad Horat. Od.
4, 8, 10, legendum censet a. v. scyphus. At Bād.: Irru-
tum, inquit, hoc remedium. Naturalis enim ordo est, ut
dapes, scyphus, tecta dicas potius quam dapes,
tecta, scyphus. (Cur hoc, cum vilis scyphus in-
daretur omnem suppellectilem? Prius autem fere sedes ha-
bentur, quam suppellex. Certe pretiosa suppellectile volent
abstinere, quibus non est lar certus.) At Whithofus, ut
minima (?) mutatione, ita verissime scripsit: aut vilis
sinus, h. e. vestis. (Idque ipsum posuit Bād., laudans
scriptorum locos, qualis est Oedip. 423.)

Inde tam molles placuere cultus
Et sinus laxi.

et huius tragoediae etc. in quorum ludorum nullo
sinus nude dicitur, sed adiectis similibus declarant. Ut
fieri debet in voce *πολύτροπος*. De tranquill. 1: domestica
et vilis (vestis), nec servata, nec sumenda sollicite. Pas-
menion 2. Analect. vet. poet. graec. p. 205. (Antholog.
Palat. 21 p. 18.) *ἀπὸ τοῦ χλαβὸς καὶ τοῦ χλαβὸς* etc.

210. eligens. Multi scriptorum: exigens frustra.
Noster de Benef. 3, 181 non eligit (virtus) deum, nec
censum. Plin. Hist. nat. 26, 3. Quo mirabilis quid pos-
set repemini? aliquando repente vitia terrarum in parte
certa, ut tanquam titulo eligente etc.

218. fero. Temere Bād.: Flor. (et Ulm.): pura.
Sed est purum patum glossina. Ovid. Her. 12, 110.

Munus in exitio quoties esse tull.
ubi vid. Barrm.

224. Tentabat Heins. Soli (astro) negatar iverit
(vel tardat) vias. Quem recte refellens Bād.: Hoc, in-
quit, vult nutricula: Theseum sua eximia et singulari
virtute inventumque vias negatas, i. e. reditum ex inferiori
locis, paucis concessum, ut exponit Mitsch. ad Horat. Od.

3, 2, 28; et confert Hæc. fur. 376 sequ. (Similiter et unus dicitur, et Graecis *μόνος*, de quo vid. præ aliis clariss. Jacobs. Anthol. Palat. vol. 3. pagg. 92 sequ.)

235. Resistet eleganter dictum pro consistet, consistet. Vid. Schwarz. ad Plin. Paneg. 10. 4.

252. Phædra Nasoniana Her. 4, 19:

Fama (velim quaeras) crimine nostra vacat.

258. Decreta mors est; quaeritur fati genus. Cf. Oedip. 251. Eurip. Hel. 305:

Θάνατον ἀπώτατον πᾶς θάνατον δὲ οὐκ ἄλλῳ;

261. In ordinem Bad. recepit, nostram correctionem Pro castitatis vindice, quam correctionem ex litteris a me ad ipsum olim datis de edendis hisce tragoediis cognoverat.

armemus manum, gladio, tanquam nobiliori mortis instrumento. Cf. Eurip. Hel. 566 sequ. Præaeus ad Apul. Met. 4. p. 79.

264. Bad. posuit suam conjecturam Haud quisquam ad auram facile rev. p. Virg. Aen. 3. 569: superat me et recessit aura? Lucrēt. 3. 469: ad vitam qui revocantur circumstant. De sententia, confert Dejaniræ illud Hæc. Oct. 999:

Fæstra tenetur ille, qui statuit mori. Alterum, inquit, difficile poteat, alterum nullo modo potest. (Sed non recte dicitur, difficulter quemquam ad vitam revocari posse.)

276. Lampitens refer. ad vehementem dei vim. Cf. Octav. 806 sequ.

277. Bad. puer et renidens ex Florentino. Voss. et plerisque Delrii. Verbum renidere de arrogantibus dici, notum est.

280. igne cluxivo. Virg. Aen. 4. 2: et coeco capitur igni.

281. lætam frontem habet, conspicitur, advertit, sub oculos cadit.

282. Bad. secundum Heinium: tacitas in adullas, ut Lucan. 5. 810, ubi pariter libri deteriores. tacitas cred. Retrenius quoque cap. 1101 veluti tabes tacitis concepta medullis. Prudent. lib. 1. contra Symmachum 338: Conserant tacitis præter mittere medullis.

300. ducit, regit. Flor.: fecit, quod monachi, de rerum opifice cogitantis, statum elefi.

321. Distinctum aurum. Bad. intelligit purum, *ἀνέσθον, ἀλμπινὴ χρυσόν*. Dicuntur periculis, non cothurni: vid. Heins. ad Ovid. Her. 21, 89. Farrar. Analect. de Reventar. c. 21. p. 21.

325. Bad. ut noscitur. Nonius 4, 299. Ferox sum illa re, ut illa re sum fretus, vel arrogans, etc. Claudian. 24, 618.

Quae sic aurifero Pactoli fonte tumescit

Lydia etc.

Ferox, inquit, est ex solenni librorum aberratione, de qua vide Criticos ad Ovid. Met. 6, 416, et ad Sil. 7, 211.

330. Sacer est ignis. Plut. lib. Amator. 11: οὐδὲν οὐδὲν ἀπορῶν, ἐκ τῆς φύσεως τῶν πανουργημάτων. τὰς αἰετὰς μὲν γιγνόμεναι ἐκ πυρὸς καὶ θεῶν ἐννοεῖται προσεγομένην.

332. mundo, coelo. Tibull. 3, 4, 17:

Jam nox aethereum nigra emensa quadrigis

Mundum caeruleo laverat amne rotas.

ubi vidd. interpretes.

334. Bad.: Hic regna etc., quod probat etiam Valck. ad Eurip. Hippol. 474.

336. Caerulus undula rex Nereidum. Burm. ad Anthol. lat. 2. p. 703. malit rex, qui motu sequitur grege. Verum id quidem argumentum Burm. major debilitat ad Valer. Flacc. 2, 234. Badenio fignetur quoque rex caerulus.

339. Bad. ex pluribus libris MSS.:

Venero, institutus suscipit undula

G. p. t. b. juvenas.

Vett., inquit, edd. non, quo decet, loco distinguunt, sed ante P66cunt v. 342, ut scias, quid occasionem interpolandi praeberit (?). Ceterum comparat Ovid. Met. 9, 46 seqq., Amor. 2, 12, 26.

364. lapsae genae, emaciatae. Vidd. Gron. ad h. l., Pricaeus ad Apul. Met. 10. p. 210.

366. incertus. Herc. Oct. 254: formae dolor Errat per omnes. Cf. Ovid. Met. 10, 370 seqq. Apul. Met. 10, p. 210.

373. Mutatur habitus. Cf. Plant. Cist. 2, 1, 5 seqq.

376. nitida: Haad male Bad. nivea, cum statim sequatur nitidi. Confert Markl. Ovid. Her. 20, 120. (subest nivo de hatus in ore ruber.) Med. roo. Bad. monet, niveus et nitidus certius confundi in MSS.

389. Quae fila ramis. Imitatur Virgilium G. 2, 121.

392. Deducat, detrahatur, quod est Herc. Oct. 661.

398. Talis. Qualis malebat Valck. ad Eurip. Hipp. 220. Gron. et Gron. teniant Talis sequi. versu. Ab utraque ratione non abhorret Bad., sed ita, ut in posteriorem, tanquam spem apertorem, magis inclinat.

410. et adeo. Flor. et adeo, et adeo, inquit

Th. 4, 53, Schröder. ad Avien. Descript. orb. terr. 585.
Cf. 13.

509. Ramique — Veteres fagi. *Ἐν δὲ δούρῃ*:
vid. not. ad Thyest. 833. Expressa haec ex Horat. Epod.
2, 23 seqq. Heins. quoque tentabat Platani, Ornique,
Alnique. Claudian. 10, 68:

Et platani platanis, alnoque assibilat alnus.

518. sollicito bibant Auro superbi. Cf. Juv.
Sat. 10, 25 seqq.

520. certior somnus. Cf. Epist. 90.

522. furta quaerit, dolos fraudesque meditatur. Plin.
Hist. nat. 33, 6: Quapropter id furtum quaeren-
tes ovi liquore candido usum illum adultera-
vere etc.

525. Prudent. Cathemer. 2, 27:

Nec teste quisquam lumine

Peccare constanter potest.

540. dederant exquisite positum est pro dederunt,
ut fuerat pro fuit Virg. Aen. 5, 397, creverat pro
crevit Propert. 3, 11, 36.

544. Pro jure vires esse, Lucan. 1, 175: men-
suraque juris Vis erat.

551. formas mortium. Similiter Tac. Hist. 3, 28.

558. mitius nil est feris. Mire Bad.: Puto ita
capiendum, ut turpe lupus stabulis et similia, et
nil pro hon. hoc sensu: taceo novercas: istud genus
non est mitius feris, sed multo ferocius. Ante oculos
enim habuit Sen. illud Euripidis Alcest. 310:

Ἐχθρὰ γὰρ ἡ πιόσσα μνηστὴ τέχνους

Τοῖς πρόσθ', ἐχιδνῆς οὐδὲν ἡπιωτέρα.

Cf. Bürm. ad Ovid. Her. 10, 1.

564. Medea reddit etc. Sic Homerus de Clytaem-
nestra Odys. 11, 432 sequ.

597. Forsan jugali crimen etc. Virg. Aen. 4, 172:
Conjugium vocat, hoc praetexit nomine culpam.

601. arbitrio, cognitione, inspectione. Lucil. Aetna
v. 193: divinaque rerum Cura sine arbitrio est, ubi cf.
Wernsdorf.

610. Nostros humilins nomen affectus decet.
Hae deliciae fluxerunt ab Ovidio Met. 9, 465 sequ.

640. vapor amorque. *Ἐν δὲ δούρῃ*. Vid. not. ad 509.

641. vorat Pen. medullas. Virg. Aen. 4, 66:
est mollis flamma medullas.

Bad.: intimas saevus vorat.

Penitus medullas, atque per nervos ment

*Visceribus ignis mersus et nervis latens,
Ut agilis altas flamma percurrit trabes.*

652. flavo placuit Heinsio. Flavus enim, inquit, capillo Hippolytus. Ovid. Epist. 4, 72. Flavus et Theseus: Catull. 64, 98. Bad. vulgatam lectionem tuetur, accipitque per hypallagen pro eo, quod est flavi Thesei pudor. Frequentem esse eam figuram Senecae. Cf. Gronov. ad Phoen. 119.

655. Bad. quoque Tuusve secundum nescio quem virum doctum, laudatque Heynium ad Virg. Aen. 2, 37. et 6, 616.

658. decor Et genitor. Haec quoque *ἐν δὲ δὲ* putat Bad., et lectorem ablegat ad dicta sua de Thyest. 833. Heins.: Est, vel En, genitor etc.

669. certa descendi ad preces. Similiter Plaut. Mil. glor. 4, 6, 24 seqq.

684. Placui novercae. Cf. praeconium Metilio tributum Consolat. ad Marc. 24.

en vim indignationis habet.

694. dati, editi. Heins. malebat sati.

707. crine contorto caput laeva reflexi. Mos hic eorum, qui alium interempturi sunt. Vid. Pric. ad Apul. Met. 2. p. 47.

714. Contactus, incestae contactu pollutus. Sic saepe Livius: vid. Drakenb. ad Liv. 2, 5.

720. Impiam Venerem arguamus. Cf. Ovid. Met. 15, 504 seqq.

721. scelere velandum est scelus. M. Cato Gell. 13, 24: Tum nefarium facinus pejore facinore operire postulas.

733. Bad. quoque: Perferte. Curt. 6, 7: Dymnus gladio graviter se vulnerat, occursuque satellitum inhibitus perfertur in regiam.

749. Qualis est etc. Senecae certamen est cum Virgilio Aen. 8, 589 seqq.

758. Bad. quoque: Non vultus.

767. noctem Badenio videtur *νοκτὶς ἀνέστη*. Laudat Broukh. ad Propert. 1, 11, 9.

769. Bad. per *ἀνὰ βλάσπον*:

— *deficiunt rosae*:

*Ut fulgor, teneris qui radiat genis,
Memento rapitur! nullaque non dies etc.*

778. abdito, remoto, secreto. (Vide nos ad Horat. Od. 3, 4, 9.)

784. Bad. ex Florentino:

Lascivus nuncium deas

*Pantes quae Dryades monti-
vagos petunt.*

quae Dryades, inquit, ut 389:

Quae sita ramis ulgimi Seres legunt.

Cf. Troad. 825, cum nota Gronovii, et imitationem loci apud Claudianum 11, 24 seqq.

819. Bad.: afferent. Stat. Theb. 10, 747:

*Nullaque tectorum subit ad fastigia, quae non
Deferat hasta virum.*

828. Bad. ex Flor.: omni. Nam dolus, inquit, tantum unus et simplex, falsum crimen, quod innocenti struit dolosa mulier. Fraus vero multiplex, ensis relictus, laceratae comae, fictae lacrimae et reliqua. Cf. Eurip. Androm. 85, Plaut. Mil. glór. 2, 2, 37 seqq. Adjectiva duo ad unum substantivum adjuncta, ut 687 Med. 170.

831. Bad. ex scriptis (sed non omnibus: nam plerique Palatt. Delrizani et ipse Flor. & Pirithoo):

Ut ora juveni paria Pirithoi gerit.

h. e., inquit, Theseo, quem audacis proci militem vocavit supra, 95. Juvenis enim pro throno sive tirunculo milite ponitur, ut apud Ovidium Art. am. 3, 486:

Pignora nec juveni credite vestra novo.

ubi plura de hoc usu loca veterum protulit Burm.

832. Bad. quoque: pallore candiderent, i. e. albescerent. Tac. Ann. 15, 64. de Paullina: ore ac membris in eum pallorem albescentibus, ut ostentui esset. Album vultum Ovid. dixit Amor. 1, 7, 51, timorem album Pers. 3, 115. Cf. Cic. Acad. Quaest. 4, 48. Idem de Fin. 5, §. 31:

Non refugiat timide sanguen, atque exalbescat metu.

843. Bad.: Nihil verius Heinsii distinctione:

Pars una vitae mansit extincto mihi,

Sensus: malorum finis Alcides fuit.

quam ipse confirmat Lucani illis 7, 470:

Di tibi non mortem, quas cunctis poena paratur,

Sed vensum post fata tunc deus, Crastine, morti
Theseo mansit sensus, ut se mortuum cognosceret, et esse in malis ac poenis. Stat. Theb. 12, 95 seqq. Mortui enim sensu carent. Lucret. 3, 215, 357; Homer. Odys. 11, 475: *ἔνθα τε νεκροὶ Ἀφπιδέες ὑπὸ νεύῳ.*

844. Bad. ex Flor.: revulso Tartaro abstraheret canem. Recte atque ordine revulso seu effracto. Nam id primum erat; canis abstractio secunda. Cf. Herc. fur. 47. abstraheret pro extraheret jam Heins. ad Ovid. Met. 7, 415. et Burm. ad Anthol. lat. 1, p. 24. vindicaverunt.

849. Alciden sequi, magnis passibus euntem. Stat. Theb. 5, 443 sequ.

853. Vulgatum Hospitia tuens Bad.: Mihi satis, inquit, placet comparatio: qualis hospes, tale hospitium. Cf. 1148 sequ. (Sed luctus, lacrimae, dolor, lamentatio non hospitia, sed sunt auspicia.)

864. Bad. personis addit Nutricem tacitam, quasi eam requirat vox Thesei 884.

881. Mors optima est etc. Non sic Ovidius Ibid. 163 sequ.

883. verberare ac vinclis anus altrixque prodet. Anus altrixque eadem ratione (?) dicitur, ut a Floro 2, 15, 17: Quanto fortius femina et uxor duois? Plura exempla, quibus per. et disjunguntur (?), quorum unum includit alterum, Gesneri thesaurus L. L. dabit. Nam, quod Heinsius conjicit, verberare ac vinclis anus Attrita, socco quam cothurno dignius est.

890. dependet. Ovid. Fast. 1, 611:

Hujus et augurium dependet origine verbi.

892. Non cessit animus. Sic plane Valer. Max. de Origiagontis reguli uxore 6, 1. ext. 2.

899. Bad. quoque: patriis, quod placuit utrique Heinsio, Meursio Reg. Att. 3, 1, et Burmanno ad Anthol. lat. p. 497. ob illud Ovidii de Theseo per Aegeum agnito Met. 7, 422:

Cum pater in capulo gladii cognovit eburno

Signa sui generis.

Cf. 23.

902. Videre, scilicet monstrante nutrice v. 728: en praeceps abiit (abit).

Ensemque trepida liquit attonitus fuga.

Frustra Heins.: trepidum fugae Liqueo.

916. prisca et antiqua. Ne his idem dicatur, Wakef. Silv. crit. 1. p. 77. malit scripta et antiqua, citans Eurip. Hipp. 954, ubi Theseus ad filium:

Βάκχευε, πολλῶν γραμμάτων τιμῶν, καπνός.

Sed isti tautologiae, si tautologia est, plures indulgere scriptores. vid. Ruhnken. ad Vellej. 1, 16, 3.

917. Bad. secundum Gronovium: et affatus graves? Apud Claudianum, inquit, 36, 287. Ceres pro filia: An gravis alloquio?

923. castus, intactus, rudis. Badensis poeta majoris vehementiae causa videtur synonyma conjunxisse, ut 1195. Ejus παντότερος exempla plurima collegit Voss. Institut. orat. 5, 3, 10.

925. ordiri. Cf. Claudian. 22, 75 sequ.

931. Summista mundo. Virg. Aen. 8, 226: si quem tellus extrema refuso Summovet Oceano.

941. Scis, unde redeam. Claudian. 5, 388: Unde redi, nescis?

952. regis inferni minas. Figura est *συνδρομοῦ*, qua congeruntur Tartara, Ditem et regis inferni. Neque tamen rejecerim Heinsii legis infernae minas, ut haec ad Aescum ac caeteros iudices infernos referantur.

958. ab ipso Oceano, tanquam fluctuosorum et aestuosorum marium (?) principe; quam in rem cf. Mela 3, 1. init.

999. parens Natura deam. Orpheus hymno in Naturam: *Ἀγνή κοσμήτειρά, θεῶν*. Statio Theb. 11, 467. audit princeps Natura. Cf. Barth. ad Stat. Th. 12, 561, Achill. 1, 488.

992. Soph. Antig. 277:

Στέργει γὰρ οὐδείς ἀγγέλον κακῶν ἐπῶν.

Cf. Plut de Garrul. 14, Ovid. Heroid. 12, 147. Shakspeare in King John 1, 1:

Fellow, be gone. I cannot brook thy sight:

This news hath made thee a most ugly nian.

994. pectus aerumnis gero. Duo todd.: fero, quod est correctoris. Verbum gerere et de animo dici probat Burm. ad Lucan. 7, 679.

non imperatum. Cf. Horat. Od. 2, 10, 14.

Similia Darius apud Curtium 4, 10.

1000. infesto gradu, quo fertur infestatus. De hoc vocis, ut ajunt, passivo significatu cf. Drakenb. ad Sil. 12, 399.

1002. Celsos sonipides. Homerus Iliad. 15, 266. de equo: *ὄψος δὲ κάρη ἔχει*, et *ἐριαλέχεας ἱππας* dicit ibid. 17, 496. Oppian. *Κωνηγ.* 1, 176. vult, generosus equus

Βαδὺν ὑπὲρ δειρήφι, μετόρον, ὅψι κάρηνα

Ἀείροι.

1007. tumuit. Surrexit, ut ait Ovid. Met. 15,

508. Eurip. Hipp. 1207: *ἰερὸν εἶδομεν Ἐκὼ' οὐρανὸν στήριζον.*

1014. Bad. quoque: Leucaten, ut Virg. Aen. 8, 678. Etiam sono, inquit, Graecos imitatum esse Senecam, ostendit Gron. ad Herc. fur. 534.

1016. Hic quoque Bad. nobiscum sequitur Florentinum, Mogunt. et Ultraj., laudatque Virgilianum illud Aen. 11, 625: *pentus Nunc ruit ad terras.*

1022. numen, rupes, quas Aesculapius insedit, augusta Epidaurii dei sedes, *πέτραι Ἀσκληπιοῦ* vocat Euripides.

1023. petrae nobiles, infames Scirone petras. dicit Stat. Theb. 1, 553.

1097. Sic interpungit Bad. secundum Wakef. ad Lucret. 5, 1456:

Summum cacumen rorat, expulso sale

Spumat, vomitque v. a. a.

Cacumen, aquarum (cf. 1015.) Ovid. Met. 15, 509: cumulusque immanis aquarum

In montis speciem curvari et crasceere visus,

Et dare mugitus, summoque cacumine findi.

Virg. l. l. ad 1916: pontus

*Nunc ruit ad terras, scopulosque superjacet undam
Spumeus.*

1040. Bad. secundum Gron.: — natus, hinc flammam vomunt Oculi, hinc relucet caerulea insignes nota. Claudian. de Tiberino 1, 215:

Illi glauca nitent hirsuta lumina vultu,

*Caeruleis infecta notis, reddentia patrem
Oceanum.*

1049. Bad. ex Flor.: sorbet aut frangit rates. i. e., inquit, modo sorbet, modo frangit. De hac particulae separativae potestate vid. Diomed. Art. gramm. 2. p. 412. Si reddit hic locum haberet, auctor scribere debuisset (?) sorbet et reddit fates. Cf. Manil. 4, 830, Sil. 14, 254. sequ.

1061. Alii Praeluserit, minus recte. vid. Heins. Ad Ovid. Art. am. 3, 515.

1070. Bad., ut nos. Pavidus, inquit, furor est furor a pavore profectus. Cf. Cic. Tusc. Disp. 3. §. 11.

1090. erecto. Cf. Ovid. Met. 5, 132. Heliodor. Aethiop. 6. sub finem: ἔλαθεν ἑρδωμένῳ κλάσματι δούρατος κατὰ τοῦ βορβάρους περιπαρεῖσα.

1105. Similiter de Charicle Achill. Tat. 1, 12.

1118. Seneca pater Excerpt. Controv. 8, 6: Nemo unquam, quod cupit, deflet.

1127. Praebetque senes casa securos. Contra est in aula. Sen. de Ira 2, 33: Notissima vox est ejus, qui in cultu regum consequerat, cum illum quidam interrogaret, quomodo rarissimam rem in aula consecutus esset, senectutem. Injurias, inquit, accipiendo et gratias agendo.

1128. Cf. Horat. Od. 2, 10, 9. seqq.

1129. Euros excipiunt etc. Proba lectio. Veteres enim, inquit Plin. H. N. 2, 46, 47, quatuor omnino ventos servavere per totidem mundi partes (ideo nec Homerus plures nominat), hebeti, ut mox judicatum est, ratione.

1142. Horae veloces; alae autem poetis velocitatem

significant. Virg. Aen. 5, 319: et ventis et fulminis
ocior alis; ubi vid. Heyn. et Wakef. ad Lucret. 2, 213.
De Fortuna cf. Med. 219. (Videndae omnino de Graeco-
rum deis alatis J. H. Vossii, viri sagacissimi, Epistolae
mythologicae, germanice scriptae.)

1145. nocte. Cf. Oedip. 587.

1189. O mors pudoris etc. Confert Bad. Horat. Od.
3, 24, 24, Ovid. Her. 7, 97.

1196. mores, castitatem, pudicitiam. De hoc usu
vocabuli vid. Burm. ad Anthol. lat. 1. p. 631.

1198. sancto. Anthol. graec. 3. p. 249:

Ἰαπόλων δ' ἀγνὴ πέφνε σαοφροσύνη.

1207. Juvenal. 10, 7:

*Evertere domos totas optantibus ipsis
Di faciles.*

1208. nova. Cf. 1221. (Oedip. 45.)

1209. Segregem, discerptum a monstro, ut bene
Savaro ad Sidon. epist. 9, 3. (Imo a commercio hominum
remotum, solitarium: vide 461, 917, 922. sequ. Ob ejus-
modi vitium minime grave insolita atque atroci morte in-
teremum se auctore esse filium, id dolet Theseus. Vi-
tam segregem agere, Noster dixit Benef. 4, 18; cf.
vitates situ segreges Sidon. epist. 9, 3; Auson Pa-
rent. 9, 10:

Ipse tuo vivens segregis arbitrio.

Quam Savaro affingit voci significationem, ejus desidero
auctorem idoneum.)

1210. incidi in verum scelus. Quanto circum-
spectius L. Gellius apud Valer. Max. 5, 9, 1.!

1213. ad coelum. (ad superos, in mundum superum,
ab Inferis redeunti.) Cf. Herc. fur. 276.

1224. Coelo remissum. Cf. Ovid. Met. 7, 440. seqq.

1231. Aeolio. Cf. Horat. Od. 2, 14, 21.

1232. Scripturam abluens jure damnat Burm. ad An-
thol. lat. 1. p. 506.

1237. Minus recte multi codd.: Nunquam. Vellej.
1, 16, 1: praecipiti festinatione, quae me, rotas
prone gurgitis ac verticis modo, nusquam pa-
titur consistere,

1248. Pondusque. Cf. Troad. 1115.

1256. Dissecta genitor membra, Sic etiam The-
baïdes apud Statium Theb. 3, 131 sequ. Cf. Lucan. 2,
166 seqq. de parentibus eorum, qui Sullano ferro ceciderunt.

1265. fingit, componit. Stat. Theb. 4, 570: lace-
rum componit corpus Echion.

1974. Eodem hic noxter acumine utitur Herc. Oct. 211
 sequ. Claudian. 5, 452: pulvere raro
Per partes tegitur, nusquam totiesque sepultus.

O E D I P I.

Versu 1. dubius, qui vix apparet. Vidd. Gronov. ad
 h. l., Drakenb. ad Sil. 2, 89, Wernsdorf. ad Rutil. Itine-
 rar. 1, 217.

2. Bad. ex Gronovii sententia: *moestus*. Quod ipse, in-
 quit, Sen. confirmat, permutata ratione dicens Herc. Oct. 723:

*Et forte nulla nube respersus jubar
 Laxabat ardens fervidum Titan diem.*

(At quid fiet τῷ jubar? Intelligemusne moestum κατὰ
 jubar? quo quid fingi potest frigidius?)

14. in regnum incidi. Soph. Oedip. Col. 273:

Νῦν δ' οὐδὲν αἰδῶς ἰαδύην, ἐν ἰαδύην.

31. cui reservamur malo? Geminum Therame-
 nis dictum apud Aethan. Var. Hist. 9, 21.

34. adsto. Stat. Theb. 2, 678: mediis in caedi-
 bus adstat.

39. Bad. quoque: sed igne frigit aestiferi ca-
 nis, i. e. torret. Idem verbum Heins. restituit Ovidio
 Medic. fac. v. 70, ubi vide, quae notat.

45. novo, (insolito: cf. Hipp. 1208.) horribili, foedo.
 Sil. 10, 549:

Ductori precor immittas nova somnia Poeno.
 ubi cf. Drakenb.

53. ruit, cadit, occumbit moriens. Quintil. Declam.
 12, 15: Hic vulnus altissime penetrat, hic ipsa
 vitalia feriuntur, ubi populus ruit, ubi conti-
 nuis funeribus omnis sexus atque aetas simul
 sternitur. (Cf. infra 73.)

54. Juvenesque senibus. Ex Lucretio 6, 1255 seqq.

55. thalamos dup conjuges. Sic unus rogus di-
 citur Herc. fur. 508.

58. Siccavit oculos. Ovid. Met. 7, 611:

*Qui lacrimant, desunt, inde fletaeque vagantur
 Natarum matrumque animae, juvenumque senumque.*

59. Periere lacrimae, diuturnitate miseriarum:
 cf. Herc. fur. 1228.

61. alium. alios malebat ad vitandam orationis am-
 biguitatem.

64. Tum propria. A Lucretio haec 6, 1281, et Ovi-
 dio, Met. 7, 610,

66. sancta, ob religionem Manium.

72. P. Burmannum praecurram precor legere tentantem (ut nos, qui id nesciebamus) bene refellit (?) Burm. cognomine Secundus ad Anthol. lat. 2. p. 189. cuius exemplis adde Herc. Oet. 774. (an possum prior Mortem occurrere?)

83. Adversa capere, adversis ferendis parem esse. Sil. 11, 171: capiunt, mihi credite, Cannas.

89. tela stringere dixit etiam Claudian. 33, 97.

91. Bad. ex Flor.: gigantas obviam. Gigantas etiam Heinsius rectius videtur in nota ad Ovid. Met. 1, 152.

95. superbâ, alta et ardua. Festus Avienus Descript. orbis 1169: Saxa jugis avulsa superbis. ita enim codex vetustus. Idem Avien. Ora marit. 322: post in occiduum diem

Sacrum superbas erigit cautes jugum.

Cf. ibid. 304. Grat. Cyneget. 63. Haec Heins. Advers. p. 211, recte obtemperante Badenio. Frustra Gron. superna.

96. Male Bad. quoque: Aptaret alas verbere.

108. una. Soph. Oedip. tyr. 68:

Ἦν δ' εἰ σκοπῶν ἐβρισκον λαόν μόνον,
Ταύτην ἐπράξα.

Cf. Stat. Theb. 10, 591.

123. Propert. 3, 11, 16:

Quos Aurora suis rubra colorat equis.

138. Cf. Virg. Georg. 3, 486 seqq.

144. Prodidit armo. Sil. 10, 256:

Cernuus inflexo sonipes effuderat armo.

147. Deficit pastor. Lucret. 6, 1250 seqq.

163. Miscuit undis. Cf. Ovid. Met. 7, 533. Lucan.

6, 93 sequ.

164. Mors alta. Virg. Georg. 3, 553:

Saevit et in lucem Stygiis emissa tenebris

Pallida Tisiphone morbos agit ante metumque,

Inque dies avidum surgens caput altius effert.

165. omnes explicat alas. Stat. Theb. 8, 377:

Stygiis emissa tenebris

Mors fruitur coelo, bellatoremque volando

Campum operit, nigroque viros invitat hiatu.

173. Bad. quoque: Errare, sensu magis erecto, ut ait Broukhuz. ad Propert. 3, 1, 33. Eadem enallage temporis habetur Herc. fur. 475 sequ.

177. turbatam. Cf. Sil. 1, 50; 11, 140.

186. genas sanguine tendit. Lucan. 6, 95:

Jam riget atra cutis, distentaque lumina rumpit.

187. Oculique rigent. Virg. G. 3, 523: oculos

stupor urget inertes. De sacro igne vide Heynium (et J. H. Vossium) ibid. ad 566.

198. tunc amplexu. Cf. Lucret. 6, 1169 seqq.

207. Bad., ut nos: gemino pectus afflictu (spe metuque pulsatum) labat.

209. Incertus animus. Eurip. Hipp. 912:

Ἡ γὰρ ποδοῦσα πάντα καρδία κλίνει

Κὰν τοῖς κακῶσι λίγρης ὁσὶ ἀλίσσεται.

214. Bad. quoque: Ambage flexa, ut Lucan. 1, 637, Stat. Theb. 4, 646. Pacuvius Periboea:

Flexa, non falsa, autumare dictio Delphis solet.

227. Bad. quoque: fremitum, variatione et alibi obvia. vid. Burm. ad Virg. Aen. 9, 715. Nonnus Dionys.

2308. de Cadmo Delphicum oraculum consulente:

Καὶ μία Παρνησσόιο τινάσσετο φοιβάδος ἡχοῦς

Γείτονος εἰραίνοντα, καὶ ὀμφήεντι βέεδρῳ

Κασταλῆς πάφλαζε νόημονος ἐνθεον ἔδωρ.

Qujus rei causam affert Justin. 24, 6: Media saxi rupes in formam theatri recessit. Quamobrem et hominum clamor, et si quando accedit tubarum sonus, personantibus et respondentibus inter se rupibus, multiplex audiri, ampliorque, quam editur, resonare solet. Quae res majorem majestatis terrorem ignavis rei et admirationem stupentibus plerumque affert.

230. Bad. secundum Heinsium: Letoa, quod probat etiam Burm. ad Anthol. lat. 1, p. 601.

238. Turpis, utpote incesti reus. Vide Cic. Tusc. Qu aest. 4. §. 75.

258. quieta tecta. Virg. Aen. 1, 205:

Tendimus in Latium, sedes ubi fata quietae
Ostendunt.

264. gero. Tibull. 1, 9, 80:

Et geret in gremio regna superba tuo.

271. Noster summum diem reddere dicit, quod Lucret. 6, 1196. reddere vitam, ubi vid. Wakef., qui formulae vim bene explicat, Valer. Max. 9, 12. init. reddere lucem.

277. arctis dumis, spissis, ut loquitur Sil. 10, 82.

295. Codd. fere carentem, quod magis implet aures, iudice Burmanno ad Ovid. Fast. 5, 361. Similiter tamen imitator Lucan. 1, 419: mihi semper Tu — late.

309. nitidus. Tres MSS. (et Gruser, et G. J. Vossii) viridis. id vero, inquit Bad., nemini placebit, qui Bantlejum ad Horat. epod. 17, 33. legerit etc.

310. Rectusque. Cf. Thyest. 774 seqq.

312. circum (serpit) cod. Traject. apud Burm. ad Propert. 4, 6, 6. (Sic et plerique Delriani.)

327. nube tensa. Bene Bad. secundum Barthium ad Stat. Theb. 5, 176: nube tensa, ne idem vocabulum tantillo intervallo repetatur. Homer. Iliad. 16, 355: ὅτε τε Ζεὺς λαίλαπα τεύχῃ, et 21, 7: ἡέρα δ' Ἦρη Πύρρα προσδε βαδείαν. Cf. Quintus Smyrn. 2, 346. Curt. 4, 3: cum subito epissae nubes intendere se coelo; et 8, 13: adeo epissae intendere se nubes, ut, conderent lucem, etc. Densus etensus frequenter commutari inter se in MSS., ostendit Burm. ad Lucan. 1, 551.

329. Bad. quoque vagns, id est: incertus, quomodo interpreter. Vid. Ruhnken. ad Vellej. 2, 79, 5.

339. vultum solis et radios fugit, i. e. vultum radiantem solis. Ἐν δὲ δούρῃ. Vid. not. ad Thyest. 833. (Sed cf. Gronovium, cui nos auscultamus potius quam Lipsiano et Florentino.)

369. cordi Bad. ex Florentino, quod elegantius. Genties, inquit, datus ille culpa librariorum abiit in genitivum. vid. Oudendorp. ad Lucan. 1, 193; 5, 481. et alibi.

403. nutante uvis, corymbum gravantibus. Cf. Ovid. Art. am. 2, 263.

404. Bad. ex Flor. armatus. Nominativum vocativo conjunctum quoties imperiti corruerint librarii, ostendere Valckenarium ad Eurip. Phoeniss. 198. et 1332.

405. Lucidum coeli decus ex Horatio translatum est Carm. sec. 2, ubi Senecam laudans Mitsch. observat, Bacchum ita indigitari ob vultum siderum v. 409, vel perpetuam juventutem.

435. Threicio vertice Pindi, ad Pindi subaudiendum sola ἀπὸ κοινοῦ. Monuit Bernardinus. (Praestat, huc referri verba impia Maenas Comes Ogygio venit Iaccho.)

450. timidum dedit Bad. Anyte Anall. vett. poetar. Graec. p. 198. in statuam Veneris in littore maris collocatam ἀμφὶ δὲ πόντος

Δειμαίνει, λιπαρὸν δερμόμενος ξέανον.

Nonn. Dionys. 1, 64. de Europa Agenoris: ἀειδομένην δὲ γυναῖκα,

Θαῦμα φέβῳ κεράσας, ἐπεδείκνυε Δερῖδι Νηρῶς.

Cf. Apul. Met. 5. p. 104. Claudian. 7, 122, Mitscherl. ad Horat. Od. 2, 9, 22.

464. Propert. 3, 15, 25:

Curvaeque Tyrrhenos delphinum corpora nautas
In vada pampinea desiluisse rate.

470. qui pocula sanguine miscet. Claudian. 1, 311: qui cornipedes in pocula vulnerataudax Massagetes.

475. gelidam Maeotida dixit Herc. fur. 1327.

480. Ore dejecto petiere terram, supplices ad pedes Bacchi procubuere. Virg. Aen. 3, 95: Submissi petimus terram. Herc. fur. 546:

Victorem posito suspiciens genu.

graves, fortes, bellicosae; de quo significato vid. Serv. ad Virg. Aen. 5, 114, et 12, 458, vel Non. 4, 218.

482. 484. Bad. servavit vet. lectiones Positis, inundavit, quae vix metris conveniunt, nisi talia hic usurpata putes, qualibus poëta nusquam alias utitur. Positisque Flor. et ed. Fernandi princeps. Inundavit per se non malum. Virg. Aen. 10, 24: inundant sanguine fossae.

495. Recte Bad. quoque candida. Eurip. 142:

Πεὶ δὲ γάλακτι πέδον, πεὶ δ' ὄλῳ, πεὶ δὲ μελισσῶν Νέκταρι.

Lactis uberes rivos dixit Hor., idem Bacchi miraculum celebrans Od. 2, 19, 10.

510. Exprobre etiam Bad., quam vocem amat Seneca: cf. 385, Hipp. 852, Troad. 1065, Agam. 419. Idem Apocolocyntosi: quo terribilioresset, tragicus fit et ait:

Exprobre propere, sede qua genitus cluas.

Haec vocabula non ita raro permutari, monuit Drakenb. ad Liv. 7, 31, 8.

516. obrues, celabis, non patefacies.

520. fuit ἀπολωτός. vid. Thyest. 501.

536. fessa. Flor. spissa, falsumque existimat Plin. H. N. 16, 56, quod nonnulli prodidere, radices arborum vetustate minui. Lucano tamen 1, 138. annosa quercus describitur nec jam validis radicibus haerens.

544. una defendit nemus. Ovid. Her. 15, 162: aquatica lotos, Una nemus, ubi vid. Burm., Semecam comparans.

550. fossa tellus. Intellige scrobem, actam sub terram, unde

Mantes elicrent, animas responsa daturas.

Cf. interpp. ad Homer. Odys. 11, 25, Barth, ad Stat. Theb. 4, 451.

552. Bad. recte frondem posuit pro vulgato frontem. Illud habent Flor. alique libri, quod significat rammum lustralem. Cf. Med. 804 sequens, Agam. 588, Ovid. Art. am. 2, 495, de Apolline:

*In manibus laurus, sacris inducta capillis
Laurus erat.*

Aristoph. Plut. 214:

Ὁ Φοῖβος αὐτὸς, Πυθικὴν σεῖσας δάφνην.
Probavit hanc emendationem etiam Barth. ad Stat. Theb.
4, 468.

557. Retro trahuntur, mactantur. Pindar. Olymp.
13, 115. αὐ ἐρέη, ubi Schol.: ἀντὶ τοῦ σφάζη, δέη, ἀπὸ
τοῦ παρακολουθοῦντος.

558. trepidat, palpitat. Virg. Aen. 1, 212, Stat.
Theb. 4, 466.

560. letalis lacus. Lucret. 5, 1231: violento tur-
bine saepe

Correptus nihilo fertur minus ad vada leti.

561. rabido, ut vatis. Virg. Aen. 6, 49, 80, 102;
Stat. Theb. 4, 504 seqq.

563. Bad. (ut ante Gronovium legebatur):

Aut cogit umbras. irrigat sanguis facos.

Solidasque pecudes urit etc.

ut que transitioni serviat, ut Herc. Oet. 512, 739, 833,
1726, Octav. 545. Cf. Ernest. ad Suet. Ner. c. 38.

567. canitque rursus. Intellige nondum adven-
tantibus umbris ex Statio Theb. 4, 500.

568. Bad. quoque: citat. Cf. Heins. ad Claudian. 3.
154. attonita, faciente attonitos, stupenda. Virg. Aen. 6, 433:
neque enim ante dehiscunt Attonitae magna ora domus.

574. Subsedit omnis silva. Cf. Virg. Aen. 6, 256,
Ovid. Met. 14, 406, Stat. Theb. 4, 447. comam serva-
vit Bad., tanquam efficacius. Lucan. 1, 553: tum car-
dine tellus

Subsedit, veteremque jugis nutantibus Alpes

Discussere nivem.

ubi vid. Burm.

586. saeva prosiluit cohors. Dilatavit haec imi-
tans. Stat. Theb. 4, 552 seqq.

589. Pestis, Sphinx. Cf. Ovid. Met. 7, 764 sequ. et
ibi Heins.

600. Eryx, qui Zephyro semper apertus patet,
ut ait Ovid. Fast. 4, 478. Claudian. 35, 309:

Conveniunt animae, quantas truculentior Auster

Decutit arboribus frondes etc.

608. Pavidæ latebras etc. Heins.: Animæ ac
trementes. Markl. ad Stat. Silv. 5, 1, 111: Avidæ
latebras etc. Duo epitheta uni substantivo non raro
jungi, praesertim ubi alterum est participium, ostendit
vir doctus in Observatt. miscellan. vol. 1. t. 1. p. 10. la-
tebras petunt lucifugae: vid. Herc. fur. 293.

614. Minus recte Bad. gravi, ut vulgo.

659. quique vix mos est feris. Cf. Hipp. 913 sequ.

644. Bad.: Erinny's ('Εριννύς contracte pro 'Εριννύας, ut apud Hom. Iliad 9, 454, Hesiod. Theog. 472.) — sonantes. Heins. malebat Erinny'n pronubam, credens, inquit Danus noster, unam tantum adhibitam fuisse pronubam, non plures. Falso: nam et Apul. dixit Met. 8. p. 161: ultrices habebis pronubas.

traham, Traham etc. Ejusmodi geminationis plurima sunt exempla. Quintilian. 9, 3, 44: Prioris sententiae verbum ultimum ac sequentis primum frequenter est idem; quo quidem schemate utuntur poëtae saepius:

Pierides, vos haec facietis maxima Gallo,

Gallo, cujus amor tantum mihi crescit in horas;
sed ne oratores quidem raro: Hic tamen vivit; vivit? imo vero etiam in senatum venit.

648. Vix, et ne vix quidem, latine Bad. ex Florentino: quocunque funesto gradu Solum relinquet. De sententia recte confert 1053 sequ.

658. Bad. Praeripite, ut vulgo. Florentini libri scripturam Eripite correctori tribuit. Male. Antecedens vocabulum praetentans tinnit adhuc in aure ejus, qui primus scripsit Praeripite. Non ferenda tales repetitiones in scriptoribus eloquentibus, quorum, si quis alius, est Seneca. Ceterum Virg., monente Badenio, Aen. 3, 198: nox humida coelum Abstulit.

1576. Bad. secundum Flor.: nec recedentem opprimat. Vult enim, inquit, ut in otia tuta recedat, antequam opprimatur. Cic. pro Rosc. Amer. 4: opprimi me onere officii malo, quam id, quod mihi cum fide semel impositum est, — deponere. Turbabat hic librariorum participium, cujus expediendi viam nobis munivit Voss. lib. 4. de Analog. c. 14. (Cum emphasi dictum recedentem pro eo quod est vi expulsum. Decet ejusmodi euphemismus cognatum adversus cognatum. De tota sententia, quae poscit libeat pro liceat, dictum in commentario.)

684. Ab inquieto etc. Tac. Ann. 14, 57: simulationem segnitiae, dum temeritati locum reperiret.

685. fides (non dies)? Soph. Oedip. tyr. 385: Κρείων δ' πιστός, ὅτι ἀρχῆς φίλος.

694. secunda non habent unquam modum. Cf. Horat. Od. 3, 24, 64 sequ.

702. Audacter Bad. secundum Flor. et Gron.:

Dimissus odit: omne, quod dubium est, eat.

Dimissus, inquit, odit, quia, ut ipse noster ait e. de Ira 33, hoc habent pessimum animi magna fortuna insolentes: quos laeserunt, et oderunt. Tac. Agric. 12: Proprium humani ingenii est odisse, quem laeseris. Curt. 6, 8: Quaedam beneficia odimus. mernisse mortem confiteri pudet.

eat, abeat, cadat, pereat. Eurip. Med. 699:

ἴτω νῦν, εἴπερ, ὥς λέγεις, ἐστὶν κακός.

Cf. Herachid. 456. Lucrét. 3, 525: saepe hominem paulatim cernimus ire, h. e. interire, mori; cuius euphemismi plura exempla dedit Wakef. Silv. crit. 4. p. 105.

706. Timet timentes. Simillima sunt Epist. 105, de Ira 2, 11.

709. Choro pulcherrimo exilem materiam praebuit Soph. Oed. Col. 965. Ad illustrationem ejus plurimum conferre possunt Eurip. Phoen. 4, Nonn. Dionys. 46, 255, Ovid. Met. 3, 138 seqq.

710. petunt, impetunt, invadunt. Cf. Soph. Oedip. tyr. 470 seqq.

742. Pars librorum decidit, ut solent variare: vid. Burm. ad Ovid. Her. 4, 94.

768. Redit memoria. Quinctil. 11, 2, 7: nec manet semper memoria, sed aliquando etiam redit.

804. Optimus liber cum aliquot retro vulgatis:

Regum superbam liberi adstringunt fidem.

Sic legendum, iudice etiam Heinsio, qui Advers. p. 211. superbam fidem recte interpretatur regum fidem, conferens Agam. 880. (superbas exuvias), Herc. Oet. 569. (superbas domos.) etc. Sententiae auctor (?) Eurip. Med. 597:

Ψῆναι τυράννων παῖδας, ἔργα δόμασι.

confirmator (?) Tac. Hist. 4, 42: Non legiones, non classes, perinde firma imperii munimenta, quam numerum liberorum. (Haec lusca et falsis proxima, siquidem regibus non semper fideles sunt liberi ipsorum. Legendum secundum alios:

Regnum: superbam liberi adstringunt fidem.

Regnum ab Oedipo expectat petitque Merope; liberi Corinthii fidem illi praebent, et quidem superbam, h. e. magnificam, magni faciendam, quia liberorum hominum, non servorum, quorum fides humilis et suspecta est. Liberi autem facti Corinthii morte Polybi orbi jure eligendi regis utebantur, unde est, quod supra dicitur 783:

Corinthius te populus in regnum vocat
Patrium.)

832. Bad., ut vulgo: Ut nil lacesas.

848. traditur, traditus fuit. Vid. Viger. de Idiotism. graecae dict. p. 209.

878. redde nunc animos, parens. Apposite (?) Lucan. 8, 410. (de Parthorum regibus, quibus licet cum sororibus matribusque suis concumbere): cui fas implere parentem, Quid rear esse nefas?

887. Recte Bad.: modicum fluens, quod doctius atque exquisitius quam Gronovio probatum modice fl. Ovid. Pont. 4, 10, 43: Notus, adverso tepidum qui spirat ab axe, ubi vid. Heins. Cf. et Heyn. ad Virg. G. 4, 370.

895. Alta servat Bad., Florenti astra, quod dedit Gron., pro glossemate habens. Alta esse astra vel coelum. Stat. Theb. 11, 46: trux moeret ab alto Amphitryonides etc. Ovid. Fast. 1, 109: Flamma petit (petit) altum, ubi hunc vocis usum pluribus illustret Heins.

896. nimis imperat pennis, nimium ab iis exigit, nimis eas exercet. De hac verbi potestate docte et diligenter Cortius ad Plin. Epist. 5, 19, 6. Ovid. Trist. 1, 1, 89:

*Dum petit infemis nimium sublimia pennis
Icarus, Icaris nomina fecit aquis.*

912. Bene Bad.: Moestus it famulus. Pulsare, inquit, caput mos est dolentium et lugentium, de quo vid. Dorvill. ad Charit. p. 347. Cf. Heic. Oet. 739.

it, venit. Terent. Adelph. 5, 3, 7: Sed eccum Syrum ire video. Virg. Aen. 6, 392:

*Nec vero Alciden me sum laetatus euntem
Accepisse lacu.*

Frequenter it cum et a librariis permutari, docet Drakenb. ad Sil. 2, 521.

920. jubam. comam MS. Bibl. Traject., quod malit Arntzenius libri De colore et tinctura comarum p. 7. (Nec male.)

922. gelidus sudor. Cf. Troad. 487, Virg. Aen. 3, 175.

931. Sacer, festus, ad sacra natus, ut eum vocat Ovid. Met. 2, 223.

Confidenter Bad.: In Florentino (imo etiam in Palatinis, Fernand., Cajet.) corrupte legitur tuas. Πολυθηρότατον γάρος Cithaeron audit Euripidi Phoeniss. 808.

936. breves poenas. Eurip. Heraclid. 959: καὶ γὰρ αὐτὰ ἀπαῖ

Θνήσκουσιν σὲ πολλὰ πῆματ' ἐξεργασμένον.

946. renasci semper. Repetendum ἀπὸ κοινοῦ liceat; quales ellipses obviae apud poetas: vid. Burm. ad Propert. 2, 16, 17.

961. Tantum exuentis, non etiam sensum habi-

turi crudelitatis. Oedipus duplicem sustinebat personam, punientis et supplicium patientis; ipse erat et qui eruebat, et cui eruebantur oculi; ipse sibi noxus et lictor. At vultus parati ad supplicium, quasi ageret tantum, non ipse etiam pateretur. Simile acumen in Herc. Oet. (v. 1744): urere ardentem putes. Tantum, ut apud Tacitum (Ann. 14. 64): cum jam viduam se et tantum sororem testaretur. Gronov. Observatt. 2, 19.

962. contra steterunt, haud conniventes. De Brevit. vitae c. 3: quando in statu suo vultus, quando animus intrepidus. Lucan. 5, 214: Stat nunquam facies, ubi plura Oudendorp.

976. jussa feci. Cf. 658.

984. ex alto, coelo, ab Iove.

987. Omnia certo tramite vadunt, h. e. fixo, rato, stabili, ut dicit Herc. Oet. 676. De Provid. c. 5: Nihil cogor, nihil patior invitus, nec servio deo, sed assentio, eo quidem magis, quod scio omnia certa et in aeternum dicta lege decurrere etc. Manil. 4, 14:

Fata regunt orbem, certa stant omnia lege,

Longaque per certos signantur tempora cursus.

Nascentes morimur, finisque ab origine pendet.

Plura veterum dicta de fato vide apud Pricaeum ad Apul. Met. 9, p. 177.

991. prece non ulla mobilis ordo. Eurip. Alcest. 995:

Μόρας (τῆς Ἀνάγκης) οὐτ' ἐπὶ βωμοδός

Ἑλθεῖν, οὐτε βρετὰς θεῶς

Ἔστιν, οὐ σφυγίων κλέει.

1003. Bad. quoque: Oedipoda, declinatione graeca, poëtis admodum familiari, de qua vid. Burm. ad Claudian 8, 652.

1021. Recte Bad. peto ex Flor. Ita, inquit, efficacius rogat: nam petere est, quum aliquid humiliter et cum precibus postulamus, ut ex Varrone notat Serv. ad Virg. Aen. 9, 193.

1023. Bad. quoque ex Flor.: fas ac nefas. Ac, inquit, arctius utrumque coniungit, decetque magis Oedipum post mixtum et confusum nomen conjugis, nati, patris. Cf. Herc. fur. 388. Phoen. 133.

1027. Morere, et nefastum. Hic rursus pro ac in Flor. est et. Prius connectit, posterius explicat (?). Utrum igitur sit praefendum, facile patet.

1039. capacem, quod uno partu maritum et filium Iocasta peperit.

1047. Bad. ex Flor.: fallentes. Cf. 646. Haec vocabula misceri in MSS., docet Burm. ad Claudian. 3, 238.

1056. Vividos haustus cum Heinsio refer ad salubrem auram, quae pestilentiae ac coelo infecto medeatur. levius eam concipere dicitur, qui ex facili spirat. Contra Valer. Flaccus tenuem animam spirare dixit 4, 436.

1059. morbi Bad. ex Flor. 5 Gruteri et ejusdem Scholiaste. (Id praetulerim nunc ipse propterea quod in proximis leguntur vulgati mortis similia verba Fata et Mortifera. Quanquam pro hoc quidem non inepte legeretur Monstrifera.)

T R O A D U M.

Versu 9. leves deos, levitatem Fortunae, cito munera sua transferentis, ut ait Consolat. ad Polyh. c. 28.

8. et qui. Rhesus, de quo vid. Homer. Iliad. 10, 433 seqq. In Florentino quae Heinsius intelligebat Amazonas Tanaitidas: nam de Maeoticis statim agit.

10. Et qui etc. Memnon ex India: πρώτοι γὰρ ἀνατέλλοντα τὸν ὄρωσαν Ἰνδοί, ut ait Achilles Tat. 4, 5.

11. fretum rubens est sole rubescens. Virg. G. 3, 359: *Praecipitem Oceani rubro lavit aequore currum*, ubi vidd. interpp.

13. terit placet etiam Marklando ad Stat. Silv. 4, 7, 51. Sed Bad.: Nihil, inquit, necesse est. Hippol. 100. de Hippolyte:

Egit catervas, Atticum pulsans solum.

Nam ferre et pulsare socia et similia verba sunt, docente Burm. ad Valer. Flacc. 8, 23.

15. Bad. ex Flor.: En alta muri decora congestis jacent Tectis adusti. Sed verisimilius est, turres murorum in adusta tecta, sive urbem crematam, congestas esse, tanquam minus in majus, quam contra. Nam muri alta decora sunt turres: cf. 1075.

25. haud credit sibi Potuisse vinci. Simile est illud Justin. 32, 1: Philopoemenem in theatrum duci jusserunt (Messenii), ut omnes contuerentur, quem potuisse capi incredibile singulis videbatur.

36. Incertus tragicus:

*Quia mater grāvīda parere se ardentem facem
Visa est in somnis Hecuba.*

46. Male Bad. ex quibusdam MSS.: Aeacidæ armis: cum ferox etc. nomine Aeacidæ non eliso, cu-

jus licentiae nullum in hoc scriptore exemplum invenias, nec similia sunt, quae profert Voss. de Arte gramm. 2, 14. Flor. Aeacis pro Aiacis.

Idem ibidi ex Flor.: scaevā manu. Recte et ex more interficientium. Cf. Hippol. 707 Virg. Aen. 2, 552; 12, 302; Cic. de Petit. consulatus c. 3. Scaevus et saevus saepissime confunduntur: vid. Burm. ad Anthol. lat. 2. p. 110.

56. non tamen superis sat est. Certe non Junoni: vid. Virg. Aen. 5, 786 seqq.

58. vilis, quia vetula. Tac. Hist. 3, 45: grandaevos senes, exacta aetate feminas, viles ad praedam, in ludibrium trahebant.

100. Coma demissa est. More funereo. Cf. Med. 803. Ovid. Heroid. 10, 137:

Adspice demissos lugentis in ore capillos.

Vide praeterea Metamorph. 6, 289 sequ. Fast. 6, 441.

103. Recte Bad. quoque: chor. Caedit ex humeris etc. Suffulta, subligata. Scriptor Moreti 99: laeva vestem setosa sub inguina fulcit.

156. Felix Priamus. Cf. Ovid. Met. 13, 520 seqq.

163. Omnia secum consumpta videt. Claudian., ab Opitio laudatus (in Troadum versione germanica), 5, 19:

Everso juvat orbe mori: solatia leto

Exitium commune dabit.

168. horridus tremor. Sic etiam Octaviae scriptor 735.

170. Minus recte Bad. ex Flor.: summa jam Titan juga stringebat ortu.

173. traxit sinus, sinus fecit, sinuata est. Cf. in-
terpp. ad Virg. G. 3, 437:

Fluctus ut, in medio coepit cum albescere ponto,

Longius ex altoque sinum trahit.

De terra non multo secus quam Seneca dixit Lucilius in Aetna v. 174:

Introrsus cessante solo trahit undique venas,

ubi cf. Wernsdorf.

177. Quod habet Flor., Nec terra solum tremuit, nescio quo modo glossema videtur Badenio, cum sit potius *διετροπία*. Servavit igitur vulgatam lectionem Nec sola tellus tremuit, nobis ejusdem vocabuli repetitionem ipsa sua simplicitate efficaciorē putantibus, cum praesertim sequatur Tellure fracta etc. Cf. 439 sequ.

178. Bad. quoque Achillen, laudans Heinsium ad Ovid. Amor. 2, 18, 1.

190. Egit, rexit, gubernavit. Ovid. Met. 2, 62: Non agat hos currus, ubi plura Burm.

192. deb. manibus meis. Perperam Bad. s. litteram in manibus abjici posse putat, ut in illo Lucretii 3, 52:

Et nigras maectant pecudes, et manibu' divis etc. quae non nisi veterum poetarum licentia est. Audiendus erat Flor.

Ite, ite, ~~si peruenas~~ dictum, ut apud Maronem Aen. 4, 381: I, sequere Italiam ventis. (Cf. Aen. 7, 425; 9, 634; nos ad Plauti Menaechn. 830. in maiore ed.)

195. Minus recte hic quoque Florentinum Bad. deserens: at magno luet, ut vulgo libri. Cur, quaeso, at in rebus simillimis, nec nisi tempore diversis? Et luisse et luituram magno esse Graeciam dicit Achilles iras suas.

201. Recte Bad., ut nos. Dividere, inquit, diem nocte est interponere tenebras luci. Vide interpp. ad Varronis Rer. rust. 1, 2, 5. illa: diffindere diem insititio somno.

206. cecinit, ut apud Lucianum in dialogo Zephyri et Noti. (Lucian. edit. Tauchnitz. 1. p. 176.)

209. sequ. Recte Bad. secutus est Florentinum. Impulsa, labefacta, sublato, qui fulciebat, Hectore. Cf. Horat. Od. 2, 4, 10; 6, 3.

225. Recte Bad. Apposita (nam vulgo legitur Imposita), ut antiquiores Grutero edd. Virg. Aen. 12, 546: domus alta sub Ide, Lyrnessi domus alta. Cf. de hoc usu vocis Heins. ad Ovid. Amor. 3, 6, 7.

231. Bad. quoque: cara pro sacra. Has voces inter se commutari solere monet Burm. ad Ovid. Met. 3, 156.

241. sequi, persequi, narrare. Propert. 2, 8, 23. Haec ego castra sequar vates.

247. saeva Amazon. Cf. 676. Claudian. 11, 33:

Saevae petisses pulcher Amazonas.

247. timor, res timenda. Ovid. Fast. 1, 551:

Cacus, Aventinae timor atque infamia silvae.

259. Bad., ut nos.

263. quodque Fortuna altius evexit etc. Similia dant Tac. Ann. 1, 72, Quinctilian. Declam. 9, 17.

274. Frustra Bad. secundum Gron.:
Tu me superbum, Priame? tu timidum facis.

284. ipse se irritat furor. De Tranquill. 3: nec finem ideo faciebat, sed irritabat se ipsa saevitia.

293. Recte Bad. quoque vocent. Ut indignantis est, ut Med. 882: Egon? ut recedam? etc. Non patiar sic etiam Cic. Epist. ad Att. 13, 42.

303. detrahe invidiam. De Benefic. 3, 16: quasi potentiae suae detracturus invidiam.

308. Bad.: Subito ac Veneris novae amore pro subito ac novo amore, ut bene cepit Heusingerus. (Friget ea ratio.)

333. Mortem misericors etc. Similiter de Ira 1, 16: interim optimum misericordiae genus est occidere. De Mariano servo vid. Valer. Max. 6, 8, 2.

334. Bad. quoque: Et nunc etc. et 349: omne. Omne regnum, omnia regna (vel totum regnum).

367. Ionidae, Argivae, genus ab Io ducentes.

396. disjicit impetus. Ovid. Met. 10, 179: oppositas disjicit pondere nubes, ubi vidd. critici.

405. Quae non nata jacent. Epicureum dogma. Torquatus apud Ciceronem De finibus bon. et mal. 1. § 49: Robustus animus et excelsus omni est liber cura et angore, eam et mortem contemnit, quae qui affecti sunt, in eadem causasunt, quae antequam nati.

407. Mors individua etc. Recte Gron. interpretatur: Mors est labes corporis, quae ab eo dividi ac separari non potest.

415. Levia perpressae sumus; si flenda patimur. Nam, ut ait Achilles Tatiuss 3, 11, ἐν τοῖς ἐπερβάλλουσι δεινοῖς φεύγει καὶ τὰ δάκρυα, καὶ προδίδασι [καὶ] τοὺς ὀφθαλμοὺς· ἐντοχοῦσα γὰρ αὐτοῖς ἀναβαῖνονσιν ἡ λύπη ἴσθησί τε τὴν ἀμὴν καὶ μετοχετεύει καταφέρουσα σὺν αὐτῇ πάντα.

420. Tunc obruta etc. Eurip. Andromach. 454: ἔμοι δὲ θάνατος οὐχ ὅττω βαρὺς,

Ὡς σοὶ δέδοται· κτεῖνα γὰρ μ' ἀπώλεσεν,

Ὅθ' ἢ τάλαρα πόλις ἀναλώσῃ Φρυγῶν,

Πόσις δ' ὁ κλεινός.

438. Certe aequa mors est. Noster Epist. 30: Mors necessitatem habet aequam et invictam. Horat. Od. 3, 18, 32: Aequa tellus

Pauperi recluditur

Regumque pueris etc.

Lucian. dial. mort. 35: ἰσανομία γὰρ ἐν ὁδῷ, καὶ ὅμοιοι πάντες.

439 sequ. Frustra Heins., ejusdem verbi repetitionem naturalem minimeque inertem haud ferens: turbat atque agitat Phrygas

Communis ista (mors) terror. hic propius meum

Exercet animum u. h. s.

Cf. notata ad 177.

439. *nox alma*. Sic et Med. 866. Cf. Agam. 74. Stat. Theb. 1, 503 sequ. Homero est ἀμβροσία νύξ. vid. Heyn. Excurs. ad Iliad. 1, 529.

448. *Non qualis etc.* Colorem hic noster Badenio videtur duxisse ex Propertiana descriptione Phoebi eleg. 4, 6, 35 seqq.

456. *Dispelle somnos*. Sic etiam Sil. 7, 329.

461. *excudit*. Flor. expulit. Sed alterum gravius, et ita scriptor Octaviae, hunc locum imitatus, v. 123. Ovid. Ibid. 158; tacitis ego noctis in umbris

Excutiam somnos, visus adesse, tuos.

Apul. Met. 8. p. 159; velut quodam tormento inquieta quiete excussa.

468. *hos vultus meos Habebat Hector*. Menelaus de Telemacho Odyss. 4, 140:

Κείνον γάρ (Ulysses) τοιοῦδε πῶδες, τοιαῦδε τε χεῖρες,
Ὀφθαλμοῖν τε βολαί, κεφαλῇ τε, ἐφ' ὅσπερ δέ τε χεῖται.

472. *dissipans lata coma*. Flor. *jacta*, quod ridiculum (?) facit Hectorem. Nam jacere cervicem actionis vitium est, ut patet ex illo Ciceronis in Verr. 3, §. 49; tamenne putamus patronum tuum in hoc crimine cerviculam jactaturum, et populo se ac coronae latitum? Rectumque cervice lata: poëtae enim diis et heroibus ingentia corpora et membra tribuunt. Vid. Burm. ad Albinov. Epiced. in Drusum 224.

476. *Recidiva penas, restituas, denuo excites*. Virg. Aen. 4, 344:

Et recidiva manu posuisssem Pergama victis

480. *Etiam Bad.*; qui locus? Ovid., ipso laudante, Met. 14, 162: qui te casusve deusve Servat, Achaemenides? ubi vid. Burm., item Bauer. ad Sanct. Minerv. p. 699.

483. *Temere Mediceam lectionem invidiae gravis damnat Bad.*, tanquam correctoris.

487. *Sacer genitivo junctum exemplo Ciceronis in Verr. 1, 18: insula horum deorum sacra putatur.*

493. *multos*. Velut Oresten, qui sic ait apud Soph. Electr. 62:

Δοκῶ μὲν οὐδὲν βῆμα σὸν κέρδει κακόν.

Ἦδη γὰρ εἶδον πολλάκις καὶ τοὺς σαρπῶδες

Δόγῳ μάτην διήσκοντας· εἰς, ὅταν δόμον

Ἐλθούσιν αἰῶδες, ἐκτελινῶνται πλέον.

499. *Delra 2, 28: graves habet impetus primos.*

540. *Generosa in ortus*. Imitatur notissimum illum Horatii locum Od. 4, 4, 30: Fortes creantur fortibus etc.

553. *Pari exemplo Muonianus Vitellii filium interfici*

ubet, mansuram discordiam obtendens, ni semina belli
extinxisset, ut auctor est Tac. Hist. 4, 80.

607. Caruit Flor. Legendum (?), ut habet ed. Paris.
anni 1514. et coniecit Heims.

Ut luce cassus inter extinctos jacet.

Cassum lumine Virg. dixit Aen. 2, 85, aethere
cassis 11, 104.

613. auspiciū, omen. Menelaus apud Euripidem
Helen. 1057:

Κακὸς μὲν ὄρνις· εἰ δὲ κερδαίνῳ λόγον,
Ἐτοιμός εἰμι, μὴ θανάων λόγῳ θανείν.

618. Veritas nunquam perit. Liv. 12, 39: Veri-
tatem laborare nimis saepe ajunt, extingui
nunquam.

629. Bad. quoque Intremuit. Ovid. Met. 2, 180:

Palluit et subito genua intremuere timore.

666. Non secus mulier illa misericors apud Petronium
c. 112: Male mortuum impendere quam vivum
occidere.

675. offeram. Vid. Heyn. ad. Virg. 6, 291: stri-
ctamque aciem morientibus offert. Cf. Non c.
+ §. 339.

676. Dabit ira vires. Cf. Ovid. Met. 13, 562, Amor
7, 66.

701. fortunae datur. Ovid. Trist. 5, 6, 35:

Si mihi non parcis, fortunae parcere debes.

708. Solamen hoc est. Multi codd. hic, ex inter-
pretatione scilicet.

711. Bad. ex Flor:

Hic est, hic est, terror, Ulysse.

non puer, quod, ipso praesente, melius absit, ut 744.

734. iras mites, temperantes victoriae. De singu-
lari mansuetudine Herculis in hostes vid. Aelian. Var.
Hist. 12, 27.

747. Debilius est Florentini fractus, quamvis proba-
tum Burmanno ad Ovid. Epist. 1, 86: Homer. Iliad. 22,
465: ταχέας δὲ μὴν ἵπποι.

Ἐλκον ἀκρόεστος κοίλας ἐπὶ νῆας Ἀχαιῶν,

755. Similiter in Ulyssem Neptunus invehitur apud
Lucianum dialogo marino 2.

769. Ovid. Trist. 4, 5, 48:

Expletur lacrimis egeriturque dolor.

Cf. Seneca. pater Controv. 5, 30. et Excerpt. Controv.

4, 1. Eurip. Troad. 604:

Ὡς ἤδη θάνατον τοῖς κακῶς πεπονθόσιν,

θρήνων τ' ὕδωρ μοῖαι, Μοῖσαι δ' ἡ λύπας ἔχει.

Plut. De ira cohibenda c. 1: *εἰ τι τοῖς παυδοῦσιν ἐφέσεις τοῦ ἀποκλαῦσαι καὶ ἀποδύρασθαι, πολὺ τι πῆς λόπης ἄμα τῇ δακρύῳ συνεάγουσιν.*

790. Creon apud Soph. Antig. 883:

Ἄρ' ἴστ', ἀειδὺς καὶ γόνος πρὸ τοῦ θανεῖν

Ὡς οὐδ' ἂν εἰς παύσασθαι ὄν, εἰ χρσῖν λεγεῖν;

792. Vix recte Bad:

Concede, paucis (verbis) ut mea condam manu
Viventis oculos.

Patulos oculos placet Heinsio. Advers. p. 22, probante
Burm. ad Propert. 4, 7, 25.

802. v. hit que. Cf. Phoen. 587.

816. Nullus est flendi modus. Sen. pater Ex-
cerpt. Controv. 4, 1: Nemo sibi ipse finem flendi
fecit. Pudet illos desinere, cogi volunt. Cf.
Plut. De vitiositate c. 2.

825. parva προληπτικῶς: nam Iliacis temporibus ma-
gni fuit ambitus, observante Meursio, in Creta 1, 10.

826. rivis Bd. ex Flor. et 2 Delrii: rivis. Messe-
niam, in qua Mothone., Eurip. describit Cresphonte καλ-
λίκαρπον.

Κατάρβυτον τε μυρίοισι νάμασι.

831. Bad. quoque Virgini. Virg. Aen. 1, 67:

Gens inimica mihi Tyrrhenum navigat aequor.

846. Attica. Thracia suadet Heins., quod Sane ve-
rius, si genuinum est Peparethos: vid., quam laudat,
Plin. H. N. 4, 19. Bad.: Attica p. P. uva, ut uva di-
catur oliva, quae Atticae propria est; et pendens uva,
quae est uva pendente, quemadmodum pendentia pu-
mice tecta dixit Virg. G. 4, 374, ubi vidd. interpp.

848. Numquid — Salamina. — Intell. ex v. 855.
procellas mittet? Doctus Britannus, qui tentabat N.
A. Sal. visam; refellitur Miscell. Observv. vol. 1. p. 71.
Cf. Dorvill. ad Charit. p. 707.

850. Bad. quique perfundit, excitans Virg. Aen. 3, 396.

851. Peras, Perhaebiam.

852. Bessan et Scarpheon, urbes Locrorum Opun-
tiorum.

872. Male Flor. Gron. Bad.: Fallatur. Vide sequentia.

873. De Benef. 3, 30: quanto levius moriente
mortis metum. Eurip. Antig. fragm. 18:

Ὡς τοῦ γε πάσχειν τοῦτον μείζον κακόν.

Cf. Maximian. eleg. 1, 279. sequ., ubi Wernsdorf. laudat
Suet. Jul. 87, Octav. 99.

892. Appete Tac. H. N. 1, 46: Exacto per sce-
ra die, novissimum malorum fuit laetitia

901. Ad rem cf. Ilad. 3, 163. seqq.
 902. Incerta voti. Cf. Ovid. epist. 17, 109 sequ.
 936. Bad. secundum Dorrill. ad Char. p. 85. Sigium, ut versus constet; quod *ἀναλογικόν* quidem (vid. not. ad Herc. fur. 997), sed inusitatum, dicendamque potius, longam vocalem alia sequente corripit Graecorum more.

981. Cf. Virg. Aen. 3, 321 — 324.

993. Domini pudet, non servitutis. Cic. epist. ad Brut. 8: dignitate domini minus turpis est fortuna servi.

1027. Est miser nemo, nisi comparatus. Philemon apud Stob. Flor. tit. 108:

Εἰ τὰ παρὰ τοῖς ἄλλοις αἰδεῖς κατὰ,

ἄσπετος ἔχουσιν, Νικοφῶν, ὃ τὸν ἔχεις.

1036. coactis fluctibus, 'densis, quos turbo convolvit. Cf. Valer. Flacc. 4, 687.

1037. reverti, refluere, diffundi atque explicari. Lucan. 5, 644: (pelagus).

Exhaustum in cumulos, omnisque in fluctibus unda est.

1159. dextra exacta. Quintilian. 6, 4, 8: prope sub conatu adversarii manus exigenda, ubi vid. Burn. penitus. Virg. Aen. 10, 816: exigit ense.

Per medium Aeneas juvenem, totumque recondit.

1163. prona. Pariter Quintus Calaber 14, 315. de eadem: *πρηνὴς χαμάδις πέσσε,*

1175. Sola mors votum meum. (nam sic Bad., ut vulgo:) Mors, inquit, meorum summa votorum est, nihil amplius opto. Cf. Phoen. 75. Sequentibus affinis sunt verba Oechaliarum virginum Herc. Oet. 121 sequ. (Similiter atque nos, id quod ante ignorabamus, Heinsius loco opitulari conatus est, ita haec distinguens:

Ἄν' ὅμνια? ἢ μοι sola? Μὲν, votum meum,

Ἰν' ἄνδρ' ἰσχυρὰ, ἰσχυρὰς ἄνδρ' ἰσχυρὰς.

Ubique (pro ubique: vid. Heins. ad. Ovid. Art. am. 2, 627) properas, saeva.

M E D E A.

Vers. 2. Bad. ex Flor.: domituram freta. Non male. Manilius, ipso monente, 1, 621: clavumque ratis, quae vicerat aequor. Ovid. Met. 1, 135:

Fluctibus ignotis insultavere carinae.

ubi vid. Burn. Confert vir doctiss. etiam Valer. Flacc. 1, 601.

6. Tacitisque — sacris: Horat. Epod. 5, 51: Dia-

na, quae silentium regis, Arcana quam fiunt sacra.

13. Bad. ex Flor.: Nunc, nunc ad.

19. Mihi pejus aliquid. Est intelligendum putat Bad. Quae ratio quid juvet, viderint lectores.

55. Servatum litori, quod pro mari accipit. Bad., ut accipiendum sit Thyest. 114. Utrumque male. Gronovii correctionem littore probat etiam Burm. ad Propert. 1, 6, 17.

40. Per viacera etc. Sen. de Ira 1, 1: Irae affectus, dum alteri alteri noceat, sui negligens, in ipsa irruens tela etc. Et 3, 3. de iratis: gaudent feriri, et instare ferro, et tela corpore urgere, et per suum vulnus exire.

83. Apollon. Rhod. 3, 1280. de Jasone: *ἀλλὰ μὲν Ἀργεῖος, ἄλλα δὲ πονηρὰ Ἀπόλλωνι*.

84. Proles fulminis. Cf. Ovid. Fast. 3, 504, 5.

92. Bad. ex Melisseo: Vir longe ut superat v.

97. lumine non suo. Parmenides de luna apud Plut. adversus Colotem c. 15:

Νυκτιφάεξ περὶ γαῖαν ἀλλότριον φῶς.

106. soceris. Creonte et uxore ejus. Cf. Virg. Aen. 2, 457.

111. tempus erat. Pro est. Vid. Mitsch. ad Horat. Od. 1, 37, 4. (Cf. Herc. Ost. 312.)

114. Tacitis eat illa tenebris, sine facibus nuptialibus, pronuba pinu, hymenaeo. Contra Ovid. Epist. 6, 43: Non ego sum furto tibi cognita etc. Ire proprium verbum de nubentibus (?).

115. Tuetur Bad. fugitiva, tanquam invidiose dictum pro exule seu profuga. Turnum desertorem Asiae audire Virgilio Aen. 12, 15, ubi vid. Heyn.

125. in hanc Ferrum exigatur. Sen. Consolat. ad Marc. 16: tela, quae in Scipiones, Scipionumque patres et filios exegit.

142. mūneri, nuptiali, doti. Ovid. epist. Medae 203: Dos mea tu spes.

163. Sen. epist. 5: Desines, inquit (Hecato), timere, si sperare desieris etc.

175. aptari, se aptare, ad normam mediae vocis Graecorum, ut monet Wakefield. Silv. crit. I, p. 33.

176. Fortuna opes auferre, non animum, potest. Attius Telephor. Nam si a me regnum Fortuna atque opes

Eripere quivis, at virtutem non quivis.

214. Non male Bad. defendit, quod vulgo legitur, exerceat, Gm., inquit, exterret edidit, Florentinum

secutus. Non enim Amazones rus exercuisse. Sed usus verbi latius patet. Avienus in Periegesi v. 858: longas exercet Sarmata silvas, ubi Wernsdorfius: „Nulum dubium est, verbum exercere poetis idem esse ac crebro usurpare et frequentare, ac de omni usu, actione et ratione vitae adhiberi“ etc. Comparat cum aliis Virg. Aen. 11. 699 seqq.

242. Minus recte Bad.: quae volet, Flor., inquit, quae volet, Rectius ut monet Gron., allato simili Phaedrae dicto ex Hipp. v. 158:

Quemcunque dederit exitum casus, feram.

(At is locus dissimilis nostro est, planeque confirmat vulgatam lectionem.)

248. Bad. ex Flor.: dextrâ. Inepte (?) dici praesidis dextrae.

308. gracili limite. Sen. pater Controv. 3. 16: Scitis, nihil esse periculosius quam etiam instructa navigia: parva materia sejungit fato. (Cf. Longin. de Sublim. sect. 10., ubi Aratus: *ὀλίγον δὲ διὰ ξύλον δίδ' ἐρταί.*)

313. Bad, quoque: lumina.

315. Arctica plaustra. Bad., Nic. Heinsio auscultans, ex Florentino cod. accessivit Attica. Heinsius: Arctica, inquit, pro Arctoa non legi, nisi apud posterioris aevi scriptores. (At *ἀρκτικός* et *ἀνταρκτικός* Graecorum usu frequentatur, legiturque antarticus apud Hyginum.) — Bootes nonnullis veterum astrologorum Icarus Atheniensis, ut ex Arati Scholiaste liquet, et ex Hygino. Hinc et Actaeus Bootes Valerio Flacco lib. II. v. 69, ut minime sint audiendi, quibus Arctous Bootes illuc loci revocatur. Apud Propert. 2. 33:

Non audis et verba sinis me ludere, cum jam

Flectant Icarii sidera tarda boves, etc.

335. Bene dissepti foedera mundi. Confert Bad. Horat. Od. 1. 3. 21 seqq.

389. Similis est locus Apuleji de Psyche Metam. 5. p. 102. ed. Pric.

394. Se vincet. Cic. Verr. 3. 44: Secum ipsa certat; id agit, ut semper superius suum facinus novo scelere vincat.

428. trahere, cum pereas, libet, Lucret. 6. 654: trahere omnia secum.

Mersa juvat, gentesque suas miscere ruinas.

455. nobiles regum manus. Eurip. Med. 4: *μαδ' ἐρεμῆσαι χεῖρας Ἀνδρῶν ἀρίστων.*

479. jussum, vi magica, Ovid. Rem. am. v. 253:

Me duce non tumulto prodire jubebitur umbra.
ubi vid. Burm.

475. Jussasque natas. Ovid. Met. 7, 331:

Intrarunt jussae cum Colchilde limina natae.

et similiter Diodor. Sic. 4, 51.

484. Servatum petunt. Ovid. Ibid. v. 20:

Hic praedam medio raptor ab igne petit.

ubi cf. Burm.

495. Praestas, das, tribuis, gratificaris Creusae. De Benef. 5, 19: Qui domum meam, quo minus ruat, fulcit, praestat mihi. Epist. 4: Cajus Caesar jussit Lepidum Dextro tribuno praebere cervicem; ipse Chaereae praestitit.

496. Medea amores obicit? Terent. Adelph. 2, 1, 33: leno iniqua me non vult loqui.

507. Tuetur Bad. ejuro, tanquam verbum Senecae, (Sed cuius non?) quod usurpaverit Consolat. ad Marc. 19, et de Benef. 6, 4, ubi vid. Lips.

509. Eurip. Med. 563:

*Σπείρας τ' ἀδελφούς τοῖσιν ἐκ σέθεν τέκνοις
Εἰς ταὐτὸ θείην, καὶ, συναρτήσας γένος,
Εὐδαιμονοῦσιν.*

517. Recte Bad.: nos conflagre, sicut (Ald. et) ed. Basil. anni 1529, i. e. nos compara. Cic. de Invent. 2, 43: saepe cum scripto factum adversarii confligendo. Et Orat. part. §. 55: inter se pugnantium rerum conflictio etc.

520. Bad. quoque infra, neque aliter Flor., monente Heinsio ad Ovid. Trist. 3, 4, 25. Confertille Horat. Sat. 2, 7, 83.

535. Verba Vel me, vel istum scorsim Bad. accipit, ut vulgo, et cum Gronovio subaudit feri, quomodo Virg. dixerit Aen. 9, 427:

Me, me (adsum, qui feci), in me convertite ferrum.
ubi Serv.: Ad ME, ME subaudi interficite; et est interrupta elocutio dolore turbati. Confert etiam Bauerum ad Sanctii Minerv. p. 260.

546. ipse memet. Accipio, inquit Bad., per *μετάβασις* pro ipsemet me. Frequens haec figura, vel Ciceroni: vide Cortium ad 12. Epist. famil. 16, 1.

553. Gratum est. Formula flebile gaudentium. Cf. Gron. Diatrib. Stat. cap. 16.

556. Servavit vir doctus subeat, tanquam blandius. Liv. 40, 8: subituram vobis aliquando germanitatis memoriam.

573. Bad.: Monile, quo nomine Barth. ad Stat. 1. Silv. 2, 128. omnem ornatum corpori appensum, compre-

hendi docuit, hic est (?), quam coronam auream vocat Euripides Med. 786, 949 et 961.

574. Gemmae auro inclusae. Vid. Heyn. ad Virg. Aen. 1. Exc. 22.

579. Propert. 4, 8, 55:

Fulminat illa oculis, et, quantum foemina, saevit.

604. qua tutum populo priori. Ὅδον θαρραλέω-
τάτην εἶναι τὴν συνεδεοτάτην ait Lucian. Demosthenis en-
com. c. 22.

605. sacro, violente, sancta. Similiter Plin. H. N. 7, 45: cum resistendi, sacroque sanctum repel-
lendi jus non fuit.

608. Nobiles, a regibus ductos Cf. 367, 455.

617. Heynius in observatt. ad Apollodori Bibl. 1, 9, 23:
Ait chorus, expiasset navigationis crimen morte sua Argo-
navitas: Tiphyn, Orphea, Alciden, Hylam, Idmonem,
Mopsum; reliqua ad ornatum pertinent. V. 618, indoc-
tus magister, cui reliquit Tiphys regimen navis, est
Ancaeus; mox v. 622. amissus rex est Tiphys, Boeo-
tus: cujus recordatione, quod ille in navigatione Argonau-
tarum perit, Aulis quasi cupit retinere Achivorum clas-
sem ad Trojam properantem.

631. Cf. de Orphei morte (Virg. Georg. 4, 520 sequ.,
Ovid. Met. 11. princip.) Sil. 11, 480 seqq.

635. Patre Neptuno genitum. Periclymenum:
vid. Burmanni catalog. Argonautarum hoc nomine.

636. Sumere innumeras solitum figuras.
Perperam de metro sollicitus Burm. ad Propert. 4, 2, 47.
suadet inversas. Ceterum, apposite laudat Nasdonis illa
Metam. 12, 557: cui posse figuras

*Sumere, quot vellet, rursusque reponere sumtas,
Neptunus dederat.*

641. gemini cruoris, hydrae et Nessi Centauri, ut
recte intetpp. Cf. Heyn. Observatt. ad Apollod. p. 193.

646. meruere euncti. Priscian. Perieges. v. 603:

Nam mala tam pelagus quam terramerentibus offert,

647. quod crimen. Iratum etiam innocentibus
mare, inquit Petron. c. 81.

648. Bene Bad. secundum Florentinum: — irreper-
tus, Raptus heu! tutas puer inter undas? Vul-
gata, inquit (irreperitus? Raptus est tutas etc.)
fabulatore quam tragico poeta dignior est.

653. Condidit. Intell. pontus ex v. 650. Figura
κατάχρησις. Statilius Flaccus epigramm. 12. (Antholog.
Palat. ab Jacobsio ed. vol. 1. p. 471.): τὸ δὲ σου πικρὸν
ἴσαψεν ἔδωρ. Seneca pater p. 468. ed. Bipont.: nau,

fragos idem fluctus, qui expulit, sepelit. Cf. Apulegi Met. 4. p. 71, ibique Pric.

Bad. quoque: sepi.

657. Idem vulgata erravit, cadit etc. eo nomine defendit, quod vates de futuris tanquam praesentibus et praeteritis loquantur, quemadmodum apud Horatium epodo 15. legatur: Unde tibi reditum certo subtemine Parcae Rupere. Laudatque Burmannum ad Ovid. Met. 2. 646. et Hoogeveen. ad Vigerum p. 205. ed. Zeun. Sed est modus in rebus. Hic quidem praegressis temporibus praeteritorum opponuntur futura, et opponi debent, ne nesciamus, quid accidisse, quid imminere dicat Chorus. Accedit Aldi auctoritas, qui plane: errabit, cadet.

660. Haud rectius vir doctus: „Nos,“ inquit, Ascensianam edit. secuti; veram lectionem in textu expressimus:

Crimini poenas patrio pendit.

Latinum est pendere crimini poenas, non item pendere crimine poenas. Ascensius: Crimini pendens patrio pendit; neque dicitur alicui rei poenas dare seu pendere; dicitur alicujus rei, sive aliqua re, h. e. ob aliquam rem: vide Hippol. 937. Agam. 21, Ovid. Trist. 5. 12, 48, etc., in quibus qui dativi videntur Badenio, sunt ablativi. Male Gron. quoque: Crimini poenas patrio rependet.

674. Coelum trahentem. Apud Ovidium Met. 7. 207. Medea: Te quoque, Luna, trahq. Coelum deponere dixit Apulejus Met. 1. p. 6. ed. Pric. (Lunam deducere Virg. eclog. 8, 69.)

680. comprecans sacrum manu. I. e. manu deos adorans, ut loquitur Herc. fur. 914. Nam qui deos precatur, etiam aram (sacrum: cf. Lucan. 6, 432.) manibus apprehendit, verbis Macrobiani 3. Sat. 2.

686. Vulgatum sera tuetur vir doctus, i. e. annosa, ut interpretatur Gron. Apud Lucianum quoque in Philopseude commemoratur δρακὼν παλαιός, qui, Chaldaeo jabente non prorexit ex antro suo, ἐπὶ γῆρας, οἶμαι, ἐξ-επρόσσαι μὴ δυνάμενος.

695. jam nunc. Bad.: Particulas has eleganter jungi docet Westerhov. ad Terent. Andr. 1, 1, 144. ne cum Gronovio legas jam jam. (At Florentinus non habet nunc, unde, eo jam bis ponendum esse, recte suspicatur Gron.)

710. Transposuit hos versus etiam Bad., scripaitque Parthi leves, utrumque auctore cod. Flor.

746. Bad.: Flor.: Gravior uni (imo Graviorum, si fides est Gronovio; et ei scripturae similis unius Palatinorum haec Grajorum;) poena sedeat, quod recte

probat Heinsius, itaque explicat, ut uni socero Jasonis imprecetur omnes simul poenas, quae luuntur a variis apud Inferos; exemplo Nasonis Ibid. 187 seqq. (At ostendendum erat, quo modo ea sententia ex verbis Tragici efficeretur. Ceterum uni non displicet.)

747. Bad. solvat cum Gronovio, i. e. dimittat ab inani labore. Confert Thyest. 64, Hippol. 1235 etc.

760. Aestiva tellus floruit, aetas facta est vera nam vere tellus floret, aestate defloret. Hipp. 765: prae novo vere decentia Aestatis calidae despoliat vapor. —

766. Bad. quoque dedit domus. Herc. fur. 239: nemoris opulenti domos.

773. discors. Similiter Colum. 6, 36, 2. discordantem stirpem dixit, Lucret. 5, 892. discordia membra. Inutilis igitur ab Heinsio ad Sabini epist. 1, 35. proposita conjectura dissors.

785. Sonderunt arae strepitu motae; quod signum erat faventium decorum. Ovid. Met. 9, 781 seqq.; et 15, 671 seqq.

786. Commotos (tripodas). Quibus immoti opponuntur apud Lucanum 5, 121.

800. mota caput. Jactare caput fanaticum est, verbis Quintilianus 11, 3, 71.

803. cingit vitta. Lucanus 5, 144. de Phoeade: crinesque in terga solutos Candida Phocaïca complectitur infula lauro.

860. vagante forma. Horat. 1, 13, 5: nec mens mihi, nec color Certa sede manet.

886. De manu factis, quo medicatus ignis pertinet, eleganter participium jussus adhiberi docet Buchner. ad Plin. Epist. 7, 9, 11.

889. Alit unda flammam. Tale Medicum oleum, cujus, ut ait Priscianus Perieges. v. 318, compescere flammam Si quis aqua cupiat, plus ignem pascit in illa.

916. Quo te igitur, ira, mittis? Cic. pro Mil. 28: vota enim faceretis, ut in eos se potius mitteret.

930. Melius, melius loquere, εὐφημα φάσκει (Soph. Electr. 1211 etc.). Formula abominantis.

943. ira pietatem fugat. Pates Annaeo ob oculos fuisse vel ipsam Timomachi Medeam, vel epigrammation illud Τέχνη Τιμομάχου etc. Anthol. graec. t. 3. p. 214. (Anthol. Palat. ab Jacobsio ed. 2. p. 667.)

950. Mire Bad.: Lege et distingue: gementes oculis. pereant patri, Periere matri. Lucan. 4, 180:

Arma figant lacrimis, singultibus assuile rumpunt.
Ovid. Trist. 3, 11, 54:

Exhibuit querules ore gemente sonos.

Ceterum recte, secundum Granovium, Periere, inquit, matri, ex quo constitutum est, liberos hic mansuros esse.

977. approba populo manum. Similiter lacrimas approbare dixit Epist. 99. Cf. Epist. 102.

995. Spectator ipse. Canace Nasoniana Heroid. 11, 7:

Ipsa necis cuperem nostrae spectator adesset.

1003. quos non nostra violavit fides. Creon enim turbator pacis conjugalis, ipsa teste Medea v. 137. et 143. (Culpa est Creontis tota etc.)

1015. dona, remitte. Quaest. nat. s. extr.; Casus iste donat metum.

AGAMEMNON.

Vers. 4. superos fugo. Quintilian. Declam. 12, 8: Quos tester deos? superosne, quos per tantum nefas fugavimus, an inferos, quos nobis permiscuimus?

5. Bad. quoque: Inhorret.

12. nonne vel tristes lacus Incolere. Tristes lacus pro inferis accipe. Sic Rubiconis, pro Ravennae vel Arimini, incola Claudiano dicitur 43, 1, ubi vid. Burm., et ad Grat. Cyneg. v. 314.

13. nonne custodem Stygis. Defectus est unius verbi, poëta admodum familiaris. vid. Burm. ad Lucan. 1, 372.

15. evinctus, vinctus, rotae illigatus. Vid. Heyn. ad Virg. Aen. 6, 616. Tibull. 1, 7, 6: evinctos brachia capta duces.

16. in se refertur, circumagitur. Pindar. Pyth. 3, 41. de Ixione: ἐν πτερύοντι τροχῷ Παντὰ κυλινδόμενον. (Ovid. Met. 4, 461:

Volvitur Ixion, et se sequiturque fugitque.)

37. sera fides, quam sero liberavit, exhibuit, sors Phoebea, incerta illa dicta propter ambiguitatem oraculorum, unde Δοῦλιας Apollo.

42. decima lustra. Ex praedicto Calchantis Iliad. 2, 529:

Τῇ δαίταρ δὲ πόλιν αἰρήσομεν ἐφ' ὀνόμαϊν.

Lustra pro annis dicuntur, exemplo Manilii 3, 321 et 580.

48. Parantur epulae. Cf. Odys. 4, 555 seqq.

causa natalis tui. Aegisthus enim „fatalis in

geminaam Atrei sobolem, ut loquitur Hyginus. Cf. not. ad Thyest. 59.

55. cadentes, ad occasum vergentes.

70. Nostram interpunctionem sequitur Bad.

84. Nimiis intolerantiae superbiae: vidd. interpp. ad Claudian. 26, 418.

91. nimium suos nimis secundos nobiscum interpretatur Bad.

92. Ob oculos fuit Horat. Od. 2, 10, 9. (Saevis ventis etc.)

97. patent, obnoxia sive exposita sunt. Flor. 3, 10, 12: illa immensa corpora, quo erant maiora, eo magis gladiis ferroque patuerunt. ubi vid. Duker.

104. Sorte. Bad. Parte, ut omnes ante Lipsium edd. i. e., inquit, a media turba stans, mediocritatem sequens, amans. Horat. Od. 3, 16, 22: transfuga divitum Partes linquere gestio. Quietus, modestus, qui non vult excellere supra alios, etc., cui opponitur inquietus sive inquietus: cf. Ruhnken. ad Vellej. 2, 117, 2.

115. Per scelera. De Clement. 1, 13: Scelera enim sceleribus tuenda sunt. Tacit. Ann. 11, 26: (Silj)us imminentium periculorum remedium ipsa pericula ratus.

130. Bad. quoque: non quit.

137. Dejici (niedergeworfen werden in vetustiore lingua germanica) proprie victi dicuntur. Ovid. Trist. 5, 8, 1:

Non adeo cecidi, quamvis dejectus, ut infra
Te quoque sim.

Phaedrus Fab. 2, 1, 3:

Super juvenem stabat dejectum leo.

Utroque loco vide criticos.

152. ferrum et ignis, ultima remedia morborum: vid. Burm. ad Propert. in Addendis p. 922.

154. Rapienda — via est. Ovid. Heroïd. 19, 74:

Tam bona cur perit, nec tibi rapta, via est?

ubi vid. Heins.

155. reflectat, ut Terent. Adelph. 3, 2, 9.

162. Bad. quoque: Piget doletque.

163. peperit. Gron. peperi vulgavit, Florentinum secutus. At quanto gravius in tali oratione illud peperit! Exempla, quibus de se loquentes tertia persona loquuntur, passim sunt obvia. Vid. Drakenb. ad Sil. 6, 600. (Cf. 290.)

167. hōffuit Cātēhas. Euseb. Iphig. in Acl. 899.

Κάλχας δ' ὁ μάντις ἀπορία κρηνημένης

Aveilex —

176. Bad. tuetur ducia propterea quod ducea passim apud poetas dicantur heroes et reges, qua de re laudat Burmannum ad Ovid. Her. 18, 46, et Propert. 2, 13, 9.

187. avulsam, ab invito: vid. Iliad. 1, 430. viri, mariti.

199. per tuum. Ut de Gobrya Justinus. 1, 9: vel per suum corpus adigi magis ferrum iussit.

202. commorari cum quo velis. Hec. Oet. 350:

Felix jacet, quicumque, quos odit, premit.

206. diu victos, diutino bello. Diu mori dixit hic noster De Clement. 1, 19; Epist. 93. et 101; diu venimus, Epist. 24; Tacit. Germ. 37: tam diu Germania vincitur; Stat. Theb. 3, 167: Ite, diu fratres, hoc est semper, aeternum fratres, ut exponit Barth.

207. fraude — et furto. Liv. 43, 10: obsides pignus futuros furto et fraude agenda rei.

211. Virg. Aen. 12, 155: decimum quos distulit Hector in annum.

220. Victrix (nam sic Bad. cum Gron. ex Flor.) Agamemnone ducente, cuius mortem ulciscetur Graecia, si vera sit.

253. Sic nato, in dedecore, flagitio, turpitudine, quae ut effugias, quis est non modo recusandus, sed non ultro appetendus, subeundus, excipiendus dolor? verbis Cicero- nis Tusc. Disp. 2, §. 14.

257. trementes. Virg. Aen. 4, 643: maculisque trementibus Interfusa genas,

243. paene est innocens. Sidon. Epist. 6, 9: Vincitur innocentiae festinata correctio.

258. Palam mariti passidens peller domum. Lege cum Flor.: P. marita, i. e. coram marito, in conspectu maritae. De re cf. Terent. Eun. 4, 7, 24; Heaut. 5, 4, 18; Adelph. 4, 7, 29; Hec. 5, 2, 23; Ovid. Heroid. 9, 121.

259. Ovid. Art. am. 3, 564:

Non bene cum sociis regna Venusque manent.

266. aut nova. Aut pro saltē ponitur, ut saepe: vid. Burm. ad Propert. 4, 1, 77.

279. vacans. Gregales libri carens, ex interpretatione scilicet. vid. Burm. ad Propert. 1, 13, 2.

290. Bad. tuetur nubet.

297. Bad. quoque: addimus. Valer. Flaccus 5, 286: quibus addimur armis? ubi vid. Burm.

301. Bad.: haec vacat regia viro. Sed nusquam Tragici penultimo loco iambicorum senariorum habent dactylum.

316. Quaeque Erasini gelidos fontes. Intelligit Arcades. Strabo l. 8. p. 371. (cap. 6: Εἰς μὲν δὴ Ἰναχὸς ἐστὶν ὁ διαρρέων τὴν Ἀργεῖαν· ἄλλος δὲ ποταμὸς Ἐρασίνος ἐν τῇ Ἀργεῖα ἐστὶν· οὗτος δὲ) τὰς ἀρχὰς ἐκ Στυμφάλου τῆς Ἀρκαδίας λαμβάνει, καὶ τῆς ἐκεί λιμνῆς τῆς καλουμένης Στυμφαλίδος. Cf. et Herodot. 6, 76.

349. tibi fila movent, nervos ad verba, citharam cum voce movent. Argis enim, ut refert Dionysius Halicarn. 1, 21, in templo Junonis fuere χοροὶ τε παρδένων ὑμνοσῶν τὴν Σεδὸν ᾠδαῖς πατρίοις.

378, 9. Et adhuc etc. Bad. quoque, ut nos. Anthi-
theton, inquit, quale Catulli 66, 64:

Sidus in antiquis diva novum posuit.
Similiter Callimachus hymni in Apoll. 26: Μάρμαρον ἀντὶ γυναικὸς οἰζυρόν τι χανούσης, Leonidas Alexandrinus 16, v. 3. (Antholog. Palat. ab Jacobsio ed. 1. p. 474.): Ἀήξει δ' οὐδ' αἰῶνι γόον (γόον), Ovid. Met. 6, 313: lacrimas etiamnum marmora manant. Lacrimas depluere dixit Propert. 2, 16, 7.

390. lauream ferro. Martialis 7, 5, 7:

Martia laurigera cuspidē pila virent.

414. Bad. quoque expressit Florentinam lectionem: Alii, inquit:

Quis, fare, nostras hauserit casus rates.

Hoc vero fluxit ab iis, qui nesciebant, indicativum modum saepissime (?) jungi interrogativis indefinite positis. Vide, quae notavimus ad Thyest. 771. — Nec variatio modorum, hausit et dispulerit, est sine exemplis, id quod docet Burm. ad Lucan. 2, 441.

440. latera increpant. Ovid. Trist. 1, 4, 24:

Increpuit quantis viribus unda latus!

Increpare de gravi ictu et pulsu dictum illustrat Burm. ad Valer. Flacc. 4, 691.

458. Bad. ex Florent.: Et, id quod unum etc., quomodo Virg. dixerit eclog. 35: Verum, id quod multo tute ipse fatebere majus, laudatque Hoogev. ad Virg. p. 169. ed. Zeun. Verum si id unum vident, quo tandem modo parere dicuntur juga montis Idae? Rectum jam, ut alio tempore hoc, alio illud factum esse intelligamus.

477. tela. Similiter tela dixit Stat. Theb. 5, 584. Nonnus Dionys. p. 1002. v. 20, quo loco Erechtheus Boream compellat:

Δυσμενέας τόξον χαλαζέοντι βελέμην,
et p. 998. v. 12:

Εὐρον ἀκοντίζοντα καὶ αἰχμάζοντα Βορῆα.

480. De Syrtibus Sallust. Jug. 78: ubi mare magnum esse et saevire ventis coepit, limum arenamque et saxa ingentia fluctus trahunt.

484. Bad. ex Florentino rabidus. Confert Thyest. 361, Ovid. Met. 1, 36, Lucan. 5, 600 seqq.

499. Videre saltem. Iliad. 17, 647:

Ἐν δὲ φάει καὶ θάλασσαν, ἐπεὶ νύ τοι ἔαδεν οὐτως.

502. fluctus decimus, *τρικομία*, decumani fluctus.

504—507. levis fluitat. Cf. Cic. pro Sextio c. 20, Petron. c. 114, Ovid. Trist. 1, 2, 32; 4, 11, 12.

515. cadere qui meruit gradu. Consol. ad Polyb. c. 25: Omnes scient, quomodo te in isto tuo gesseris vulnere; utrumne statim percussus arma submiseris, an in gradu steteris. Cf. De Constant. Sap. c. 16. (et notata nobis ad Herc. Oet. 47.)

519. Perdit mortem, qui inultus moritur et morte sua nec sociis utilitatem, nec hostibus damnum affert, ut monet Drakenb. ad Sil. 4, 607. Lucan. 3, 706. de naufragis: non perdere letum Maxima cura fuit.

526. Vehit ista Danaos classis? Interrogationem improbat Bad., scribitque uno tenore Vehit ista Danaos classis, et Troas vehit, h. e. Si vehit ista etc., qua de re laudat Sanct. Minerv. p. 702. Eam particulam subaudiri solere, Graecorum more, haud nesciebat Gron., sed ibi tantum, ubi non subesset ambiguum, quale hic est.

529. quidquid aut hasta minax. Laudantur Quinti Calabri 14, 462 seqq.

536. reducta, adducta et retracta: vid. Heins. ad Ovid. Met. 6, 107.

550. Bad.: — vicinus. tandem horream Aliena inerti tela mitti dextera? ut legebatur ante Lipsium. Et ferri quidem utcunque potest ea scriptura; ceterum quod placet Badio, tandem indignantis esse, ut Terent. Phorm. 2, 1, 1. etc., vereor ut per linguae indolem liceat, cum ista particula nusquam, quod sciam, in principio ponatur sententiarum, sed secundum semper locum obtineat.

555. Tridente rupem subruit. Cf. Odys. 4, 505 seqq.

556. Terraque et igne. Quintus Calaber de eodem 14, 588:

Ἀμφὶ δὲ τὴν θανάτου μελὰς ἐκχέουσιν ὀλέσρος,
Γαίῃ ὁμοῦς θυμὸν ἔντα καὶ ὑπερτέτα ἐνὶ πόντῳ.

576. Et maria malunt. Comparat Bad. Lucan. 5, 453 seqq.

cecidit in lucem furor. Recte vetus interpret: i. e. sub lucem desit tempestas.

599. placidus quiete. Τὸν ἡσυχίης γενετῆρα mortem vocat Agathias Epigr. 81, 1. (Anthol. Palat. 2, p. 301.)

600. Bad. Pulverea mve ex Florentino.

605. Servitium. Cyniscus apud Lucianum in Jove confutatio 7: Ἐλχε τοὺς μὲν, εἰ μὴδὲν ἄλλο, θάνατός γε εἰς ἐλευθερίαν ἀφίλετο· οὐκ ἔστι δὲ εἰς ἀπειραν ἐκπίπτει τὸ πρᾶγμα, καὶ αἰδῖος ἡ δουλεία γίγνεται etc. Expressit autem Seneca Macrobius illa Georg. 2, 490: Felix, qui potuit rerum cognoscere causas etc.

613. Non illa bellorum victa. Cf. Virg. Aen. 2, 190 seqq.

657. exiguo sanguine. Valer. Max. 3, 8, 5: exiguum senilemque sanguinem meum.

659. Bad. petet ex Flor. h. e. desiderabit, postulabit. Cf. de hoc verbo Perizon. ad Sanctii Minervi p. 591. Ovid. ex Pont. 3, 1, 143:

Utque meae res sunt, omni, puto, tempora

Cf. Cic. Orat. post red. in sen. §. 30.

667. Bad. quoque tu (pro enim), quod vim orationis auget: vid. Burm. ad Propert. 2, 46, 1.

670. Bad. ex Flor. mobile, quod neque Gronovio displicuerat. Sen. Epist. 76: (vocem dulciorem mobiliorumque lusciniis. Odys. 19, 521.)

Ἦτε Σαυὰ τροπῶσα χεῖρ πολυηχέα φωνῆν.
Oppian. de Piscat. 1, 728: ἢ ἀνδρὸς αἰολοφώνου etc. Speciosior tamen, quam verior ea lectio, quia sequitur: Ityn in varias modulata sonos, quod παντολογικόν, si praecessit mobile carmen.

685. Similiter Valer. Flaccus de halcyone 4, 44: audetque, pavetque. Stat. Theb. 6, 394:

Spesque audaxque una metus, et fiducia pallens.

693. Bad. quoque: putem.

706. Foecunda in ignes. Apollod. 3, 12, 5: Ἐδοξεν Ἐκάβῃ καθ' ἑκάστην δαλὸν τεκεῖν διάπορον η. τ. λ.

725. Male Bad.: Falsa, inquit, vates dei iussu non unquam credita Teucris (Virg. Aen. 2, 247), quasi hoc significari possit: verbo falsa.

738. Bad. quoque: sublimis, quod accipit pro supino. Apud Aeschylum Agam. 1295. Cassandra de Oreste:

Ἄξει νῦν ὀπίσσω κείμενον πατρός.

756. fata se vertunt retro. Virg. Aen. 11, 287: versis lugeret Graecia fati.

763. vestis atri funeris, pulla, Furiis propria.

Cf. Die Furiemaske von Böttiger p. 37.

772. Bad. incertum. ut nos. Virg. Aen. 2, 223:

Qualis mugitus, fugit cum saucius aram

Taurus, et incertam excussit cervicem securim.

822. relabens. Ovid. Heroid. 15, 93:

Hinc ades, inque sinus formose, relabere nostros.

826. Nocte non una. Ovid. Heroid. 9, 9: cui (Herculi) nox, si creditur, una

Nec tanti, ut tantus conciperere, fuit.

837. Pectore dictum pro ventre. Apollod. 2, 5,

10. de Geryone: Τριῶν ἔχον ἀνδρῶν σπέρους σώμα, συν-
κείμενος εἰς δὲ κατὰ τὴν γαστέρα, ἐσχισμένον τε εἰς
τρεις ἀπὸ λαγόνων τε καὶ μηρῶν.

862. colorem, splendorem, ut interpretatur Mitsch.

ad Horat. Od. 2, 2, 1.

863. Mendax propter Laomedontem. Item vid. Mitsch.

ad Horat. Od. 3, 3, 27.

888. exitam manibus negant. Cf. Meurs. ad Lycophron. 1099. et Böttiger. Griech. Vasengemälde Heft

Ant. p. 129.

890. Haurit, confodit, ἀνύσσει.

891. Soloece Bad., quamvis ex Flor: Nec penitus egit.

915. Bad. quoque: times, „ut voluit,“ inquit, „Gro-
tius, et postulant sequentia.“

934.

Poscunt fidem secunda, at adversa exigunt.

Bad. cum Gron. exigunt accipit pro eo, quod est ex-
periuntur, probant, sublata quidem oppositione inter
poscunt et exigunt, in qua oppositione consistit vis
et lepor sententiae.

962. Inconsulte ac temere (?) fecisse Gronovium Bad.
dicit, quod ex 2 MSS. substituerit Vobis; cavillari enim
Electram verbum Clytaemnestrae nobis, ut Mysidis
Vestri Davum apud Terentium Andr. 4, 4, 26. etc.

991. Bad. ex Flor.: abrupta. Vulgo, inquit, obsita,

tenuerit, ut recte iudicat Wakefieldus, hunc locum com-
parans ad Lucretii 6, 1269: pellis super ossibus una,
ascensibus, tætra prope iam sordique sepulta.

1012. Bad. quoque Furiosa. Furiosus is dicitur,
a quo furor nunquam recedit. notante Serv. ad Virg.
Aen. 2, 407.

HERCULES OETAËUS

Verba 2. Tunc sae quae Rhine hinc domus. Orientis et
occidentis. 2. Rutilius Itinerar. 2. 205.

Quaefortaque refert: Pignobus interque diem.

186 Sp. rufit. sanguine. : Neenus. Dionys. p. 772. v.

10: περιρριπὼν τοὺς αἵμα. 15: Aeschyl. Agam. 1100.

20 98. *Tuatur infesta, tanquam idcirco repori*

35. Propter hoc malum quodcumque erit. Similis sunt

Herc. fur. 937 seqq. 2. J.N. E. ...

39. Enam. Bad. crederis quod est, inquit, totus prae-
stiti ab iniuria obligationis immortalitati mese prospexi

stili, ad injuria, periculum, immortalitati, meae prospexi.
Cf. 1576 8000

40. *Ursae Scythiae*. Subditum ex versu proximo

Bad, aliquæ intelligunt. Sed non est necesse.

45. Bad. quoque infra cum Gronovia, quod postulet ex-

cessi praegressum. Curt. 9, 4: Trahi extra sidera et

solem. Claudian. 7, 206: superate vapores Sōlis.

46. terra defecit gradum. Ovid, Met. 2, 382.

de sole: qualis, cum deficit, orbem, Esse solet, ubi

vid, Heims.

47. *Mine vir doctus: Laxata prior est nox. Apud Claudianum inquit de Bont. Proserp. 111. Plute*

Claudianum, inquit, i. de Rapt. Proserp. III. Pluto:
Præmordia testor Noctis: i. e. illam Noctem. Erebum

Primordia resor Noctis, i. e. Nam Noctem, Etendit,
e quo nata omnia. uti Gesperus accipit. Ovid. ex Ponto

1-8: 57:

libri, et sequente versu ipse pro ille ex Florentino, ipse, qui familiam ducit, coryphaeus laborum Herculis."

70. Bad. ex Ascensiana collo, conferens Herc. fur.

948. Probabilis lectio.

71. Sequitur et ipse Florentinum, rapit, humores in vaporem tollit (solvit, aufert humores.) Ovid. 2, 237:

Tum facta est Libye, raptis humoribus aestu,
Arida.

Claudian. 47, 34:

Quoque die Titida Cati flagrantis ardet,
Et rapit humores madidos.

(Recte haec quidem. Sed quod addit, trahere nimbos idem esse ac colligere, non semper, ut se res habet, sed et cum trahere significat quidem vox apud Ovidium Met. 3, 299. (nuncque sequentia trahit Nubila) similibusque in locis; contrarium vero indicat Sallust. Catil. 7. (ea res nos longe ab incepto traheret); apud medicos alibi quoque cum sonat abtrahere. Vidd. lexica.)

76. sparserit. Ovid. Met. 2, 195:

Sparsa quoque in vario passim intracula coelo.

77. ac p̄jua Styge. Praeclare Flor: ac levius Styge Irata faciat, h. e. usque eo durum ac ferum, ut infra Styga putes, ut Styga praeferas coelo; Frequens hoc sensu vox levis, docente Burm. ad Propert. 1, 4, 9.
100. Perfer Flor. et Vossian., quod accessivit etiam Bad., i. e. nuntia.

105. fuit, desit: vidd. Heins. ad Ovid. Art. am. 3, 113.

110. Nec pompae venret nobile ferculum, De Vita beata 55: Inalidum imponat ferculum, exornaturus victoris superbi ac feri pompam.

112. decipiat, destituat, elegantis verbi significatu: vidd. Priscaus ad Apul. Met. p. 447, Burm. ad Petron. c. 115, Ovid. Met. 5, 147 etc.

123. Bad.: nunc patriae messibus heu locus Et silvis dabitur, Manil. 4, 558: Sternet positas urbes, inque arva reducet.

Oppida, et in damnis maturas reddet aristas.

Stamus, superstitibus sumus patriae,

126. Brutus cinis, Ovid. ex Ponto 2, 2, 62:

Posse velim cineres abluere ipse meos.

131. Bad. quoque: contrahet, et 140: fugit, h. e. currit, labitur, de qua potestate vocabuli praeter Orbinovium laudat Burm. ad Valer. Flacc. 3, 584.

165. Perperam Bad.: Pro fato patuit, h. e., ut interpretatur Gron., pro fato fuit. Sic os ira patens dicitur (?) Valer. Maximo 3. Ext. 4.

174. Collapsa deis, in deos vel super deos prolapsa (una cum diis lapsa). Stat. Achill. 1, 195: saxo collabitur ingens Centaurus.

180. Quae prima querar? Virg. Aen. 4, 677: Quae primum deserta querar? ubi Serv.: Quid prius, quid posterius dicimus, ubi omnia et paria et magna sunt?

182. nec plura dedit, sed non pl. d., ut Virg. Georg. 2, 96: nec cellis ideo contende Falernis.

189. Bad. quoque: gemam, quod pulcre conveniat

145. Castitas Flor. (et sic etiam Bad.) Exemplis fuerat Heins. ad Ovid. Heroid. 15, 164.

Siculis additae saxia, atque sociae Sirenum, illa, saxa colentium. Verbi addere elegantiam illustravit Burm. ad. Valer. Flacc. 5, 286.

229. quisquis novit famulum regemque pati, qui sic se temporibus potest accommodare, ut nunc regis, nunc famuli partes bene sustineat.

239. Bad. quoque: Pufive clarum,

245. ferens, ut Lucan. 3, 174: magnoque exae-
stuat igni, Tratum te, Phoebe, ferens. Et 9, 564:

Ille deo plenus, tacita quem mente gerebat.

247. in vultus dolor praecessit. De Ira 1, 1: Ira se Proferat in faciem exis.

272. Profer manus quocumque. h. e. extende, quo sensu Plinius H. N. 2, 47. pedes (velorum) proferre dicit etc.

274. Reperi, excogita, comminiscere.

312. Pares eramur, videlicet, in amore. (Imo Pares eramur Herculi hoc impetu servato doloris. Possis etiam interpretari Pares sumus. Cf. not. ad Med. 111.)

317. coelo tenus Erecta. Pindarus, quem hic Noster imitatur, Nem. 8, 40. (secundum Thierschium):

*Ἀδελφὰ δ' ἀρετὰ, χλωραῖς ἑρσυσὶς ὥς ἐτε δένδρεον ἄσσει,
Ἐν σοφοῖς ἀνδρῶν ἀερεῖσ' ἐν θνητοῖς τε πρὸς ὄργην
Ἀΐσερα.*

318. terra parens. Μητέρα γῆνα dixit Eurip. Helen. 40. Chrysis: 7.

338. Bad. ex Flor. inspiciant, et saepius ea verba

permutari monet, ut apud Ovidium Met. 2, 92; 3, 69. (Sed praecessit simile in facie.)

343. De Ira 2, 36: Transfoderunt itaque amata corpora, et in eorum, quos occiderant, jacuere complexibus.

353. dum starent lares. Contemnitur enim homo sine lare. Tenuius (?) est, quod in Flor. legitur: cum staret patens.

359. Amat vel ipsum, id ipsum, ut explicat W. Ker. Silv. crit. p. 4. pag. 194.

361. aerumnas amat, Stat. Theb. 8, 559 de Istiene, cui casus amanti.

Squalor et indigni commendat gratia luctus.

365. Errare proprium (?) de amore Iovi, mobili ac perfido verbum est. Quid. Art. am. 3, 346.

*Quae vobis dicunt, dixerunt mille puellis.
Errare et in nullis scilicet moratur amor etc.*

373. Udum. Catull. 64, 317.

Laqueaque aridulis haerebant marisq. labellis.

380. Bad. quoque habet, *græco*, inquit, loquendi more. Iliad. 18, 515: *μὲν δ' ἄρ' ἔρεε, αἶε' ἔξε γέροντες*. Odys. 13, 245: *αἶε' δ' ὀύβρεος, ἔχει τε δ' ἀλλοῖα τ' ἑρπον*. Tacit. Ann. 3, 44. Arminium pro libertate bellantem favor habebat.

384. solis adspicis truncis. Longus Pastor. 3, p. 73. ed. Schaefer. in res simili *ταυτεῖς ἀπὸ κατὰ λαμπρόν*.

387. Nec illa Venus est. Horat. Od. 4, 13, 18: Quid fugit Venus? (imop Venus: nam res haec est, non persona,) etc. Cic. Epist. ad Att. 12, 14: perierunt illa, quae amabas.

389. Materque multum. Theocrit. 27, 30: *ταὐτὴν τρομέω, μή καὶ χροῖα καλὸν ὀλέσσω*.

390. Aetas. Ovid. Medicam. fac. 45: Formam populabitur aetas etc.

392. Bad. quoque: cultus. Cf. 360, Terent. Phorm. 1, 2, 56 seqq. Stat. Theb. 4, 740 seqq.

397. totis, omnibus. Cf. 383, 1625.

399. Bad.: quaeve mens quicquam deos Orabat ullos, nūribus etc. i. e. quaeve puella mente quicquam deos ullos orabat. Formulas mente deos adire, precari, orare, passim esse obvias.

411. Viva spolia ferae sunt exuviae leonis nativae, exas, non subactae. Martial. 12, 64, 6.

Sed tinctis gregibus colore uiuo.

445. Contempsit omnes. Epist. 4: Quisquis vitam suam contempsit, tuae dominus est.

446. ut laesa es, dolo. Ovid. Met. 10, 134: Ut leviter pro materiaque doleret, Admbruit.

447. Sensus est, quem eruit Perizoni ad Sanct. p. 176, an credis nuptae leve esse malum, malum pellicis. (Conforta profecto explicatio, cui quanta praestat Gronovii pellicis!)

460. Bad. ex Flor. novit infernus canis. Ceterum intactum reliquit locum difficiliorem et procul dubio corruptum.

478. Bad. quoque petis.

493. Idem ex Flor. et Lipsiana Qua trepidus asaris inserit Pindus caput, i. e., inquit, ingentis magnitudine terrorem incutens: quo sensu (?) trepidae litterae Curio dicuntur 2, 1, et trepidae noctes, Papinio 9, 622.

497. patuit, in formam suam rediit. (Imo manifestus factus est, qualis revera fuit.)

502. Bad. quoque silvis, ut pene summas, alvas, et buasse dicatur. Huvs. Cf. Sil. 5, 261 seqq.

515. vallibus, alveis. Cf. 85. Sulpicius Lupers. Sarc vastus od. Sapph. de Vetustate v. 5.

Aminis insueta solet ire valle,

ubi plura Wernsdorf.

519. Mortemque fixit, vulnus mortiferum inflixit.

520. Charis. p. 19. Putsch.: Hic tabus, το 249 pov, cruoris inquinatio.

537. Bene Bad. secundum Gron.: et tacitum (tectum, latens: vidd. interpp. ad Ovid. Met. 15, 275.) intus intrat medullas.

541. Bad. ex Flor.: Te deprecor, et mox: te affiger, et 545: ex numero, et 552. rabidum, et 561. nobiscum: Tuque, o noverca gravior irata.

567. gnavus. Flor.: novus pro navus: ita enim scribebant, ut docuit Heins. ad Ovid. Epist. ex Ponto 1, 10, 12.

568. Bad. quoque: ne pateant doli, et 578: cinctus ex Flor. Cf. Horat. Od. 3, 30, 16 etc.

582. Bad. quoque: legendam vicem.

619. *latus* (*εὐμεγέθης*), *magnus*. Pollux Onomast. p. 989. ed. Kühn: *εἰς μὲν μέγας ἐκαιῶν τὴν πόλιν, εἰποῖς δὲ εὐμεγέθην.*

622. *gemmiferi Istri*. Lucidum *adamanta* fert *Ister*, ut auctor est Dionys. Perieges. v. 318.

627. *Hebrum* inter *auriferos fluvios* refert Plin. H. N. 35, 21, 5.

628. *jungat Bad.* ex *Flor.*, *et sensu*, quem praebet Gron., ut *Hydaspes* continuare dicatur *rura*, per quae decurrit, et uni domino praestare. Cf. Sen. Epist. 89, et interpp. ad Petron. c. 48. et 77.

636. *Bad.* quoque: *ponat, condat, defodiat, et* 637: *calcet ut omnes Perdatque alios.*

645. *ducere* (*adducere*) *somnos*, *suaviter allicere.*

647. *atrahit, longiores et taedio plenas facit, interpres* Burm. ad Propert. 1, 14, 9.

656. *non strictus respicit enses.* Horat. Od. 3, 1, 17: *Detribus ensis cui super implia Cervice pendet etc.*

718. *Durissime Bad.*, *Distingue: et, fraudem* struit, et supple dixi, ut *Phaedri fab.* 1, 29, 10, *elapsa* frequenti, id quod docet Perizon. ad Sanct. p. 662.

721. *Bad.* quoque: *dolus.* Ex hoc ipso dolo me deceptam intellexi. Cf. Hygin. fab. 36, Sophoc. Trach. 705 sequ.

723. *Laxabat, aestu solvebat.*

728. *Bad.* ex *Flor.*: *vix quoque est monstrum* eloqui, *eleganti*, ut ait, *Graecismo*: vid. Heins. ad Ovid. Art. am. 2, 28. Sed friget quoque.

756. *Ipsa dicit, quo magis rei fides constet (?)*.

758. *Tumensque tacita sequitur.* *Nimis confidenter Bad.*: Huic loco nihil ad integritatem deest. quae pro praeterea ponitur, ut *Caedip.* 564 etc. *tacita, nutrix: vide*, quae annotat Gron. ad Hipp. 1085, sequitur, huc tendit, nos quaerit; quam verbi notiones explicat Burm. ad Valer. Flacc. 1, 3, *tumens* exquisite dicitur pro *moeata*: cf. de hoc usu Bentl. ad Horat. Art. poet. 197. (*Ferri non possunt ἀνερδὲτος composita verba tumens et tacita Tumens haud dubie depravatum.*)

753. *Ille, ille victor.* Troad. 791: *Ille, ille ferox etc.*

763. *Nobiscum haec Bad.* distinxit ex sententia Jacobi Gron.

768. *Bad.* quoque: *ipsae colus.* Incertus poeta Anall. vet. poet. graec. 3, p. 275. (Antholog. Palat. ab Jacobsio ed. 2, p. 67):

Διὸς Ὀρευσάσιον, ἵδ' ἔδρακ' ἔτην δ' αὖ τέκην.
 Πέλλαν δ' ἐμαίνοισα μὴ τὸν αἰὲς βλάηται οὐ Μοῖρα.

811. Mortem metu consumpsit. Imitatur Stat.
 Theb. 10, 563: Consumpsit ventura timor.

Bad. quoque: parvum. Lucan. 2, 128. parvum sed
 fessa senectus Sanguinis effundit jugulo, ubi plura
 Oudendorp.

813. cadaver, morti vicinum, animam agentem.
 (per prolepsin.) Epist. 70: jam non reum, sed funus.
 Lucan. 3, 720: ingentem militis usum.

Hoc habet ex magna defunctum parte cadaver.

(Cf. not. ad. 1245.)

820. inferius tamen Ettela fugient. Cf. Ovid.
 Met. 9, 217 sequ.

854. Bad. quoque: premit.

846. levis, imbellis, muliebris.

854. perdidit erepto Hercule Et ipsa popu-
 los. Flor. et Lipsian.: perd. sola Herculem, Et
 ipsa populos. Optime. sola dicit propter illud no-
 verca pejus irata malum. Supra v. 440. Nutrix ad
 Dejaniram:

Quem nec noverca potuit, hunc perimes viram?

Infra v. 940. Dejanira: Juno non ausa Herculem
 est Eriperet terris. Et ipsa populos ad Phaethonta
 spectat. Ovidius Met. 2, 215. in ejus fabula: magnae pe-
 reunt cum moenibus urbes,

Cumque suis totas populis incendia gentes

In cinerem vertunt.

(Hoc profecto est in via media subsistere. Scribendum
 sine controversia perdidit in solo Hercule Et ipsa
 populos, quod jam in priore ed. mea posueram.)

859. Cur deinde ferrum? Ita loquitur etiam 1408.

889. quaerit, cogitat, cupit. Propert. 2, 2, 5:

Liber eram, et vacuo quaerebam vivere lecto.

ubi vide criticos.

899. Nemo nocens sibi ipse poenas abrogat.
 De Ira 1, 14: Nemo invenitur, qui se possit ab-
 solve, et innocentem quisque se dicit, re-
 spiciens testem, non conscientiam. (Quid haec
 ad rem?)

931. Mordicus retinet. Bad. vulgatam lectionem hanc

Sed saepe donum in pluribus venias fuit, quae lectio ne latina quidem est. Seneca, ipso laudante, De Ira 1, 16: Interim optimum misericordiae genus est occidere.

934. illic, apud Inferos. Eurip. Hec. 418:

Ενὶ δ' ἐν ἔδον νεισομαι χερσὶς σέθεν,

Propert. 1, 19, 3:

Illic formosae veniant chorus heroinae.

960. Bad. secundum Gron.: Belis in ferro stetit. Apul. Met. 3, 47: cum me viderent in ferro. Ovid. Met. 8, 313: primis etiamnum Nestor in armis. ubi vide criticos.

990. Quam in luce tribui, in luce danda. Lucan. 1, 115: si tibi fata dedissent Majores in luce moras. (Moras in luce recte dicitur; quam in luce tribui olet soloecismus. Bene Gron. in praefat.: Quam luce Non semel in littera peperit istam praepositionem.)

1003. angue vipereo. Intellige cerasten, qui vipereum est genus, juxta Nicandrum Theriac. v. 307, et quem crinalem attollit longo stridore Megaera Statii Theb. 11, 65. Aut lege cum Heinsio: igne vipereo, ut Annaeus per vipereum ignem oculos serpentum ardentes ac scintillantes innuat. Nihil ea conjectura speciosius esse potest.

(Mihi non sic videtur, insolentiam ejus metaphorae consideranti. Legendum, si quid video:

Quenam ista torquens ungue vipeream comam.

Unge, digito, manu. Saepe à pro u, et contra, scriptum in codd. Factum autem vipereo, ex quo legi coepit angue, ut huic vocabulo accommodaretur. Ovidius de Furiis Met. 4, 453:

Carceris ante fores clausas adamante sedebant,

Daque suis atros pectebant crinibus angues.

Simile quiddam dicit Seneca. Vipereus earundem deorum crinis notissimus, quem et Discordiae tribuit Maro Aen. 6, 279.)

1004. cassis pinnas. Furiis alas jam ab Euripide (Orest. 317.) tributas esse, docet Böttiger in: Die Furienmaske pag. 35. (Ante monuerat clariss. J. H. Vossius Mytholog. Br. 2. p. 12.) Alatum quoque Megaeram facit Virg. Aen. 12, 848.

1007. diva. *Θεὰ δακρυλόητος* Euripidis est apud Home-

rum, Odyss. 15, 254. Sic Mædæ apud Ophitæam hyemem
in Furias vi. 2, 111. Sic Mædæ apud Ophitæam hyemem

1008. carceris. Thyest. 16:

Quod ipsa castos carceris diris horreat.

(Cf. Ovidii locum laudatum ad 1003.)

1012. Pallens Tisiphone stetit. Exemplo Furiarum
agentis Orestem in Winkelmanni Monumentis. 2. 151,
ut monet Böttiger. libelli modo laudati p. 71. Pallidum
dixerat Virg. Georg. 3, 552.

1013. reposcit Bad. ex Flor.; quod haud scio ubi non
sit soleo cum, nisi compositum usurpatum dicas pro sim-
plici, quod nolim.

1018. Decurrit orbis. 1588: mille decurrunt
ferae, ne cum Heinsio legas Incurrit.

1030. Bad. quoque: verum et eripiam scelus.
Ovid. Met. 14, 401: Criminibusque premunt ve-
ris. Cf. Trist. 3, 2, 5; 11, 33. Et diversa tempora jun-
gere, non est novum. (Cf. notata ad Herc. fur. 1038.)

1044. Et silva residens venit. Vid. de eadem re
Sil. 3, 620; 11, 474, 469 seqq.

1054. Bad. cum Flor. hoc ostendat: ad c. v. tuos
Ipsis cum latebris ferae, inde fecit cum Heinsio:

Ad cantus veniunt suos

Ipsis etc.

suos, ejus, quod pedestre. Ovid. Pontic. 1, 7, 48:

Si sua per vestras victa sit ira preces.

Cf. Sanctii Minerv. 2, 12.

1060. oblita veneni. Sil. 5, 301.

Ad quorum cantus serpens oblita veneni.

1065. Et tristes Erebi deos Movit. Similiter
Ovid. Met. 10 45 sequ., Manil. 5, 348. seqq.

1072. Audito quoque navita. Bad. secundum
Clerkium Specim. 1. Observat. ad Lucanum p. 22: Au-
dito quoque navita, i. e. auscultante, aurea admo-
vente. Aurita querens in re simili dixit Horat. Od.
1, 12, 11, ubi vid. Mitsch.

1094. Et qui dictum accipe pro et in eum, qui.
Multis hoc loquendi gentis illustrat Perizon. ad Sanct. p.
209. Quatuor est dissyllabum, movente jam G. Fabri-
cio. vid. et Voss. de Arte gramm. p. 158 et 232.

(Imo Et qui etc. dictum pro eo, quod est Et deum
(datum esse: nam id intelligendum ante abscit, praegresso

data), qui tempora digerens etc. De vocabulo quatuor διοσκόλλας, pronuntiando, similiter Ennius apud Cic. Divin. 1, 48:

Cedunt ter quatuor de coelo corpora sancta.

Est cum antiqua sectatur Seneca.

1102. obrutis, deletis, oppressis legibus, quae mundum continent. Obrutis, his illato obruet in proximis, ut his cadet et deinde cadent legitur Thyest. 855 seqq.

1115. mors aliqua. Non audiendus Heins., qui ponit nox alia. (Certe scribendum est aliqua, aliqua ratione, h. e. quocunque modo, quia mori, proprie non possunt dei. Mors aliqua casu recto friget, cum sequatur

*Et mors fata novissima
Ipsi constituet sibi.)*

1120. Bad. quoque: Fractis. Cf. 1136, 1150, Nat. Quaest. 6, 32 (frangatur licet coelum etc.), Horat. Od. 3, 3, 7. (Si fractus illabatur orbis etc.) Confunduntur ea verba etiam apud Ovidium Fast. 1, 563.

(Debile genus argumentandi, sic vel sic locutum esse aliquo loco scriptorem veterem propterea, quod vel ipse vel alii ita sint locuti. Variant scriptores, praesertim eloquentes, quorum e numero est hic noster.)

1125. Bad. ex. ed. Paris. anni 1545: quis superus locus etc. Verum quomodo superus locus is dicendus est, quo maria conferantur, quae ad infima tendunt gravitate sua, et Tartara, mundi illa ultima, ut alibi dicit Seneca, et velut fundus naturae? Ne dicam, nihil interesse, superusne an inferus sit locus, in quem omnia sine discrimine constipentur.

1163. trepidis Titan equis. Herc. fur. 60:

*Viso labantem Cerbero vidi diem,
Pavidumque solem.*

1167. nec instar montis abrupti latus, latus montis. Cf. de eisdem, quod positum est, nominis ellipsi Sancti. Minerv. p. 542.

1177. foemina Herculeae necis. Apposite Tacit. Ann. 2, 71. de Germanico moribundo: Illacrimabant, quondam florentem et tot bellorum superstitem muliebri fraude cecidisse.

1179. Invictam necessitatem San. dixit epist. 30.

1182. Minae significant rem minas firmante, inten-

tatique periculi discrimen, ut ἀπὸ λῆ Graecorum. Cf. 1319, 1381, 1462, Hipp. 952.

1200. leto inclito. Vid. Ernest. ad Taciti modo laudatum locum.

1214. Male Bad. quoque: Si tua etc., cui Florentinus ipse praebebat. Sed. Ceterum haud inepte laudat Aelii Ausonii illa apud Apollonidam epigr. 12, 6:

Ἀπὸ δὲ ἐκὼν ἐδάμην, μὴ νόσος εἶχος ἔχοι.

et Nonnum Dionys. p. 604. v. 15. de Oronte, qui sibi manus attulit, ne ignobili mortis instrumento caderet, thyrsos. Recte quoque verba tua causa necis accipit pro hoc. tuae necis causa, quae non infrequens est enallage; qua de re adiri jubet Cortium Cic. Epist. famil. 16, 7. (Testimonium meum etc.)

1217. dext. a tui. Exempla constructionis vide apud Perizon. ad Sanct. p. 251. et Davis. ad Caesar. Comment. de Bello gall. 1, 4. (Similiter 1243. scripsimus moles mei, quod habent Fernand. et Cajet.)

1218. Scorprios. Vidd. interpp. ad Ovid. Met. 2, 196.

1221. Bad.: Tumidi vigor pulmonis, quemadmodum venarum vigorem Sen. dixit De Provid. 3, pulmonum vim Cic. Tusc. Disp. 1, 16.

1240. Elisit dictum Badio videtur respectu angustiarum freti Gaditani. Angustissimum pelagus vocat Mela 2, 6, 60.

(Assentior Gronovio, cum praesertim modo legerimus Elisa.)

1244. Bad. quoque: quis mea custos manu Trahetur ultra Stygius?

1245. Bad. secundum Lipsium: ubi vires prius in me? sepultae. vires prius in me, scilicet οὖσαι. De hac ellipsi cf. Sanct. p. 572. ibique Perizon. Milo Crotoniates ap. Cic. De senect. §. 27: At hi (lacerti) quidem jam mortui sunt. (Inelegans loquendi forma. Et quorsum pertinent verba quid patrem appello Jovem? nisi in vicinis fuerit vox patris?)

1246. quid patrem etc. Alexander vulneratus, apud Hunc nostrum epist. 59: Omnes, inquit, jurant, me Jovis esse filium; sed vulnus hoc hominem esse me clamat.

1262. derecta cute. Cf. Ovid. Met. 5, 387 seqq.; 9, 167; Ibid. 553.

1271. ante omnes, coram omnibus. Cf. 1276 seqq. etc.

1272. Fletum abstulisti, invito expressisti. 1711: si voces dolor Abstulerit ullos.

durior saxo etc. Moschus idyll. 4, 44: πέτρης ὄγ' ἔχων νόον ἢ σιδηρὸν καρτερὸν ἐν στήθεσσι.

1274. Recte Bad. secundum Heinsium: Ritus meos infregit, h. e. mores, severitatem et fortitudinem. Cf. 1266 seqq. Stat. Theb. 12, 535: patriae ritus fregisse severos etc. Plin. H. N. 24, 1: Magnitudo populi Rom. perdidit ritus etc. Et crebro haec vocabula misceri ostendit Burm. ad Lucan. 6, 507.

Bad. quoque: expulit.

1278. Incaluit ardor. Heins.: Invaluit. Sed alterum imitatione Nasonis dictum est. Met. 9, 161: Incaluit vis illa mali.

(Recte Ovidius. Sed Incaluit arder et parum est pro tanto ardore, et ταπτολογικόν.)

1289. Bad. secundum Zinzerlingium: Selis adulti. Petron. de Mutat. Reip. Rom. 148: non solis adulti Mansuescit radiis, i. e. aestivi, ut interpretatur Wernsdorf., comparans hunc locum ad Petronii.

1307. Bad. secundum Flor.: Properante morte. Perime gnatum cita morte. Hercules ad Plutonem Soph. Trach. 1042:

Ἐθνασον, ἐθνασον μ', ὀκνεῖται μόρω
Τὸν μέλεον φθίσας.

Eurip. Hipp. 1047:

Ταχὺς γὰρ ἄδης ῥᾶστος ἀνδρὶ δοσυνχεῖ.

1329 sequ. Bad.: si qua nascentur mala, Nascantur ocus. Sed quid attinet, ocus nasci moriente Hercule, nihilque ad ea valente? Rectum haud dubie „otio, pace, quam orbi paravi,“ quod argute dictum, more Senecae: nam et otium paxque mala sua trahunt, sed sera neque immedicabilia.

1346. Bad. quoque: sed umbram et vile nescio quid mei. Οἰδίπῳ τὸδ' ἄσλιον εἶδωλον dixit Soph. Oed. Col. 110. Cf. Philoct. 946, ibique Brunck.

1348. Bad. quoque: mergis, dejicis, ut loquitur Valer. Flaccus 7, 514. Quinctilian. Declam. 19, 4: Meris tantum dejectisque luminibus. ubi vide Burmannum, hanc lectionem pluribus adstruentem.

1361. bibit. Ovid. Met. 9, 172: sorbent avidae praecordia flammae.

1386. Bad. quoque: toros, lectum, *δύνα* Soph. Trach. 901.

1391. et quidquid furit. Solum quoque ingens surgat, hinc illinc frequens. Bad.: et q. fuit S. q. i., s. h. i. frequens.

1393. immittat, alligatos arbori flexae remittat et distrahi faciat, ut explicat Gron.

(Imo: aptet, alliget, arboribus. Frustra emittat legendum suspicatur Valcken. ad Eurip. Hipp. 977.)

1394. Sparsus. Cf. Ovid. Met. 7, 440.

1399. Bad.:

Ubi morbus? ubinam est? estne adhuc aliquid mali.

In orbe? me eccum! veniat huc. aliquis mihi

Intendat arcus. nuda sufficiet manus.

Procedat, agendum, huc.

(Si arcus tenditur, quomodo nuda est manus, h. e. inermis? Legendum: Veniat huc aliquis mihi. Ntendat arcus, nuda sufficiet manus. Non ita facilis res erat Herculis arcum tendere (vide Herc. fur. 1097 sequ.), ut id praestare posse videretur aliquis, *ὁ ῥαγὼν*, primus obuius, irgend einer. Quamoprem heros addit Ntendat arcus, Nisi tendere arcum valeat, vel inermis poterit nunc me occidere.)

1411. turpis manus. Cic. Tust. Disp. 3, 17: Quid est autem nequius aut turpius effoeminato viro?

1424. Bad. quoque: eripuit. Hyllus 751: O mater, abiit.

1426. Parcamque fatis, ne fata onerem retexendo calamitatem meam.

1440. Cubile video noctis. Stat. Theb. 10, 84: occiduae nebulosa cubilia noctis.

1459. Coeci dolores, quorum causa ignoratur, ut interpretatur Heins. ad Ovid. Met. 3, 490.

(Lectio *ἀνποδιδνωσος*. Flor. Recte dolores, Crusser. et Cantabrig. Coeci doloris; unde fecimus: Recte dolori est, merito id mihi delet: nam meis manibus debuit mori.)

1465. Bad.: Occidit dextra sua, (5) Tuo dolori plura, quam possis, tulit. Et dolori quidem Flor.; sed, quanto hoc est efficacius: Occidit Dejanira manu sua,

et tuo dolore, dolore, qualem tu nunc sentis, ο Hecules, acerrimum.

1475. Nemus, Delphicam laurum, quae lationibus erat foliis et fruticosissimis ramis: vid. Musgrav. ad Eurip. Andromach. 1118. Nemus etiam una arbor dicitur, ut docet Burm. ad Ovid. Her. 15, 160. Parnassio mugitu, responso Apollinis. Vocem Parnasiam dicit Valer. Flaccus 3, 618. Quod ad geminum oraculum attinet, Dodonaeum Delphico confirmatur. Plut. Lacon. Apophthegm. 2, 4: τὸ χρησθὲν (Dodonae) ἀνήγγειλε τοῖς ἐφόροις. οἱ δὲ ἐκέλευσαν αὐτὸν (Agesilaum) καὶ εἰς Δελφοῦς ἀφικόμενον περὶ τῶν αὐτῶν πυνθάνεσθαι. Πορευθεὶς οὖν εἰς τὸ μαντεῖον ἐπρώτησεν οὕτως· Ἀπολλων, ἥ δοκεῖ σοι, ὁ καὶ πατρὶ; σπναινέσαντος δὲ αἰρεθεὶς οὕτως ἐστρατεύσατο.

1484. Etiam Bad., ut nos.

1534. numerosa pestis. Cf. Ovid. Met. 9, 70 sequ.

1536. Arcadum, populi vetusti. Cf. 1884, 5.

1560. o dices, i. e. reges.

(Frigida explicatio. Flor.: o duces, ex quo facile Jacob. Gron. in schedis Dietz. eruit audaces, audaces dextras tyrannorum, quos compellari monet praegressus versus. Id verissimum.)

1562. nos sequitur Bad.

1586. quiescant, celebrare desinant. Vid. Burm. ad Propert. 2, 18, 25.

1595. mundus (coelum) tonat. Apollodor. Bibl. I. 2. c. 7, 7. §. 15. de eodem: καιομένης δὲ τῆς πυρᾶς λέγεται νέφος ὅπου τὰν μετὰ βροντῆς αὐτὸν εἰς οὐρανὸν ἀναπέμψαι.

1599. Lasso an pondus. Ovid. Met. 9, 273: Sensit Atlas pondus.

1611. Male Florentino. etiam Bad. obtemperans: qui sub hoc mundo Hercules Immune nil reliquit. Id est, inquit, nihil intentatum reliquit, et confert, quae et Heinsius, Herc. fur. 955 seqq.

1627. Bad. quoque: incussus. Cf. Sil. 2, 198; Lucan. 3, 491 seqq. etc. Certat Seneca cum Marone Aen. 2, 628 seqq.

1631. radios locus Admisit omnes. Stat. Theb. 9, 534: Getico qualis procumbit in Haemo
Seu Boreae furiis, putri seu robore, quercus
Coelo mixta comas, ingentemque aëra laxat.

1633. domos. Virg. Georg. 2, 209: Antiquasque domos avium.

1636. Servavit Bad. ligno. Lucan. 2, 104: nulli sua profuit aetas.

1639. Bene Bad. secundum Heinsium: Raptura flammæ pinus. Flor.: Raptura fl. p.

1640. Frustra est Bad., ita hæc distinguens:

Et brevior ilex. silva contexit pyram

Populea, silva, frontis Herculeæ decus.

Legendum fortasse est: Et brevior ilex; alba sed complet rogos P. silva etc. Nam populus alba sacra Herculi. Theocritus 2, 121:

Κρατὶ δ' ἔχον λεύκαν, Ἡρακλῆος ἰσθὺν ἔργος.

Cf. 790. Scriptum forte alua pro alba ita degeneraverit. Frontis recte Bad. cum Heinsio, neque nos aliter in ed. priore.

1648. Accipe hæc, inquit, sate Poeante, dona; munus Alcidae cape. I. e. ita cape, ut in beneficio ponas. (?) Inter donum et munus quid distet, vide Ernest. Lat. Synonymik 1. p. 367.

(Apage talia discrimina a poëtis. Legendum, nisi omnia me fallant: Accipe hæc (arcus et sagittas: vid. Hygin. fab. 36), inquit, sate Poeante: dono: munus Alcidae cape. Dono tibi; itaque tu lubens cape munus Alcidae. Jam numeri quoque fortiores, tertiam sedem occupante spondeo.)

1655. de coelo fluent, decident, descendunt. Verbi fluere elegantiam illustravit Burm. ad Ovid. Amor. 3, 2, 14.

1662. Bad. quoque: per ignes, h. e. dum uror. Lucanus 2, 57: collatus in ignem

Plurimus ad terram per fulmina decidat aether.
ubi vid. Burm.

1669. Bad. ex Flor.: Deduxit. Ovid. Met. 3, 480:

Dumque dolet, summa vestem deduxit, ab ora.

ubi vid. Heins., et Burm. ad Amor. 7, 48, ubi discrimina verborum deducere et diducere constituit.

1671. pulsans Jovem. Pulsari dicuntur omnia, quae sollicitantur, evocantur et quocunque modo poscuntur, ut monet Barth. ad Stat. Theb. 4, 477.

1672. voce foeminea, impatiente. Virg. Aen. 11,

878: percussae pectora matres Foemineum clamorem ad coeli sidera tollunt. ubi vid. Serv.

1674. Deforme, luctu. Ennius apud Cic. de Senect. §. 74: Nemo me lacrimis decoret etc. ubi Tullius: non censet lugendam esse mortem, quam immortalitas consequatur.

1674. introrsus dolor. Consolat. ad Polyb. 24: Projice omnem ex toto animo dolorem; minus, introrsus abde et contine, ne appareat.

(1679. et dirum fremens. Bad. quoque silentio praeterit hunc locum. Sero video, dirum fremorem minime convenire mentis statui Herculeae, qualis nunc describitur, sedato et deum jam spiranti. Scribendum divum fremens, h. e. deum, sive divinum aliquid nec per verba, qualibus vulgo utuntur, expressum, sed plenum sublimioris cujusdam laetitiae, *Σείον τι βρεμόμενος*. Virgilius Aen. 9, 636: Teucrici clamore sequuntur,

Laetitiaque fremunt, *animosque ad sidera tollunt.*

qui locus est, praeclarus. Cf. Nemesiani laudatum ad 1796.)

1685. quanta pax obitus tulit, quam placide mortem obiit. (tulit dictum videtur pro extulit sive sustulit, quemadmodum Horat. dixit Od. 3, 23:

Coelo supinas si tuleris manus.

Pace animi obitum Herculis supra humanam conditionem evectum fuisse dicit. Possis tamen et accipere pro eo quod est quanta animi tranquillitate obitum passus est. Sed alterum illud longe *ποιητικώτερον*.) De Constant. Sap. 5: inter fragorem templorum super deos suos cadentium uni homini pax fuit. Ovid. Met. 2, 858. de Jove tauro: Pacem vultus habet. Neoptolemus moribundus apud Euripidem Andromach. 1146: *ἐν δία δ' ὀπῶς*

**Ἐστὴ φαεινὸς δασπότης στίλβον ὀπλοῖς.*

1704. mortis infernae. Frigidum Heinso visum epitheton, quia non est alia mors quam inferna. Sed Quintilianus 8, 6, 40: Poëtis, inquit, satis est, *ἐπί-Σερον* convenire verbo, cui apponitur, et ita dentes albi et humida vina in his non reprehenduntur. Apud oratorem, nisi aliquid efficitur, redundat.

1732. ingemiscit ignis. Par ignis miraculum narratur Thyest. 767 seqq.

1738. Nunc, o parens Hercules. Flor.: N. est p. H., ex quo recte Bad. cum Heinsio Gronovioque fecit Nunc es par. Cf. 1674 seqq.

1739. Praeter necessitatem Bad.: sic decet ferri Herculem, i. e. efferri.

1742. Frustra idem ex Flor.: Correpta terreus membra.

1743. Gerit aliquid ardens. Oportet enim Sapientem in actu mori, quemadmodum loquitur Sen. Epist. 8. Cf. De otio Sapientis c. 28, Plut. Vit. Lycurgi c. 29, 3.

1749. Bad. quoque: minima.

1795. graves, verendae: Antipater Sidon Epigramm. 40, 3: κόμην Ἡρακλεος Σεμνάν δ' ἰπτήραν. Cf. Lucian. Cynici c. 14, Plin. Epist. 1, 10, 6.

1772. Etiam Bad.: aut quas.

1788. fervidae plagae, Libyae, quam plagam ardentem dicit Claudianus 18, 179.

1796. Recte Bad. ex Flor.: Utero timendo, i. e. cum uterus timeretur (propter timendum uterum). Med. 651: perarate pontum Fonte timendo, Némésian. de Laudibus Herculis 22: sed regia Juno

*Impedit et partus prohibet nascique vetabat,
Ut metus ipse deum monstret.*

1800. Miseros Alcmena vocat lares ob miseranda parentis fata, de quibus Hesiod. Scut. Herc. 11.

1801. Bad. secundum Heinsium ad Ovid. Heroid. 14, 19: Marita Thebas regna etc.

1808. Bad.: Ut hoc daretur.

1812. terram, Arcadiam.

1827. Hic totus orbis etc. Similiter de Alexandro Addaeus epigramm. 10. (Antholog. Palat. a Jacobsio ed. 1. p. 376.), Lucanus de Pompejo 8, 798. sequ. titulus, epitaphium.

1836. Bad. quoque: vetant.

1838. quaque purpureus dies. Cf. Virg. Aen. 7, 100 seqq.

1839. clara rota. Currum nitidum dixit Flaccus Carm. secul. 9.

1849. Deflevit aliqua mater. Deflevit absolute dicitur, ut Virg. Aen. 11, 59: Haec ubi deflevit etc.

Næque aliter Propert. 1, 16. 13. Tacit. Ann. 16, 13: Dum adsident, dum deflent etc. Ovid. Met. 6, 560:

Forsitan audieris aliquam certamine cursus
Velotes superasse viros.

ubi vidd. interpp.

1860. Brevi jam dictum ut posthac jam Terent. Heaut. 4, 3, 1.

1861. invidiam ut deis Lugendo facias, ut dei male audiant ob tuam infelicitatem, ut explicat Gesner. in Thes. L. L. Cf. Burm. ad Ovid. Met. 4, 547.

1862. genus, gentes omnes.

1875. Bad. quoque: cara. Cf. Callim hymn. in Delum 272. seqq. Nemesian. de Laudibus Herculis 131: Idam Superis spectantibus ignis

Dissipat, et magno cunabula grata Tonanti
Ignem suum monstrum, si fas est dicere, vincit.

1884. Frustra Bad. vulgatum Phoebo adstruit illo Statii loco (Theb. 4, 275.), quo Arcadas vocat astris Lunaque priores, quod pro astris sive astro Lunae dictum est per *ἐν δὲ δὸν*, ut Horatii robur et aes triplex etc.

1888. Bad. quoque: agris.

1890. Totum pennis velata diem, cujus pennis velata est dies omnis. Hypallage, ut apud Horatium Sat. 1, 6, 74. (suspensi loculos tabulamque lacerto.)

(Bene ibi Heindorf.: „Suspensi hier qui sibi suspenderunt, nach dem griech. perf. med. *ἐξηρτησθαι* construi, *ὁ τὴν πῆραν ἐξηρτημένος* Lucian. Vit. Auct. 7. So Virg. Aen. 10, 157: Aeneia puppis Prima tenet rostro Phrygios subjuncta leones.“)

1900. rapta. Cf. 412.

1904. Pondere liber spiravit Atlas. Cf. Lucian. Charont. 4.

1918. Ad quod populos Natura vocat. Similiter Plut. Consolat. ad Apollon. 55: *καλοῦσης αὐτῆς (φύσεως)*.

1935. Vallare non infrequens in describendis capitum tegumentis terrorem incutientibus, ut monet Wakef. ad Lucret. 4, 591.

1964. puppis furva. Leonidas epigr. 59, 2. (Antholog. Palat. ab Jacobsio ed. 1. p. 325): *τοῦτ' Ἀχέρωντος*
Ἰδωρ ὃς πλώεις πορδαῖδι κυανέῃ.

1967. ignis evictus tulit. Propert. 4, 7, 2:

Luridaque evictos effugit umbra rogos.

1992. Vultum etiam Lucanus tribuit feris 4, 238.

(Alioqui nota regula Frontonis p. 2193. Putsch.: Vultus proprie hominis, Os omnium.)

OCTAVIA.

Vers. 20. lux est etc. Bad.: nox est, nec deesse monet exempla similis variationis: vid. Burm. ad Ovid. Fast. 6, 711, Trist. 1, 3, 5.

53. mutat, repudiat.

70. meos, proprios, cum fratre non amplius communicatos: nam, ut ait Claudian. 36, 197: levius communia tangunt. Cf. Troad. 1011 sequ. Agam. 664 sequ.

100. Toleranda quamvis (h. e. quantumvis, quanta jubes patientia) patiar. Tacit. Ann. 13, 16. de Octavia: Quamvis rudibus annis dolorem, caritatem, omnes affectus abscondere didicerat.

133. maritum, maritale.

134. Bad. secundum Heins. et Gron.: Emergere umbris, h. e. emerge te. Hipp. 1200: Condere Acherontis plagis. Umbra non unda misceri solent: vid. Drakenb. ad Sil. 4, 681.

156. sacri, sacra manu gubernati, augusti, qui imperatori Rom. paret, quem quidquid contingeret, sacrum et divinum dicebatur.

170. Bene Bad.: cui lacrimas tulit, cum sequatur Dedit. Solemnis horum vocabulorum permutatio: vid. Burm. ad Lucan. 4, 245.

194. famula, Acte, liberta. Vid. Tacit. 13, 46.

199. Idem ibid. 45. de Poppaea: Mater ejus, aetatis suae foeminas pulchritudine supergressa, gloriam pariter et formam dederat; opes claritudini generis sufficiebant.

212. cujus gener est, Qui fuit hostis. Subleget Ovidio Trist. 3, 5, 43:

Junonis gener est, qui prius hostis erat.

Apollo. 2, 7, 7: διαλλαγείς Ἡρα τὴν ἐκείνης θυγατέρα Ἡβὴν ἔγημεν.

232. Bad., Heinsio obtemperans: infaustam, quia praecessit infesto. Constat misceri haec vocabula.

234. frigido, frigore. Quaest. nat. 6, 13: Frigidum et calidum semper in contraria abeunt, — ibi calidum est, unde frigus expulsū est.

246. Frustra et temere conjunxit exemplo Lucretii 5, 1000:

Nec temere, in cassum, frustra mare, saepe coortum, Saevibat.

ubi Wakef.: Ut signatiorem sensum daret — voces synonymas cumulavit — quod et alii scriptores castissimi saepenumero fecerunt.

261. Illo, illuc, ut isto dicit Ovid. Her. 18, 205, ubi vid. Burm.

279. Edat partu. Cic. Tusc. Disp. 2. §. 20. e Sophocle: una vecors Oenei partu edita.

309. Bad.: H. q. nati v. n. S. magnum, cum etc.

313. placidos. Tacit., rem narrans Ann. 14, 5: Noctem sideribus illustrem et placide mari quietam, quasi convincendam ad scelus, dii praebuere.

325. nudi. Lucian. de Merc. cond. 1: ἄλλοι κακῶς ἐξενήξαντο γυμνοὶ etc. Frustra Heins.: udi.

350. tacitis, occultis, tectis, ut monet Heinsius. Tibull. 4, 2, 8: in tacito gaudeat ille sinu. Valer. Flacc. 4, 4:

Ut nova nunc tacito sub pectore gaudia tollunt.

Et sic passim.

354. lenta, languida. Cf. Ovid. Heroid. 18, 162 sequ.

377. potens Fortuna. Symposius Anthol. lat. 1. p. 556: O Fortuna potens etc., ubi vid. Burm.

fallaci mihi. Praecessit me. Sed plura ejusmodi negligentiae exempla prbtulit Burm. ad Propert. 2, 11, 29. Qui tamen probat Gruteri nimis Anthol. lat. 1. p. 556.

387. Audacter Bad.: molis et cursus sacros. Lucret. 5, 97: ruet moles et machina mundi. Ovid. 1, 258: et mundi moles operosa laboret etc.

391. Qui se senescit. Ἀθάνατον αὐτὸν καὶ ἀγήρως esse vult Plato ap. Polluc. p. 159. ed. Kuhn.

392. adest. Cf. Thyest. 878 seqq.

393. ille. Propert. 2, 19, 20:

Non labor Alcidae, non niger ille dies.

413. Bad. quoque vomere.

423. Bad. secundum Heinsium: — feros Hominum, ac cruentas etc. Et prae buerunt MS. Ultraj. et Ascensii nostraque edd.

448. Ut facta etc. Reticetur vereor, aut vide. Plaut. Curc. 2, 2, 7: operam ut det. Cf. Terent. Heaut. 4, 1, 4. et utrobique interpp.

455. jacentem, remissum. Cf. Thyest. 197 etc.

461. Despectus ensis faciet uno tenore Bad. Et recte, id quod sero intelligo. Despectus abs te 458. Neque enim auscultarim Grutero, ita explicanti: Ille ensis, quem nunc modo cives mei despiciunt.

485. Invidia in adoptivum. Tacit. Ann. 12, 25, 41. consensu. Galba ibid. 1, 16: adoptandi iudicium integrum, et, si velis eligere, consensu monstratur. Sit ante oculos Nero.

486. Bad. secundum Lips.: senatus equitis accensus favor: Plebisque votis atque iudicio patrum Tu pacis auctor etc. Claudian. 3, 40. de Stilichone: laetatur eques, plauditque senatus,

Votaque patricio certant plebeja favori

patrum, patriciorum. accensus. Rutil. quoque Itinerar. 1, 202:

Nuntiat accensus plena theatra favor.

ubi Wernsd.: „accenditur favor, quando crescit et aestuat, ut erumpat in voces et plausus. auctor pacis Nero dicitur, ut Nasoni Augustus Fast. 1, 287 sequ. Monet Heins.

489. Sacra species est imperatoria dignitas, ut Claudian. 4. Cons. Honorii 83:

Amisssa specie raptisque insignibus ambo

In vultus rediere suos.

Horat. Epist. 1, 6, 49:

Si fortunatum species et gratia praestat.

h. e. magistratus consularis aut praetorius, etc.

501. altos per honorum gradus. Velut sedem auream in curia, quae sedes propria erat Jovi Capitolino. Vid. Sueton. Caes. 76.

513. per putres vultus. Corn. Severus de Morte Ciceronis:

*Oraque magnanimū spirantia paene virorū
In rostris jacuere suis.*

Gf. v. 16, Martial. 3, 66, 2 sequ.

517. Bad.: — cedentes suis.

*Concussus orbis viribus magnis ducum.
Superatus etc.*

cedentes suis, cives a civibus victos. Cedere pro vinci frequens est: vid. Duker. ad Flor. 1, 14, 2; 2, 6, 61. Gf. Cic. de Off. 2. §. 40, Martial. 9, 66, 4. Sui opponuntur extraneis. Rutil. Itinerar. 1, 15:

Nec putat externos, quos decet esse suos.

concussus orbis, bello Actiaco. Superatus acie, Antonius: vidd. interpp. ad Horat. Epod. 9, 19.

549. Subjecta nulli, quae sunt in nostra potestate, *et quae*. Epist. 42: In quoque homine id laudandum est, quod ipsius est. — Lauda in ipso, quod nec eripi potest, nec dari; quod proprium est hominis. Quaeris, quid sit? Animus et ratio in animo perfecta.

551. De Tranquill. an. c. 11: in quem (Sejanum), quicquid congeri poterat, dii hominesque contulerant.

571. Bad.: Jungatque nostris igne Poppaeam toris. Bene, quod posuit Jungatque, edd. vett. secutus, et nostram. Sed ineptum, istud igne male defendit. Legendum ipse, sponte sua, quasi ita fieri consentaneum sit. Quae vox digna Neronis vanitate et magniloquentia.

581. Bad. quoque: — preces? Expressere, vi auferre. Ferre, impetrare, consequi. Plaut. Merc. 2, 3, 106: quod posces, feres etc.

584. si licet, multos notat. Si licet, si quando fidem invenit. (Imo: si potestas ei datur, si nemo prohibet. Sed quisnam cohibeat famam? Plures codd. vetusti: sit licet. Tu scribe:

SEN. *Levis atque vana scilicet.* NE. *Multos notat*

Terent. Andr. 1, 2, 14. Id populus curat scilicet. Cic. De fin. 5, 1. extr.: Me quidem — species quaedam commovit, inanis scilicet; sed commovit tamen. —)

611. titulos, qui statuis subscribebantur, ut monet

Heins. Tibull. 4, 1, 30: quid quaque index sub imagine dicat. mortis metu, mortem iis minatus, qui haberent vel servarent, ut explicat Farnab. Flor. 2, 2, 17: imperator metu mortis fecit audaciam.

616. Bad.: imputat fatum mihi Tumulumque. nati poscit auctorem necis.

(*Ταυτολογικὸν* hoc atque inelegans. Sic potius scribamus: imputat fatum (suum) mihi;

Tumulumque nati poscit auctorem necis (Neronem). Tumulumque nati, natum mortuum, Britannicum.)

639. Meus, mihi non infitiandus: vide duo Burmannos alterum ad Phaedr. fab. 5, 7, 32, alterum ad Propert. 2, 8, 8.

688. infelix, pernicialis: vide Serv. ad Virg. Aen. 7, 309, Ernest. ad Cic. Philipp. 2, 26.

(Imo: misera. Ascens.: ipsa manus [et generatim populus Rom., cujus illa pars,] infelix, quod talia illi facere expediat [quodque adeo desciverit a virtute majorum, de qua in praegressis].)

696. culpa Seneca, quod Neronis amorem improbando v. 437. seqq. in majus accenderat.

(Nive frigidior explicatio. Perstamus in nostra correctione.)

732. trepidus, Nero. Visum fingit ex eventu: vid. Sueton. Ner. 49.

740. infestus, qui non patitur mentem requiescere. Cf. Cic. de Div. 2, §. 128, etc.

741, sacer, divinus. Stoicis enim somnia divina: vid. Cic. l. l. 2, §. 124, 126.

760. Frustra Bad. secundum Gron.: Tu vota. Et — et — sibi respondent, sicut passim, id quod ne ipse quidem intellexeram, cum Lipsiae ederem Annaeum.

761. Pessime vir doctus: Lege cum scriptis: maneat ut praesens metus, i. e. ut intra praesentem metum somnii consistat eventus, ut adeo somnium irritum esse jubeant. Imo rectum est manet, quamvis insolenter dictum pro fluat, abscedat.

785. attonitus furor dictum ut tumulto attonito Herc. fur. 1219, ubi vid. Gron.

786. Octaviae furor est insigne quoddam et ad fu-

486 NOTATU DIGNIORA IN ED. T. BADENII. OCTAV.

rorem prope accedens vulgi studium in Octaviam. Sil. 2, 324:

Vidi animos mortesque virtum, *decorisque furorem*,
ubi vid. Den. Heins. (Non placet ea ratio propter ambiguum.)

792. Dānus quoque: favor.

794. claro marmore. Cf. Hipp. 798.

800. recipit, praestat. (Quid hoc ad rem? Legendum sine dubio: quae tumor recipit merus, quae mera ira concipere potest, quorum capax est furor merus, qualis hic est. Vellejus 2, 97: tot tantarumque virtutem, quot et quantas natura mortalis recipit. Errorem recipere similiter dixit Quinctil. 1, 5, 47. — Verbum tumor in iis est, quae amat hic Noster: vide vel lexica.)

824. tales, tam ignavos. Cf. de hac minuendi potestate vocis Cort. ad Cic. Epist. fam. 1, 7, 8.

843. nutū, nutui, quemadmodum metu pro metui Virg. usurpavit Aen. 1, 257.


856. Troad. 545: Injustus dolor Rerum aestimator.

868. Cic. pro Cluent. §. 184: Mulier abundata audacia etc.

888. fasces, magistratus dignitas. Vidd. interpp. ad Ovid. Fast. 5, 51.

920. Caedem suam intelligit.

931. Bad.: Quid? saevior est F. t.? Vid. Burm. ad Petron. 26.







**This book should be returned to
the Library on or before the last date
stamped below.**

**A fine of five cents a day is incurred
by retaining it beyond the specified
time.**

Please return promptly.

513. per putres vultus. Corp. Severus de Morte Ciceronis:

*Oraque magnanimū spirantia paene virorū
In rostris jacuere suis.*

Gf. v. 16, Martial. 3, 66, 2 sequ.

517. Bad.: — cedentes suis.

*Concussus orbis viribus magnis ducum.
Superatus etc.*

cedentes suis, cives a civibus victos. Cedere pro vinci frequens est: vid. Duker. ad Flor. 1, 14, 2; 2, 6, 61. Gf. Cic. de Off. 2. §. 40, Martial. 9, 66, 4. Sui opponuntur extraneis. Rutil. Itinerar. 1, 15:

Nec putat externos, quos decet esse suos.

concussus orbis, bello Actiaco. Superatus acie, Antonius: vidd. interpp. ad Horat. Epod. 9, 19.

549. Subjecta nulli, quae sunt in nostra potestate, *ἐφ' ἑμὴν*. Epist. 42: In quoque homine id laudandum est, quod ipsius est. — Lauda in ipso, quod nec eripi potest, nec dari; quod proprium est hominis. Quaeris, quid sit? Animus et ratio in animo perfecta.

551. De Tranquill. an. c. 11: in quem (Sejanum), quicquid congeri poterat, dii hominesque contulerant.

571. Bad.: Jungatque nostris igne Poppaeam toris. Bene, quod posuit Jungatque, edd. vet. secutus, et nostram. Sed ineptum, istud igne male defendit. Legendum ipse, sponte sua, quasi ita fieri consentaneum sit. Quae vox digna Neronis vanitate et magniloquentia.

581. Bad. quoque: — preces? Expressere, vi auferre. Ferre, impetrare, consequi. Plant. Merc. 2, 3, 106: quod posces, feres etc.

584. si licet, multos notat. Si licet, si quando fidem invenit. (Imo: si potestas ei datur, si nemo prohibet. Sed quisnam cohibeat famam? Plures codd. vetusti: sit licet. Tu scribe:

SEN. *Levis atque vana scilicet*, NE. *Multos notat*

Terent. Andr. 1, 2, 14. Id populus curat scilicet. Cic. De fin. 5, 1. extr.: Me quidem — species quaedam commovit, inanis scilicet; sed commovit tamen. —)

611. titulos, qui statuis subscribebantur, ut monet